

ዔርሚያስ ዓይያ ካር

ጾሱ ማሊያ ከኤዛ፣ ዔርሚያስ ናንጌሢ፡- ከሪሰቶሴ ሾይንቱዋንቱ ለንካሳ ጃኤቶ ሌዎኮ ጋፒንጾ ዋደና ለሃሳ ጃኤቶ ሌዎኮ ዓይያይዳኬ፤ ዔርሚያስ ዬያ ለደሲ ማዴ ዋደይዳ ሜሌ ጾኦዛ ካአሽኪያና ጎሞ ማዲያና ዛሎ ጾሱ ዳርይዳ ዴኤፒ ባይሲንታ ሙካንዳሢ ላቲ ላቲ ከኤዛኔ፤ ዒ ከኤዜ ጾሱ ማሊያይዳፓ ዒ ሸምፔና ዓአዎ ባብሎኔ ካአቲ፣ ናብካዳናጾኦሬ ዬሩሳላሜ ዓርቁ ካታሞንታ ጌኤዠ ማአሮንታ ሻሂሢና ዪሁዳ ካአቲ ፔኤኮ ዳሮፓ ዲቢ ዳሬና ዋላ ዲዒንቲ ባብሎኔ ዔውቴሢያ ዛጌኔ። ዔርሚያስ ዬዳ ዋደና ዳራ ዬያ ዳውሲንቲ ዳንዳ ቤዛፓ ማዓንዳሢና ዒሰራዔኤሌ ዓጮ ካአታ ጊንሣ ካአታዳንዳሢ ቤርታዲ ከኤዜኔ። ዔርሚያስ ከኤዜ ጾሱ ማሊያ ለደደ ቤሲ ፓቁንታኒ ዳንዳዒ።

1. ዒዮሲያሴ፣ ዒዮዓቁሜ፣ ዮዓከኔንታ ሴዳቁያሴንታ ካአታዲ ዋይሢ ዋደይዳ ዪሁዳ ዳሮና ዔያቶኮ ሱኡጎናሞ ጾሱ ከኤዜ ቃአላ።

2. ዲማ ዲማ ከኤዚንቲ ጾሱ ማሊሢና ዔርሚያስ ናንጌ ዋደይዳ ማዴ ዴኤፒ ዴኤፒ ባአዚንታ ዔርሚያሴም ዔቦ ፃአፒ ዓርቃ ባአሮኬ ፃአፒ ጌሢ ባኮፓ ጴዴ ባአዚ።

3. ዲማ ዲማ ፃንጎ ማዔ ዳሮም ጾሱ ከኤዜ ሎንሦ ቃአላ።

4. ዬሩሳላሜ ዓርቁንቲሢና ዳራአ ዲዒንቲ ባብሎኔ ዔውቴሢ ዛሎ ከኤዛ ሃይሴ።

ዔርሚያስ ዳሮ ዒናፓ ኮሺ ናሽካያ፤ ጊንሣ ሃሣ ዔያቶይዳ ዳቢንቲያ ማዒያ ዋጋኒያ ሚርጌና ዒፃ ዓሲኬ። ጾሱ ፔ ማሊያ ከኤዛያ ማሂ ዒዛ ዔኤሌሢሮ ዔርሚያስ ማሊ ሜታዲያና ፔጋሲ ከኤዜ ለደሢ ሃይሴ ሃና ማፃአፔሎይዳ ሚርጌ ቤሰካ ከኤዚንቲኔ፤ ዬያጉዲ ሃሣ ጾሱ ቃአሎ ዒዚ ፔ ዒና ዓአቺ ዓርቁ ቃዛኒ ዲንዳዒባአሢያ ፔጋሲ ከኤዜኔ።

ሃና ማፃአፔሎይዳ ጾሱ ማሊሢ ማዒ ከኤዚንቲ ዴኤፖ ዴኤፖ ሃይሶፓ ዛላ ሚርጌ ሜቶና ኩሜ ዔርሚያስ ዋደ ጊዳና ሶፒ ዳንዲ ጾሱ ፔ ዳሮም ጫአቁ ዓኮ ጫአቁማ ማይይዳ ፔኤቃንዳሢያ ዔርዛያኬ፤ ዬና ዓኮ ጫአቁማ ዳሮኮ ዒዮይዳ ፃአፒንታንዳሢሮ ዔያቶም ጳቁሢ ከኤዚ ዔርዛ ዓሲባአንቲ ፔኤሮ ዔያታ ዬያ ካፓንዳኔ። (ዔር. 31:31-34)

ማፃአፔላ ዲማ ዲማ ዓርቄ ባኮ

ፆኦሲ ዔርሚያሴ ዶኦሬሢ (1:1-19)

ፆኦሲ ዪሁዳና ዔሰራዔሌ ዳሮናይዳ ሜቶ ዔኪ ዪዓንዲያ ማዒያ (2:1—25:38)

ፆኦሲ ማሊያ ኬኤዛኔ ጌይ ሉኡቃ ዓሶ ዔርሚያሴ ማኪ ጌሰቴ ጌኤዞ (26—29)

ፆኦሲ ፔኤኮ ዳሮ ዔያቶ ዓጮ ባንሢ ማሃንዲሢ ዛሎ (30—33)

ዔርሚያሴ ማዳ ዲማ ዲማ ማዶ (34—38)

ዪሩሳላሜ ካታሞኮ ሎኦሚያና ዪሁዳይዳኣ ማዲንቴ ባኮ (39—42)

ዔርሚያሴ ገብፄ ዓጮይዳ (43—44)

ባኣሮኬሞ ዳከንቴ ከኢታ (45)

ፆኦሲ ማሊያ ኬኤዛ ዔርሚያሴ ዲማ ዲማ ዳሮሞ ኬኤዜ ፆኦሲ ማሊያ (46—51)

ዪሩሳላሜኮ ሎኦሚያ ዛሎ ቃሲ ኬኤዚንቴ ሃይሴ (52)

1 ቢኢኒያሜ ፃጳ ዳሮ ዓጮይዳ ዓኣ ዓናቶቴ ጌይንታ ጉርዳሰኬኖይዳናናገ ቄኤሶፓ ፔቴ ሂልቄያ ጎሮሢኮናኣዚ ዔርሚያሴ ሃካፓ ለካ ኬኤዚንታ ባኮ ኬኤዜኔ፤

2 ናንገና ናንገ ጎዳኮ ዪይ ቃኣላ ዔርሚያሴሞ ኬኤዚንቴሢ ሃሞኦኔ ናኣዚ ዒዮሲያሴ ዪሁዳይዳ ካኣታዳንቴ ታጳ ሃይሢሳ ሌዖናኬ።

3 ዪያጉዲ ዒዮሲያሴ ናኣዚ ዒዮዓቄሜ ካኣታዲ ወይሢ ወዶና፤ ገንሢ ሃሢ ዒዮሲያሴ ናኣዚ ሴዳቄያሴ ካኣታዲ ታጳ ፔቴ ሌዔ ወይሢ ወዶ ሂላንዳኣና፤ ዪኖ ሌዖኮዋ ዶንገሳ ዓገናና ዪሩሳላሜ ዳራ ዲዒንቴ ዔውቴ ወዶ ሂላንዳኣና ዪይ ፆኦሲ ቃኣላ ዔርሚያሴ ዛሎና ኬኤዚንቴ ኬኤዚንቴ ዳዔኔ።

ዔርሚያሴኮ ፆኦሲ ማዶሞ ዔኤሊንቴያ

4 ናንገና ናንገ ጎዳኮ ቃኣላ ሂዚ ጋዓያና ታኣሞ ኬኤዚንቴ፦

5 «ዔርሚያሴ!

ኔና ሃገ ዒንዶ ጎጳ ታኣኒ ማዠዋዎ

ቤርታ ታ ኔና ዔሬሬ፤

ኔ ሸይታንዳሢኮ ቤርታ ታ ኔና ዲማሲ

ዳሮሞ ታ ማሊሢ ኔ ኬኤዛንዳጉዲ ታ ኔና ዶኦሬኔ» ጌዔኔ።

1:2 2ካኣቶ. ማ 22:3—23:27፤ 2ዖኦሲ. ዓሃኬ 34:8—35:19። 1:3 2ካኣቶ. ማ 23:36—24:7፤ 24:18—25:21፤ 2ዖኦሲ. ዓሃኬ 36:5-8፤ 11:21።

6 ታኣኒ ዒማና፡- «ናንገና ናንገ ጎዳ ማዔ ቢያ ባኮ ማዜሢያ! ታኣኒ ሃገ ናይታሢሮ ዋዚም ጌሰቶቲያ ታኣኒ ዔሩዋሴ» ጌዔኔ።

7 ናንገና ናንገ ጎዳ ጋዓንቲ ታኣም፡- « ታኣኒ ሃገ ናይኬ» ጌይፖ፤ ኔ ዴንዳንዳሢ ታ ኔና ዳካ ቤሲኬ፤ ኔ ኬኤዛንዳሢ ታ ኔና ዓይሣ ባኮ ቢያኬ፤

8 ታኣኒ ኔኤና ዋላ ማዒ ኔገዳ ሙካ ባኣዚፓ ቢያ ዓውሳንዳሢ ዒያቶ ፔቲታዎ ዒጊጨፖ፤ ዬያ ጋዓሢ ታና፡ ናንገና ናንገ ጎዳኬ!» ጌዔኔ።

9 ናንገና ናንገና ናንገ ጎዳ ፔ ኩጮና ታኣኮ ሙሱሮ ካኣማዎ፡- «ዓካሪ ኔ ኬኤዛንዳ ቃኣሎ ታ ኔኤም ዒንጌኔ፤

10 ዬያሮ ቱጋኒና ሻሃኒ፡ ባይዛኒና ሴካ ሃንጋ ማሂ ሺርሻኒ፡ ኬልቂ ኮሻኒና ቱካኒያ ኔ ዳንዳዓንዳጉዲ ዴሮ ቢያሢና ካኣቶና ዑፃ ቢታንቶ ታ ኔኤም ዒንጌኔ» ጌዔኔ።

ዔርሚያሴም ያኦሲ ፔጋሲ ዳቄ ላምዎ ባኣዚ

11 ናንገና ናንገ ጎዳ ታና፡- «ዔርሚያሴ! ኔኤም ጴዳ ባካ ዓይጎዳይ?» ጌይ ያኦጮኔ።

ታኣኒ ማሃዎ፡- «ሌውዜ ጌይንታ ሚጻሎ ካኣፒ ታኣም ጴዳኔ» ጌዔኔ።

12 ናንገና ናንገ ጎዳ ዒማና፡- «ፒዜ ኔ ዴንቄኔ፤ ታኣኒያ ዬያጉዲ ታኣኮ ቃኣሎ ማዲ ኩንሣኒ ቢያ ዋዴ ገኢጊ ዓኣያኬ» ጌዔኔ።

13 ላሚ ሃሣ ናንገና ናንገ ጎዳ፡- «ሜሌ ኔ ዴንቃ ባኣዚ ዓይጎዳይ?» ጌይ ታና ያኦጮኔ።

ዬያሮ ታኣኒ፡- «ዓጮኮ ኬዴኖ ዛሎይዳ ፔቲ ያቲዳ ዋኣሢ ቡርቃያ ታ ዴንቃኔ፤ ዬና ቡርቄ ዋኣፃ ሃንጋ ሾኦታንዳጉዲ ያታ ዛላዲ ዓኣኔ» ጌይ ማሃኔ።

14 ናንገና ናንገ ጎዳ ታኣም ኬኤዛዎ፡- «ዓጮኮ ኬዴኖ ዛሎይዳፓ ባይሲንታ ቡርቄ ኬሰኪ ሃኖ ዓጮ ናንገ ዓሶይዳ ቢያ ዲጲጉዲ ሙካንዳኔ፤

15 ዬኖ ኬዶ ዛሎይዳ ናንገ ዴሮ ሃይካ ዬዓንዳጉዲ ታ ዔኤላንዳኔ፤ ዬሩሳላሚንታ ኮይሎይዳ ዓኣ ዪሁዳ ካታም ያሊ ዔያታ ፔ ዴማ ማሂ ዓርቃንዳኔ፤ ዬካፓ ዬሩሳላሚ ጌሎ ካሮይዳ ፔኤኮ ካኣቲም ያይቶ ዔያታ ጌሣንዳኔ።

16 ታ ዴራ ጎሜ ማዲሢሮ ታ ዔያቶይዳ ሜቶ ዓጋንዳኔ፤ ዔያታ ታና ሃሺ ሜሌ ያኦዘም ዑንጅ ጨቢሻኔ፤ ዬያቶ ያኦዘኮ ማሎ ማዓ ባኣዚ ማዢ ዬያቶም ዚጋኔ።

17 ዬያሮ ዔርሚያሴ! ታ ኔና ዓይሣ ባኮ ቢያ ዔያቶም ኬኤዛኒ ዔያቶ ኮይላ ዴንዲሮ ገኢኔ፤ ታ ኔና ታኣኒ ማዳንዳ ባኮ ዛሎ

ማሊ ማታዳንዳጉዲ ማሂባአንቴ ዔያቶይዳ ማዲንታንዳ ባኮሮ ማሊ ማታዳፖ።

18-19 ዔርሚያሴ! ሂንዳ ታ ጋዓሢ ኮሺ ዋይዘ! ሃኖ ዓጮይዳ ናንጋ ዓሳ ቢያ፤ ጌይፃ፡- ዪሁዳ ካአታ፡ ቢታንታ ዓአ ዓሳ፡ ቁኤሶንታ ዴሮንታ ዓቱዋፃ ኔጊዳ ሞርኬ ማዒ ዔቃንዳኔ፤ ያዲ ማዔቴያ ዔያቶ ፆሊ ቃዛንዳ ዋልቄና ዶዶሞና ታ ኔኤሞ ዒንጋንዳኔ፤ ዙሎ ኬልቂ ዲርቆና ካታማጉዲ፡ ዓንጊ ቱርቱሪጉዲ፡ ሞኦና ዓንጊና ኮሸና ኬኤሌ ዲሢጉዲያአ ታ ኔና ዶዲ ማሃንዳኔ፤ ታ ኔኤና ዋላ ማዒ ኔና ሄላ ባአዚ ቢያፓ ጎኡቢ ካፓንዳሢሮ ዔያታ ፔቴታፃ ኔና ባሻዓኬ፤ ዬያ ጋዓሢ ታና፡ ናንጊና ናንጋ ጎዳኬ» ጌዔኔ።

2

ዒሰራዔኤሌ ዴራ ፔ ፆኦሲ ሃሺሢ

- 1 ናንጊና ናንጋ ጎዳኮ ቃአላ ሂዚ ጋዓያና ታአሞ ኬኤዚንቴኔ፡-
- 2 «ዴንዲፓፓ ዒሰራዔኤሌ ዴሮሞ ዑኡዞ ዴጊዲ ሂዚ ጌይ ኬኤዘ፤ ሂያሶ ቤርታ ዓሲ ናንጉዋ ዳውሎ ቦኡሎ፡ ዔኤቢ ባቃሉዋአሢዳ ታ ዓሲ ማዒ ዒንሢ ሃንቴኔ፤ ዬኖ ዋዶና ፔቴ ዑኡታ ፔኤኮ ዑኡቴሎ ናሽካ ናሹሞና ጉሙርቂንታ ጉሙርቂንቴፆጉዴያና ኔ ታአና ዋላ ናንጌሢ ታ ጸቂሣኔ።
- 3 ዒሰራዔኤሌ! ኔኤኒ ሌፃ ሃአኮኮ ቤርቶጉዲ ታአሞ ዲማዲ ዓአያኬ፤
 ታአሞ ዲማዴያ ታ ዴኔ ኔ ማዒ ዓአያኬ፤
 ዬያሮ ኔና ቆኦዲኒ ኮዓ ዓሶ ቢያሢዳ
 ማቶና ፑርታ ዶርፆና ታ ዓጌኔ።»
 ዬያ ጋዓሢ ታና፡ ናንጊና ናንጋ ጎዳሢኬ።»

ዒሰራዔኤሌ ዴሮኮ ቤርታአ ዓዶንሢ ማዴ ጎሞ

- 4 ዒንሢ ያይቆኦቤ ናአቶ ማዔ ዓሳ፤
 ዒሰራዔኤሌ ፆጸ ቢያሢ!
 ናንጊና ናንጋ ጎዳ ኬኤዘ ቃአሎ ዋይዙዋቴ፤
- 5 ናንጊና ናንጋ ጎዳ ሂዚ ጋዓኔ፡-
 «ዒንሢኮ ቤርታአ ዓዶንሢ ታአፓ ሃኪ ዓአዴሢ
 ታጊዳ ዓይጎ ዳቢንቴ ዴንቂዳይ?
 ዔያታ ጉሪ ማዔ ፆኦዞ ካአሽኪ፡ ፔናአ ጉሪ ዓይሴኔ።
- 6 ታአኒ ዔያቶ ጊብፃ ዓጫፓ ኬሴኔ፤
 ዓሲ ናንጉዋ ቦኡሎይዳአ ታ ዔያቶ ዔኪ ዓአዴኔ፤

ዔቴ ሌሊ ማዔ ጎይፆና ሻኔ ደሚ ዓኣ ዓሲ ናንጉዎ
 ደውሎይዳና
 ፆኦኒያ ናንጉዎያ፡ ሃሣ ሃንቱዎያ ማዔ ሳፆና ታ ዔያቶ ዔኪ
 ዓኣዳኔ፤
 ዔያታ ጋዓንቴ «ዔያ ቢያ ማዳ ናንገና ናንጋ ጎዳ ዎካ ዓኣይ?»
 ጌይታፆ ፆኦጨባኣሴ።

7 ካዲሳ ሃኣኮና ማሌ ኮዡ ባኮዎ ቢያ ዳንቁ ዔያታ ዎዛዳንዳጉዲ
 ማሊ ማዔ ሳዔሎ ታ ዔያቶ ዔኪ ጌልዜኔ፤

ዔያታ ጋዓንቴ ታኣኮ ሳፆ ፑርቲሴኔ፤
 ታ ዔያቶም ዒንጌ ዓጮዎ ዔያታ ዒኢሴኔ።»

8 ቁኤሳ ዒማና፡- «ናንገና ናንጋ ጎዳ ዎካ ዓኣሲንታይ?» ጌይ
 ፆኦጨባኣሴ፤
 ዎሳ ዔራ ዔሮ ዓሳታፆ ታና ዔሪባኣሴ፤
 ታ ዳሮ ሄንቃ ዓሳ ታኣም ዎይዚ ዒጻኔ፤
 ፆኦሲ ማሊፆ ኮኤዛ ዓሳኣ ባዓኣሌ ሱንፆና ኮኤዚ ዓርቁኔ፤
 ጉሪ ማዔ ፆኦዘዎ ካኣሽኮኔ።

ፆኦሲ ፔ ዳሮ ጌኤዘና ጫርጌ ጫጮ

9 «ዔያሮ ታኣኒ፡ ናንገና ናንጋ ጎዳሢ
 ሃጊ ዒንሢም ጫቺ ሃይሴ ጌሰታንዳኔ፤
 ዒንሢ ናኣቶማኣ ታ ጫርጋንዳኔ፤

10 ሃያጉዳ ባኣዚ ሃያኮ ቤርታ ፔቴታፆ ማዲንቴ ቤቁባኣሢ ዒንሢ
 ዔራንዳጉዲ
 ሂንዳ ዓቦኮ ጌሎ ባንፆና ዎኣፆ ሳዛ ዓኣ ቆጵሮሴ ዓጮ
 ዳንዲዎቴ፤
 ዓባ ኬሰካ ባንፆናኣ ቁዳሬ ዓጮ ኪኢታ ዓሲ ዳኪ ሙሩዎቴ።

11 ዔያቶኮ ፆኦዛ ጎኔ ፆኦሲ ማዒባኣያታቴያ
 ፔኤኮ ፆኦዘ ሃሺ ማሌና ላኣማ ዳሬ ባኣሴ፤
 ታኣኮ ዳራ ጋዓንቴ ታና፡ ዔያቶ ቦንቺሴ፡ ናንገና ናንጋ ጎዳሢ
 ፔቴታፆ ዔያቶ ማኣዲንዲዎ ጉሪ ማዔ ፆኦዘና ላኣማኔ።»

12 ናንገና ናንጋ ጎዳ ሂዚ ጋዓኔ፡-
 «ጫሪንቺዮ! ዔያሮ ዲቃቴዎቴ፤
 ማርጌ ዒጊቺዎናኣ ጎጋይቁዎቴ።

13 ታኣኮ ዳራ ለምፆ ጎማ ማዳኔ፤
 ዔይ ዓይጎዳይ ጌዔቴ፡- ዓልቃ ዎኣሢ ማዔሢ ታና ዔያታ ሃሸኔ፤
 ዎኣሢ ዓርቁ ቃዛኒ ዳንዳዑዎ ሄሮ ዔቴ ዔያታ ቦኦኮኔ።»

ጉሙርቁሢ ባይሱሞኮ ዓኣፒ

14 «ዒሰራዔኤሌ ሻንቁንቴ ዔውቴ ዓይሌቴዎሴ፤

- ማአራ ሸሸይንቲ ዓይሌያአቱዋሴ፤
 ሂዳዎ፡- ዒዘኮ ሞርካ ዒዘ ሰዎጉዲ ኬማሂ ዓይጎርዳይ?
- 15 ዒዘኮ ሞርካ ዒዘይዳ ሃጊ ዔቃ ዘቢጉዲ ጉዳይ፤
 ዓጮ ዒዘኮ ዓሲ ናንጉዋ ደውሌ ማሂ ለአሜኔ፤
 ዒዘኮ ካታማአ ሚቹንቲ ዓሲባአ ባዔ ቤሲ ማዔኔ።
- 16 ማምፒሴ ካታሞ ዓሶንታ ፃፕናሴ ካታሞ ዓሶንታ
 ቶኦኮኮ ሶፖ ኔኤኮ ማኤዳንዳኔ።
- 17 ዒሰራዔኤሌ! ዩይ ቢያ ኔጊዳ ሂሌሂ ኔ ማዳ ባአዚናኬ፤
 ፒዜ ጎይፃ ዔኪ ዴንዳ ታና፡ ናንጊና ናንጋ ጎዳ ማዔ ኔ ፆኦዛሂ
 ኔ ሃሺሂርኬ።
- 18 ጊብፃ ዓጮ ኔኤኔ ዴንዲ ዓባዩ ዋራፓ
 ዋኦፃ ዑሸካኒ ኮዔሂ ዓይጎ ኔና ማኦዳንዳ ባአዚ ዴንቃኒዳይ?
 ዓሶኦሬ ዓጮዋ ዴንዲ ዔፕራዒሴ ዋራፓ
 ዋኦፃ ዑሸካኒ ኔ ኮዔሂ ዓይጎ ኔ ዴንቃንዳጉዲ ጋዓዛዳይ?
- 19 ሃይሸ ዓካሪ ኔ ፑርቱማ ኔጊዳ ማቶ ዔኪ ዩዓንዳኔ፤
 ኔኤኔ <ዔራዋሴ> ጌዔ ጌይፃ ኔጊዳ ዋጋንዳኔ፤
 ታና፡ ናንጊና ናንጋ ጎዳ ማዔ ኔ ፆኦዛሂ ኔኤኮ ሃሺፃ
 ታና ኔ ቦንቻ ቦንቻ ኔኤኮ ሃሺፃ
 ኔጊዳ ዋማዲ ዴኤሂ፡ ሃሃ ፑርታ ዳቢንቲ ማዔቲያ ኔ
 ዔራንዳኔ፤
 ዩያ ጌዔሂ ታና፡ ቢያ ባኮ ማጐፍ ጎዳ ማዔ ፆኦዛሂኬ።»
- ዒሰራዔኤሌ ዓሳ ፆኦሲ ካአሽኪፃ ዓፄሂ
- 20 «ዒሰራዔኤሌ! ሚርጌ ዋዴኮ ቤርታኦፓ ዓርቃፃ
 ታኦም ዓይሂንቲፃና ታኦም ማዲፃ ኔ ሃሺኔ፤
 ጎኔና ኔኤኔ ዴኮና ዴኤፖ ዴኤፖ ሚፆናኮ ሸባ
 ማሌ ፆኦዘ ካአሽኪሂና ዘኦሰካ ኔ ኮኦማያ ማዔኔ።
- 21 ታኦኒ ኔና ቃውቲ ዔኮና ዜርሂፓ ዔኪ ቃራ ዋይኔ ሚሂ ማሂ
 ቱኬኔ፤
 ኔኤኔ ጋዓንቲ ያዲ ማዒፃ ሃሺ ሶልኪ ዓኦፒ ዓኦፓያ ማዔኔ።
- 22 ዋዚ ኔኤኔ ዓንጨጨናኦ ማፃም ሳኦውናና ማሰቲቲያ
 ኔኤኮ ፑርቲፃ ፔጋ ታኦም ኪንቁ ጶዳኔ።
- 23 ሂዳዎ ኔኤኔ፡- ታኦኒ ታና ፔቲታፃ ዒኢሲባአሴ፤
 ባዓኦሌ ጌይንታ ፆኦዘማኦ ታ ዘጊ ካአሽኪባአሴ» ዋዲ ኔ ጌይ
 ማርማኒ ዳንዳዓይ?
- ደኦጮይዳ ጎሞ ማዲፆና ኔኤኔ ዒኦቲ ዒኦቲፃ ሂንዳ ማሌ፤
 ዓኪንታኒ ኮዓ ኪርሞሌጉዲ
 ሴካ ሃንጋ ኔ ጳሽኪ ሺራኔ።

24 ዳውሌይዳ ናንጊ ዔሬ ኪርሞሌኮ
ዓኪንታኒ ኮዒፃ ዔቁቴ ዓይጌ ቃዛኒ ዳንዳዓይ?

ዓዶ ኪርሞላ ዓኣ ቤዞ
ፔኤሮ ዳሂ ዳንዲ ዒዛ ሄላሢሮ
ዔያታ ዒዞ፣ ዬኖ ኮይ ላባንዳያ ኮይሱሞሴ።

25 ዒሰራዔኤሌ! ሜሌ ፆኦዞና ሞላ ዞኦዞ ኔ ኮኦሚኒ
ቢያ ቤዞ ሃንቲ ሃንቲ ዲርዞ ኔኤኮ ሙኡዚ ኩርሲፖ፤
ሆላኣ ኔኤኮ ሞኣፆ ዳኤቦና ፃኣዲ ሜሎፓ፤

ኔኤኒ ጋዓንቴ፡- ታኣኒ ፃንጎ ማዔ ፆኦዞ ናሽኬሢሢሮ
ዔያቶ ጊንፆ ታ ዳንዳንዳኔ! » ጌዔኔ።

26 «ዉሲ ዓርቁንታፆ ቦርሲንታሢፖዲ፣ ዒንሢ ዒሰራዔኤሌ
ዴሮንታ ካኦቶንታ ዴሮኮ ሱኡጎንታ፤ ሃሣ ቄኤሶንታ ታ ማሊፆ ኬኤዞ
ዓሰንታ ቢያ ቦርሲንታንዳ ሞዴ ዬዓንዳኔ።

27 ዓርሲ ኮሸና ሚፆ ኮይላ፡- ሉኡኮ ዓዴ!፤ ጊንሣ ሃሣ ላሎ ሹጮ
ኮይላ፡- ሉና ሸዔ ዒንዴሌ! » ጋዓ ዓሳ ቢያ ዒንሢ ቦርሲንታንዳኔ።
ዬይ ፆዲ ማዓንዳሢ፡- ታ ባንሢ ማፆ ዒንሢ ዒፃ ታኣፓ ሃኬሢሮኬ፤
ሃጋ ማታ ሄላዞ ጋዓንቴ ታ ዒንሢ ሙኪ ማኣዳንዳጉዲ ታና ዒንሢ
ፆኦጫንዳኔ።

28 «ዒንሢ ኩቻ ዒንሢ ማዜ ፆኦዞ ሞካዳይ? ዔያታ ሂንዳ
ዳንዳዓያታቴ ሜታ ዒንሢ ሄላኦና ሙኪ ዒንሢ ዓውሶንጎ፤ ዪሁዳ!
ኔኤኮ ካታማ ሚርጌሢፖዴያ ካኣሽኮ ፆኦዞኣ ዒማዲ ሚርጌኔ።»

29 ናንጊና ናንጋ ጎዳ ሂዚ ጋዓኔ፡- «ቢያሢ ዒንሢ ታኣሞ ሞይዚ
ዒፃኔ፤ ሂዳፆ ታኣና ዒንሢ ማርማሢ ሞይቲዳፆ?

30 ዒንሢ ዔሪ ዒና ዔኩሞ ዓሲታሢሮ ታ ዒንሢዳ ሜቶ ዓጋሢ ጉሪ
ባኣዚ ማዔኔ፤ ዒንሢ ዳጋዴ ዞቢ ማዒ ዒንሢሞ ታ ማሊፆ ኬኤዞ
ዓሰ ጩንቾ ዓራፖና ሞዴኔ።

31 ዒንሢ ሃኖ ሞዶና ዓኣ ዒሰራዔኤሌ ዴራ! ታኣኒ ናንጊና
ናንጋ ጎዳሢ ዒንሢሞ ጋዓ ባኮ ሞይዙሞቴ፤ ታኣኒ ዒንሢሞ ዓሲ
ናንጉሞ ዳውሌ፤ ጊንሣ ሃሣ ሻኔ ዲሚና ባይቁ ዓጪ ማዒያ? ሂዳፆ፡-
ሉኡኒ ኮዔ ባኣዚ ማዳንዳኔ፤ ኔ ባንሢ ኑ ማዓዓኬ ዒንሢ ጋዓሢ
ዓይጎሮዳይ?

32 ሂንዳ ማሉሞቴ፡- ዉዲሮ ናይ ፔኤኮ ፓላማሢ፤ ዑኡታኣ ፔኤኮ
ዑኡቱሞ ማኣዓሢ ሞላኖ? ታኣኮ ዴራ ጋዓንቴ ፓይዲንታኒ ዳንዳዐሞ
ዲቢ ሞዴይዳ ታና ሞሌኔ።

33 ኔኤኒ ዔናኣሬ ኔና ናሽኪ ኮዓ ላጎ ጊንፆ ጳሽካኒ ሞዚ ጪንጫይ?
ሜሌ ላኣላ ኔ ማዳ ጎይፆ ማዳንዳጉዲ ኔኤኒ ዬያ ፑርቶ ማዶ
ዔያቶሞ ዳሞኔ።

34-35 ኔኤኮ ማአዓሢ ጌኤኩ ዓሶና ማንቆ ዓሶናኩ ሱጉያና ፑርቴኔ።
«ጋዓንቴ ኔ ዬያ ባኮ ቢያ ማዳዎ፡- ታኣኒ ጌኤሺኬ፤ ናንገና ናንጋ ጎዳ ጎኔና ታጊዳ ዳጋዳዓኬ!» ጋዓኔ፤ ጋዓንቴ፡- ታኣኒ ጎሜ ማዲባኣሴ» ጌይያና ታኣኒ፡ ናንገና ናንጋ ጎዳ ኔና ሜቶይዳ ዓጋንዳኔ።

36 ማዒባኣ ባኣዚና ኔኤኒ ዴንዳ ጎይያ ሃሺ ዓይጋ ኔ ሜሌ ካራ ዴንዳይ? ሃያኮ ቤርታ ዓሶኦሬ ዓሳ ኔና ቦርሲሴሢሂጉዲ፡ ሃሣ ጊንሣ ጊብፄ ዓሳኣ ኔና ቦርሲሳንዳኔ።

37 ኩጮ ኔኤኮ ኔኤኒ ቶኣካዋሂ፡ ቦርሲንቴ ዬኖ ቤዛፓ ዓኣዳንዳኔ፤ ታኣኒ፡ ናንገና ናንጋ ጎዳ ኔኤኒ ጉሙርቃ ባኮ ቢያ ዒፄሢሮ ዬያ ባኮይዳፓ ኔ ዴንቃንዳ ባኣዚ ባኣሴ።»

3

ዒሰራዔኤሌ ዓሶኮ ጉሙርቁንታ ዓሲቱዋያ ማዒያ

1 ናንገና ናንጋ ጎዳ ሂዚ ጋዓኔ፡- «ዓሲ ፔኤኮ ማቾ ዓንጄም ዒዛ ዴንዲ ሜሌ ዓሲም ለዔቴ፡ ዬይ ዓንጄ ዓሢ ዒዛ ጊንሣ ዔካኒ ዳንዳዓ? ዬይ ያዲ ማዔቴ ጉቤና ሳዎ ዒዒኢሳያ ማዓኔ። ዒሰራዔኤሌ! ኔኤኒ ሜሌ ያኦዞ ሚርጌሢ ናሽኬኔ፤ ሃሢ ኔኤኒ ታ ባንሢ ማዓኒ ማይ ዳንዳዓ?

2 ሂንዳ ለካ ጰጊ ጌይ ጌሚሮ ዑያ ዛጌ፤ ኔኤኒ ሜሌ ያኦዞም ዘጊ ካኣሽኪባኣ ቤሲ ፔቴታዎ ጰዳንዳኣናንዳ? ዓሲ ናንጉዋ ዳውሎይዳ ዓሲ ቡሪ ቡሪ ባዲባሌ ሃንታ ዓሪቦ ዓሶጉዲ ጎይያ ዓጮ ዴዒ ኔኤኒ ናሽካ ዓሶ ካፒ ካፒ ዬያቶና ላሂ ሳዎዋ ኔኤኒ ዒኢሴኔ።

3 ሌዎ ዒሮንታ ሲሎ ዒሮንታ ዋርቁዋያ ዓቴሢ ኔኤኒ ሴኤሎዋ ባይዚ ዘኦዞ ኮኣማ ላኣሌሎጉዲ ማዔሢሮኬ።

4 «ሃሢ ኔኤኒ ታና፡- ታ ዓዴ፡ ታኣኮ ናኣቱዋ ዎዶ ላጋሃ» ጌይ ዔኤሌባኣዳዳ?

5 ጊንሣ ሃሣ ኔኤኒ፡- «ዒዚ ቢያ ዎዴ ዳዳጋዳ? ዴኤፖ ዳጋ ዒዛኮ ጋፑዋያዳ?» ጌዔኔ፤ ጋዓንቴ ኔኤኒ ኔ ዒና ኮዔ ጎይያጉዴያ ፑርቶ ባኮ ማዳኔ።»

ዒሰራዔኤሌንታ ዪሁዳ ዴሮንታ ጎሞ ቡኡፃንዳጉዲ ኬኤዚንቴሢ

6 ዒዮሲያሴ ካኣታዲ ዓኣንቴ ናንገና ናንጋ ጎዳ ታኣም ሂዚ ጌይ ኬኤዜኔ፡- «ጉሙርቁንቱዋያ ማዔ፡ ዒሰራዔኤሌ ማዴ ባኮ ኔ ዛጊያ? ዒዛ ታጊዳፓ ዴማዲ ዲኮ ዲኮ ቶኦኮና ሚዎ ዴኤፖ ሺቦናይዳ ሜሌ ያኦዞ ካኣሽኪ ፔና ዒኢሴኔ።

3:6 2ካኣቶ. ማ 22:1—23:30፤ 2ዎኦሲ. ዓሃኬ 34:1—35:27።

7 ዬያ ቢያ ዒዛ ማዳሰካፓ ገንሣ ታ ባንሢ ማዓንዳዎ ጌይ ታ ማሌኔ፤ ዒዛ ጋዓንቴ ማዒባኣሴ፤ ጉሙርቁንቱዋያ ማዔ፥ ዒዛኮ ጌራ ዪሁዳኣ ዬያ ቢያ ዛጌ።

8 ዒሰራዔኤሌ ታና ካኣሽኪያ ሃሺ ሜሌ ያኦዞ ገንዖ ዓኣዳኔ፤ ዒዛ ዬያይዳሢሮ ታ ዒዞ ዓንጃሢ ዒዛኮ ጌራ ዪሁዳ ዳንቄኔ፤ ጉሙርቁንቱዋያ ማዔዛ፥ ዒሰራዔኤሌኮ ጌራላ፥ ዪሁዳ ዬያ ዒጊጨባኣሴ፤ ዒዛኣ ሜሌ ያኦዞ ካኣሽኪያ ማዔኔ።

9 ፔቱታዖ ዒዛ ቦርሲንቲባኣሴ፤ ዬያ ሌሊቱዋንቴ ሹቸና ሚሢና ካኣሽኪ ሳዖ ዒዛ ዒኢሴኔ።

10 ዬያ ቢያ ዒዛ ማዳሰካፓ፡- ጉሙርቁንቱዋያ ማዔዛ፥ ዒሰራዔኤሌኮ ጌራላ፥ ዪሁዳ ገንሣ ታ ባንሢ ማዓኒ ኮዓያ ማሊ ጴዳሢ ዒናፓቱዋንቴ ዑሣ ጌሺሢናኩ፤ ዬያ ጌዔሢ ታና፥ ናንጊና ናንጋ ጎዳሢኩ።»

11 ዋዚ ዒሰራዔኤሌ ታጊዳፓ ዲማዴያ ማዔያታቱያ ጉሙርቁንቱዋያ ማዔዛ፥ ዪሁዳይዳፓ ኮሺ ማዓ ካራ ዒዛኮ ዓኣሢ ናንጊና ናንጋ ጎዳ ታኣም ኬኤዜ።

12 ዬያሮ ናንጊና ናንጋ ጎዳ ኬዶ ዛሎ ዓጮ ታ ዴንዲ ዒሰራዔኤሌም ኬኤዛንዳጉዲ ታና ዓይሢሢ ሢዚ ጋዓያኩ፡- «ጉሙርቁንቱዋያ ማዔዜ፥ ዒሰራዔኤሌ! ታ ባንሢ ማዔ፤ ታኣኮ ማኣሪፃ ዲቢታሢሮ ታ ኔጊዳ ዲጋና ዔቃዓኩ፤ ታ ኔጊዳ ዲጋዳሢያ ናንጊና ናንጊ ሄላንዳኣናቱዋሴ።

13 ኔኔኒ ዳቢንቱያ ማዔሢና ናንጊና ናንጋ ጎዳ ማዔ ኔ ያኣዛሢም ኔ ዋይዞ ዒፃማ ሌሊ ጎኔኬ ጌይ ዔኬ፤ ሜሌ ያንጎ ማዔ ያኦዞና ዋላ ዋርቁ ዓኣ ሚዖ ዳኤፖ ሺቦይዳ ዞኣዛ ኮኣማ ላኣሎጉዲ ማዲ ሃንቱ ዒኢቲዖ ማዳንታ ታ ጋዓ ባኮ ዋይዞ ኔ ዒፃሢያ ቡኡፃ፤ ዬያ ጌዔሢ ታና፥ ናንጊና ናንጋ ጎዳኩ።

14 «ዒንሢ ጉሙርቁንቱዋያ ማዔ ታዴራ! ታኣሮ ዒንሢ ማዔሢሮ ታ ባንሢ ማዕዋቱ፤ ዒንሢኮ ፔቱ ፔቱ ካታዋፓ ፔቱ፥ ፔቱ ፔቱ ማኣራፓ ላምዖ ላምዖ ዓሲ ታኣኒ ዶኦሪ ፃዮኔ ዲኮ ዔኪ ኬሳንዳኔ።

15 ታኣም ዓይሢንታያ፥ ዒንሢ ካፓንዳ ዓሲ ታ ዒንሢም ዒንጋንዳኔ፤ ዔያታ ዔራ፤ ሃሣ ጳቂሣ ሱኡጌ ማዒ ዒንሢ ዔኪ ዓኣዳያ ማዓንዳኔ።

16 ዬዖ ዓጩሎይዳ ዒንሢኮ ፓይዳ ሚርጋኣና ታኣኮ ጫኣቁዎ ሳኣፃሮ ዛሎ ኬኤዛንዳ ዓሲ ጴዳዓኩ፤ ዔያታ ጳቂሣንያ ዳንዳዒንዳዋሴ፤ ዔያታ ኮዒንዳዋሴ፤ ኮይሱዋያ ማዒ ዔያቶ ኮይላ ጴዳንዳሢሮ ገንሣ ሜሌ ኮሻኒ ዔያታ ኮዓዓኩ።

17 ዬኖ ዋድና ዬሩሳሌም ፔኤር፡- ሩንገና ሩንገ ጎዳኮ ካአታዲ ዴያ ያይቶ። ጌይንቲ ዔኤሊንታንዳኔ፤ ማሌ ዴራ ቢያ ታና ካአሽካኒ ዒሊካ ቡካንዳኔ። ዬካፓ ዋይዞ ዒፃ ፑርቶ ማሊያኮ ዓልቃ ካር ማዔ። ዔያቶ ዒኖ ገንያ ዔያታ ዓአዳዓኬ።

18 ዒሰራዔኤሌና ዪሁዳና ፔቲ ማዓንዳኔ፤ ላምዓሢ ፔቲይዳ ኬይ ዛላ ዓአ ዓጫ ዲዒንቲ ዔያታ ዴንዴሰካፓ ማዓንዳኔ፤ ዔያቶኮ ቤርታአ ዓድንሢም ሩንገና ዔያቶ ዴኔ ማሂ ታ ዒንጌ ዓጩሎ ዔያታ ማዒ ጌላንዳኔ።»

ያኦሲ ዴራ ማሌ ያኦዞ ካአሽኬ ካአዦ

19 ሩንገና ሩንገ ጎዳ ሂዚ ጋዓኔ፡-

«ዒሰራዔኤሌ! ኔና ታኣኒ ታ ናይ ማሂ ዛገ ዔኪ

ዓጮ ቢያይዳፓ ዑሣ ዓአዴ ማዛጲ፣ ማሊ ዓጪ ታ ኔኤም ዒንገኒ ኮዔኔ፤

«ዓዴ» ጌይኔ ታና ዔኤሊንዳኔ፤ ሃሣ ታጊዳፓኣ ኔ ሃካዓኬ ጌይ ማሊኬ ታ ዬያ ማዴሢ።

20 ኔኤኒ ጋዓንቲ ጉሙርቁንታ ማቾጉዲ ታኣም ጉሙርቁንታያ ማዒባኣሴ፤

ዬያ ታና፣ ሩንገና ሩንገ ጎዳኬ ጌዔሢ።»

21 ዓአዔ ባአዚ ጴዳዋ ጌማር ቶኦካ ዑኡሲ ዋይዚንታኔ፤

ዬይ ዑኡዛ፡- ዒሰራዔኤሌ ዴራ ፔኤኮ ሩንገና ሩንገ ጎዳ ማዔ ያኦዞሢ ዋሊ

ጎማ ማዴሢር ሃሢ ዓይጋ ኑ ዬያይዳይ ጌዒ

ዬኤካ ዬኤፒና ሺኢጲሢ ሺኢቃያናኮ ዑኡሲኬ።

22 ዒንሢ ሃሢ ሩንገና ሩንገ ጎዳ ሃሺ ዓአ ዓሳ ቢያ ማዑዋቲ፤

ዒዚ ዒንሢ ፓሣንዳኔ፤ ጉሙርቁንታ ዓሲያ ዒንሢ ዒ ማሃንዳኔ።

ዒንሢ ሂዚ ጌዔኔ፡- «ሂዮ! ሩንገና ሩንገ ጎዳ ኑኡኮ ያኦዞሢታሢር ዒዛ ባንሢ ኑ ማዓንዳኔ፤

23 ጌማር ቶኦኮይዳ ጎይሢባኣያ ማሌ ያኦዞ ኑ ካአሽካኔ ጌይ ማዲ ሃንቲ ባካ ኑና ማአዴ ባአዚ ባኣሴ፤ ዒሰራዔኤሌም ዳቁንታ ጴዳሢ ሩንገና ሩንገ ጎዳ ማዔ ኑ ያኦዞሢዳፓ ሌሊኬ።

24 ጋዓንቲ ቦርሲሳያ ማዔ ማሌ ያኦዞም ኑኡኮ ዚገ ካአሽኪፃ፡- ባኣቶንታ ዋኣርንታ ቢያ፣ ዓቲንቆና ዉዱር ናኣቶንታ ቢያ፣ ማናፓ ዓርቃያ ኑኡኮ ቤርታአ ዓድንሢ ቆሊ ኑና ዳካልሴ ቆሎ ቢያ ኩርሲ ኩቺ ጉሪ ዴዓንዳጉዲ ዬይ ኑና ማሄኔ።

25 ኑናንታ ኑኡኮ ቤርታኣ ዓድንሢንታ ለሚ ለሚ ሳሜ ማደሢና ናንጊና ናንጋ ጎዳ ማዔ ኑ ሆኑዛሢ ኑኡኒ ሆዱሴኔ፤ ዒዛኮ ዓይሢፆዋ ኑ ማደሢ ኩንሢባኣሴ፤ ዬያሮ ቦርሲንቲና ኑ ሎኦሚ ላሃሞ ሞኑሪንቲሢ ዓፒላፕዱ ኑና ካንቃንዳያ ኮይሳኔ።»

4

ዒሰራዔኤሌ ዓሳ ሆኦሲ ባንሢ ማዓንዳጉዱ ዔኤሎና ዔኤሊሢ

1 ናንጊና ናንጋ ጎዳ ሂዚ ጋዓኔ፡- «ዒሰራዔኤሌ ዴሬዮቴ! ዓካሪ ዒንሢ ታ ባንሢ ማዓያታቴ ማዑዋቴ፤ ታኣኒ ዒፃ፡ ማሌ ሆኑዛ ዒንሢ ባይዚ ታኣሞ ሌሊ ዒንሢ ጉሙርቁንታያ ማዔቴ፤

2 ጎኑሞና ሂሎሞና ሃሃ ፒዜ ዒኔና፡- «ናንጊና ናንጋ ጎዳ ሃይቆ!፤ ጌይ ጫኣቄቴ፡ ማሌ ዴራ ዬያና ታና ጋላታንዳኔ፤ ታኣኒያ ዔያቶ ዓንጃንዳኔ።»

3 ናንጊና ናንጋ ጎዳ ዪሁዳና ዬሩሳላሜ ዴሮናሞ ሂዚ ጋዓኔ፡- «ሻፓዴ ማኣሎ ዒንሢኮ ዋርፃፕ ጊኢጊሹዋቴ፤ ዜርፆ ጉሪ ዓንጊዮ ባኣካ ዜርቁፖቴ!

4 ዒንሢ ዪሁዳና ዬሩሳላሜናይዳ ናንጋ ዓሳ! ዒንሢኮ ዓቲንቶ ቤርቶ ቴቁዋቴ፤ ዒንሢኮ ዒና ዓኣ ፑርቶ ባኮዋ ቴቁ ሺኢሺ ማሊያ ዒንሢኮ ጌኤሺ ጉቤና ዒንሢኮ ዑፆ ናንጊና ናንጋ ጎዳሞ ዋርቃያ ማሁዋቴ፤ ዒንሢ ዬያይዱባኣቴ ዒንሢ ማዳ ፑርቶ ማዶ ዛሎና ታኣኮ ዳጋ ታሚጉዱ ዔኤታንዳኔ፤ ዬይ ታኣኮ ዳጋ ዔኤቴቴ ሆኒያ ዬያ ዋዳንዳይ ባኣሴ።»

ዪሁዳ ካታሞ ጌሊ ዓርቃኒ ሞርኮኮ ዚርቁፆ

5 ዬኖ ዓጮ ዓሶ ቢያሢሞ ዛዬ ዋርቁዋቴ!

ዑኡዘ ዒንሢኮ ደጊዱ ዒላቲዋቴ!

ዬይ፡ ዪሁዳና ዬሩሳላሜና ዴራ ዙላ ኬልቁንቲ ዲርቁንቲ ካታሞ ጳሽኪ ቶላንዳጉዱ ኬኤዙዋቴ።

6 ሚዮኔም ጎይፆ ዳውዋቴ!

ኔጉዋፆ ሸሞፖ ዒንሢኮ ዓይሳንዳ ቤሲ ባንሢ ጳሽኪ ፑኑዋቴ! ናንጊና ናንጋ ጎዳ ኬዶ ዛሎ ዓጫፓ ዴኤፒ ባይሲንታ ዳካኒኬ።

7 ዘቢ ጌሊ ዓኣ ዴኤሊፓ ኬሰካጉዱ

ዴሮ ባይዛይ ዔቃንዳኔ፤

ዒዚ ዬይ፡ ዪሁዳ ባይዛኒ ሙካንዳኔ፤

ዪሁዳ ካታማ ደዒ ባይቃንዳኔ፤

ዒኢካ ናንጋንዳ ዓሲያ ጴዳዓኬ።

8 ናንጊና ናንጋ ጎዳኮ ጳኤፖ ጳጋ ዪሁዳፓ ሸኢኪባአሢር ሲዬ ፓቲሌ ማይንቲ፥ ቃዪ ዬኤኩዋቲ።

9 ናንጊና ናንጋ ጎዳ ሂዚ ጋዓኔ፡- «ዬኖና ካኣቲንታ ዶንዘንታይዳ ዒጊቹሞ ጌላንዳኔ፤ ቁኤሳ ዒጊጪ ጎጋይቃንዳኔ፤ ታ ማሊያ ኬኤዛ ዓሳኣ ዲቃታንዳኔ።»

10 ታኣኒ ዒማና፡- «ናንጊና ናንጋ ጎዳ ማዔ ያኦዛሢዮ! ዬይ ዬሩሳላሜ ዴር ጌሸሢ ማዓዓዳ? ሩንሢሞ ኮሺ ማዓንዳኔ» ኔ ጌዔያንቲ፤ ሃሢ ጊንሢ ልጩንታ ዓፓር ሆላ ዔያቶኮ ጌሢንቲ፤ ታ ጌዔም ጊኢጋንዳ?» ጌዔኔ።

11 ዒማና ሃያ፡ ዒሰራዔኤሌ ዴርም ሂዚ ጌይ ኬኤዘንታንዳኔ፡- «ታኣኮ ዴርይዳ ሙሙዓ ያይዲ ዢባሬ ዓሲ ናንጉዋ ዳውሎ ዲካፓ ዢባርሻንዳኔ፤ ዬይ ፒዲሲ፡ ጊንሢ ሃሢ ሶኦሬ ጌኤኸሻ ዢባሬቱዋሴ።»

12 ናንጊና ናንጋ ጎዳ ዓይሢም ሙካ ዢባሬታሢር ቢያ ዢባሬፓ ደዳያ ማዓንዳኔ፤ ዬያ ዔያቶይዳ ጌሰቲ ዋጌሢ ታ ቶኦኪና ታና፡ ናንጊና ናንጋ ጎዳኬ።»

ዪሁዳኮ ሞርኮና ማንጊንቲያ

13 «ሃይሾ ሞርኮኮ ያሎ ዓሳ ሻኣሬጉዲ ሙካኔ፤ ዔያቶኮ ያሎ ሳርጌሎ ያይታ ዓልጎጉዲ ሩኡራያኬ፤ ዔያቶኮ ፓራሢያ ኮኦኬፓ ባሽ ባራናያኬ፤ ኦና ባዴዔ! ኦ ኩዴኔ!»

14 ዬሩሳላሜ! ዳቁንታ ኔ ኮዔቲ ፑርቱሞ ቢያ ኔኤኮ ዒናፓ ማሰኪ ባይዜ፤ ሂንዳ ኮሺ ዋይዜ ጎሜ ማሊሢ ኔ ዒናፓ ባይቁዋ ዴዓሢ ዋማ ሄላንዳኣናዳይ?

15 ዳኣኔ ዓጮና ዔፕሬኤሜ ጌሚሮናፓ ፑርታ ባኣዚ ኬኤዛኒ ዒላታ ዒላቲ ዑኡሲ ዋይዘንታኔ፤

16 ዪሁዳ ካታሞ ጌሊ ዓርቃኒ ኮዓ ሞርካ ያልዚ ቡላኒ ኬኤዚ ኬኤዚ ሃኬ ዓጪፓ ሙኪዳ ዓኣሢ ዴርም ዔርዙዋቲ! ዬሩሳላሜ ዴርማኣ ኬኤዙዋቲ!

17 ዴራ ናንጊና ናንጋ ጎዳም ዋይዞ ዒፃሢር ጎሺዳ ሌዮ ሃኣኮ ካፓ ዓሲ ጎይሢ ዬሩሳላሜ ሞርካ ማንጋንዳኔ፤ ዬያ ጌዔሢ ታና፡ ናንጊና ናንጋ ጎዳኬ።

18 ዪሁዳ! ዬይ ቢያ ኔና ሄሌሢ ኔ ሃንታ ሃንቲያና ኔኤኮ ፑርቶ ማዶ ዛሎናኬ፤ ዬይ ቢያ ጫንጮ ሜታሢ ኔጊዳ ሙኬሢ ኔ ጎሞ ዛሎና ማዔሢር ኔ ዑያ ጌሊ ዒኖ ኔኤኮ ኪያሴ።

ዔርሚያስ ዴር ዛሎ ያይሢ

19 ሃያጉዴ ባኣዚ! ታ ዋዋይታንዳይ! ሃያ ቢያ ሜቶ ታ ዋዲ ጊቢ ዳንዳዓንዳይ!

ቻዓ ታ ሳዜሌ! ታኣኮ ሳዛ ዎዚ ሩኡሪ ዲዓይ?
 ዛዬ ዑኡሲና የልዚ ዑኡሲና ታ ዋይዚ ዋይዚ
 ዘቲ ጌይ ገባሊ ታ ዳንዳዑዋሴ።

20 ባይዛ ዶርዓ ቃሲንቲ ቃሲንቲ ገዳ ኬዳኔ፤
 ሳዔላ ቢያ ባይቁ ዓሲ ናንጉዋ ካይዚ ማዔኔ፤
 ኑኡኮ ዓፒሎና ማዦና ማኣራ ዶዒ ባይቁ ጋፔኔ፤
 ጎኡቦ ዓፒላኣ ዓኣፒ ገኢ ጳማጉዴያና ዳርዒ ባይቁ።

21 የልዚ ባንዲራ ዠገንታሢ
 የልዚ ዛዬ ዑኡሲያ ዋይዚንታሢ
 ዓይዲ ሄላንዳኣና ታ ዋይዚ ዋይዚ ናንጋንዳይ?

22 ናንገና ናንጋ ጎዳ ሂዚ ጋዓኔ፡-
 «ታኣኮ ዴራ ታና ዔሩዋያ፣ ዔኤያ ማዔኔ፤
 ጳቂሢ ዔራ ባኣዚ ባኣሢር ናይጉዲ ጌሺንታያ ዔያታ ማዔኔ፤
 ፑርታ ባኣዚ ማዳሊ ዓሲ ዔሩዋ ጎይሢ ጨንጮኬ፤
 ኮሺ ባኣዚ ማዳሊ ጋዓንቴ ፔቴታየ ዔያታ ዳንዳዑዋሴ።»

ሙካንዳ ባይሲንቶ ዔርሚያሴም የኣሲ ፔጋሲ ዳዌሢ

23 ሳየ ታኣሊ ዛጌኔ፤
 ጋዓንቴ ሃይማኬ ጌይ ዔርታ ባኣዚ ባኣያ
 ሃሢ ፔቴታየ ዔኤቢባኣያ ጉሪ ማዒ ዓኣኔ፤
 ጨሪንጮዋ ታኣሊ ዛጌኔ፤
 ዒኣካ ፖዒ ጋዓ ባኣዚያ ጴዳዋሴ።

24 ዲኮ ታኣሊ ዛጌኔ፤
 ዔያታ ጎይቂሢዳኬ፤
 ጌሜርዋ ታ ዛጌኔ፤
 ካራ ባይዚ ሴካ ሃንጋ ጌይሢዳኬ።

25 ዓሲ ጋዓ ባኣዚ ባኣሢያ ታ ዴንቁኔ፤
 ካፓ ዒኣካፓ ቢያ ባራኒ ዴንዲ ባይቁ።

26 ዓኣዔ ሳዓ ዳውሌ ቦኣሊ ማዒ ላኣሚንቴኔ፤
 ናንገና ናንጋ ጎዳኮ ዴኤፖ ዳጋፓ ዔቁያና
 ካታማ ቢያ ዶዒ ባይቁ።

27 ሳዔላ ዓሲ ናንጉዋ ዳውሌ ቦኣሊ ማዓንዳሢ፤ ጋዓንቴ ጋፒሲ
 ዒ ባይዚንዳዋኣሢ ናንገና ናንጋ ጎዳ ኬኤዜኔ።

28 ሳዓ ዩዩኤካኔ፤
 ጨሪንጮኣ ዲሚና ዓኣቸንታንዳኔ፤
 ዩያ ናንገና ናንጋ ጎዳ ጌዔኔ፤
 ዒ ጌዔ ባካ ሺራያቱዋሴ፤
 ዒዚ ጋፒ ጌሰቲ ቱኬኔ፤
 ገንሢም ዒ ማዓያቱዋሴ።

- 29 ፓራሢና ያላ ዓሶንታ ሂኢዠና ደካ ዓሶንታኮ ካኦኖ ዋይዛዎ
 ካታማ ናንጋ ዓሳ ቢያ ጳሽኪ ዠናንዳኔ፤
 ፔቴ ፔቴ ዓሳ ካይዚ ጳሽካንዳኔ፤
 ዛላ ገንሣ ጴኤፖ ላሎ ሹጮ ገዓንዳኔ፤
 ፔቴ ፔቴ ካታማ ዓሲ ናንጉዋ ባዔ ቤሲ ማዓንዳኔ፤
 ዒኢካ ናንጋንዳ ዓሲ ጴዲንዲዋሴ።
- 30 ባይቃኒ ገኢጌዜ፥ ዬሩሳላሜ! ኔና ባዴዔ!
 ኔኤኒ ዘቄ ማኣዓሢ ማይንቴሢ ዓይጎርዳይ?
 ኔኤኒ ፓልሚንቲ ዓኣፖዋ ቲሽኪ ሚዛጲሴሢሢ ዓይጎርዳይ?
 ኔኤና ኮኣማ፥ ኔኤኮ ላጋ ኔና ዒዲ ዋዳኒ ኮዓኔ።
- 31 ሾይቺ ዓርቄ ላኣሊ ዒላታ ዑኡሲጉዴያ ታ ዋይዜኔ፤
 ሾይ ቤቀባኣዎ ቤርቲ ናይ ሾዓ ላኣሊ
 ዒላታ ዑኡሲጉዴያ ዒላቲ ታ ዋይዜኔ፤
 ዬይ ዑኡዛ ዒሲራዔኤሌኮ ዑኡዛ ቲቂንቴሞ
 ፔኤኮ ኩጮ ለካ ዔቂሲ «ባዴዔ ታና! ታ ጋፔኔ!
 ሃይሾ ታና ዔያታ ዋዳኒ ሙከኔ!» ጌይ ጌይ ዒላታ ዑኡዞኤ።

5

- ጉሙርቂንታ ዓሲና ፒዜ ዓሲናኮ ባይሱሞ
- 1 ዒሲራዔኤሌ ዴሬዮቴ!
 «ሂንዳ ዬሩሳላሜ ካታሞኮ ጎይዎ ጎይዎ ሃንቲ ዛጉዋቴ!
 ፒዜ ዋጌ ዋጋያና ጎኑሞ ኮዓ ዓሲ ፔቴታዎ ዒንሢ ዴንቃንዳ?
 ሂንዳ ዓሳ ቡካ ጳኣካ ኮዑዋቴ!
 ዒንሢ ዴንቄያ ማዔቴ ታኣኒ ዬሩሳላሜ ማኣራንዳኔ።
- 2 ናንገና ናንጋ ጎዳ ሃይቆ! ጌይ ዒንሢ ጫኣቃኔ፤
 ጋዓንቴ ዒንሢ ጫኣቃሢ ሉኡዙሞናኩ።»
- 3 ናንገና ናንጋ ጎዳሢዮ! ዓኣፓ ኔኤኮ ጎኔ ባኣዚ ዴንቃያቱዋዓዳ?
 ኔ ዔያቶ ሃርጌና ጳርቄኔ፤ ዔያታ ጋዓንቴ ዔኤቢኬ ጌይባኣሴ፤
 ኔ ዔያቶ ጋኣጩኔ፤ ዔያታ ፔ ዳቢንታፓ ዔራራ ኮዒባኣሴ፤
 ዋይዚ ዒዲ ዒኖ ዔያታ ደዲሼኔ፤ ጎማፓ ዔያታ ማዓኒ
 ደንዳዒባኣሴ።
- 4 ዬካፓ ታኣኒ፡-
 «ዔያቶ ያኣዛሢኮ ዋጎ ዔያታ ዔሪባኣሢር
 ናንገና ናንጋ ጎዳኣ ዓይሣ ጎይዎ ሃንቲዋኣሢር
 ሃይ ዓሳ ማንቆ፥ ማሊያ ጳቂሡዋያ፥ ቤልፃኬ።
- 5 ዓካሪ ታኣኒ ቢቲ ማዒ ዋይሣ ዓሶ ኮይላ ዴንዲ
 ዔያቶና ዋላ ጌሰታንዳኔ፤

ዔያታ ናንጊና ናንጋ ጎዳኮ ጎይፆና ዔያቶ ፆኦዛሂኮ ዋጎዋኣ ዔራያዋይ»

ጌይ ማሌኔ።

ጋዓንጌ ዔያታኣ ሃንጎ ዓሶ ማዒ ዴዔኔ፤

ፆኦሲም ዓይሂንቶዋ ኮይባኣሴ።

6 ዴራ ፆኦሲኮ ዋጎ ዓይሂንጌ ኩንሦ ሚርጌ ዋይ ዒዳ፣ ዲቢ ጎሜ ማዳኔ፤

ዴያሮ ዔያቶኮ ሞርካ ካይዚፓ ኬሰካ ዘቢጉዲ

ሃሃ ደውሌ ፆኦሶጉዲ ዔያቶይዳ ሜቶ ሄለሳንዳኔ፤

ዴያታ ሞርካ ካታም ሙኪ ካቲ

ዴካፓ ኬሰካ ዓሶ ቢያ ማኣኪጉዲ ቡኡጨ ቡኡጨ

ሸኣላንዳኔ።

7 ናንጊና ናንጋ ጎዳ ሂዚ ጋዓኔ፡-

«ታኣኮ ዴራ ታና ሃሺ ሉኡዚ ማዔ ፆኦዘ ካኣሽካኔ፤

ሂዳፆ ታኣኒ ዔያቶኮ ጎሞ ዓቶም ጋዓንዳሂ ዓይጎ ዘላዳይ?

ታኣኒ ታ ዴርም ኮይሳ ሙኡዚ ቢያ ዒንጊ ሚሾኔ፤

ዔያታ ጋዓንጌ ዘኣሰካ ኮኦማያ ማዔኔ፤

ዔያቶኮ ዋርቆ ማኣራ ዘኣዛ ኮኦማ ላኣሎ ማኣሮ ማዔኔ።

8 ማርካ ሙኡዚ ዲቾና ፓሮጉዲ ላኣሊ ሱኡኩና ዔያታ ሜታዳኔ፤

ፔቴ ፔቴሂ ፔኤኮ ላጎ ላኣሎ ዓርቂ ዓማላኒ ኮዓኔ።

9 ዴያሮ ታኣኒ ዔያቶይዳ ሜቶ ዓጋንዳያ ታኣም ኮይሱዋዓዳ?

ዴያጉይ ዋይዘ ዒፃ ዴር ታኣኒ ኮሜ ኮፃኒ ዳንዳዑዋዓዳ?

10 ታ ዴርኮ ዋይና ቲቂ ቲቂ ፑርቲሳንዳ ሞርኬ ታኣኒ ዳካንዳኔ፤

ጋዓንጌ ዋይናኮ ፃጰ ቱጊ ታ ባይዚሳዓኔ፤

ካኣፓ ታኣሮቱዋኣሂሮ

ቲቂ ዔያታ ኬኤራንዳጉዲ ታ ዓይሃንዳኔ።

11 ዒሰራዔኤሌና ዩሁዳና ዴራ ጋፒ ታኣም ዋይዘ ዒፃኔ፤

ዴያ ጌዔሂ ታና፣ ናንጊና ናንጋ ጎዳኬ።»

ናንጊና ናንጋ ጎዳ ዒሰራዔኤሌ ዴር ሃሽሂ

12 ናንጊና ናንጋ ጎዳ ዴራ ዒዛይዳ ሉኡዙሞና ሂዚ ጌይ ጌሰቲሂ ዓርቁኔ፡- «ናንጊና ናንጋ ጎዳ ኑና ፔቴታፆ ዔኤቢ ዋኦታዓኩ፤ ፑርታ ባኣዚያ ኑና ሄላዓኬ፤ ፆልዚንታ ናይዚንታ ሙካዓኩ፤

13 ናንጊና ናንጋ ጎዳ ዔኤቢ ኬኤዚባኣ፣ ዒዛ ማሊፆ ኬኤዛ ዓሳ ኬኤዛ ባካ ቢያ ዠባሬጉዲታሂሮ ዔያታ ኬኤዜ ባካ ቢያ ዔያቶ ሄላንዳኔ።»

14 ቢያ ባኮ ዋይሂ ጎዳ፡- «ዔርሚያስ! ዴራ ያዲ ጌዔሂሮ ታኣኮ ቃኣላ ኔ ዳንጎይዳ ታሚ ማዓንዳኔ፤ ዴካፓ ዴራ ሃንፃሌ ማዔም ዩይ ታማ ዔያቶ ሙዓንዳኔ» ሂዚ ጌይ ታኣም ኬኤዜኔ።

15 ዒሰራዔኤሌ ዳሬዮቴ! ናንጊና ናንጋ ጎዳ ዒንሢዳ ማቶ ሄሊሳንዳ ዓሲ ሃኬ ዓጪፓ ዔኪ ዩዓንዳኔ፤ ዩይ ዳራ ጳንጎ ዔያቶሲ ዒንሢ ዔራዋያ፣ ጌሰታ ጌኤዞዋ ዒንሢ ዔሪ ዔኪንዱዋያ፣ ሚናኣ ዓሲ ማዔ ዶዲ ዳሬኬ።

16 ሂኢኸና ዒንሢ ዶካንዳ ዓሳ ሚጪንቴዎ፣ ዎዎዳ ዶዲ ያልዚ ዓሲኬ።

17 ዒንሢኮ ሃኣኮንታ ሙዎንታ ቢያ ፒፂ ሙይ ባይዛንዳኔ፤ ዓተንቆንታ ዉዶሮ ናኣቶንታ ዒንሢኮ ቢያ ዔያታ ዎጳንዳኔ፤ ማራቶንታ ባኣቶንታ ቢያ ዒንሢኮ ዔያታ ሹኪ ሙዓንዳኔ፤ ዎይኖንታ ቤሌሶ ሚያንታኮ ዓኣፖ ሙይ ባይዛንዳኔ፤ ዩይ ያሎ ዓሳ ዒንሢ ጉሙርቃ፣ ኬኤሎ ዲያና ዲርቁንቴ ካታሞ ቢያ ዒንሢኮ ሻሂ ዶይሳንዳኔ።

18 ናንጊና ናንጋ ጎዳ ሂዚ ጋዓኔ፡- «ዩይ ቢያ ማዓኣና ዩንሢ ኬሎንሢዳ ታኣኮ ዳሮ ጋፒሲ ታ ባይዛዓኬ፤

19 ዔርሚያሴ! ዳራ፡- ናንጊና ናንጋ ጎዳ ሃያ ቢያ ኮጊዳ ዔኪ ሙኬሢ ዓይጎርዳይ? ጌይ ያኦጫ ዎዶና ታና ዔያታ ሃሺ ፔ ዓጫይዳ ማሌ ያኦዞ ካኣሽኬማጉዳያ ዔያታ ፔ ቶኣኪና ዔያቶሮ ማዒባኣ ዓጪ ዳንዲ ፃንጎ ዳሬኮ ዓይሌ ማዒፃ ዓተንዱዋኣሢ ዔያቶሞ ኬኤኬ።»

ናንጊና ናንጋ ጎዳ ዳሮሞ ላቲ ኬኤዜ ባኮ

20 ናንጊና ናንጋ ጎዳ ሂዚ ጋዓኔ፡- «ያይቆኦቤ ዜርዎሞ ሃያ ዎይዚሱዋቴ፤ ዩሁዳ ማኣሮማኣ ሂዚ ጌይ ዒላቲ ኬኤዞዋቴ፤

21 ዒንሢ ዓኣፒ ዓኣንቴ ዳንቁዋ ዓሳ፣ ዎይዚ ዓኣንቴ ዎይዞዋ ዓሳ፤ ዒንሢ ዔኤያ፣ ሃሣ ዎይዚ ዒና ዔኩዋ ዳራ! ሃያ ዎይዞዋቴ።

22 ታኣኒ ናንጊና ናንጋ ጎዳኬ፤ ሂዳዎ ታና ዒንሢ ዎይታዛ ቦንቆዎይ? ታ ቤርታ ዒንሢ ዎይታዛ ዒጊጪ ጎጋይቁዎይ? ማኣሻሎይ ዳና ዎኣፃ ሶፒ ዳንዱዋጉዲ ናንጊና ጳኤፖ ባዞኮ ዓጮ ዳኔ ማሂ ኮሼሢ ታናኬ፤ ዩይ ዳኤፖ ባዛ ዎዚ ዓጊፃቴያ፣ ባዛ ጉዳሢንታ ዠባርንታ ዎኣፃ ዳቕቴያ፣ ጉኡማቴያ ዩያ ዛጲ ማዒ ዓኣ ማኣሻሎ ዳናይዳና ሶፒ ዳንዲ ዳንዳዑዋሴ።

23 ዒንሢ ጋዓንቴ ዎይዚ ዒፃያ ፑርታ ዳሬ ማዔሢሮ ታና ዒንሢ ሃሺ ቤቴ።

24 ሌዎ ዒሮንታ ሲሎ ዒሮንታ ዎዶና ዒንሢሞ ዒንጋሢ፣ ሌዎ ጎሽኮ ዎዶዎ ሌዓ ሌዓ ዔኪ ሙካሢ ታናኬ፤ ዒንሢ ጋዓንቴ ታና ቦንቆ ዒፃኔ።

5:21 ዒ.ሲ. 6:9-10፤ ሂዚ. 12:2፤ ማር. 8:18። 5:22 ዒ.ዮ. 38:8-11።

25 ዒንሢካን ደቢንታ ዓንጅ ዒንሢካን ባይዜኔ፤ ዒንሢካን ጎሞ ዲቡማ ኮሺ ባኣዚ ዴንቁዋጉዲ ዒንሢካን ላኣጌኔ።

26 «ታ ዴሮ ባኣካ ናንጋ ፑርታ ዓሲ ዓኣኔ፤ ዬና ዓሳ ፒሮና ካፒ ዓርቃ ዓሲጉዲኬ፤ ዬያሮ ዔያታ ዓሲ ዓይሢኒ ፒራሢ ሱዞ ገኢገሺ ካታኔ።

27 ኬሞ ዓሲ ካፒ ዓርቃፆ ገሦ ጌሲዳ ቡኩሲ ገሣሢጉዲ ዔያታ ፔኤኮ ማኣሮ ዓሲዳፓ ቡሪ ዔኮ ባኣዚና ኩንሣኔ፤ ዔያታ ደዲ፣ ሃሣ ፆርጎቹ ማዔሢ ዬያሮኬ።

28 ዔያታ ጋርካ ቃዚ ሙኤዘና ቡዋጉዲ ማሌኔ፤ ዔያታ ማዳ ፑርቶ ማዳኮ ሃይማኬ ጌይንታ ባኣዚ ባኣያኬ፤ ዜኤሮ ናኣቶ ዛሎ ዔያታ ዔቁ ጌሰቱዋሴ፤ ማንቆ ዓሶም ፒዜ ዋጌ ዔያታ ዋጉዋሴ።

29 «ዬያሮ ታኣኒ፣ ናንገና ናንጋ ጎዳ ዬያ ባኮ ቢያሢሮ ዔያቶይዳ ሜቶ ዓጋንዳፆ ታኣም ኮይሱዋዓዳ? ዬያጉዴ ዴሮ ኮሜ ኮፃፆ ታኣም ፒዜቱዋዓዳ?»

30 ዑሰካ ጌላያና ዲቃሣያ ማዔ ባኣዚ ሃሮ ሳይይዳ ማዲንቴኔ።

31 «ጾኑሲ ማሊሢ ኑ ኬኤዛያኬ» ጋዓ ዓሳ ሉኤዙሞና ኬኤዛኔ፤ ቄኤሳ ዬይ፣ ጾኑሲ ማሊያ ኬኤዛ ዓሳ ዘራ ዘሮና ዋይሣኔ፤ ዴራ ዬያ ባኮ ቢያ ዒፃ ማኩዋሴ፤ ዓካሪ ዬያ ቢያ ባኮኮ ጋፒንፆ ሙካኣና ዒንሢካን ጌላንዳይ?»

6

ዬሩሳላሜ ካታሞኮ ሞርኮና ማንጊንቲያ

1 ዔዛታ ቢኢኒያሜ ዴራ! ሸምፖ ዒንሢካን ዓውሳኒ ጳሽኪ ቶሉዋቴ! ዬሩሳላሜፓ ኬሰኩዋቴ! ቲቆዓይዳ ዛዬ ዋርቁዋቴ፤ ቤትሃካሪሚይዳ ማላታ ማዓንዳጉዲ ታሚ ዔኤሠዋቴ! ዋዲ ኩርሳ ደርፆና ባይሲንታና ዓጮኮ ኬደ ዛላፓ ሙካኒኬ።

2 ሚዛጲ፤ ሃሣ ጋዳይሲንታያ ማዔ ፃዮኔ ካታሜላ ባይቃንዳኔ።

3 ቆልሞ ናኣታ ፔ ቆልሞና ዋላ ዒኣካ ዴዓንዳኔ፤ ፔኤኮ ዓፒሎና ማኩ ማኣሮ ካታሜሎኮ ኮይሎይዳ ቢያ ደቃንዳኔ፤ ፔቴ ፔቴሢ ፔ ሸና ጌዔ ቤዛ ቆልሞ ሄንቃንዳኔ።

4 ዒዞኮ ሞርካ ሂዚ ጋዓንዳኔ፡- «ዬሩሳላሜ ኑ ያላኒ ገኢጎም! ዔቁዋቴ! ዓባ ሳዛ ጫርጋኣና ኑ ያሎ ቡሎም! ጋዓንቴ ኑ ሃሢ ናጌኔ፤ ማይ ሳዓ ዓማኒ ዑኬኔ፤ ዓባ ጌላኒ ዑኬሢሮ ሺባ ያደቁ ያደቁ ዴንዴኔ።

5 ያዲ ማዔቴያ ገኢጉዋቴ፤ ዲሞና ኑ ያሊ ካታሜሎ ሻሂ ደይሶም።»

6 ቢያ ባኮ ማገፍ ጎዳሢ ሂዚ ጋዓኔ፡- «ሚያ ቲቁዋቴ፤ ዬሩሳላሜ ካታሞኮ ኬኤሎ ዲያይዴና ገዒ ጌላኒ ዬያ ሚያና ሳና ኮሹዋቴ፤

ዒዘይዳ ጌኔ ማዶ ሚርጌና ማዳንታሢር ፑርታ ሜታ ዒዘይዳ ባገንታንዳያ ኮይሳኔ፤

7 ዋኣሢ ዔቲ ዋኣሢ ዓልቂሲ ከሳሢጉዲ ዬሩሳላሜ ካታማ ፑርታ ባኣዚኮ ቢያ ዓልቃ ቤሲ ማዔኔ፤ ዒዘይዳ ታ ዋይዛሢ ጌኔ ማዶና ቡሪሢና ባኣዚ ለሊኬ፤ ቢያ ዋይ ዒዘይዳ ጴዳማ ሃርጌና ኪፃዲሢናኩ።

8 ዒንሢ ዬሩሳላሜ ዴራ! ሃይ ቢያ ሜታ ዒንሢም ሩንሢና ዔሩዋቲ፤ ጋዒያ ማዖም፤ ሃንጎ ታኣኒ ዒንሢ ታ ዓኣፓፓ ሺኣሻንዳኔ፤ ካታም ዒንሢኮ ታኣኒ ዳውሌ ቦኣሊ ማሃ፤ ዒኣካ ናንጋ ዓሲ ባኣያ ማሃንዳኔ።»

ዒሰራዔኤሌኮ ዋይዘ ዒዶ

9 ቢያ ባኮ ማዠፍ ጎዳሢ ሂዚ ጋዒኔ፡- «ዒሰራዔኤሌይዳ ፒኢጫዲ ዓቲ ዓሶ ዋይኖ ሶያፓ ዓኣፖ ማንጎማጉዲ ማንጎጡዋቲ፤ ማንጎ ጎይሣ ዴዴዓ ዓሲጉዲ ኩጮ ዒንሢኮ ዒኣካ ካኣፖ ባንሢ ሌይሱዋቲ።»

10 ታኣኒ ዒማና፡- «ታ ዔያቶም ከኤዜቲያ ላቲ ላቲ ከኤዜቲያ ዖ ዋይዛንዳይ? ዔያታ ፑርታ ደዲ ዓሲታሢር ኔኤኮ ቃኣሎ ዔያታ ዋይዛኒ ኮሒንዲዋሴ፤ ኔ ቃኣሎ ታ ዔያቶም ከኤዛኣና ዔያታ ሚኢጪ ዓማላንዳኔ፤ ታኣኒ ከኤዛ ባካ ዔያቶ ዋዛሳዓኩ።

11 ናንጌና ናንጋ ጎዳሢዮ! ኔ ዔያቶይዳ ዳጋዴ ዳጋ ታናኣ ዳጋሲ ሳዛ ታኣኮ ዔኤታኔ፤ ፔቲታዖ ዬያ ታ ገባኒ ዳንዳዑዋሴ» ጌዔኔ።

ናንጌና ናንጋ ጎዳ ታኣም፡- «ጎይጎይዳ ዓኣ ናኣቶንታ ቡሲንቲ ዓኣ ዴጌዘንሢንታ ዑዖ ታኣኮ ዳጎ ጮኣሸኩ፤ ዓኒ ማዔቲያ ማቻ፡ ጋርቾ ማዔቲያ ባሺንቲ ጋርቻኣ ታ ዓጋ ሜታሢፓ ቶሊ ዓታዓኩ» ጌይ ከኤዜኔ።

12 ናንጌና ናንጋ ጎዳ ሂዚ ጋዒኔ፡- «ታኣኒ ሃኖ ዓጮሎ ዴርይዳ ሜቶ ዓጋ ዋይና ዔያቶኮ ማኣራ፡ ጎዡንታ ላኣሎንታ ዓቲዋዖ ሜሌ ዓሲም ዒንገንታንዳኔ።

13 ዴኤፖ ዓሶ ማዔቲያ ዳካኬ ጌይንታ ዓሳ ፔቲ ፔቲሢ ዋጌባኣ ጎይሢና ፔኤም ማዓንዳ ባኣዚ ቡኩሳኔ፤ ታ ማሊዖ ከኤዛ ዓሶንታ ቄኤሶንታ ዓቲውዖ ዴር ጌሻኔ፤

14 ታኣኮ ዴራ ሜቄሢ ዔያታ ዛጌዖ ኮኣሊዖ ሃሺ፡ ኮሺባኣ ቤሰካ ሐሺኬ፤ ኮሺኬ» ጋዒኔ።

15 ዬያ ቢያ ሻኣካ ባኮ ማዳዖ ዔያታ ቦርሲንቲና? ቦርሲንቲዖ ዓታዛ ዓኣፖ ካርታኣ ዳካር ዔያታ ሺርሺባኣሴ፤ ዬያር ሃንጎ ዓሳ ሎኦሚሢጉዲ ዔያታኣ ሎኦማንዳኔ፤ ታ ዔያቶይዳ ፑርቶ ባኮ ዓጋ

ዎድና ዩማ ዔያቶኮ ዳውሲንቶ ኬሎ ማዓንዳኔ፤ ዩያ ጌዔሢ ታና፡ ናንጊና ናንጋ ጎዳኬ።»

ዒሰራዔኤሌ ዴራ ናንጊና ናንጋ ጎዳ ጎይፃፓ ሃሺ ኬሰኬሢ

16 ናንጊና ናንጋ ጎዳ ዴሮም ሂዚ ጋዓኔ፡- «ጎይፃ ዎላ ካአማ ካራ ካራ ዔቁ ዛጉዎቲ፤ ሚናኣ ጎይፃ ማዔዘና ኮሺ ማዔ ጎይፃላ ዎሮታቲያ ምእጩ ዔሩዎቲ፤ ዒንሢ ዴንቁ ዎድና ዒኢና ዓኣዲዎቲ፤ ኮሺ ናንጊ ዒንሢ ናንጋንዳኔ።»

ዴራ ጋዓንቲ «ዬና ጎይፃ ኑ ዓኣዲዓኬ!» ጌዔኔ።

17 ዬካፓ ናንጊና ናንጋ ጎዳ ላቲ ኬኤዛጊ ዎርቆ ዛዬ ዎርቃንዳ፡ ካፓ ዓሲ ዒኢካ ዔቁሴኔ፤ ዔያታ ጋዓንቲ «ኑ ዎይዛዓኬ» ጌዔኔ።

18 ዬያሮ ናንጊና ናንጋ ጎዳ ሂዚ ጌዔኔ፡- «ዒንሢ ሃይ ዴራ ዎይዙዎቲ! ታ ዴሮይዳ ማዲንታንዳ ባኮ ኮሺ ዛጊ ዒና ዔኩዎቲ።»

19 ሳዔሌ! ዎይዙ! ዔያታ ታኣኒ ዔያቶ ዔርዜ ዳምሶ ዒዲ ማኬሢሮ፤ ሃሣ ጊንሣ ታ ዎጎም ዔያታ ዒይሢንቲባኣሢሮ ዔያቶኮ ፑርቶ ማሊያ ቢያሮ ጌይ ሜቶ ዔያቶይዳ ዓጋኒ ፑርታ ባኣዚ ታ ዔኪ ዬዓንዳኔ።

20 ሳኣባ ጌይንታ ዓጫፓ ታኣም ዔያታ ዔኪ ሙካ ዐንጃ፤ ሃሣ ጊንሣ ሃኬ ዓጮይዳፓ ዔያታ ታኣም ዔኪ ሙካ ሳውቃ ዴኤሻ ታኣም ዓይጎ ዎኦታንዳያዳይ? ዔያታ ዒንጋ ባኮ ታ ዔካዓኬ፤ ሚቺ ዒንጋ ባኣኣ ታና ዎዛሳያቲዎሴ።

21 ዬያሮ ሃያ ዴሮ ዲቁሲ ታኣኒ ሎንሣንዳኔ፤ ዓደንታ ናኣቶንታ፡ ዎሊኮ ላጎ ማዓ ዓሶንታ ዓሺኖ ማዓ ዓሶንታ ፔቲይዳ ዎላ ሃይቃንዳኔ።»

ዓጮኮ ኬዶ ዛላፓ ሙካኒ ጊኢጋ ያልዚ

22 ናንጊና ናንጋ ጎዳ ሂዚ ጋዓኔ፡- «ኬዶ ዛሎና ዓኣ ዓጫፓ ያሊ ዓርቃንዳ ዓሲ ሙካንዳኔ፤ ሃኬይዳ ዎልቁና ዓኣ ዴሬ ያልዚም ጊኢጊንቲኔ፤»

23 ዔያታ ፔኤኮ ሂኢዢ ኩጫ ዔኪ ዓኣኔ፤ ዔያታ ዓሲ ሚጩንቲዎ ዎዎዲያኬ፤ ዔያታ ቶጋ ፓራሢኮ ካኣና ዢባራ ዴቻ ባዞ ዎኣዎጉዲኬ። ሃይሾ ዔያታ ዬሩሳላሜ ያላኒ ጊኢጊንቲኔ።»

24 ዬሩሳላሜ ዴራ ሂዚ ጋዓኔ፡- «ዬያ ሃይሶ ኑ ዎይዜሢሮ ጎጳ ኑኡኮ ዎኣፃኔ፤ ሾይቺ ዓርቁ ላኣሊጉዲ ካራ ኑም ባይቁኔ፤»

25 ጎዢ ዴንዲፖቲ፤ ጎይፃይዳኣ ሃንቲፖቲ፤ ቢያ ካሮና ሂርጊሻ ባኣዚ ዓኣሢሮ ሞርኮ ዓራፓፓ ዒንሢሃና ካፑዎቲ።»

26 ናንጊና ናንጋ ጎዳ ፔ ዳሮሞ ሂዚ ጋዓኔ፡- «ዒንሢ ሳይዘኒ ሙኩ ሞርካ ዔሩዋንቲ ዒንሢዳ ያልዚ ቡላኒ ጋዓሢሮ ሲዬ ፓቲሌ ማይንቲ ዲቢንሢዳ ኮላዲዋቲ፤ ናዖማ ፔቲ ማቲታዖ ሃይቁ ዓሲጉዲ ማቂ ዬኤኩዋቲ፤

27 ዔርሚያሴ! ዓንጊኮ ጎኔ ዓንጊ ማዒፃ ዲማ ዲማ ጎይሢና ዛጊንቲ ዔርታሢጉዲ ታኣኮ ዳሮ ዬያይዲ ዛጊ ዔያታ ዋዚዲታቲያ ዔሬ፤

28 ዔያታ ቢያሢ ሞኦና ዓንጊና ማሌ ዓንጎናጉዲ ዳዲኬ፤ ዔያታ ታኣሞ ዋይዚያ ዋይዙዋኣያ፡ ፑርታ፡ ጌኔ ማዶ ማዳ ዓሲ ማዔኔ፤ ቢያሢ ደንኮ ሱኡኬና ዓኣያኬ።

29 ዓንጊ ሼኤሻኒ ገልፓ ዋልቁና ገልፒንታ፤ ፑርቶ ዓሳ ሺኢከ ባይቁባኣሢሮ ዬይ ዓንጎ ሼኤሻሢ ጉሪ ላባኔ።

30 ታኣኒ፡ ናንጊና ናንጋ ጎዳ ዔያቶ ከኤሬሢሮ <ጌኤሺ ማዒባኣሢሮ ከኤሪንቲ ቢራ ዓንጊ ዔያታ ጌይንታንዳ።»

7

ዔርሚያሴ ጌኤዦ ማኣራ ከኤዜ ባኮ

1 ናንጊና ናንጋ ጎዳ ዔርሚያሴም፡-
2 «ናንጊና ናንጋ ጎዳ ማኣሮ ካራ ዔቁ፡ ሂዚ ጌይ ዳሮሞ ዒላቲ ከኤዜ» ጌዔኔ።

«ያኣሲ ካኣሽካኒ ሃንሢ ካሮንሢና ጌላ ዪሁዳ ዳራ ቢያሢ ናንጊና ናንጋ ጎዳ ከኤዛ ባኮ ዋይዙዋቲ።

3 ዒሰራዔኤሌ ያኣዛሢ ማዔ ቢያ ባኮ ማዜ ጎዳ ሂዚ ጋዓኔ፡- «ዒንሢ ናንጋ ናንጎና ማዳ ማዶና ገኢጊሹዋቲ፤ ዒንሢ ዬያይዳቲ ሃይካ ታ ዒንሢ ናንጊሻንዳ።

4 ሃይ ናንጊና ናንጋ ጎዳኮ ጌኤዦ ማኣሮኬ! ሃይ ናንጊና ናንጋ ጎዳኮ ጌኤዦ ማኣሮኬ! ሃይ ናንጊና ናንጋ ጎዳኮ ጌኤዦ ማኣሮኬ፤ ዬያሮ ኦኡኒ ኮሺ ናንጊ ናንጋኔ! ጌይ ጌይ ጉሪ ዒንሢ ጌሰታ ጌኤዞና ጉሙርቁንቲ ዳይፖቲ።

5 «ዒንሢ ናንጋ ናንጎንታ ማዳ ማዶንታ ላኣሚ ገኢጊሹዋቲ፤ ዋላ ሴካና ሃንጋና ኮሺ ማዒ ናሹሞና ዋላ ቱኡቲ ናንጉዋቲ፤

6 ማሌ ዓጫፓ ሙኩ ዓሶንታ ዜኤሮ ናኣቶንታ ዜኤሮይንዳንሢንታኮ ካራ ባይዚ ቡሪ ዔያቶ ሙይ ሺሪፖቲ፤ ሃያ ዓጮይዳ ናንጋ ፒዜ ዓሶ ጌኔ ጎይሢና ዋዲፖቲ፤ ዒንሢ ባይቁዋጉዲ ሉኡዚ ማዔ ያኣዞ ዚጊ ካኣሽኪፖቲ።

7 ዬያይዲ ናንሳ ዒንሢሲ ዒንሢ ላአሚ ገአጊሼቴ ዒንሢኮ ቤርታአ ዒድንሢሞ ናንጊና ዔያቶ ዴፎ ማሂ ታ ዒንጌ ሳይይዳ ታኣኒ ዒንሢ ናንጊሻንዳ።

8 «ዛጉዋቴ! ዒንሢ ጉሪ ጌጌሾ ጌኤሲ፥ ሎንሦ ከኤዚንቴባአ ባአዚ ጉሙርቃ።

9 ዒንሢ ዉዉኤቃ፥ ዓሲያ ዋዳ፥ ዓኒ ሃሃ ማቾ ማዒባአያና ላሃ፥ ሉኡዙሞና ዒንሢ ጫኣቃ፥ ባዓአሌ ጌይንታ ጾኡዘሞ ዒንሳ ባአዚ ዒንሢ ዒንጋ፤ ሃያኮ ቤርታ ዒንሢ ዔፍቆ ጾኡሲ ዒንሢ ካኣሽካ።

10 ታ ዒዳ ባኮ ዬያ ጉቤ ማዳዎ ታ ሱንፃ ካኣሽከንታ ጌኤዙ ማአሪ ሙኪ ታ ቤርታ ዒንሢ ዔቂጋ፡- «ኮ ባይሲንታ፡ ጾሌኔ!» ጋዓ።

11 ታኣኮ ሱንፃ ካኣሽከንታ ጌኤዙ ማአሪ ዉሲ ዓኣሺንታ ቤሲ ዒንሢ ኮይላ ማሊያ? ዒንሢ ማዳ ባኮ ቢያ ሃይሾ ታኣኒ ታ ቶኦኪና ዛጌ፤

12 ታኣኒ ካኣሽከንታንዳጉዲ ቤርታዲ ታኣኒ ደኦሬ ቤዜሎ፥ ሴኤሎ ዳንዱዋቴ፤ ታ ዳሮ፥ ዒሰራዔኤሌ ዓሶ ጎሞሮ ጌይ ታኣኒ ዒኣካ ማዳ ባኮ ዛጉዋቴ።

13 ዒንሢ ሃያ ዳቢንቶ ቢያ ማዳዎ ላሚ ላሚ ታ ዒንሢሞ ከኤዜሞ ዋይዛዓ ዒንሢ ጌዔ፤ ታ ዒንሢ ዔኤላዘኣ ዒንሢ ዬሂባአሴ።

14 ዬያሮ ሴኤሎይዳ ታ ማዳ ባኮ ሃያ ዒንሢ ጉሙርቃ፥ ታኣኮ ጌኤዙ ማአሮይዳ ታ ማዳንዳ፤ ሴኤሎይዳ ታ ማዳማ ጊንሃ ላሚ ዒንሢኮ ቤርታአ ዓድንሢንታ ዒንሢንታሞ ታኣኒ ዒንጌ ቤዛ ማዳንዳ።

15 ዒንሢኮ ጌርሲንሢ ማዔ ዔፕሬኤማ ዳሮ ቢያ ታኣኒ ዳውሲ ባይዜሢጉዲ ዒንሢያ ታኣኒ ታ ቤርታ፡ ዳውሲ ባይዛንዳ፤ ዬያ ጌዔሢ ታና፥ ናንጊና ናንጋ ጎዳኩ።»

ዳሮኮ ዋይዘ ዒዳ

16 ናንጊና ናንጋ ጎዳ ሂዚ ጋዓ፡- «ዔርሚያሴ! ሃያ ዳሮሞ ሺኣቂ፡፤ ሃያ ዓሶሞ ሺኣቃ፤ ጌይ ዒላቴ፡፤ ታ ኔኤሞ ቃይሺንቴንዱዋኣሢ፤ ኔ ታና ቃይሺ ሺኣቃንዳያ ኮይሱዋሴ፤

17 ዬያ ሃሺጋ፡፤ ዬፍሳላሚኮ ሃንቶ ጎይያና ዪሁዳ ካታሞናይዳ ዔያታ ማዳ ባኮ ቢያ ኔ ዛጉዋዳ?

7:11 ማቴ. 21:13፤ ማር. 11:17፤ ሉቃ. 19:46። 7:14 ዓ.ያ. 18:1፤ ዓይኑ. 78:60፤ ዔር. 26:6።

18 ናኣታ ሃንዲሌ ሃኣካኔ፤ ዓደንሢ ታሞ ዔኤሣኔ፤ ለኣላ ገንሣ፡-
ጩሪንጮ ጌኤሹ፣ ጌይንታ ጸኦዜሎሞ ካሣ ካሣኒ ዲኢሎ ዲርካኔ፤
ታና ደጋሳኒ ሜሌ ጸኦዘሞ ዔያታ ዎይኖ ዑዡ ዔኪ ሸኢሻኔ።

19 ዔያና ዔያታ ታና ደጋሳንዲያ ዔያቶሞ ማለ? ዔያታ ሜቶይዳ
ጌላኒ ቦርሲንቲ፣ ፔ ባንሢ ዔኤላኔ፤

20 ዔያር ታኣኒ፣ ቢያ ባኮ ማዜ ጎዳሢ ዔያ ቤዘይዳ ዶዶ ደጎ
ታኣኮ ታ ጮኦሽካንዳኔ፤ ዓሶንታ ቆልሞንታይዳ፣ ሚጾንታ ሃኣኮንታ
ቢያሢዳ ታኣኮ ደጎ ታ ዉደንዳኔ፤ ታኣኮ ደጋ ጸኦኒያ ዎዳኒ ዳንዳዑዎ
ታሚጉዲ ማዓንዳኔ።»

21 «ታኣኒ፣ ዒሰራዔኤሌኮ ጸኦዘሢ ማዔ ቢያ ባኮ ማዜ ጎዳ
ሂዚ ጋዓኔ፡- <ዒንሢ ዒንጋኒ ገኢጊሹ ቤዘይዳ ሚቺ ዒንጋኒና ሜሌ
ዒንጊያዎ ዒንሢ ዔኪ ሸኢሹሢኮ ዓሽኮ ቡኩሲ ዔኪ ዒንሢሮ
ሙውዎቱ።»

22 ታኣኒ ዒንሢኮ ቤርታኣ ዓደንሢ ገብጻ ዓጮፓ ዔኪ ኬሴ ዎዶና
ሚቺ ዒንጎ ዒንገሢንታ ሜሌ ዒንጎ ባኮ ዛላኣ ፔቲታ? ታ ኬኤዜ
ባኣዚ ባኣሴ፤

23 ጋዓንቲ ታኣኒ ዔያቶኮ ጸኦሲ ማዓዛ ዔያታ ታኣኮ ዴሬ ማዓኒ
ታኣሞ ዓይሢንታኒ ኮይሳሢ ሌሊ ታ ዔያቶሞ ኬኤዜኔ፤ ቢያ ባካ
ዔያቶሞ ገኢጋንዳጉዲ ዔያታ ኮዔቲ ታ ዓይሢ ዳሞቦ ጎይጾማ
ዔያታ ናንጎንዳጉዲ ታ ዔያቶ ዓይሢኔ።

24 ዔያታ ጋዓንቲ ዎይዛኒ ኮይባኣሴ፤ ዔኤቢኬያ ጌይባኣሴ፤
ዔያታ ፔኤኮ ዎይዘ ዓፃ ፑርቶ ዒና ዓይሢ ጎይጾ ኮይሴ ባኣዚ ማዳኔ፤
ቤርቲሞቱዎንቲ ዔያታ ገንሢሞ ዴንዳኔ።

25 ዒንሢኮ ቤርታኣ ዓደንሢ ገብጻፓ ኬሰኬማፓ ዓርቃዎ ሃይማ
ሄላንዳኣና ታኣሞ ማዳ፣ ታ ማሊዎ ኬኤዛ ዓሶ ዎሊ ሄሊሲ ሄሊሲ
ታኣኒ ዳኪሢፓ ገንሢሞ ጌይባኣሴ።

26 ጋዓንቲ ታኣሞ ዎይዜ ዓሰንታ ዓይሢያዎ ታኣኮ ዔኤቢኬ ጌዔ
ዓሲ ባኣሴ፤ ዔያቶኮ ቤርታኣ ዓደንሢፓ ዑሣ ዓኣዴ ዎይዚ ዒፃ፣
ፑርታ ዓሲ ዔያታ ማዔኔ።

27 «ኔኤኒ ዔርሚያሴ! ሃያ ቢያ ቃኣሎ ታ ዴሮሞ ኬኤዛንዳኔ፤
ጋዓንቲ ዔያታ ዎይዛባኬ፤ ኔ ዔያቶ ዔኤላንዳኔ፣ ዔያታ ኔኤሞ
ዩሃዓኬ።

28 ሃይ ዴራ ታና፣ ናንገና ናንጋ ጎዳ ዔያቶኮ ጸኦሲሞ ዎይዙዎያ፤
ሃሣ ታ ዔያቶይዳ ዓጌ ሚታሢዳፓ ፒዜ ዳሞቤ ዔሪ ዔካኒ ኮዑዎያ
ማዔኔ፤ ዔያ ዛሎና ጎኡሞ ጋፒ ባይቄኔ፤ ዒዛ ዔኖ ጎኡሞ ዛላ ጌሰታ
ዓሲያኣ ፔቲታ? ባኣሴ።

29 «ዔሩሳላሜ ዴሬዮቲ!

ቶኦኮ ዒንሢኮ ሜኤዲ ላኣሊ ያዩዋቱ፤
 ሚሢ ባቃሊባኣ ጌሚር ቶኦኮ ከሰከ ቃዩዋቱ፤
 ታኣኒ፣ ናንጊና ናንጋ ጎዳሢ ዲጋዴኔ፤
 ሃኖ ዋዶ ዓሶ ታኣኒ ታ ቤርታፓ ዔኪ ዠቤኔ።»

ሄኖሜ ዶኦጮይዳ ማዲንቲ ፑርታ ማዶ

30 «ዪሁዳ ዴራ ፑርታ ባኣዚ ማዶኔ፤ ዋዋዴይ ጌዔቲ ታኣኒ ዒፃ ሜሌ ያኦዞ ጌኤዞ ማኣሪ ዔኪ ጌልዚ ታኣኮ ጌኤዞ ማኣሪ ዒኢሴኔ።

31 ዓቲንቆንታ ዉዳር ናኣቶንታ ታሚና ሚቺ ዒንጋኒ ሄኖሜ ዶኦጮይዳ ቶፔቲ ጌይንታ ዒንጎ ቤሲ ዔያታ ጊኢጊሼኔ፤ ዬይ ታኣኒ ዔያቶ ሳይሢ ዓቲሞ ፔቲታ? ማሊባኣ ባኣዚኬ።

32 ዬያር ዬኖ ቤዜሎኮ ሱንፃ ቤን-ሄኖሜ ዶኦጮ፤ ሃሢ ጊንሢ ቶፔቲ ጌይንቲፃ ዓቲሞ ሹፒ ዶኦቺ ጌይንታንዳ ዋዴ ሙካንዳኔ፤ ሜሌ ዱኡፒ ቤሲ ዳዲንዱዋሢር ዬና ዶኦጮላ ዴርኮ ዱኡፒ ቤሲ ማዓንዳኔ።

33 ዔያቶኮ ሌዛ ካፖንታ ቦፖንታኮ ሙኡዚ ማዓንዳኔ፤ ዬያ ባኮ ሙይፃ ላኣጊ ዳውሳንዳ ባኣዚያ ባኣሴ።

34 ሳዔላ ጉሪ ሳዓ ማዒ ዓታንዳኔ፤ ዬሩሳላሚኮ ዓሳ ሃንታ ጎይያና ዪሁዳ ካታሞናይዳ ቢያ ዔፒ ኮሢንታ ዋዛ ዑኡሲያ ፔቲታ? ዋይዚንቱዋጉዲ ታ ባይዛንዳኔ።»

8

1 «ዒማና ዪሁዳ ዓጮ ካኣቶንታ ዴኤፖ ዴኤፖ ሱኡጎንታ፤ ዬያጉዲ ቁኤሶንታ ታ ማሊያ ከኤዛ ዓሶንታ ሃንጎ ዬሩሳላሚይዳ ናንጋ ዓሶ ሃይቁሢኮ ሜጌፃ ቢያ ዱኡፓፓ ቱጊንቲ ከሰካንዳኔ።

2 ዬይ ሜጌፃ ቡኩሲ ዱዱኡኪንቱዋ? ላላኣሎ ቡኡራጉዲ ፔጌይዳ ጉሪ ከኤሪንታንዳኔ፤ ዬይ ሜጌፃ፡- ዴራ ካኣሽኪ ካኣሽኪ፤ ሃሢ ዔኤቢ ዔያቶ ኮይላ ያኦጮ ዠኦቺ ዠኦቺ ናሹሞና ዔያታ ማዴ ዓቦንታ ዓጊኖንታ ዠኦጋሢንታ ቤርታ ላኣሊንቲ ዴዓንዳኔ።

3 ዬያ ፑርቶ ሸይንቶ ማዔ ዓሶይዳፓ ዓቲ ታኣኒ ዜርቁ ዳኬ ቤዛ ናንጋ ዴራ ናንጊሢዳፓ ሃይቢ ዓፃዲንዳኔ» ጋዓኔ፤ ናንጊና ናንጋ ጎዳ ማዔ ቢያ ባኮ ማጐ ጎዳሢ።

ጎሜ ዔኪ ሙኬ ሜቶ

7:31 ለዋ. ዓከ 18:21፤ 2ካኣቶ. ማ 23:10፤ ዔር. 32:35። 7:34 ዔር. 16:9፤ 25:10፤ ዮሃ. ያፔዳ 18:23።

4 ናንገና ናንጋ ጎዳ ሂዚ ጌይ ዳሮም ኬኤዛንዳጉዲ ታና ዓይሣኔ፡- «ሎኦሚ ዓሲ ላሚ ዔቃኒ ዳንዳዑዋዓዳ? ጎይሣ ዠኣኣሌ ዓሲ ገንሣ ማዑዋዓዳ?

5 ሂዳዎ ታኣኮ ዳራ ታ ባንሣ ማዎ ሃሺ ሴካ ሃኪ ዳይ ዚቲዮ ዒንሣ ጌዔሣ ዓይጎሮዳይ? ታ ባንሣ ማዎ ዒዲ ሜሌ ያኦዞ ባንሣ ዒንሣ ሺሬኔ።

6 ዒንሣ ጋዓሣ ዋይዛኒ ታኣኒ ኮሺ ካፔኔ፤ ዒንሣ ጋዓንቴ ጎኔ ጌሰቲባኣሴ፤ ዒንሣ ባኣኮይዳ ፑርቶ ማዳ ዛሎሮ ያዬ ዓሲ ፔቲታዎ ባኣሴ፤ ታ ዓይጎ ማዳ ዳሴይ? ጌይ ያኦጩ ዓሲያኣ ባኣሴ፤ ዒንሣ ፔቲ ፔቲሣ ያልዚዳ ሩኡሪ ጳሽካ ፓሮጉዲ ዒንሣ ካራና ካራና ሌሊ ጳሽካኔ።

7 ቦኣኮ ጌይንታ ካፓታዎ ዔያታ ዳንዴ ቤዛፓ ማዓንዳ ዎዶ ዔዔራኔ፤ ኪሬንታ ቦኮሮንታ ቡራይሮንታ ዎላ ቡኪ ዔያታ ቤቲ ዳንዳንዳ ዎዶዎ ዔራኔ፤ ዒንሣ ሃይታ ዳራ ጋዓንቴ ዒንሣ ዓይሣንቴ ዎርቃንዳጉዲ ታኣኒ ዒንጌ ዎጎ ዔሩዋሴ።

8 ሂዳዎ፡- «ኦኤኒ ዔራኬ፤ ናንገና ናንጋ ጎዳኮ ዎጎ ኦ ዔራኔ» ዎይቲ ዒንሣ ጋዓይ? ዒንሣኮ ዔቦ ፃኣፓኔ ጋዓ ሉኡዞ ዓሳ ዎጎ ታኣኮ ዎቢሴሣ ዒንሣ ዛጉዎዓዳ?

9 ዒንሣኮ ዔር ዓሳ ቦርሲንቴኔ፤ ፒሮና ዔያታ ዓዳንቴ ዎኦቶንዶ ካራ ባይዘኔ፤ ዔያታ ታኣኮ ቃኣሎ ሃሺኔ፤ ሂዳዎ ዔያቶኮ ዎዚጉዳ ዔራቶ ዓኣያ ማዓኒ ዳንዳዓይ?

10 ዬያሮ ዔያቶኮ ጎዡ ሜሌ ዓሲ ዎልቄና ዔካንዳኔ፤ ላኣሎ ዔያቶኮ ሜሌ ዓሲም ታኣኒ ዒንጋንዳኔ፤ ዔያቶኮ ዳኤፖ ጎዎ ዓሶንታ ዳኮ ዓሶንታ ፔቲ ፔቲ ዓሳ ጌሺሣና ፔኤም ማዓ ባኣዚ ቡኩሳኔ፤ ታ ማሊዎ ኬኤዛ ዓሶንታ ቁኤሶንታ ዳሮ ሉኡዞምና ጌሺ ጌሺ ሺሬኔ፤

11 ታኣኮ ዳራ ሚቄሣ ዔያታ ዛጌዎ ኮኣሊዎ ሃሺ፡ ኮሺባኣ ቤሰካ «ኮሺኬ፤ ኮሺኬ» ጋዓኔ።

12 ታ ዳሬዮቲ! ዬያ ዒንሣ ቢያ ማዳዎ ዳካሮታዎ ቦርሲንቴኖ? ዒንሣ ቦርሲንታ ዓታዛ ዓኣፖ ካሮታዎ ሺርሺባኣሴ፤ ዬያሮ ሜሌ ዓሳ ሎኦሚጉዲ ዒንሣያ ሎኦማንዳኔ፤ ታ ዒንሣዳ ሚቶ ዓጋኣና ዬማ ዒንሣኮ ጋፖ ማዓንዳኔ፤ ዬያ ጌዔሣ ታና፡ ናንገና ናንጋ ጎዳኬ።

13 «ጎሺ ጎሽካ ዓሲ ፔኤኮ ሃኣኮ ቡኩሳሣጉዲ ታኣኮ ዳሮ ታ ቡኩሳኒ ኮዔኔ፤ ዔያታ ጋዓንቴ ሰዮይዳ ካፄ ባኣዚባኣ ዎይኔጉዲ፡ ዓኣፒያ ዓኣፒባኣ ቤሌሴ ሚያጉዲ፤ ገንሣ ሃሣ ዎላዡ ዲኣኒ ቲልቤ ሚሣ ታኣም ማዔኔ፤ ዬያሮ ታኣኒ ዔያቶም ዒንጌ ሳዔሎ ፃንጎ ዓሲ ዔካንዳኔ።»

8:11 ሂዚ. 13:10። 8:12 ዔር. 6:12-15።

14 ናንጊና ናንጋ ጎዳኮ ዴራ ሂዚ ጋዓኔ፡- «ዚቲ ጌይ ኑ ዴዓሂ ዓይጎርዳይ? ናንጊና ናንጋ ጎዳ ማዔ ኑ ምዳሂ ኑና ዳንጋ ዓይህኔ፤ ዒዛም ኑ ፑርቲ ዳቤሂሮ ፑርቲ ዶርፖ ማዛ ሞእሂ ኑና ዒ ዑሹኔ። ሃኒ ዬዑዋቲ! ኬኤሎና ዲርቁንቴ ካታሞ ኑ ጳሽኪ ዴንዲ ዒኢካ ሃይቆም፤

15 ኮሹሞ ኑ ዴንቃንዳኔ ጌይ ጉሙርቁ ካፔኔ፣ ጋዓንቴ ኮሺ ባኢዚ ዴቲባኢ፤ ዶርዓሂፓ ፖዓንዳኔ ጌይ ጉሙርቁ ኑ ካፔኔ፣ ጋዓንቴ ሂርጊሻ ባኢዚ ዲቤኔ።

16 ኑኡኮ ሞርካ ዳኢኔ ካታሞ ሙኪ ሄሌኔ፤ ፓራሂ ዔያቶኮ ሲኢዶ ሞርቃሂ ሞይዚንታኔ፤ ዲጩ ፓራሂ ዔያቶኮ ኩኡኪ ምላላ ሳዓ ዓጊፃኔ፤ ኑኡኮ ሞርካ ሙኪሂ ኑና ፔቲታፖ ዓይሱሞፖ ኑኡኮ ዴርንታ ካታሞንታ፤ ዒኢካ ዓኣ ባኮሞ ቢያ ባይዚ ኩርሳኒኩ።»

17 ናንጊና ናንጋ ጎዳ ሂዚ ጋዓኔ፡- «ዒንሂና ዔሩሞቲ! ሃይሾ፣ ማርሾ ማርሻ ዓሳ ማርሺ ቃዛኒ ዳንዳዑ ፑርታ ዲማ ዲማ ሾኦሽንታ ጎፖንታ ታኣኒ ዒንሂ ባኢኮ ዳካንዳኔ፤ ዬይ ሾኦዛ ዒንሂ ዳዓንዳኔ።»

ዔርሚያሴ ዴር ዛሎ ምዴ ጌሰቴ ጌኤዞ

18 ታና ዶዲሻንዳ ባኢዚ ዴዳኑሞ ዴኤሂ ምዴሂ ታና ሄሌኔ፤ ዒና ታኣኮ ኮሺ ምዴኔ።

19 ሂንዳ ሞይዙሞቲ! «ናንጊና ናንጋ ጎዳ ላሚ ፃዮኔይዳ ዴዳዓዳ? ፃዮኔ ካኣታሂ ላሚ ዒኢካ ሙኪ ናንጋዓዳ?» ጌይ ጌይ ታኣኮ ዴራ ሳዔሎይዳ ቢያ ዒላታንቴ ታ ሞይዛኔ።

ዔያቶኮ ካኣታሂ ማዔ ጎዳሂ፡- «ዒንሂ ካኣሽካ ባኮ ካኣሽኪፃና፤ ሃሃ ዒንሂኮ ማሌ ምዳዘሞ ዘጊፃና ታና ዒንሂ ዳጋሳሂ ሞይታዛዳይ?» ጋዓንዳኔ፤

20 ዴራ፡- «ሃኣካ ካፃ ለዓ ጋፔኔ፤ ምፃኣ ኩዴኔ፤ ኑኡኒ ጋዓንቴ ዳቁባኣሴ!» ጌይ ጌይ ዒላታንዳኔ።

21 ታኣኮ ዴራ ማቁሂሮ ታ ዒናኣ ማቁኔ፤ ታጊዳ ዒጊቹሞ ጌሌም ታ ዬኤካኔ።

22 ጌሌዓዴይዳ ቲሺ ማዓ ዴኤሻ ባኣዓዳ? ዒኢካ ዴኤሻ ዔራ ዓሲ ዴዲሞዓዳ? ሂዳፖ ዴራ ታኣኮ ፓፁሞሂ ሞይቲዳይ?

9

1 ዎጅና ታ ዳሮ ዛሎ ርኦሮንታ ዋንቶንታ ታ ዬኤኮዎ
 ታአኮ ቶኦካ ዋአሢ ዔቴ ማዔቴ
 ዓአፓአ ታአኮ ዓቢሢ ዓልቃያ ማዔቴ
 ታ ዓይኅ ጋዓንዳይ!

2 ታአኮ ዳራ ዓሲ ሃሃ ማቾ ማዔባአያና ላሃያ፤ ሃሃ ጌሻያ ማዔሢሮ
 ዔያቶ ባአካፓ ዓሲ ናንጉዎ ዳውሌ ታ ዲማዲ ዴንዲ ናንጋንዳ
 ጎይሢ ዓሲ ዎርቃ ማአሪ ታ ዴንቄቴ ዎዚ ታና ዎዛሳንዳይ!

3 ዔያታ ፔ ዳንጎና ሉኡዙዎ ባአዚ ጌሰታኒ ጊኢጌያኬ፤
 ዬያሮ ሳዔሎይዳ ጎኑዎ ቤዞ ሉኡዙዎ ካአታዴኔ።

ናንጊና ናንጋ ጎዳ ሂዚ ጋዓኔ፡-

«ታአኮ ዳራ ፔቴ ጎሜ ማዳያ ጊዴና ሜሌይዳ ፒንቃኔ፤
 ታአኒ ያኦሲ ማዔሢ ዔሪ ዔያታ ታና ቦንቹባአሴ።»

4 ፔቴ ፔቴ ዓሳ ፔ ላጎኮ ጌኖ ዔሪ ፔና ካፖንጎ፤
 ፔኤኮ ጌርሲ ማዔቴያ ዒ ጉሙርቃኒ ኮይሱዋሴ፤
 ጌርሲ ጌይንታሢ ቢያ ጌሻያ ማዔኔ፤
 ዒጊኖ ጎያናሢ ቢያ ፔ ላጋሢኮ ሱንያ ባይዛኔ።

5 ቢያሢ ፔኤኮ ላጎ ዔኤያሲ ጌሻኔ፤
 ጎኔ ጌሰታ ዓሲያ ባአሴ፤
 ዳንጎ ዔያታ ሉኡዙዎ ጌሰቲሲ ዔርዜኔ፤
 ጎሜ ማዲ ማዲ ዑያ ዔያታ ፔኤኮ ላቢሳኔ።

6 ጌኔይዳ ጌኔ፣ ጌሺሢዳ ጌሺሢ ዔያታ ቃሲ ቃሲ ዓአዳኔ፤
 «ታአኒ ዔያቶኮ ያኦሲ ማዔሢ ዔሪ
 ዔኮ ዔያታ ዒፄኔ» ጋዓኔ ናንጊና ናንጋ ጎዳ።

7 ዬያይዳፓ ዔቄያና ናንጊና ናንጋ ጎዳ ማዔ ቢያ ባኮ ማገፔ ጎዳሢ
 ሂዚ ጋዓኔ፡-
 «ዳሮ ታአኮ ታ ጌኤሻኒ ዓንጊጉዲ ሸኤሻንዳኔ፤
 ዳራ ታአኮ ፑርታ ባአዚ ማዴሢሮ
 ዬማይዳፓ ሜሌ ታ ዔያቶ ዎዎዳንዳይ?»

8 ዳንጋ ዔያቶኮ ቢያ ዎዴ ጌኔ ባአዚ ጌሰታሢሮ
 ፑርታ ሂኢሸጉዲኬ፤
 ፔቴ ፔቴሢ ፔኤኮ ላጎና ዎላ ናሹዎ ዑኡሲና ጌሰታኔ፤
 ጋዓንቴ ዳሚና ዎሊም ፒሮ ፒራኔ።

9 ሂዳያ ዬያ ቢያ ባኮሮ ዔያቶይዳ ታ ሜቶ ዓጋኒና
 ዬያጉዴ ዓሶ ኮሜ ኮፃኒ ታና ኮይሱዋዳ?»

ዬያ ጌዔሢ ታና፡ ናንገና ናንጋ ጎዳኬ።»

10 ታኣኒ ሂዚ ጌዔኔ፡-

«ቢያሢ ባዔ ማዔሢሮ፤ ሃሣ ዒኢካ ሴካ ሃንጋ ሃንታ ዓሲያ ባኣሢሮ

ዲኮ ዛላ ታና ማለሻኔ፤ ቦኦሎ ዛሎዋ ታ ዬዬኤካኔ፤

ቆልሞኮ ዑኡሲያ ዒኢካ ዋይዚንቱዋሴ፤

ጫሪንጫ ባራና ካፖንታ ካዮ ቦፆንታ ቢያ ዒኢካፓ ቤቲ ዴንዲ ባይቄኔ።»

11 ናንገና ናንጋ ጎዳ ሂዚ ጋዓኔ፡-

«ዬሩሳላሜ ካታሞይዳ ዓኣ ማኣሮ ቢያ

ታኣኒ ደዔያ ሌሊ ማሃንዳኔ፤

ዉኡካ ኮኦሚ ሺራ ቤሲ ታ ማሃንዳኔ፤

ዪሁዳ ካታሞ ሃሣ ታኣኒ ያኦኒያ ናንጉዋያ ጉሪ ቤሲ ማሃንዳኔ።»

12 ናንገና ናንጋ ጎዳ ኮይላ ታኣኒ፡- «ሳዔላ ያኦኒያ ዒኢካ ሃንታኒ ዳንዳዑዋያ ዳውሌ ቦኦሊ፤ ሃሣ ዔፄ ካይዚ ማዔሢ ዓይጎሮዳይ? ዬያ ማሊ ጸቂሢ ዔራኒ ዳንዳዓ ዔሮ ያናዳይ? ማሌ ዓሶም ፔጋሲ ኬኤዚ ዔርዛንዳጉዲ ኔኤኒ ያኦም ፔጋሲ ዳቂይ?» ጌዔኔ።

13 ናንገና ናንጋ ጎዳ ታኣም ሂዚ ጌይ ማሃኔ፡- «ዬይ ቢያ ማዓኒ ዳንዳዔሢ ታኣኮ ዴራ ታ ዔያቶም ዒንጌ ዋጎ ሃሺሢሮኬ፤ ዔያታ ታኣም ዓይሢንቲባኣሴ፤ ታ ዔያቶም ኬኤዜ ባኮዋ ቢያ ዔያታ ማዲ ኩንሢባኣሴ።»

14 ዬያይደንደሢ ሃሺ ዋይዚ ዒፃ ፑርታ ዓሲ ማዔኔ፤ ዔያቶኮ ዓደንሢ ዔያቶ ዔርዜ ጎይያና ባዓኣሌ ማሊሲ ኮሻና ባኮ ዔያታ ዚገ ካኣሻኬኔ።

15 ዬያሮ ታኣኒ፡ ዒሰራዔኤሌ ያኦዛሢ ማዔ ቢያ ባኮ ማዢ ጎዳ ማዳንዳ ባኮ ታ ዒንሢሞ ኬኤዘም፤ ሃይ ዴራ ሙዓንዳ ሙዖ ጫንቹ፤ ሃሣ ዑሽካንዳ ዋኣያዋ ፑርቲ ደርዖ ማዢ ዋኣሢ ታ ማሃንዳኔ።

16 ዔያቶንታ ዔያቶኮ ቤርታኣ ዓደንሢንታ ዔሩዋያ፡ ማሌ ዴሪ ባኣካ ታ ዔያቶ ዜርቃንዳኔ፤ ዔያቶ ጨንቻ ዓራፖና ዋዳንዳ ዋርኬ ታኣኒ ዳኪ ዋዲ ዔያቶ ባይዛንዳኔ።»

ዬሩሳላሜ ዴራ ማኣደ ዴንቃኒ ዒላታ ዒላቶ

17 ቢያ ባኮ ማዢ ጎዳ ሂዚ ጋዓኔ፡-

«ሂንዳ ዓካሪ ኮሺ ማሉዋቲ፤

ቃዮ ቃያንዳ ላኣሊ ፔቴይዳ ቡኩሱዋቴ፤
ዓይዳዲ ቃያ ላኣሊያ ዔኤሉዋቴ።»

18 ዴራ ሂዚ ጌዔኔ፡-
«ዓኣፓ ኑኡኮ ዓቢሢና ኩማንዳጉዲ
ጋጋጮ ዑፆና ሊካ ኬዳንዳጉዲ
ቃዩ ኑና ዬውሳ ላኣላ ዑኩና ቃያንዳጉዲ ኬኤዘዋቴ።»

19 ጂዮኔይዳ፡- «ባዴዔ፥ ኑ ኩዴኔ!
ጋፒ ኑ ቦርሲንቴኔ!
ኬኤፃ ኑኡኮ ሻሂንቴሢር ዓጮ ኑ ሃሺ ዴንዲናኣኮኬ»
ጌይ ጌይ ዬኤኪንታ ዒላቶ ዑኡዘ ዋይዘዋቴ።

20 ታኣኒያ ሂዚ ጌዔኔ፡-
«ዒንሢ ሃይ ላኣላ! ናንጊና ናንጋ ጎዳ ጋዓሢ ዋይዘዋቴ፤
ጌይንታ ባኮ ዓርቂ ዔካኒ ጊኣጌያ ማዑዋቴ፤
ዔያታ ዋማይዲ ቃዩ ዬኤካንዳያ ኮይሳቴያ ዒንሢኮ ዉዲር ናኣቶም
ኬኤዘዋቴ፤
ቃያሢ ቃዮ ጎይፆ ዒንሢ ባጎንሢም ኬኤዚ ዔርዘዋቴ።

21 ሃይቢ ኑ ኬኤፆኮ ፑልቶ ካርና ካርና ጌሌኔ፤
ኑኡኮ ካኣቶ ማኣር ማኣርዋ ጌሌኔ፤
ናኣቶ ጎይፆዳ፥ ዴጌ ዓሶዋ ዓሳ ቡካ ጰኣኮይዳ ማኣሳንሢ
ጋፔ።።

22 ዓሲኮ ሌሲ ፔጌይዳ ላላኣሊንታ ቡኡራጉዲ
ቢያ ቤሰካ ኬኤሪንቴኔ፤
ሃኣኮ ጮኣራ ዓሳ ጮኣራፆ ኬይሲ ሃሺም
ሜሌ ዓሲ ዴንቂ ዚንጉዋ ሃኣኮ ዬይ ማዔኔ፤
ናንጊና ናንጋ ጎዳ ታና ኬኤዘዋ ጌዔሢ ዬያኬ።»

23 ናንጊና ናንጋ ጎዳ ሂዚ ጋዓኔ፡-
«ዔራሢ ፔ ዔራቶና
ደዳሢ ፔ ዋልቆና
ፆርጎጫሢያ ፔ ቆሎና ፆቶርቆፓ፤

24 ፔቴ ዓሲ ፆቶርቃንዳያ ኮይሳያ ማዔቴ
ሳፆይዳ ማኣሪሢ ዳካያ፤
ፒዜ ዋጌ ዋጊሢንታ ጎኑዋ ማድንታ ማድንቲ ጰዳንዳጉዲ
ማሃ
ታና፥ ፆኦሲ ዔሪፆና ፆቶርቆንጎ፤
ታና ዋዛሳሢያ ዬያኬ፤

ዬያ ጌዔሢ ታና፡ ናንጊና ናንጋ ጎዳኬ።»

25 ናንጊና ናንጋ ጎዳ ሂዚ ጋዓኔ፡- «ሄርሺንቲር ዓቲንቶ ቤርቶ ሌሊ ቲቁንቲዘንሢሢሢሢ ማቶ ታ ዓጋንዳ ዎዴ ዬዓንዳኔ፤

26 ጊብፄ ዓጮ ዓሶ፡ ዪሁዳ ዓሶ፡ ዔደአሜ ዓሶ፡ ዓሞኦኔ ዓሶ፡ ሞዓኦቤንታ ዓሶ ናንጉዎ ዳውሎ ኮይላ ናንጋያ ሻውሎና ሚዘቆ ዛሎ ጋንጋሮይዳ ዓኣ ጋፓኖ ሜኤዳ ዴሮንታ፤ ዬያጉዲ ሃሣ ዒሰራዔኤሌ ዴዴኣ ዒኖይዳ ዓኣ ፑርቶ ቲቁ ሺኢሺባኣሢሢሢ ዬያቶ ቢያሢሢሢ ማቶ ታ ዓጋንዳኔ።»

10

ጾአዞ ጌይ ካኣሸኮ ሜሌ ባኮ ዛሎ ጾኦሲ ጌዔ ባኮ

1 ዒሰራዔኤሌ ዴሬዮቲ! ናንጊና ናንጋ ጎዳ ዒንሢሢሢ ኬኤዛ ባኮ ዎይዙዎቲ፤

2 ናንጊና ናንጋ ጎዳ ሂዚ ጋዓኔ፡-

«ሜሌ ዓሳ ናንጋ ጎይያ ናንጊፖቲ፤

ፑርታ ባኣዚ ሙካንዳያ ማዒያ ዔያቶም ዔርዛ ባኣዚ ጫሪንጫ ጴዳማና ዒጊቹሞና ጎጋይቁሢና ዔያቶኮ ዳሞቤኬ፤ ዒንሢሢ ጋዓንቲ ዬያ ዒጊጩ ሴካ ሃንጋ ጌይፖቲ።

3 ሜሌ ዓሶኮ ዔያታ ጉሙርቁ ካኣሸኪ ናንጋ ባካ ጉሪ ባኣዚኬ፤ ሚሢ ዴኤሊዳፓ ቲቁንታኔ፤

ዓርሲ ዔራ ሃኣሚ ዛንቃሬና ዑሪ ጊኢጊሻኔ፤

4 ዬያ ዔያታ ቢራ ዓንጊና ሃሣ ዎርቁና ጳርቁ ሚዘጲሳኔ፤ ዓጊጹዎጉዲ ሚሰማሬና ጳርቁ ዓይሣኔ።

5 ዬይ ባካ ቲኢኪንታ ካፒንታ ዬያጉዴ ባኮዎ ዒጊቻኒ ጎሺዳ ጌሃ ባኣዚ ጉዴያኬ፤

ዬይ ባካ ጌሰታኒ ዳንዳዑዎያኬ፤ ሃንታኒያ ዳንዳዑዎኣሢሢሢ ዓሲ ኬዲ ዬያ ሃንታኔ፤

ፑርታ ባኣዚ ሄሊሳኒና ዔኤቢ ማኣዳ ባኣዚ ጴዳሳኒ ዬይ ባካ ዳንዳዑዎኣሢሢሢ ዬያ ባኮ ዒጊጩፖቲ።»

6 ናንጊና ናንጋ ጎዳሢዮ! ኔጉዴያ ጾኦኒያ ባኣሴ፤ ኔኔኒ ዴኤፒኬ፤

ኔኤኮ ሱንፃ ዴኤፒ፡ ሃሣ ዎልቁና ዓኣያኬ።

7 ካኣቶኮ ቢያ ኔኤኒ ካኣቲ ማዔሢሢ ኔና ዒጊጩዎይ ጾናዳይ? ዴርኮ ዔር ዓሶንታ ዔያቶኮ ካኣቶንታ ባኣካ

ነናጉዴያ ባአሢር ቦንቾ ኔኤም ኮይሳኔ።
 8 ቢያሢ ዔራቶ ባይቁ ዔዔኤያንዳኣፓዕቴም
 ሚሢና ዔኤቢ ማሊሲ ኮሾና ባኮፓ ዓይሳ ዔያታ ዔኪ
 ዔራንዳይ?

9 ዬይ ማሊሲ ኮሾና ባካ ቲርሴሴፓ ዔኪ ሙኮና ቢራ ዓንገና፤
 ሃሃ ዑፓዜ ጌይንታ ቤዛፓ ጴዳ ዋርቄና ጳርቄ ኮሺንቴያኬ፤
 ዔር ማዔ ሃአም ዓሳ ዬያ ኮሺያኬ፤
 ዬያጉዲ ዔር ዓሶንታ ዶርዘንታ ዲዔ

ዲንኪ ዓፒላና ጋላፒ ሚዛጺ ዓፒላና ዬያ ካንቆና።

10 ናንገና ናንጋ ጎዳሢዮ! ኔኤኒ ጋዓንቴ ጎኔ ያኦሲኬ፤

ኔኤኒ ባይቁዋ ያኦሲ፣ ናንገና ናንጋ ካኣቲኬ፤

ኔኤኒ ዳጋዳ ዋዶና ዓጪ ማዔ ካራና ቢያ ዓገፃኔ፤

ዓሶኮ ካኣታ ኔ ዳጎ ጎሪንቶ ጊቢ ዶዲ ዔቃኒ ዳንዳዑዋሴ።

11 «ሜሌ ያኦዛ ጫሪንጮና ሳዖና ማዢባኣያ ማዒያ፤

ሃሃ ኔኤኒ ናንገና ናንጋ ጎዳሢ ሜሌ ያኦዛ ጌይንታ ካኣሽኮ
 ባኮ

ቢያ ባይዛንዳሢ ዔያቶም ከኤዜ» ታኣም ኔ ጌዔ።

ናንገና ናንጋ ጎዳ ጋላቶና ጋላታ

12 ያኦሲ ፔ ዋልቆና ሳዖ ማዢኔ፤

ፔ ዔራቶና ዓጮ ቢያ ማዢኔ፤

ዒዛኮ ማሊ ጳቂሃ ዒኖናኣ ጫሪንጮ ደገዲ ዒ ዳሬኔ፤

13 ዒዛ ዓይሥሢና ጫሪንጮ ዑፃ ዓኣ ዋኣፃ ዴቺንታ ዑኡሲ
 ዋይዚሳኔ፤

ዓጫ ማዔ ካራፓ ዒዚ ሻኣሬ ዔኪ ሙካኔ፤

ዒራ ዋርቃኣና ዜኤሊንሢ ዒዚ ዜኤሊንሢ፤

ዢባር ፔ ኮናፓ ዒ ዳካኔ።

14 ቢያሢ ዔራቶ ባይዚ ዔዔኤዬኔ፤

ዔያታ ማሊሲ ኮሺ ባካ ሉኡዚ ባኣዚ፣ ሃሃ ሺምፔያ ባአሢር

ዓንጎ ሺኤሺ ዲዒሢ ዒ ማዢ ያኦዛ ዛጋያ ቦርሲንቴ።

15 ዬይ ያኦዛ ማሃ ኮሾና ባካ

ዔኤቢ ፓሃ ባኣዚ ባኣያ ዓማሊ ባኣዚኬ፤

ናንገና ናንጋ ጎዳ ዬያቶ ያኦዛ ማሃ ኮሾና ባኮይዳ

ሜቶ ዓጋኒ ሙኪ ጴዳ ዋዶና ዬይ ባካ ባይቃንዳኔ።

16 ያይቆኦኔ ያኦሲ ጋዓንቴ ዬያቶጉዲቱዋሴ፤

ያይቆኦኔ ያኦሲ ቢያ ባኮ ማዢሢኬ።

10:7 ዮሃ. ዮፔጳ 15:4።

ዒሰራዔኤሌጥ ፔዳሬ ማዓንዳጉዲ ዒ ደኦሬኔ፤
ሱንፃ ዒዛኮ ቢያ ባኮ ማዠፍ ጎዳኬ።

ሙካኒ ዑኪ ዓአ ዎዛ

17 ዒንሢ ማንገንቲ ዓአ፥ ዩሩሳሌም ካታማ ናንጋ ዳራ!
ዒኢካፓ ኬሰካኒ ዒንሢኮ ዓአ ባኮ ዑኬና ቡኩሱዋቴ!

18 ናንገና ናንጋ ጎዳ ሂዚ ጋዓኔ፡-
«ሃኖ ዓጫ ናንጋ ዓሶ ታኣኒ ኬሲ ዳካንዳኔ፤
ዔያቶኮ ታኣኒ ካራ ባይዚ ዲዒንታንዳጉዲ ማሃንዳኔ።»

19 ዩሩሳሌም ዳራ ዒላቲ ዒላቲ ሂዚ ጋዓንዳኔ፡-
«ሜቁ ማአሳኒ ኑ ኪፃዕሢኒ ኑና ባዳዔ፤
ኪፃ ኑኩኮ ፓፃንዳያቱዋሴ፤
ኑ ኩራ ኑኩኒ ሃያ ሜቶ ቢያ ገቢ ዳንዳዓንዳያ ማሌኔ።

20 ኑኩኮ ዓፒሎና ማዠና ማአራ ሻሂንቴኔ፤
ፃጺ ኑ ቱካ ሱዛኣ ቲቁንቴኔ፤
ናኣታ ኑኩኮ ቢያ ዳውሲንቲ ዳንዲ ባይቄኔ፤
ኑኩኮ ዓፒሎና ማዠና ማአራ ገንሣ ደቃንዳያና
ጎኦቦ ዓፒሎዋ ሱፃንዳያ ፔቴታፆ ዓቲባኣሴ።»

21 ታኣኒ ማሃፆ ሂዚ ገዔኔ፡-
«ኑኩኮ ሱኡጋ ዔኤያ ማዔሢሮ
ማአዶ ዔያታ ናንገና ናንጋ ጎዳ ከይላ ፆኦጪባኣሴ፤
ዳራ ኑኩኮ ሎኦማኒ ዳንዳዔሢና ዜርቁንቲ ባይቄ ዓቴሢ
ዩያሮኬ።»

22 ዋይዙዋቴ፤ ዓኪ ሃይሴ ኬኤዘንታኔ!
ኬዳኖ ዛሎ ካኣቲ ዪሁዳ ካታዋ ጉሪ ቦኦሊ ዳውሌ
ገንሣ ሃሣ ዉኡካ ኮኦሚ ዓማላ ቤሲ ማሃኒ ጳሺዳኬ።»

23 ናንገና ናንጋ ጎዳሢያ! ዓሲኮ ሼምፓ ዩያ ዓሢ ኩጫ ማዒባኣሢ
ዒ ናንጋ ናንጎዋ ፔኤሮ ፒዚሲ ዔኪ ዓኣዳኒ ዳንዳዑዋኣሢ ታ
ዔራኔ።

24 ናንገና ናንጋ ጎዳሢያ! ኔኤኒ ፒዜ ዎጋያ ማዔሢሮ ኑና ዘሪ ጎሬ፤
ጋዓንቴ ኑኩኒ ጋፒ ባይቁዋጉዲ ኔኤኒ ዳጋዲ ዓኣንቴ ዩይ
ማፆፓ።

25 ኔኤኮ ዳጎ ኔና ዔሩዋ ዓሶና ኔ ሱንፃ ዔኤሊ ካኣሽኩዋ ዳሮይዳ
ጮኣሽኬ፤
ዔያታ ኔኤኮ ዳሮ ኩርሴኔ፤
ኑና ቢያሢ ዔያታ ጋፒሲ ባይዚ፥ ዓጮ ኑኩኮ ጉሪ ማሂ ሃሼኔ።

11

ፆኦሲ ፔ ደሮና ዎላ ጫኦቄ ጫኦቄማ ካፒንቲባኦሂ

1 ናንጊና ናንጋ ጎዳ ሃካፓ ሊካ ከኤዚንታ ጎይፆጉዴያና ዔርሚያሴም ዒ ጋባ ባኮ ከኤዜኔ፡-

2 «ታኦኒ ታ ደሮና ጫኦቄ ጫኦቄሞኮ ሃያ ማሊፆ ኮሺ ዎይዚ ዔኪጋፓ ዪሁዳ ደሮና ዬሩሳላሜይዳ ናንጋ ዓሰናም ከኤዜኔ፡፡

3 ሃያ ጫኦቄሞ ዓይሂንቲ ማዲ ኩንሁዎይ ቢያ ጋዳንቁንቴያ ማፆም፡፡

4 ሃያ ጫኦቄሞ ቃኦሎ ጊልፖ ደኦቲጉዴ ዓጩሎ፡ ጊብፂይዳፓ ታ ዔያቶ ከሴ ዎደና ዒንሂኮ ቤርታኦ ዓደንሂም ታ ከኤዜያከ፤ ታኦም ዔያታ ዓይሂንታንዳጉዲና ታ ዔያቶም ጋባ ባኮ ቢያ ዔያታ ማዲ ኩንሁንዳጉዲ ታ ዔያቶም ከኤዜኔ፤ ዔያታ ታኦም ዓይሂንታያ ማዔቴ ዔያታ ታ ዴሬ ማዓንዳሂና ታኦኒያ ዔያቶኮ ፆኦሲ ማዓንዳሂ ታ ዔያቶም ፔጋሲ ዬያ ጫኦቄሞ ቃኦሎና ዳቄኔ፡፡

5 ዬይ ያዲ ማዔቴ ሃሂ ዔያታ ዓኦ፡ ዔኤዘና ዲኦቆና ኩሜ ማሎ ዓጩሎ ዔያቶኮ ቤርታኦ ዓደንሂ ታ ዳካልሴ ዎደና ታ ዔያቶም ከኤዜ ሃጊ ማዓንዳ ዎዘ ቃኦሎ ታ ማዲ ኩንሁንዳኔ፡፡»

ታኦኒ ዒማና፡- «ዔኤዔ፡ ቃራኬ ናንጊና ናንጋ ጎዳሂፆ!» ጌዔኔ፡፡

6 ዬካፓ ሃሃ ታኦም ናንጊና ናንጋ ጎዳ ሂዚ ጌዔኔ፡- «ዪሁዳ ካታሞንታ ዬሩሳላሜ ካታሞ ጎይፆ ጎይፆ ዴንዲ ታኦኮ ጫኦቄሞ ቃኦሎ ዔያታ ዎይዛንዳጉዲና ታኦኮ ዓይሂፆ ዔያታ ማዲ ኩንሁንዳጉዲ ላቲ ዔያቶም ዑኡዘ ኔኤኮ ዳጊዲ ከኤዜኔ፤

7 ዔያቶኮ ቤርታኦ ዓደንሂ ታኦኒ ጊብፂ ዓጩፓ ከሴ ዎደና ታኦም ዔያታ ዓይሂንታንዳጉዲ ላኦቲ ላኦቲ ታ ዔያቶም ደዲሺ ከኤዜኔ፤ ዴሮም ሃሮ ሄላንዳኦና «ዒንሂና ዔሩዎቴ» ጌይሂ ታ ሃሺ ቤቁባኦ፤፡፡

8 ጋዓንቴ ዔያታ ታ ጋዓሂ ዎይዛኒና ዓይሂንታኒያ ኮዒባኦ፤ ዬያ ሃሺ ፔቴ ፔቴሂ ቤርታኦከካፓ ባሺ ዎይዚ ዒፆ ፑርታ ዓሲ ማዔኔ፤ ታ ዔያቶና ጫኦቄ ጫኦቄሞ ካፒ ዔያታ ኩንሁንዳጉዲ ታ ዔያቶ ዓይሂኔ፤ ዔያታ ጋዓንቴ ዒፆኔ፤ ዬያሮ ታኦኮ ጫኦቄሞ ቃኦሎይዳ ፆኦፒንቴ ጋዳሞ ታ ዔያቶ ሄሊሳንዳኔ፡፡»

9 ሄሊሳፆ ሃሃ ናንጊና ናንጋ ጎዳ ሂዚ ጌዔኔ፡- «ዪሁዳና ዬሩሳላሜና ዴራ ታኦም ዎይዚ ዒፆኒ ዎላ ዘርቲ ታጊዳ ዔቄኔ፤

10 ታኦኒ ዔያቶ ዓይሂ ባኮ ኩንህ ዒፆ፡ ዔያቶኮ ቤርታኦ ዓደንሂጉዲ ጎሜ ዔያታ ማዳኔ፤ ፆንጎ ማዔ ሜሌ ፆኦዘ ዔያታ ካኦሽካኔ፤ ዒሰራዔኤሌና ዪሁዳ ደሮና ፔቴሞና ዎላ ዔቄ ዔያቶኮ ቤርታኦ ዓደንሂና ዎላ ታ ጫኦቄ ጫኦቄሞ ካፖ ዒፂ ሃሸኔ፡፡

11 ዬያር ሃይሾ ታኣኒ፥ ናንጊና ናንጋ ጎዳ ዔያቶይዳ ባይሲንታ ዔኪ ዬዓኔ፤ ዬያ ባይሲንታፓ ዔያታ ቶላኒ ዳንዳዑቀሴ፤ ታ ዔያቶ ማኣዳንዳጉዲ ዔያታ ዒላቴቴታ? ታ ዔያቶም ዋይዛዓኬ።

12 ዬያር ዪሁዳና ዬሩሳላሜ ዳርና ዒንጎ ባኮ ዔያታ ዒንጋ፥ ሜሌ ያኦዞ ኮይላ ዳንዲ ማኣዳ ያኦጪሢ ዒላታንዳኔ፤ ጋዓንቴ ዬይ ባይሲንታ ዔያቶይዳ ሙካኣና ዬይ ያኦዞ ዔያቶ ማኣዳኒ ዳንዳዑቀሴ።

13 ዪሁዳኮ ካታማ ሚርጌሢጉዴያ ካኣሽኮ ያኦዞ ያዲ ዲቢ ዒንሢኮ ዓኣኔ፤ ዬሩሳላሜ ካታሞኮ ጎይፃ ሚርጌ ዓኣሢጉዲ ዒሢያ ማዔ፥ ባዓኣሌ ጌይንታ ያኦዞም ዒንጎ ባኮ ዒንጎ ቤሲ ሚርጌ ዒንሢ ኮሼኔ።

14 ዔርሚያሴ፤ ዔያታ ማታዳፆ ታ ዋይዞም ዒላታኣና ታ ዔያቶም ዋይዚንዲዋኣሢር ሃያ ዳር ዛሎ ታና ሺኢቂፖ፤ ዔያቶ ዛሎ ቃይሻያ ማዒ ታኣም ዔኤቢ ኬኤዚ።»

15 ናንጊና ናንጋ ጎዳ ዪሁዳ ዳርም ታ ሂዚ ጌይ ኬኤዛንዳጉዲ ጌዔኔ፡- «ዒንሢ ታኣኒ ዒንሢ ናሽካ ዳሬኬ፤ ጋዓንቴ ዒንሢ ሃያጉዴ ፑርታ ባኣዚ ማዲ ማዲ ሃያ ታኣኮ ጌኤዞ ማኣር ሙኪ ጴዳንዳያ ኮይሱቀሴ፤ ዒንሢ ታኣም ቆልሞ ሹኪ ዒንጋ ዒንጊፃ ባይሲንታፓ ዒንሢ ዓውሳኒ ዳንዳዑቀሴ፤ ዬያር ታኣኮ ጌኤዞ ማኣርይዳ ዬያይዲ ዋዛዳንዳኔ ጌይፃ ሃሹዋቴ።

16 «ሚርጌ ዓኣፒ ዓኣፔ ሚዛጶ ዛይቴ ሪሚቴ ሚሢ፤ ጌይ ሱንሢ ታ ዒንሢኮ ጌሣኔ፤ ጋዓንቴ ዳካ ኬሊ ጋርካ ጉጉንሢጉዲ ዲዲኡቃንዳ ታሚና ታኣኒ ዬኖ ሚጻሎኮ ካኣፖ ሚቺ ባይዛንዳኔ።

17 «ታኣኒ ቢያ ባኮ ማዜ ጎዳኬ፤ ዒንሢ ዪሁዳና ዬሩሳላሜና ዳራ ታኣኒ ዒንሢ ቱኬ ሚሢኬ፤ ጋዓንቴ ባዓኣሌ ጌይንታ ያኦዞም ዒንሢ ዒንጎ ባኮ ዒንጊፃና ታና ዳጋሴኔ፤ ዬያር ሃሢ ባይሲንታ ታ ዒንሢዳ ዔኪ ዬዓንዳኔ።»

ዔርሚያሴ ዋዳኒ ማሎና ጌኔ ማሊሢ

18 ዒማና ዔያታ ማዳ ባኮ ናንጊና ናንጋ ጎዳ ታኣም ፔጋሲ ዳዋሢር ታ ዔያቶኮ ጌኖ ማሊፆ ዔሬኔ።

19 ታኣኒ ሹኪንታኒ ዔውቴ ዳንዳ ማራናይጉዲ ማዒ፥ ዔያታ ታኣም፡- «ዒዛኮ ሱንፃ ላሚ ኬሰኪ ዋይዚንቴዋጉዲ ሚፃሢ ዓኣፖና ዋላ ኑ ቴቂ ባይዞም፤ ሸምፔና ዓኣ ዓሳ ናንጋ ዓጫፓ ኑ ዒዛ ሸኢሸም» ጌይ ዋላ ጌኖ ዘርታሢ ናንጊና ናንጋ ጎዳ ታኣም ፔጋሳንዳሢኮ ቤርታ ታኣኒ ዔሪባኣሴ።

20 ታኣኒ፡- «ቢያ ባኮ ማዠፍ ጎዳሢዮ! ኔኤኒ ዓሲኮ ዒኔና ጎጲና ዛጊ ዔሪ ፒዜ ዋጊሢ ዋጋያኮ፤ ሃይሾ ታ ማቶ ታ ኔኤም ኬኤዜ፤ ዬያሮ ሃያ ዴሮይዳ ኔኤኒ ዔካ ኮሞ ታና ዛጊሴ» ጌይ ያኦሲ ሸኢቁ።

21 «ናጊና ናጊ ጎዳ ሱንፆና ያኦሲ ማሊያ ኔ ኬኤዜያታቲ ኔ ኔና ዋዳንዳ፤» ጌይ ዔርሚያሴኮ ሸምፖ ባይዛኒ ኮዓ ዓናቶቲ ዓሶ ዛሎ ናጊና ናጊ ጎዳ ሂዚ ጋዓ፡-

22 «ታኣኒ ታ ቶኦኪና ማቶ ዔያቶይዳ ዓጋንዳ፤ ዴጌሢ ዔያቶኮ ያልዚዳ ጩንኛ ዓራፖና ኩዳንዳ፤ ዓቲንቆና ዉዱሮ ናኣቶና ዔያቶኮ ናይዚና ሃይቂ ጋፓንዳ።

23 ዓናቶቲ ዓሶ ባይዛንዳ ባኮ ታ ዔያቶይዳ ዓጋ ዋዳ ሄላኣና ዔያቶይዳፓ ፔቲ ዓሲታዎ ዜርሢ ማዒ ዓታዓኮ።»

12

ናጊና ናጊ ጎዳ ኮይላ ዔርሚያሴ ያኦጩ ያኦጩሢ

1 ናጊና ናጊ ጎዳሢዮ! ታኣኒ ኔ ቤርታ ኔና ሞኦቲ ጌሰታሢ ኔኤኒ ፒዜ ማዔሢ ዔሪያኮ፤

ሃሢ ኔኤኒ ፒዜ ዋጋ ዋጊያይዳ ታ ያኦጩ ባኣዚ ዓኣኔ፤

ጎሜ ዓሲኮ ናጊ ፒዜ ማዒ ዓኣዳሢ ዋይቲዳይ?

ጌሺ ናጊ ዓሶ ቢያሢኮ ዔባ ቢያ ጊኢጋሢ ዋይቲዳይ?

2 ኔኤኒ ዔያቶ ቱኬም ዔያታ ፃጲ ዳኮ፤

ዑጊ ዓኣፒያ ዓኣፔ፤

ዳንጋና ኔና ዔያታ ቦንቻ፤

ዒና ጋዓንቲ ዔያቶኮ ኔጊዳፓ ሃኬያኮ።

3 ናጊና ናጊ ጎዳሢዮ! ታና ጋዓንቲ ኔ ዔራ፤

ኔ ዛሎ ታ ማላ ማሊያ ኔ ዛጊ ዱማሲ ዴንቃ፤

ሃኣቶ ፑርቶ ዓሶ ሹካኒ ዔኪ ዴንዶ ማራይፐዱ ዒሹ፤

ሹኮንዶ ኬሎም ዱማሲ ዔያቶ ዔቂሴ።

4 «ኦ ማዳ ባኮ ቢያ ናጊና ናጊ ጎዳ ዛጉዋሴ» ጋዓ

ዴርኮ ፑርቱማፓ ዔቂያና ኦኡኮ ሳዓ ሉማዳሢ፤ ጊንሣ ሃሣ

ካዮይዳ ዓኣ ማኣታ ማሊ ኩዳሢ ዋሚ ሃላንዳኣናዳይ?

ዬያ ዛሎና ካዮ ቦያንታ ካፖንታ ቢያ ጋፒ ዴንዱ ባይቁ።

ናጊና ናጊ ጎዳ ማሂ ኬኤዜ ባኮ

5 ናጊና ናጊ ጎዳ ሂዚ ጋዓ፡-

«ዔርሚያሴ! ቶኪና ሄሌሎ ጳሽካ ዓሶና ዋላ

ጳሽኪፃ ኔና ላቢሳያ ማዔቲ

ፓራሢና ዋላ ኔ ዋዲ ሄሌሎ ጳሽካንዳይ?
 ዔኤቢባኣ ፔሳይዳ ጳዠ ባሽንቲ ሎኣማያ ማዔቲ
 ዮርዳኖሴ ዋሮ ዓጫ ዓኣ ዳኤሎ ካዮ ባኣካ ኔ ዋዎይታንዳይ?
 6 ኔኤኮ ጌርሲንሢንታ ኔኤኮ ዑኩ ዒጊኖንታ ኔና ሃሼኔ፤
 ኔና ዔያታ ዒፂ ማኪ ጌሰቴኔ፤
 ዩያሮ ኔ ቤርታ ዔያታ ኮሺ ባኣዚ ጌሰቴቴያ ዔያቶ
 ጉሙርቁፖ።»

- ዴሮኮ ጳቢንታ ናንጊና ናንጋ ጎዳ ያዩሴሢሢ
- 7 ናንጊና ናንጋ ጎዳ ሂዚ ጋዓኔ፡-
 «ታኣኮ ማኣሮንታ ታ ዴኖንታ ታ ሃሼኔ፤
 ታኣኒ ናሽካ፥ ታ ዴሮዋ
 ዔያቶኮ ሞርኮም ታ ዓኣሢ ዒንጋንዳኔ።
- 8 ታ ዴራ ታጊዳ ፑርቱሞና ዔቁ ካይዚ ዘቢጉዲ ጉዳኔ፤
 ዩያ ማደ ዔያቶኮ ታ ዒፃኔ።
- 9 ታኣኒ ዶኦሬ፥ ታ ዴራ ቢያ ዘሎና
 ዜኤጌ ካቲ ዔቁ ካፒ ማዔኔ፤
 ዩያሮ ሜሌ ካዮ ቦዓ ሙኪ ዓሽኮ ዔያቶኮ ሙይ
 ዋዛዳንዳጉዲ ዩያ ቦያ ዔኤሎዋቴ።
- 10 ሜሌ ዴር ሱኡጋ ታኣኮ ዎይኖ ጎዡ ፑርቲሲ ባይዜኔ፤
 ታ ዴኖ ማዔ ጎዎዋ ሄርቁ ዲርካቼኔ፤
 ዋዛሳያ ማዔ ጎዔሎዋ ዓሲ ናንጉዋ ዳውሌ ማሂ ሃሼኔ።
- 11 ዓሲ ናንጉዋ ዳውሌ ማሂ ዔያታ ሃሼሢሮ ታ ቤርታ ጉሪ ጎዓ ማዔ
 ዒዛ ዓቴኔ፤
 ዓጩላ ካራና ዓሲ ናንጉዋ ዳውሌ ማዔ ጋቴኔ፤
 ዒዞ ዔኤቢኬ ጌይ ዛጋ ዓሲ ፔቴታዎ ባኣሴ።
- 12 ዓሲ ናንጉዋ ዳውሌ ማዔ ዓኣ ዲካፓ
 ባይዛንዳ ያልዚ ዓሲ ሙካንዳኔ፤
 ናንጊና ናንጋ ጎዳ ዳኬ ጩንቻ ዓፓሮ ዓጩሎኮ
 ካራፓ ካሮ ሄላንዳኣና ዓሶ ባይዛንዳሢሮ
 ኮሺ ናንጊ ናንጋንዳ ዓሲ ፔቴታዎ ባኣሴ።
- 13 ዴራ ታኣኮ ዛርጌ ዜርቃዎ ማርካፃ ዓንጊሢ ጩኦሬኔ፤
 ማደና ዔያታ ላባዎ ዔያቶም ማዓንዳ ባኣዚ ፔቴታዎ
 ዴንቁባኣሴ፤
 ታኣኮ ዶዶ ዳፓፓ ዔቁያና ዔያቶኮ ሃኣካ ባይቁሢሮ ዔያታ
 ያዩኔ።»

ዩሁዳ ዴሮ

14 ናንጊና ናንጋ ጎዳ ሂዚ ጋዓኔ፡- «ታ ዳር ዒሰራዔኤሌም ታ ዒንጌ ዓጩሎ ባይዜ፣ ዒሰራዔኤሌኮ ዓሺኖ ዓጩም ታ ጋዓ ባአዚ ዓአኔ፤ ዬያቶ ፑርቶ ዓሶ ዔያቶኮ ዓጫፓ ዓጫፓ ቱጊ ዔኪ ታ ዓአዳንዳኔ፤ ዪሁዳ ዳርዋ ዔያቶ ባአካፓ ዋቂ ታ ኬሳንዳኔ።

15 ጋዓንቴ ዔያቶኮ ዓጫፓ ታ ዔያቶ ኬሴሰካፓ ጊንሣ ዔያቶም ታ ሚጩንቴ ዔያቶ ማአራንዳኔ፤ ፔቴ ፔቴ ዳር ፔኤኮ ሳዖና ፔኤኮ ዓጩና ባንሢ ታ ማሂ ዔኪ ዬዓንዳኔ።

16 ታ ዳራ ሃንታ ጎይፆ ጉቤ ዒኔና ዔያታ ሃንታኒ ዔኤዒ ዔያታ ሃያኮ ቤርታ ታአኮ ዳር ባዓአሌ ሱንፆና ዔኤቢ ሳላዲሢ ዔርዘማ ጎይፆ ናንጊና ናንጋ ጎዳ ሃይቆ፤ ጌይ ዔያታ ሳላዳያ ማዔቴ ታ ዳር ባአካ ታ ዔያቶ ናንጊሻንዳኔ፤

17 ዔያቶ ባአካ ታአም ዋይዙዋ ዳሬ ዓአቴ ጋዓንቴ ቱጊ ዳኪ ታአኒ ባይዘንዳኔ፤ ዬያ ጌዔሢ ታና፣ ናንጊና ናንጋ ጎዳኬ።»

13

ታልቦ ጎልዚዳፓ ኮሺንቴያ ኬርና ቱኮ ባአዚ

1 ናንጊና ናንጋ ጎዳ ሂዚ ጋዓኔ፡- «ታልቦ ጎልዚፓ ዋጋርጉዲ ኮሾና ኬርና ቱኮ ባኮ ሻንቂ ዔኪ ቱኡቴ፤ ዋአሢና ጋዓንቴ ካንሢፖ።»

2 ዬያር ናንጊና ናንጋ ጎዳ ታና ዓይሤ ጎይፆና ዬኖ ኬርና ቱኡቶ ባኬሎ ሻንቂ ታ ቱኡቴ፤

3 ዬካፓ ጊንሣ ናንጊና ናንጋ ጎዳ ታና፡-

4 «ፔራቴ* ዋር ዳንዲፓፓ ዬኖ ኬርና ቱኡቶ ባኬሎ ላሌኮ ፃሂዳ ጌልዚ ዓአቺ» ጌይ ዓይሤ።

5 ዬያር ታአኒ ናንጊና ናንጋ ጎዳ ዓይሤ ጎይፆና ዳንዲ ፔራቴ ዋር ዓጫ ዬኖ ኬርና ቱኮ ባኬሎ ዓአቺ።

6 ሚርጌ ዋርቄሰካፓ ናንጊና ናንጋ ጎዳ ታና፡- «ፔራቴ ዋር ጊንሣ ዳንዲ ዬኖ ኬርና ቱኮ ባኬሎ ዔኬ» ጌይ ዓይሤ።

7 ታአኒ ዒማና ዳንዲ ዬኖ ኬርና ቱኮ ባኬሎ ዓአቺ ቤዘፓ ዳንቄ፤ ዬኖ ኬርና ቱኮ ባኬላ ፑርቴ፣ ማአዳንዳ ባአዚ ባአያ ማዒ ዓአንቴ ታ ዔኬ።

8 ዬካፓ ሃሣ ናንጊና ናንጋ ጎዳ ታአም፡-

9 «ዪሁዳኮ ሄርሺንቶና ዬራሳላማኮ ዴኤፖ ዖቶርዋ ታአኒ ዬያይዲ ባይዘንዳኔ፤

* 13:4 ፔራቴ ዬኖ ዋራሎና ዓፕራዒሴ ጌይንታ ዋርና ዔኤሊንታኦና ሱንፆ ዋሊ ማላያኬ።

10 ዬይ ፑርቶ ማዳ ዳራ ታአም ዋይዞ ዒዳይ፤ ዒኖ ፔኤኮ ዔያታ ሹቸ ማሃ ደዲሹይ፤ ማሌ ያኦዞ ካአሽኪ ዬያቶም ማዳይ፤ ዬያይዳፓ ዔቄያና ዔያታ ማኣዳንዳ ባኣዚ ባኣያ ማዒ ዓቲ ዬኖ ከርና ቱኡቶ ባከሎጉዲ ማዓንዳይ።

11 ከርና ቱኮ ባካ ከርኔይዳ ቱኡቲ ዳዓሢጉዲ ዪሁዳ ዳር፣ ሃሃ ዒሰራዔኤሌ ዳርዋ ታ ከርና ታኣኒ ደዲሹ ቱከይ፤ ዬያ ታ ማዳሢ ታኣኮ ዳሬ ዔያታ ማዓንዳጉዲና ታና ጋላቲ ቦንቻንዳጉዲከ፤ ዔያታ ጋዓንቲ ታአም ዋይዚባኣሴ» ጌዔይ።

ዎይኖ ዑዠ ያቶ

12 ዒሰራዔኤሌኮ ያኦዞሢ ማዔ ናንጊና ናንጋ ጎዳ ታአም ሂዚ ጌዔይ፡- «ዔርሚያስ! <ፔቲ ፔቲ ያታ ዎይኖ ዑዠና ኩማንዳይ» ጌይ ዒሰራዔኤሌ ዳርዋ ከኤዜ፤ ዒማና ዔያታ ኔ ኮይላ፡- «ያቶ ዎይኖ ዑዠ ኩማሢ ኦኡኒ ዔሩዋያ ኔኤም ማላ?» ጋዓንዳይ።

13 ዬካፓ ታኣኒ፣ ናንጊና ናንጋ ጎዳ ሃኖ ዓጮይዳ ናንጋ ዳር ቢያ ማሢንታንዳያ ሄላንዳኣና ዎይኖ ዑዠ ዑሽ ኩንሣኒ ማሌሢ ዔያቶም ከኤዜ፤ ዬኖ ዎዶና ዳውቲ ካኣቱም ያይቶይዳ ዳዓ ካኣታ፣ ቄኤሳ፣ ታ ማሊያ ከኤዜ ዓሶንታ ዬሩሳላሜይዳ ናንጋ ዓሶዋ ቢያ ዎይኖ ዑዠና ታኣኒ ማሢሳንዳይ።

14 ዒማና ታኣኒ ዓዶንሢንታ ናኣቶንታ ቢያሢ ያቶጉዲ ዎላ ጋኣጪሳንዳይ፤ ታኣኒ ዔያቶ ሚጪንቱዋዎ፣ ቲኢሩዋዎ፣ ማኣሩዋዎ ባይዛንዳይ።»

ደውሲሢ ሙካንዳያ ማዒፃ ላቲ ከኤዚንቲሢ

15 ናንጊና ናንጋ ጎዳ ከኤዜሢሢር
ዒንሢኮ ያቶርዋ ሃሺ ዋይዙዋቲ፤
ዒና ዔከ ኮሺ ዋይዙዋቲ።

16 ሳዖ ዒ ደሚሽም ዳንቆ ባሺንቲ ዒንሢ ደቁንታንዳሢኮ ቤርታ
ዒንሢ ሃጊ ማዓንዳ ዎዛ ጌሢ ዓኣ ፖዖ ዒንሢኮ ሻኔ ደሚ
ባንሢ፤
ጊንሢ ሃሢ ደም ጌዔ ሻኣሬ ባንሢ ዒ ሸርሹዋንቲ ቤርታ
ናንጊና ናንጋ ጎዳ ማዔ ዒንሢኮ ያኦዞሢ ቦንቹዋቲ።

17 ዒንሢ ዋይዛዓ ጌዔቲ ጋዓንቲ
ዒንሢኮ ያቶርዋ ዛሎ ፑኒ ዔቄ ታ ዬኤካንዳይ፤
ናንጊና ናንጋ ጎዳኮ ቆልማ ዲዒንቲ ዔውቲሢር
ታኣኒ ዒኔ ሜቄ ዬኤካንዳይ፤ ዓቢፃኣ ታኣኮ ጋፑዋያ ማዒ
ሹኦታንዳይ።

18 ናንጊና ናንጋ ጎዳ ታአም፡- «ካአቱሞሮ ቦንቺ ዓጎ ባካ ዔያቶ ቶአካፓ ከዴሢሮ ካአቲንታ ዒዛኮ ዒንዶ፣ ጌኤሾንታ ካአቱሞ ያይታፓ ከዴ ዴዓንዳጉዲ ከኤዜ።

19 ደኦሎ ዛሎይዳ ዓኣ ዪሁዳ ካታማ ሞርኬና ማንጊንቴሢሮ ያኦኒያ ዒኢካ ጌላኒና ዒኢፓ ከሰካኒ ዳንዳዑሞሴ፤ ዪሁዳ ዴራ ካራና ቢያ ዲዒንቲ ዔውታንዳኔ።

20 ዬሩሳላሜ! ከዴኖ ዛለና ኔኤኮ ሞርካ ሙኬሢ ዛጌ፤ ታ ኔኤም ዒንጌ ሚዛጶ ቆልማ ዓካሪ ዎዎይታንዳይ?» ጌዔ።

21 ኔ ላጎ ማሂ ኔ ኩቻ ኔ ማዜ ዓጎ ኔና ዎይሣንዳጉዲ ዒ ዔኪ ሙካያ ማዔኔ፤ ዓካሪ ኔ ዎዚ ጋዓይ? ሾይቺሮ ባና ላኣለጉዲ ኔ ማዒባኣዓዳ?

22 ዬይ ቢያ ታጊዳ ሄሌሢ ዓይጎ ዛላናዳይ? «ማኣዓሢ ታኣኮ ዳርዚ ዓጎ ታና ዒኢሴሢሢ ዓይጎሮዳይ?» ጌይ ኔ ያኦጩቱ፣ ዬይ ቢያ ኔጊዳ ሄሌሢ ጎማ ኔኤኮ ዑሣ ዓኣጅ ፑርታ ማዔሢሮታሢ ዔሬ።

23 ዒቶጶያ ዓሲ ፔኤኮ ማላሢ፣ ማኣኪ ፔኤኮ ቦርጩሞ ላኣማኒ ዳንዳዑሞሴ፤ ዬያጉዲ ዒንሢ ፑርታ ማዶ ማዲ ዔሬሢሮ ኮሺ ማዶ ማዲሢ ዒንሢም ማዑሞያኬ።

24 ሃሢ ጋዓንቲ ዳውሌ ዠባሬ ሃኣኮ ዲልባ ፒዒ ዔኪ ዴንዳሢጉዲ ናንጊና ናንጋ ጎዳ ዒንሢ ዜርቃንዳኔ።

25 ዒንሢም ጌይንቲ ባኮማ ዬማታሢ ናንጊና ናንጋ ጎዳ ከኤዜኔ፤ ዒዛ ዒንሢ ዎሊ ሉኦዚ ማዔ ያኦዞ ዒንሢ ጉሙርቄሢሮ ዒንሢዳ ዒ ዬያይዳኒ ማሊ ዔቄ።

26 ናንጊና ናንጋ ጎዳ ፔኤሮ ዒንሢኮ ማኣዓሢ ዑፃፓ ጉሲ ካሎ ዒንሢ ዓይጎንዳይ።

27 ዒዚ ዒፃ ባኣዚ ዒንሢ ማዲሢ ዒ ዴንቄ፤ ፔኤኮ ላጋሢኮ ማቸና ላሃኒ ዓፃዳ ዓሲጉዲ፣ ሃሃ ጊንሣ ዒንዴ ፓሮ ኮዓ ዲቺ ፓሮ ዓዴጉዲ ዒንሢ ማሌ ዴሮ ያኦዞ ጊንዎ ዓኣጅ ጌሚሮ ጌሚሮ ቶኦኮንታ ቦኦኮንታይዳ ማዲ ሺሬ ባኮ ዒ ዴንቄ። ዬሩሳላሜ ዴሬዮቲ፤ ባዴዔ ዒንሢ! ጉቤና ዒንሢ ጌኤሺ ማዓኒ ዳንዳዓሢ ዓይዲናንዳይ?

14

ቂኢጮ ሉማ

1 ናንጊና ናንጋ ጎዳ ሃጊ ሙካንዳ ሉማ ዛላ ሃዚ ታአም ጌዔ።፡-

2 «ዪሁዳ ያዩሢዳኬ፤ ካታማ ዒዛኮ ቢያ ሃይቢሮ ሳዛ ጋሽኪሢዳኬ፤ ዴራ ዒዛኮ ያዩሢሮ ሳዎ ሲላላ ዴዒ ዬኤካኔ፤

ዬሩሳሌምና ናንጊና ናንጋ ጎዳ ባንሢ ዒላቲሢዳኩ።

3 ዶርጎጩ ዓሳ ዋላሢ ዳንቃኒ ፔኤኮ ማዳ ዓሳ ኮይሲሢ ዳካንዳኔ፤

ዬያሮ ዬይ ማዳ ዓሳ ዋኦ ዔቶ ዔቶ ቤዘ ዳንዳንዳኔ፤

ጋዓንቴ ፔቴታዎ ዔይታ ዋላሢ ዳንቁንዱ ዋላሢሮ ጉዘ ጉሪ ኩዲ ማእሪ ሙካንዳኔ፤

ዎዛ ቲቁ፣ ካራ ዔይታ ባይዘንዳሢሮ

ዖዩ ፔኤኮ ቶኦኮ ዔይታ ዔኤቢና ካንቁ ዓኣቻንዳኔ።

4 ዒርዚ ባይቃንዳሢሮ ሳዓ ፃኣዲ፣ ፃሃንዳኔ፤

ጎሽኪ ዎርቃ ዓሳኣ ዎዛ ባይዚ

ዖዩሢና ፔኤኮ ቶኦኮ ዔኤቢና ካንቁ ዓኣቻንዳኔ።

5 ማኣቲ ጋዓባኣዚኮ ዜርሢ ባይቃንዳሢሮ

ሮኦቶ ሾሾዓዎ ናዎ ቦኣላ ሃሺ ፔ ጎጲ ባኣዚ ኮይሢ ዓኣዳንዳኔ።

6 ኪርሞሎ ዲባ ዋኦ ዳኤቦና ማታዳንዳሢሮ

ጌሜሮ ቶኦኮ ቶኦኮ ኬሰኪ ዉኡኮጉዲ ሆጊንቲ ሃንታንዳኔ፤

ሙዖንዶ ባኣዚ ዔይታ ዳንቁንዱ ዋላሢሮ ዘጎ ባሺንታንዳኔ።

7 ታ ዳራ ታ ባንሢ ሂዚ ጌይ ዒላታንዳኔ፡-

«ዎዚ ኦኡኮ ዳቢንቶ ሚርጉማ ኦጊዳ ማርካዳያ ማዔቴያ

ናንጊና ናንጋ ጎዳሢዮ! ኔና ኦ ቦንቻንዳጉዲ ኦና ማኣዳ፤

ኔጊዳፓ ኦ ሃኬኔ፤ ኔና ኦ ዖዩሴኔ።»

8 ዒሰራዔኤሌ ዓሳ ዓውሳንዳኔ ጌይ ጉሙርቃሢ ኔና ሌሊኬ፤

ካራ ኦሞ ባይቃኣና ካሮ ጌሃሢ ኔናኬ፤

ሂዳዎ ኔኤኒ ኦኡኮ ሳዖይዳ ሾኦቹ፤

ጊንሃ ሃሃ ፔቴ ኬሊ ዎርቃዎ ዳዳንዳያ

ጎይሢ ዓሲ ማዔሢ ዓይጎርዳዎ?

9 ዶዲ ፖኦሊሴታዎ ካራ ባይዜያ፣ ሃሃ ማሌ ዓሲ ማኣዳኒ

ዳንዳዒባኣ ፖኦሊሴጉዲ ኔ ዓይጋ ማዓይ?

ናንጊና ናንጋ ጎዳሢዮ! ኔኤኒ ኦ ባኣካ ዓኣኔ፤

ኔ ሱንዖና ኔና ኦ ዔኤላኔ፤

ሃዳራ ኦና ኬኤሪፖ።» »

10 ናንጊና ናንጋ ጎዳ ሃያ ዳሮ ዘሎ ሂዚ ጋዓኔ፡- «ታጊዳፓ ዔይታ ሃኪ ዓኣዳኒ ናሽካኔ፤ ፔና ዔይታ ቃዚ ቆላያቱዎሴ፤ ዬያሮ ታና ዔይቶ ባካ ዎዛሱዎሴ፤ ዔይታ ማዳ ዳቢንቶ ቢያ ማሊ ጳቂሢ ጳቂሢ ዔይቶ ጎሞ ዘሎሮ ታ ዔይቶይዳ ማቶ ዓጋንዳኔ።»

11 ናንጊና ናንጋ ጎዳ ታኣሞ፡- «ሃያ ዳሮሞ ኮሺ ባኣዚ ማዳንታንዳጉዲ ሺኣቂፖ፤

12 ዔያታ ሙኡዚ ሃሺ ሺኢቄቲያ ታ ዔያቶም ዋይዛዓኩ፤ ሚቸ ዒንጎ ዒንገሢታቲያ ሃኣኮ ዒንገረዋ ዔያታ ታኣም ዒንገቲታዎ ዔያቶ ባካ ታና ዋዛሳዓኩ፤ ታ ዔያቶ ያልዚና ናይዚና፤ ሃሣ ፑርታ ዶርዖና ኩርሲሳንዳኔ» ጌይ ኬኤዜኔ።

13 ታኣኒ ዒማና፡- «ናንገና ናንጋ ጎዳ ማዔ ቢያ ባኮ ማዜ ጎዳሢያ! ኔ ማሊያ ኬኤዜኔ ጋዓ ማሌ ዓሳ «ያልዚንታ ናይዚንታ ሙካዓኩ» ጌይ ጌይ ዴርም ኬኤዜኔ፤ ዔያታ «ኵኵኮ ሳያይዳ ባይቁዋዎ ዴዴዓ ኮሹሞ ሌሊ ማዓንዳሢ ኔኤኒ ኬኤዜኔ» ጋዓኔ» ጌኤኔ።

14 ናንገና ናንጋ ጎዳ ሂዚ ጌይ ማሂኔ፡- «ዔያታ ታ ማሊያ ኬኤዜኔ ጋዓ ዓሳ ታ ሱንያና ሉኡዙሞ ባኣዚ ኬኤዚሢ ሳርቄኔ፤ ታ ዔያቶ ዳኪባኣሴ፤ ታ ዔያቶ ዓይሢ ባኣዚያ ባኣሴ፤ ፔቲ ባኣዚታዎ ታ ዔያቶም ኬኤዚባኣሴ፤ ያኣሴ ፔጋሲ ዳዌም ኑ ዴንቄኔ ዔያታ ጋዓ ባካ ቢያ ታጊዳፓ ታ ዳዌያቱዋሴ፤ ዔያታ ሎንሣ ሎንሣ ቢያ ሉኡዙሞ ባኣዚ፤ ፔ ዙዋቶ፡ ማሌ ካኣሸኮ ካኣኸፓ ዔያታ ዔኬያና ፔ ማሊሢ ጌሲ ኬኤዛያ ጉሪ ባኣዚኩ።

15 ታኣኒ ዔያቶ ዳኩዋንቲ ፔኤር፡- «ኣ ሳያይዳ ናይዚታቲያ ያልዚ ሙካዓኩ» ጌይ ጌይ ታ ሱንያና ሎንሣ ኬኤዛ ዬኖ ዓሶ ታኣኒ፡ ናንገና ናንጋ ጎዳ ያልዚና፤ ሃሣ ናይዚና ዎዲ ኩርሲሳንዳኔ።

16 ዬይ ሎንሣ ኬኤዚንቲ ዴራኣ ቢያ ናይዚና፤ ሃሣ ያልዚና ኩዳንዳኔ፤ ዔያቶ ሌዛ ቢያ ዬሩሳላሜ ካታዎይዳ ጎይ፣ ጎይ፣ ኬኤሪንቲ ዓታንዳኔ፤ ዔያቶ ዳኡካንዳ ዓሲ ጴዳዓኩ፤ ዬይ ዔያቶኮ ላኣሎይዳ፡ ዓቲንቆ ናኣቶይዳ፤ ሃሣ ዉዲር ናኣቶይዳኣ ዓቲዋዎ ቢያሢዳ ማዲንቲ ኩማንዳኔ። ዔያታ ማዴ ዳቢንቶጉዴያ ኮይሳ ማቶ ታ ዔያቶይዳ ዓጋንዳኔ።»

17 ዬኖ ዛሎ ዴርም ታኣኒ ሂዚ ጌይ ኬኤዛንዳጉዳ ናንገና ናንጋ ጎዳ ታና ዓይሢኔ፡-

«ዴራ ታኣኮ ፑርታ ጎይሢ ሜቄ ኪፃዴኔ፤ ጋፒ ማኣሳኔ፤ ዬያር ዓኣፓፓ ታኣኮ ሮኦርንታ ዋንቶንታ ቢያ ዓቢሢ ዎታኔ፤ ሃሺሢባኣያ ታኣኒ ዬኤካኔ።

18 ካታማፓ ታኣኒ ኬሰካዎ ያልዚና ሃይቄ ዓሲ ሌሲ ዴንቃኔ፤ ካታሞ ገንሣ ታ ጌላኣና ናይዚና ሃይቃኒ ሳዛ ጋሽካ ዓሲ ታኣም ጴዳኔ፤ ታ ማሊያ ኬኤዛ ዓሶንታ ቄኤሶንታ ፔ ማቶር ሌሊ ጳሽካኔ፤ ዔያታ ዎካ ዓኣዳቲያ ዔሩዋሴ።»

ዴራ ያኣሲ ቃይሺ ቃይዙ

19 ናንገና ናንጋ ጎዳሢያ! ዪሁዳ ጋፒ ኔኤኒ ኬኤራኒዳ?

ደኮኔ ዳርቀ ዒፃፖ ኔ ጋጋፒያ?
 ዳቃኒ ኑ ዳንዳዑቀ ጎይሢ
 ሃያይዲ ኑና ኔ ማአሳንሣሢ ዓይጎርዳፖ?
 ኮሹቐ ኑ ዳንቃንዳኔ ጌይ ኑ ሃጋአ ዋዛ ጌሣኔ፥
 ጋዓንቴ ፔቴታፖ ኮሺ ባአዚ ኑም ጴዲባአሴ፤
 ኑና ፓሣንዳ ባአዚ ኑ ዳንቃንዳኔ ጌይ ሃጋአ ዋዛ ኑ ጌሣኔ፥
 ጋዓንቴ ሂርጊሻ ሜታ ኑጊዳ ዲቢ ዲቢ ዓአዳኔ።
 20 ናንጊና ናንጋ ጎዳሢዮ! ኑኡኮ ዳበንቶ ኑ ዔሬኔ፤
 ኑ ዓድንሢ ማዳ ጎማአ ኑኡም ዔርቴኔ፤
 ጎኔና ኔ ቤርታ ጎሜ ኑ ማዳኔ።
 21 ኔ ኑና ጉሙርሴ ቃአሎ ኔኤኮ ቢያ ማሊ ጳቂሢጋፓ ኑና ቦሂ ሃሺፖ፤
 ኔኤኮ ዳኤቸማ ፔጋዲ ዔርታ፥ ኔኤኒ ቦንቺንቴ ዳዓ ካአቱቐ
 ያይታ ጌሢንታ ዩሩሳላሜ ሞኑሪሲ፤
 ኑኡና ዋላ ኔ ሳላዲ ጫአቄ ጫአቄም ማሊ ጳቂሢ።
 22 ሜሌ ዳር ያኦዞ ባአካፓ
 ፔቴ ያኦሲታፖ ዒርዚ ዋርቂሳኒ ዳንዳዑቀሴ፤
 ጫሪንጫአ ፔ ሸኔና ዒርዚ ያዲሡቀሴ፤
 ናንጊና ናንጋ ጎዳ ማዔ ኑ ያኦዞሢዮ!
 ዩያ ቢያ ማዳሢ ኔናታሢር
 ኑኡኒ ጉሙርቃሢ ኔናኬ።

15

ዪሁዳ ዳራ ሃይቃንዳያ ማዒፃ ኬኤዚንቴሢ

1 ዩካፓ ናንጊና ናንጋ ጎዳ ታአም ሂዚ ጌዔኔ፡- «ሙሴና
 ሳሙዔኤሌናታፖ ታ ቤርቶ ሸኢኪ ታና ቃይሹቴ ሃያ ዳር ታ
 ማአራዓኬ፤ ዩያር ታ ቤርታፓ ዔያቶ ሸኢሺ ዳኬ።
 2 <ሂዳዎ ኑ ዋካ ዓአድንደፖ?> ጌይ ኔና ዔያታ ያኦጮቴ፥ ሃያኮ
 ቤርታ ሂዚ ጌይ ኔ ኬኤዜሢ ዔያቶም ጳቂሢ፤
 ቀድንጎ ጌይ ዳኮና ባኮና ሃይቆም ጌይንቴ ዓሳ ዩያና ሃይቃንዳኔ!
 ያልዚና ሃይቆም ጎፖና ዓሳአ ያልዚና ሃይቃንዳኔ!
 ናይዚና ኩደም ጌይንቴ ዓሳ ናይዚና ኩዳንዳኔ፤
 ዲዒንቴ ዓሲ ኩቺዳ ጌሊ ቱኡቶም ጎፖና ዓሳአ ዲዒንቴ
 ዔውታንዳኔ።»

15:1 ኬሲ. ማፃ 32:11-14፤ ፓይ. ማፃ 14:13-19፤ 1ሳሙ. 7:5-9። 15:2 ዮሃ. ያፕዳ 13:10።

3 ታኣኒ፡ ናንገና ናንጋ ጎዳ ዔያቶይዳ ያይዶ ፑርታ ባኣዚ ሄላንዳጉዲ ማሊ ቱኬኔ፤ ዬያር ዔያታ፡-
ያልዚና ሃይቃንዳኔ፤

ሌዞ ዔያቶኮ ካኒ ጎቻንዳኔ፤
ካፓ ዔያቶኮ ዬያ ዓሽኮ ሙዓንዳኔ፤
ዬያፓ ዓቴሢ ካዮ ሶዓ ሙዓንዳኔ።

4 ሂዚቂያሴ ናኣዚ፡ ሚናእሴ ዪሁዳይዳ ካኣታጅ ዎዶና ዬሩሳላሜይዳ ዒ ማጅ ፑርቶ ባኮ ዘሎር ቢያ ዔያቶይዳ ሄሌ ባኮ ዘሎና ዓጮ ቢያሢዳ ዓኣ ዓሶኮ ዑስካ ዬይ ጌላንዳጉዲ ታ ማሃንዳኔ።»

5 «ናንገና ናንጋ ጎዳ ሂዚ ጋዓኔ፡-
ዬሩሳላሜ ዴሬዮቴ! ያ ዒንሢ ዘሎ ሚጠንቲ ማላንዳይ?
ዒንሢዳ ማዔ ባኮና ያኣኒ ያዪ ዬኤካንዳይ?
ዳካርታዎ ዔቂ ዬያ ማዔ ባኮ ዘሎ ያኤጫንዳይያኣ ያና ናንዳይ?

6 ዒንሢ ታና ሃሺያኣዎይ፤
ገንሢሞ ዒንሢ ማዔያዎይ፤
ሃይካፓ ሴካ ታ ዒንሢሞ ዓቶሞ ጌይ ማኣራዓኬ፤
ታ ኩጮ ዳኪ ታ ዒንሢ ጋኣጫንዳኔ።

7 ሃኣኮ ዲልባ ዠባሬይዳ ዴንዳሢጉዲ ሳዔሎይዳ ዓኣ ካታሞ ቢያ ታ ዒንሢ ዜርቄኔ፤
ፑርቶ ማጅ ሃሺ ዒንሢ ማዓኒ ዳንዳዒባኣሢር
ዒንሢ፡ ታኣኮ ዴር ታ ኩርሴኔ፤
ላኣሎኮ ሸይያ ታኣኒ ባይዜኔ።

8 ዒንሢ ሳይይዳ ዓኣ ዓኒንሢ ሃይቄ ላኣሎኮ ሚርጉማ ባዞ ማኣሻሎፓ ባሻያ ማዓንዳኔ፤
ዓባ ሳዞ ማዒ ዲኡቃኣና ጅጌ ማዔ ዓሶ ዎዴባኣያ ታ ዎዳንዳኔ፤
ዒንድንሢ ዬያ ዘሎና ሚርጌ ሜቶይዳ ኬዳንዳኔ፤
ዔያቶይዳ ሂርገሻ ባኣዚና ማሊ ሜታዲሢያ ታ ዳካንዳኔ።

9 ላንካይ ናይ ሾዔ ዒንዴላ ዴኤፒ ዎዞ ተቁሢና ዑኡሲ ዔካኒ ባሽንቲ ሜታዲሢዳኬ፤
ሮኦር ፖዓ ዒዞሞ ዳሚ ማዒ ዴዔኔ፤
ሞኦሪንቲሢና ሶርሲንቲና ዒዞሞ ማዔኔ፤
ሃጊ ሃይቄባኣያ ሹሞፔና ዓኣዞንሢያ
ዔያቶኮ ሞርኮና ታ ዎዲሻንዳኔ፤
ዬያ ጌዔሢ ታና፡ ናንገና ናንጋ ጎዳኬ።»

15:4 2ካኣቶ. ማ 21:1-16፤ 2ዮኦሲ. ዓሃኬ 33:1-9።

ዔርሚያሴ ዒዛ ያዩሴ ባኮ ጎዳም ፔጋሲ ኬኤዜሢ

10 ታ ዒንዴ፣ ታና ባዴዔ! ታና ኔ ዓይጋ ሸዔይ? ሃሮ ዓጮ ዴሮ ቢያሢና ዎላ ማርሚ ዛለሢ ታኣም ዒንገንቴ ባኣዚ ማዔኔ፤ ታኣኒ ሚኢሽ ያኦማኣ ታልዒባኣሴ፣ ሃሃ ያ ኮይላፓኣ ታኣኒ ታልዒ ዔኩባኣሴ፤ ጋዓንቴ ዓሲ ታና ቢያ ጋዳንቃኔ።

11 ዬካፓ ናንገና ናንጋ ጎዳ ሂዚ ጌዔኔ፡- «ጎኔና ኮሺ ማሊሢሮ ታ ኔና ዓውሳንዳኔ፤ ሜቶና ካራ ባይዛ ባኣዚና ሄሌ ዎዶና ሞርካ ቶላኒ ኔና ሺኢቃንዳጉዲ ታ ማሃንዳኔ።

12 ዪሁዳ ዴሬዮቴ! ሞኦና ዓንገና ዎላ ካንሢ ዲያና ዓንገ ማንሢኒ ዒንሢ ዳንዳዑዎኣሢጉዲ ዓጮኮ ኬዴና ዛላፓ ሞርካ ዒንሢ ያላኒ ገኢገሢሢ ዒንሢ ቃዛኒ ዳንዳዑዎሴ።»

13 ናንገና ናንጋ ጎዳ ታኣም ሂዚ ጌዔኔ፡- «ዓጮሎይዳ ጉቤ ዒንሢ ማዴ ጎሞ ዛሎና ዒንሢኮ ዓኣ ቆሎና ዓኣ ባኮና ማሌ ዒንሢም ዒንጎ ባኣዚባኣንቴ ሞርኮም ታ ዔኩ ዒንጋንዳኔ።

14 ታኣኮ ዳጋ ሃይቃኒ ዳንዳዑዎ ታሚጉዲኬ። ዬያሮ ማሌ ፃንጎ ዓጪዳ ዒንሢ ሞርኮኮ ታ ዒንሢ ዓይሌ ማሃንዳኔ።»

15 ታ ዒማና ሂዚ ጌዔኔ፡- «ናንገና ናንጋ ጎዳሢዮ! ኔኤኒ ቢያ ባኣዚ ዔራኔ፤ ሃዳራ ታና ማሊ ጸቂሢ፤ ታና ማኣዴ፤ ታና ዳውሳ ዓሶ ኮሚ ኮፃ፤ ኔኤኒ ሚርጌና ገቢ ዳንዳዓያ ማዒያና ታና ሞርካ ባይዛንዳጉዲ ሃሺፖ፤ ሃይ ጫዛ ታና ሄሌሢ ኔ ዛላናኬ።

16 ናንገና ናንጋ ጎዳ ማዔ ቢያ ባኮ ማገፍ ያኣዛሢዮ! ታኣኒ ኔ ሱንያና ዔኤሊንቴኔ፤ ኔ ኬኤዜ ቃኣላ ሙኪ ታና ሄሌ ዎዶና ጉቤ ዒናፓ ታ ዔኤዒ ዔኬኔ፤ ታ ዒኖና ታኣኒ ሚርጌና ዎዛዳኔ።

17 ዎዛዳ ኮኦሚ ሺራ ዓሶና ዎላ ታ ዒገንጉባኣሴ፤ ዔያቶና ዎላ ታኣኒ ዎዛዳባኣሴ፤ ኔኤኮ ዳጋ ታገዳታሢሮ ታኣሮ ሌሊ ታ ዴዔኔ።

18 ሃርጋ ታኣኮ ፖዑዎኣሢ፤ ገንሣ ሃሃ ከፃኣ ታኣኮ ፓፂ ዳቁዎኣሢ ዓይጎሮዳይ? ያጎሢና ሚሚጫ ዎርዚጉዲ ሃገ ማዓ ዎዛ ኔ ታኣኮ ባይዜንቴዎ?»

19 ናንገና ናንጋ ጎዳ ታኣም ሂዚ ጌይ ማሄኔ፡- «ታ ባንሢ ኔኤኒ ጎሞ ኔኤኮ ቡኡፂ ማዔቴ፣ ታ ኔና ታ ዓሲ ማሂ ዔካንዳኔ፤ ላሚ ሃሃ ኔኤኒ ታኣም ማዳያ ማዓንዳኔ፤ ጉሪ ማዔ ባኣዚ ኬኤዚ ሃንቴያ ሃሺ ዓኣፒ ባኣዚ ማዔ ከኢታ ኔ ኬኤዛያ ማዔቴ፣ ገንሣ ሃሃ ኔኤኒ ታ ማሊሢ ኬኤዛ ዓሲ ማዓንዳኔ፤ ዴራ ኔ ባንሢ ሙካንዳኔ፤ ኔኤኒ ዔያቶ ባንሢ ዓኣዳዓኬ።

20 ዔያቶ ኔ ቃዛኒ ዳንዳዓንዳጉዲ ሞኦና ዓንገና ዲርቆና ዲሢጉዲ ታ ኔና ደዲሻንዳኔ፤ ኔና ማኣዳኒና ዓውሳኒ ታ ኔኤና ዎላ ዓኣሢሮ ፑርታ ባኣዚ ኔገዳ ዔያታ ማዴቴያ ኔና ዔያታ ባሻዓኬ።

21 ፑርቶ ዓሶፓ ታ ኔና ዓውሳንዳኔ፤ ዓሲም ሚጨንቱዋ ጌሮ ዓሶፓ ታ ኔና ቶሊሳንዳኔ፤ ዬያ ጌዔሢ ታና፥ ናንጊና ናንጋ ጎዳኬ።»

16

ዔርሚያሴኮ ናንጋ ዪሁዳ ዓሶም ማላታ ማዔሢ

1 ናንጊና ናንጋ ጎዳ ጊንሣ ሃሣ ታአም ሂዚ ጌዔኔ፡-

2 «ሃይካ ኔ ዓአ ቤዛ ዓአፖ ላአሊ ዔኪፖ፤ ናይያአ ሾይፖ፤

3 ሃሮ ቤዛ ሾይጎታ ናአቶና ዔያቶ ሾዓ ዓደንሢናይዳ ታአኒ ሄሊሳንዳ ባኮ ታ ኔኤም ኬኤዛንዳኔ፤

4 ዓሲኮ ዑሰካ ጌላ ፑርታ ደርፖና ቢያሢ ሃይቃንዳኔ፤ ዔያቶ ዬኤካንዳ ዓሲንታ ዱኤካንዳ ዓሲያ ጴዳዓኬ፤ ዔያቶኮ ሌዛ ቡኡራጉዲ ቦኦሊዳ ጉሪ ኩሊንታንዳኔ፤ ፆልዚና፥ ሃሣ ናይዚና ዔያታ ኩዳንዳኔ፤ ዔያቶኮ ሌዛ ጫሪንጫ ባራና ካፖንታ ካዮ ቦፆንታኮ ሙኡዚ ማዓንዳኔ።

5 «ዬኤፒ ዓአ ማአሪ ጌሊፖ፤ ዓይጎ ዓሲ ሃይቁቲያ ፆኦቹ ደንዲ ካራፖ፤ ሃይካፓ ሴካ ታአኮ ዴር ታአኒ ኮሺና ዓንጃዓኬ፤ ናንጊና ናንጋ ናሹሞንታ ማአሪሢያ ታ ዔያቶም ፔጋሲ ደዋዓኬ፤

6 ሃሮ ዓጮይዳ ዓአ ፆርጎጮንታ ማንቆንታ ቢያ ሃይቃንዳኔ፤ ዬኤኪ ዔያቶ ዱኤካንዳ ዓሲያ ዔያታ ዴንቃዓኬ፤ ዔያቶ ዛሎ ፆዪ ዓአፖ ካሮ ፔኤኮ ቡኡጫንዳያና ቶኦኮ ፔኤኮ ጉኡላንዳ ዓሲ ባአያ ማዓንዳኔ።

7 ዓጊና ሃይቁሢ ደዲሻኒ ሾቹ ዔኪ ዓአዲ ዋላ ሙዓንዳ ዓሲና ዑሽካንዳ ዓሲያ ባአሴ፤ ሜሌ ዓታዛ ዒንደንታ ዓደንታ ሃይቁ ዓሲ ሙኪ ደዲሻንዳ ዓሲ ጴዳዓኬ።

8 «ዓሲ ዋላ ሙኡዚ ሙይ ዋዛዳ ማአሪ ጌሊፖ፤ ሙዓኒና ዑሽካኒ ዔያቶና ዋላ ዴይፖ።

9 ታአኒ፥ ዒሰራዔኤሌ ፆኦዛሢ ማዔ ቢያ ባኮ ማዜ ጎዳ ጋዓሢ ዋይዜ፤ ኔኤኒ ሃሢ ዓአ ዋይደዳ ዋዛንታ ዔፒንታ ኮሢንታኮ ዑኡሲ ዋይዘንቱዋጉዲ ታ ማሃንዳኔ።

10 «ዬያ ቢያ ኔ ዔያቶም ኬኤዛ ዋደና ዔያታ፡- ናንጊና ናንጋ ጎዳ ኑጊዳ ዬያጉዴ ዴኤሢ ሳይሲንታ ዓይጎር ዓጌይ? ኑ ዓይጎ ዳቤይ? ናንጊና ናንጋ ጎዳ ማዔ ኑ ፆኦዛሢ ቤርታ ኑ ማዴ ጎማ ዓይጎዳይ? ጌይ ኔና ፆኦጫንዳኔ።

11 ዒማና ናንጊና ናንጋ ጎዳ ሂዚ ጋዓኔ ጌይ ዔያቶም ኬኤዜ፡- ዒንሢኮ ቤርታአ ዓደንሢ ታጊዳፓ ደማዲ ሉኡዚ ማዔ ሜሌ ፆኦዛ

16:9 ዔር. 7:34፤ 25:10፤ ዮሃ. ፆፔዳ 18:23።

ካአሽኪ ዬያቶም ማዳኔ፤ ታና ዔያታ ሃሼኔ፤ ታአኮ ዎጎዎ ዔያታ ካፒ ኩንሢባአሴ።

12 ዒንሢ ሃሃ ዒንሢኮ ዓደንሢፓ ባሼ ፑርታ ባአዚ ማዳኔ፤ ዒንሢ ሲያሢ ዋይዚ ዒፃያ ፑርታ ዓሲ ማዔኔ፤ ታአማአ ዒንሢ ዓይሢንቱዋሴ።

13 ዬያሮ ሃኖ ዓጮፓ ታ ዒንሢ ኬሲ፣ ዒንሢንታ ዒንሢኮ ቤርታአ ዓደንሢንታ ዔሩዋ ዓጨዳ ዠባንዳኔ፤ ዒአካ ዒንሢ ሉኡዚ ማዔ ያኦዞ ርኦርንታ ዋንቶንታ ቢያ ካአሽካንዳኔ፤ ፔቲታዎ ታ ዒንሢም ዓቶንጎ ጌይ ማአራዓኩ።»

ዒሰራዔኤሌ ዴርኮ ደዒንታፓ ማዒያ

14 ናንጊና ናንጋ ጎዳ ሂዚ ጋዓኔ፡- « ዒሰራዔኤሌ ዴር ጊብፃፓ ዔኪ ኬሴ፣ ባይቁዎ ያኦዞሢ ሃይቆ! ጌይ ዔያታ ጌፒንዲዎ ዎዴ ሙካንዳኔ፤

15 ዬያ ጎዎ ዔያታ ሃሺ፡- «ዒሰራዔኤሌ ዴር ኬደ ዓጮና ማሌ ዒ ዔያቶ ዜርቁ ዓጮፓ ቢያ ዔኪ ኬሴ፣ ባይቁዎ ያኦዞሢ ሃይቆ! ጌይ ጌፓንዳኔ፤ ዔያቶሮ ማዔ ዓጮና ዔያቶኮ ቤርታአ ዓደንሢም ታ ዒንጌ ዓጮ ታ ዔያቶ ጊንሣ ዔኪ ማሃንዳኔ፤ ዬያ ጌዔሢ ታና፣ ናንጊና ናንጋ ጎዳኩ።»

ያኦሲ ዳካጊ ጊአጌ ማቶ

16 ናንጊና ናንጋ ጎዳ ሂዚ ጋዓኔ፡- «ሃያ ዴር ዋሎፕዲ ፒራያና ቦዎፕዲ ኬማንዳ ማርጌ ዓሲ ታአጊ ዳካንዳኔ፤ ዬይ ዓሳ ዔያቶ ዲኮና ጌሚሮና ዴኤፖ ዴኤፖ ሹጮኮ ዴማ ዓአ ዔቶናይዳፓ ዳውሲ ኬሚ ዓርቃንዳኔ።

17 ዔያታ ማዳ ባኮ ቢያ ታ ዛዛጋኔ፤ ታአም ዓአሺንታ ባአዚ ፔቲታዎ ባአሴ፤ ጎማ ቢያ ዔያቶኮ ታ ቤርታ ፔጋ ጴዳኔ።

18 ሌሲፕዲ ሸምፔባአ ያኦዞና ዔያታ ታአኮ ዴኖ ዒአሴሢሢሮ፤ ሃሃ ሉኡዚ ባአዚ ማዔ ካአሽኮ ባኮና ዔያታ ኩንሢሢሮ ዔያቶኮ ጎሞና ፑርቱሞና ዛሎሮ ጳንጨፎ ማሂ ማቶ ታ ዔያቶይዳ ዓጋንዳኔ።»

ዔርሚያሴ ሸአቁ ሸአጲያ

19 ናንጊና ናንጋ ጎዳሢዮ! ታና ካፓሢና ደዲሞ ዒንጋሢያ ኔናኬ፤ ማቶ ዎዴና ኔ ባንሢ ታ ደጫ ጎንጃሢ ታአኮ ኔናኬ፤ ዓጨ ማዔ ካራፓ ዴሬ ቢያ ኔ ኮይላ ሙኪ ሂዚ ጋዓንዳኔ፡- «ኦኡኮ ቤርታአ ዓደንሢኮ ሉኡዚ ማዔ ያኦዞይዳፓዓቲም ማሌ ዓአ ባአዚ ባአሴ፤ ዔያታ ካአሽካ ባካ ቢያ ማአዳ ባአዚባአያ ጉሪኬ፤

20 ሂንዳ ዓሲ ፔኡኮ ያኦሲ ማዣጊ ዳንዳዓና? ዳንዳዓናንዳኔ፤ ጋዓንቲ ጎኔ ያኦሱሞ ዎልቁ ዬያ ባኮኮ ባአያኩ።»

21 ዬያሮ ናንጊና ናንጋ ጎዳ ማሃያ፡- «ዳር ቢያ ታኣኮ ዎልቆና ዴኤፑሞና ታኣኢ ዔርዛንዳኔ፤ ሱንፃ ታኣኮ ናንጊና ናንጋ ጎዳ ማዔህሂ ዔያታ ዔራንዳኔ» ጌዔኔ።

17

ዪሁዳ ዳርኮ ጎሞንታ ዬያ ዛሎ ዔያቶይዳ ዓጎና ሜቶ

1 ናንጊና ናንጋ ጎዳ ሂዚ ጋዓኔ፡- «ዪሁዳ ዳሪዮቴ! ጎማ ዒንሂኮ ሳንጊ ቢዒሬና ፃኣፒንቴኔ፤ ዓጩ ማዔ ዓልማዘ ጌይንታ ባኮና ዒንሂኮ ዒኖ ጋራ፤ ሃሃ ጊንሃ ዒንሂ ዒንጎ ባኮ ሺኣሻ ቤዘኮ ካኣሮጉዳ ባኮይዳ ቆኣቂንቴ ፃኣፒንቴኔ።

2 ዒንሂኮ ዓጩ ጉቤሂዳ ጌሜሮና ዴኮናይዳ፤ ዬያጉዲ ዴኤፖ ዴኤፖ ሚያኮ ዳማ ዳራ ፔኤኮ ጊንፆ ሸይንቴ ኬሰካ ናኣቶና ናኣቶና ቢያ ዒንጎ ቤሲ ኮሺ፡ ዳኣቦዎ ዳኣቢ ዓሺራ ጌይንታ ፆኣዜሎሞ ዘጊ ካኣሻካኔ።

3 ዒንሂኮ ዓጩይዳ ዒንሂ ማዴ ዴኤፖ ጎሞ ዛሎሮ ዒንሂኮ ዓኣ ቆሎንታ ዓኣ ባኮንታ፤ ሃሃ ጊንሃ ዒንሂ ዒንጎ ባኮ ዒንጋ ቤዘዎ ሞርካ ዒንሂኮ ዲዒ ዔኪ ዳንዳንዳጉዲ ታ ማሃንዳኔ።

4 ዳጋ ታኣኮ ታሚ ማዒ ዔኤታንዳጉዲ ዒንሂ ማዴህሂሮ፤ ዬይ ሃሃ ናንጊና ዔኤቴ ዳዓንዳሂሮ ታ ዒንሂሞ ዒንጌ ዳና ቢያ ዒንሂኮ ዔውታንዳጉዲና ዒንሂ ዔሩዎ ዓጪዳ ዒንሂ ሞርኮሞ ዓይሌ ማዒ ማዴያ ታ ዒንሂ ማሃንዳኔ።»

ዲማ ዲማ ኬኤዚንቴ ኮኣኪንሂ

5 ናንጊና ናንጋ ጎዳ ሂዚ ጋዓኔ፡-

«ታና ሃሺ ዓሲ ጉሙርቃይ
ታኣኮ ዎልቆ ማዓንዳኔ» ጌይ ዓሲና ፆቶርቃይ ጋዳንቂንቴያ ማፃሞ።

6 ዬያጉዳ ዓሲ

ፆኣኒያ ናንጋኒ ዳንዳዑዎ ሶኣጌ ሌሊ ማዔ ሳፆና
ዓሲ ናንጉዎ ዳውሎናይዳ ባቃላ ዳካ ካይዚጉዲኬ፤
ዒ ናንጋ ዎዳይዳ ቢያ ፔቴታፆ ኮሺ ባኣዚ ዳንቃዓኬ።»

7 «ታና ሌሊ ጉሙርቂ ናንጋ ዓሲ ጋዓንቴ ዓንጂንቴያኬ።

8 ዬይ ዓሂ ዎታ ዎርዚኮ ዓልቃ ካሮ ኮይላ ቱኪንቴያ

ዎኣፆኮ ዳማ ፃጰ ዳኪ ዓኣ ሚሂ ማዓንዳኔ፤

ቢያ ዎዳ ዎርቂ ዳዓንዳ ዬይ ሚፃሂ

ዓቢ ሚቻያ ማዒ ሩኡጴቴያ ሂርጉዎያኬ፤

ዒርዚ ዋርቁዋየ ዓቴቴያ ዓአፒ ዓአፒሢ ዓቴዋሴ።»

9 «ዓሲኮ ዒኔ ቢያ ባአዚፓ ባሾ
 ጌኔ፡ ሃሣ ዋሶኬ፤
 ዬያ ጋሮ ቡሊ ዛጊ ዔራንዳይ ያናዳይ?
 10 ታአኒ፡ ናንጊና ናንጋ ጎዳ ጋዓንቴ ዓሲኮ ማሊሢንታ
 ዒኔያ ዋዚዒታቴ ዛጋኔ፤
 ፔቴ ፔቴ ዓሶኮ ሃንቴያና ማዶና ጎይያ ኮይሳ ባኮ ታ ዒንጋኔ።»

11 ዋጌባአ ጎይሢና ቆሎ ቡኩሳ ዓሲ
 ጰኡሊባአ ጰኡላ ሃጺ ቃንቃ ኮኮጉዲኬ፤
 ዒ ናንጋ ሌዎኮ ሃካሢዳ ዓአያ ዬያ ቆሎ ቢያ ሃሺ ዓአዳንዳኔ።
 ጋፒንዎይዳ ዒዛኮ ዔኤዩማ ፔጋዲ ዔርታንዳኔ።

12 ኑኡኮ ጌኤኮ ማአራ ማዢንቴ ቤዛ
 ቤርታኦፓ ዓርቃዎ ዴግ ጌይ ዓአ ቦንቺንታ፡ ካአቶ ዎይቶኬ።

13 ናንጊና ናንጋ ጎዳሢዮ! ዒሰራዔኤሌ ዓሳ ጉሙርቃሢ ኔናኬ፤
 ኔና ሃሻሢ ቢያ ቦርሲንታንዳኔ፤
 ናንጊኮ ዓልቃ ዋአሢ ማዔሢ፡ ኔና፡ ናንጊና ናንጋ ጎዳሢ ዔያታ
 ሃሽሢረ
 ሳዓይዳ ፃአፒንቴ ባአዚጉዲ ዲርካቺንቴ ባይቃንዳኔ።

ዔርሚያሴ ሺኢቁ ሺኢዲዎ

14 ናንጊና ናንጋ ጎዳሢዮ! ሃርጎ ታኦኮ ፖዒሴ፡ ኪዎዋ ታኦኮ ፓሢ፡
 ታኦኒ ዲቃንዳኔ፤ ቢያ ዋዴ ታ ኔና ጋላታንዳኔ።

15 ዴራ፡- «ዔርሚያሴ! ናንጊና ናንጋ ጎዳ ጌዔኔ ጌይ ኔ ኑኡሞ
 ኬኤዜያንቴ፤ ሂዳዎ ዋይቲ ዬይ ማዲንቴ ኩሙዋ ዓቴይ?» ጌይ ታና
 ዎኦጫኔ።

16 ኔ ዴር ሃንቃያ ማዒ ኔኤሞ ማዲያ ታኦኒ ሃሽ ዋዴ ባኦሴ፤ ሜቶ
 ዋዴ ዬዓኦብሽ ጌይ ታኦኒ ቤቁባኦሴ፤ ናንጊና ናንጋ ጎዳሢዮ! ኔኤኒ
 ዬያንታ ታ ጌዔ ባኮዋ ቢያ ዔዔራኔ።

17 ኔኤኒ ሜቶ ዋዴና ታኦኮ ፑሮ ካያሢ ማዔሢረ ታና ዲቃሣያ
 ማዒፖ፤

18 ናንጊና ናንጋ ጎዳሢዮ! ታና ዳውሳ ዓሶ ቢያ ቦርሲሴ፤ ታና
 ጋዓንቴ ቦርሲሴ፤ ዔያቶ ዒጊቺ ካራ ዔያቶኮ ባይዜ፤ ታና ጋዓንቴ

17:8 ዓይኑ. 1:3። 17:10 ዓይኑ. 62:12፤ ዮሃ. ዎፔዳ 2:23።

ዲቃሢሃፖ፤ ሜቂ ዔያታ ጋአጨነታንዲያ ሄላንዳኣና ላሚ ላሚ ዔያቶ ባይዜ።

ሃውሾ ኬሎ ቦንቹሢ ዛላ

19 ናንጊና ናንጋ ጎዳ ታኣም ሂዚ ጌዔኔ፡- «ዩሩሳሌሜ ካታም ካኣቲንታ ዴርንታ ጌላ ማርሾ ካራ፤ ዩያጉዲ ሃሣ ሃንጎ ጌሎ ካሮይዳኣ ዴንዲ ዔቄ፤

20 ታኣኒ ጋዓ ቃኣሎ ሂዚ ጌይ ዔያቶም ኬኤዜ፡- <ዲንሢ ዪሁዳ ካኣቶንታ ዴርንታ! ዩያጉዲ ዩሩሳሌሜይዳ ናንጋያ ማዒ ሃያ ማርሾ ካሮና ጌላ ዓሳ! ናንጊና ናንጋ ጎዳ ጋዓ ቃኣሎ ዋይዙዋቴ!

21 ዲንሢኮ ሽምፖ ዓውሳኒ ታ ዲንሢም ላቲ ኬኤዛ ባኮ ካፑዋቴ፤ ዩያሮ ሃውሾ ኬሎና ዓይጎዋ ማፖም ኬዶ ባኣዚ ኬዲ ዩሩሳሌሜ ጌሎ ማርሾ ካሮና ካሮና ጌሊፖቴ።

22 ታኣኒ ዲንሢኮ ቤርታኣ ዓዶንሢ ዓይሢ ጎይፆና ሃውሾ ኬሎ ታኣም ዲማዴያ ማሂ ቦቦንቹዋቴ፤ ሃውሾ ኬሎና ዔኤቢ ኬዲ ዲንሢ ጋራፓ ኬሰኪፖቴ፤ ሃውሾ ኬሎና ፔቴታፖ ማዶ ማዲፖቴ።

23 ዲንሢኮ ቤርታኣ ዓዶንሢ ታ ጋዓ ባኮ ታኣሲ ዋይዚባኣሴ፤ ታ ዓይሢፆዋ ኩንሢባኣሴ፤ ዩያ ሃሺ ዋይዚ ዒፃ፡ ፑርታ ዓሲ ማዒሢና ታኣም ዓይሢንቲ ታጊዳፓ ዔኤቢ ዔኪ ዔሪፆዋ ዒፃ።

24 « <ባካሪ ዲንሢ ታ ጋዓ ባኮ ዒናፓ ዋይዚያ ማዔቴ ሃውሾ ኬሎና ዓይጎዋ ማፖም ኬዶ ባኣዚ ኬዲ ካታም ጌሎ ካሮና ካሮና ጌሊፖቴ፤ ሃውሾ ኬሎ ታኣም ዲማዴያ ማሂ ቦንቹዋቴ፤ ዩኖ ኬሎ ፔቴታፖ ማዶ ማዲፖቴ።

25 ዲንሢ ዩያይዳቴ ዳውቴኮ ካኣቱም ፆቶይዳ ዴዔ ካኣታ ፔኤኮ ዶንዘና ዋላ ዩሩሳሌሜ ጌሎ ካሮና ካሮና ጌላንዳኔ፤ ዔያታ ዪሁዳና ዩሩሳሌሜና ዴራ ዔያቶኮ ቤርታ፤ ሃሣ ጊንፃ ማዔም ፓራሢና ሳርጌሎ ፆቶናይዳ ዴዒ ጌላንዳኔ፤ ዩሩሳሌሜ ካታማ ቢያ ዋዴና ዴዒ ዴኢካ ኩሚ ናንጋያ ማዓንዳኔ።

26 ዪሁዳ ካታምና ዩሩሳሌሜኮ ኮይላ ዓኣ ጉርዶናይዳፓ፡ ቢኢኒያሜ ዓሶፓ፡ ጌሜሮ ዴማፓ፡ ዲኮና ዪሁዳኮ ዶኦሎ ዛሎናፓ ሚቹ ዲንጎ ባኮንታ ሜሌ ዲንጎ ባኮዋ ዔኪ፤ ሃሣ ሃኣኮ ዲንጊፆንታ ዑንጅንታ ጋላታ ዲንጊሢያ ዔኪ ዴራ ጌኤዙ ማኣሪ ሙካንዳኔ።

27 ጋዓንቲ ዲንሢ ሃውሾ ኬሎ ታኣም ዲማሲ ቦንቹ ሃሺ ዩያ ኬሎና ዩሩሳሌሜ ጌሎ ካሮና ዓይጎዋ ማፖም ኬዶ ባኣዚ ኬዲ ጌሊ፡ ታኣኮ ዓይሢፆ ዋይዙ ዲንሢ ዒፃቴ ዩሩሳሌሜ ካታምይዳ ታሚ ታኣኒ

17:21 ኔሃ. 13:15-22። 17:22 ኬሲ. ማፃ 20:8-10፤ ላሚ. ዋማ 5:12-14።

ዓገንዳኔ፤ ዬይ ታማ ዒሊካ ዓኣ ማኣሮ ቢያ ሙዓንዳኔ፤ ዬያ ታሞ ዎዳንዳ ዓሲያኣ ባኣሴ።» »

18

ዔርሚያሴ ዖቶ ማዣ ማናሢ ማኣሪ ዓኣዳሢ

1 ዔርሚያሴም ናንጊና ናንጋ ጎዳይዳፓ ሂዚ ጋዓ ቃኣላ ከኤዚንቴኔ፡-

2 «ሃሢ ዔቂጋፓ ዖቶ ማዣ ማንዚ ማኣሪ ዎቴ፤ ዒሊካ ታ ኔኤም ከኤዛንዳ ባኣዚ ዓኣኔ።»

3 ዬያሮ ታኣኒ ዒሊካ ዎታዖ ማንዚ ዖቶ ማዣ ቤዘይዳ ፔኤኮ ዖቶ ማዣንቴ ዴንቄኔ፤

4 ዬይ ማንዚ ማዣ ዖታ ፑርታ ዎደና ላሚ ጊንሣ ዬያ ዠኢጤ ዓጤ ዎኣሢና ዎዒሳዖ ፔ ሼኔ ጌዔ ጎይዖ ሜሌ ባኣዚ ማዣኔ።

5 ዒማና ናንጊና ናንጋ ጎዳ ታኣም ሂዚ ጌዔኔ፡-

6 «ዒሰራዔኤሌ ዴሬዮቴ! ዖቶ ማዣ ማንዚ ኮዔ ጎይሢ ኮዔ ባኣዚ ማዣሢ፡- ዐታኒ ዒንሢዳ ኮዔ ባኣዚ ማዳኒ ዳንዳዑዎዳ? ዬይ ዠኢጤ ዓጤ ዬያ ማንዚ ኩጤ ጋራ ዓኣሢ፡- ዒንሢያ ታኣኮ ኩጤ ጋራኔ።

7 ታኣኒ ፔቴ ዴሬ፤ ሃንጎ ካኣቶ፡- «ቴጊ ሺኢሻንዳኔ፤ ጊንሣ ሃሣ ሚንሢ ባይዛንዳኔ» ጌይ ከኤዜንቴ፤

8 ዬይ ዴራ ፔኤኮ ዳቢንቶ ዔሪ ፑርቴማፓ ማዔቴ ታኣኒ ማዳንዳኔ ጌይ ማሌ ፑርቶ ባኮ ዔያቶይዳ ሄሊሳዓኔ።

9 ጊንሣ ሃሣ ታኣኒ ፔቴ ዴሬ ማዔቴያ ካኣቶ፡- «ደቂ ደዲሻንዳኔ፤ ማዢያ ሚዛጲሲ ዔቂሳንዳኔ» ጌዒ ከኤዜንቴ፤

10 ዬይ ዴራ ታኣም ዓይሢንቶ ዒዲ ታና ናሹዎ ፑርታ ባኣዚ ማዳያ ማዔቴ ታኣኒ ዬያ ማዳንዳኔ ጌይ ማሌ ኮዣ ባኮ ሃሃሻንዳኔ።

11 ዬያሮ ታኣኒ ዔያቶይዳ ፑርታ ባኣዚ ዔኪ ዬዓኒ ጊኢጊሺሢዳ ማዔሢ ዪሁዳ ዴሮና ዬሩሳላሜ ዴሮናም ከኤዜ፤ ዔያታ ጎሜ ማዳሢ ሃሻንዳ፡- ዔያታ ሃንታ ሃንቲዖና ማዳ ማዳና ቢያ ላኣሚ ጊኢጊሻንዳ፡- ዔያቶም ዘሪ ከኤዜ።

12 ዔያታ ጋዓንቴ፡- «ጉሪ ላቢፖ፤ ኑ ማሌ ባኮ ማማዳንዳኔ፤ ሃቺም ኑኡኒ ዎይዞ ዒፃንዳኔ» ጌይ ኔኤም ማሃንዳኔ።»

ዒሰራዔኤሌ ዴራ ናንጊና ናንጋ ጎዳ ሃሺሢ

13 ዬያሮ ናንጊና ናንጋ ጎዳ ሂዚ ጋዓኔ፡-

«ዬያጉዳ ባአዚ ሂንዳ ዴሬ ባአካ ዋይዚንቲ ቤቂያታቲ ያኑጩዋቲ፤ ታአም ዲማዳ፣ ዒሰራዔኤሌ ዴራ ሚርጌና ሻአካያ ማዔ ባአዚ ማዳኔ።

14 ሊባሮኦሴኮ ሹቺ ሌሊ ማዔ ዲኮይዳ ሻቺ ኬዲ ላሂባአ ዋዴ ዓአ?

ዬያ ዲኮይዳፓ ዓልቂ ዋታ ሺሜ ዋአፃ ሚጩ ቤቂያ?

15 ታአኮ ዴራ ጋዓንቲ ታና ዋሌኔ፤

ጉሪ ሉኡዚ ማዔ ያኡዘም ዑንጄ ጩቢሻኔ፤

ሚናአ ጎይያ ዔያታ ሃሺ ሜሌ ገአጊባአ ጎይሢ ዓአዴኔ።

16 ዔያቶኮ ሳይይዳ ማዲንታንዳ ባካ ዓሲኮ ዑሰካ ጌላያ ማዓንዳኔ፤

ዒአና ኮርሲና ዴንዳ ዓሳ ቢያ ዲቃቲ ፔኤኮ ዳንጎ ዓርቃንዳኔ።

17 ዓልጎ ዠባሬ ጫሪንካ ሲላሊ ፒዒ ዔኪ ዳካሢጉዲ

ታአኮ ዴራ ታአኒ ዔያቶኮ ሞርኮ ቤርታ ዜራንዳኔ።

ባይሲንታ ዔያቶይዳ ሙካአና ዓአፖ ካር ታ ዔያቶ ባንፃፓ ማሂ

ዙሎ ታአኮ ታ ዳዋንዳኔ።።።»

ዔርሚያሴ ማዳኒ ማሎና ጌኔ ማዳ

18 ፔቲ ፔቲ ዓሲ ዴር ባአካፓ፡- «ሃኒ ዬዑዋቲ፣ ዔርሚያሴ ኑ ማዳንዳ ባአዚ ዋላ ዘርቶም! ያኡሲ ዋጎ ታማርሳ ቄኤሶንታ ኑና ዘራ ዔር ዓሶንታ ያኡሲ ማሊያ ኑኡም ኬኤዛ ዓሶንታፓ ቢያ ዋዴ ኑ ዋይዚ ዔካንዳ ባአዚ ባአዚ ዓአኔ፤ ዬያሮ ሃይካፓ ሴካ ዔርሚያሴ ጋዓሢ ዋይዚ ያይዳፓ ዒ ጌሰታ ጌኤዘና ዒዛ ቡኡዲ ዳቢሲ ዋጎና ኑ ዒዛ ዓይሢሶም» ጌይ ዋላ ጌሰቲኔ።

19 ዔያታ ዬያ ማሌሢር ታአኒ፡- «ናንጊና ናንጋ ጎዳሢዮ! ታ ሺኢቃ ሺኢጲያ ዋይዜ፤ ታአኮ ሞርካ ታጊዳ ጋዓ ፑርቶ ባኮ ዋይዜ።

20 ኮሺ ማዳ ማዳ ዛላ ማሂ ዒንጎማ ፑርታ ማዲሢዳ? ዔያቶይዳ ኔ ዳጋዲ ዔቁዋጉዲ ታአኒ ኔ ቤርታ ዔቁ ኔና ቃይሺሢ ማሊ ጳቂሢ፤ ሃአዛጌ፣ ዔያታ ጋዓንቲ ታአም ታአኒ ሎኦሚ ሜቃንዳ ዔቲ ቦኣኬኔ።

21 ናንጊና ናንጋ ጎዳሢዮ! ሃሢ ጋዓንቲ ዔያቶኮ ናአቶ ናይዚና፣ ዔያቶዋ ያልዚና ኩርሲ፤ ዔያቶኮ ላአላ ዓኒባአያ፣ ሃሢ ናይ ባአያ ማዒ ዓቶንጎ፤ ዔያቶኮ ዓቲንቆ ጋርቻ ሃይቆንጎ፣ ዴጌሢ ጊንሣ ያልዚና ሃይቆ ኩድንጎ።

22 ዔያቶ ማንጊ ያላንዳ ዓሲ ዔርቲባአንቲ ዔያቶይዳ ዳኬ፤ ዔያቶ ማአራ ዒላቲ ዋይዚንቶንጎ፤ ዔያታ ታአኒ ሎኦማንዳ ዔቶ ታአም ቦኣኬኔ፤ ታአኒ ዓዲንታንዳ ፒራሢያ ታአም ዔያታ ገአጊሺኔ።

23 ናንጊና ናንጋ ጎዳሢዮ! ዔያታ ታና ዋዳኒ ማሌ ጌሮ ማዳ ኔ ዔራኔ፤ ዬያሮ ዔያቶኮ ዳቢንቶ ዓቶም ጌይፓ፤ ጎማ ዔያቶኮ

ጌኤሽካንዳጉዲ ማዲፖ፤ ኔ ቤርታ ዔያቶ ባሺንቲሲ፣ ኔኤኮ ዴኤፖ ደጎና ዔያቶ ባይዜ» ጌይ ሺኢቄኔ።

19

ፆቲ ዎዲ ኮኦኪንሦና ኮኦኪንሢ

1 ናንጊና ናንጋ ጎዳ ታአም ሂዚ ጌዔኔ፡- «ዴንዲ ማንዚ ማአራፓ ፆቲ ሻንቄ፤ ዩካፓ ዴሮና ቄኤሶናፓ ጫዎ ጫዎ ማዓ ጨሚ ዶኦሪ ኔኤና ዎላ ዔኪ ዴንዴ።

2 ሃይቄ ፆቶ ኩንፆ ካሮ ጌይንታዞና ጌይ ሄኖሜ ዶኦጮ ዴንዴ፤ ዒኢካ ታኣኒ ኔኤም ኬኤዛ ቃኣሎ ሂዚ ጌይ ዴጊዲ ኬኤዜ፡-

3 «ዪሁዳ ካኣቶንታ ዬሩሳላሜ ዴሮንታ ቢያ ታኣኒ ዒሰራዔኤሌ ፆኦዛሢ፤ ቢያ ባኮ ማኹ ጎዳሢ ዒንሢም ጋዓ ባኮ ዎይዙዎቲ፤ ሃይሾ ዓካሪ ታኣኒ ዎይዛ ዓሲኮ ዑሰካ ጌላንዳ ፑርታ ባይሲንታ ዒንሢዳ ዓጋንዳኔ።

4 ዬያ ታ ማዲንዳሢ ዴራ ታና ሃሺሢና ሜሌ ፆኦዞም ዒንጎ ባኣዚ ዒንጊ ሃያ ቤዛ ዒኢሴሢሢሮኬ፤ ዔያቶ ማዔቲያ ዔያቶኮ ቤርታኣ ዓዶንሢ ዪሁዳ ካኣታኣ ቢያ ዬያ ዔያታ ካኣሽካ ፆኦዞ ዛሎ ዔራ ባኣዚ ባኣያኬ፤ ዬያ ሌሊቱዎንቲ ጌኤሺ ማዔ ዓሶ ዎዲ ሃያ ቤዛ ሱጉሢ ሳዓ ዔያታ ማሄኔ።

5 ዔያታ ፔኤኮ ናኣቶ ዒንጎ ባኣዚ ማሂ ታሚና ሚቺ ዒንጋኒ ባዓኣሌ ጌይንታሢም ዒንጎ ቤሲ ኮሺኔ፤ ዔያታ ዬያይዳንዳጉዲ ታኣኒ ዔያቶ ዓይሢባኣሴ፤ ፔቲታዎ ዬያ ዛላ ማሊታዎ ታኣኒ ማሊባኣሴ።

6 ዬያሮ ሃይ ቤዛ «ቶፔቲ» ጊንሢ ሃሃ «ሄኖሜ ዶኦጮ» ጌይንቲፆ ዓቲም «ሹፒ ዶኦቺ» ጌይንታንዳ ዎዴ ሙካንዳኔ።

7 ዪሁዳ ዴሮና ዬሩሳላሜ ዴሮና ማሊ ቱኬ ባካ ቢያ ሃኖ ቤዛይዳ ማዲንቲ ኩሙዎጉዲ ታላኣጋንዳኔ፤ ዔያቶኮ ሞርካ ዔያቶ ባሻንዳጉዲና ያሊ ዔያቶ ዎዲንዳጉዲ ታ ማሃንዳኔ፤ ለዘ ዔያቶኮ ጫሪንጫ ባራና ካፖና ካይዚ ቦዎና ታ ሙኡዛንዳኔ።

8 ሃኖ ካታሜሎ ታኣኒ ደይሲ ባይዚ ዓሲኮ ዑሰካ ጌላያ ማሃንዳኔ፤ ዒኢና ዴንዳ ዓሲያኣ ዲቃቲ ፔኤኮ ዳንጎ ዓርቃንዳኔ።

9 ሞርኬ ካታሜሎ ማንጊ ዴሮ ጋፒሳኒ ሙኪ ዔያቶኮ ካራ ባይዛንዳኔ፤ ዬኖ ዎዶና ሙዎ ባኣዚ ቢያ ጋፓንዳሢሮ ዴራ

19:2 2ካኣቶ. ማ 23:10፤ ዔር. 7:30-32፤ 32:34-35። 19:5 ለዊ. ዓኬ 18:21።

ናይዲንቲ ዋሊ ሙዓንዳኔ፤ ዬያ ሌሊቱዋንቲ ሾዔ ዓሳ ፔኤኮ ናኦቶ ሙዓንዳኔ።»

10 ዬካፓ ናንጊና ናንጋ ጎዳ ታኣና ዋላ ዓኣዳ ዓሶ ቤርታ ጾቶ ታኣኒ ጳዲሲ ዋዳንዳጉዲ ዓይሣኔ፤

11 ቢያ ባኮ ዋይሣ ጎዳ ዔያቶም ታና ኬኤዘም ጌይ ዓይሣሣ፡- «ሃይ ሃይቁ ጾታሣ ጊንሣ ዋላ ካንሣ ማኲንታኒ ዳንዳዑዋኣሣጉዲ ሃያ ዴርና ሃኖ ካታሞና ዒማይዲ ታ ቡርሻንዳኔ፤ ዓሳ ፔኤኮ ሃይቁ ዓሶ ዲኡካንዳ ሜሌ ቤሲ ጳዲንዳዋሣረ ቶፔቴይዳ ዲኡካንዳኔ።»

12 ናንጊና ናንጋ ጎዳ ሂዚ ጋዓኔ፡- «ቶፔቴይዳ ታ ማዴ ጎይጾማ ሃኖ ካታሞና ናንጋ ዓሶናይዳ ታ ማዳንዳኔ፤

13 ዬሩሳሌም ዴርንታ ዪሁዳ ካኣቶንታ ናንጋ ማኣራ፤ ዬያጉዲ ሃሣ ዔያታ ፔ ኬኤጾኮ ዑፃ ጫሪንጮ ማኲንቶም ዑንጆ ጩቢሻሣንታ ሜሌ ጾኦዘም ዋይኖ ዑዡ ዋሃ ኬኤፃ ቢያ ቶፔቴይዳ ዒኣቲያ ማዓንዳኔ።»

14 ዬካፓ ታኣኒ ቃኣሎ ኬኤዘንዳጉዲ ናንጊና ናንጋ ጎዳ ዓይሣ፡ ቶፔቴይዳፓ ማዓ ሙኬኔ፤ ናንጊና ናንጋ ጎዳኮ ጌኤዡ ማኣረይዳ ዴር ቡካ ቤዛ ዔይ ሂዚ ጌይ ታኣኒ ዔያቶም ኬኤዜኔ፡-

15 «ዒሰራዔኤሌ ጾኦዘሣ፡ ቢያ ባኮ ዋይሣ ጎዳሣ ሂዚ ጋዓኔ፤ ዔያታ ዋይዚ ዒፃ ፑርታ ዓሲ ማዔሣረ ሃኖ ካታሜሎና ኮይሎይዳ ዓኣ ቤዘ ቢያይዳ ኬዳንዳኔ ጌይ ታኣኒ ኬኤዜ ፑርቶ ባኮ ቢያ ዔያቶይዳ ታኣኒ ዔኪ ሙካንዳኔ።»

20

ዔርሚያሴ ፓሽሁራ ጌይንታ ቄኤሴሰኬያና ማርሜ ማርሞ

1 ጌኤዡ ማኣረኮ ሱኡጌ ማዒ ዋይሣ፡ ዒሜሬ ናኣዚ፡ ፓሽሁራ ጌይንታ ቄኤሴሰኬይ ዬያ ዋይዛጾ፡

2 ታና ዓርቂ ዓሳ ጳርቃንዳጉዲ ዓይሣኔ፤ ጌኤዡ ማኣረኮ ኬዳ ዘሎና ዓኣ፡ ቢኣኒያሜ ማርሻ ካሮይዳ ቶኮ ታኣኮ ዲጻና ቱኪሴ።

3 ዚሮ ጉቴሎ ዬያይዲ ታና ዒ ቱኪሴ ዲፃሣዳፓ ቡላዛ ታኣኒ ዒዛም፡- «ሃይካፓ ሴካ ናንጊና ናንጋ ጎዳ ኔኤኮ ሱንጾ ፓሽሁራ ጌይ ዔኤላዓኬ፤ ኔኤም ናንጊና ናንጋ ጎዳ ጌሣ ሱንጾ ቢያ ቤሰካ ሜቶ ማዡ ሂርጊሻ፣ ጋዓያኬ።

4 ናንጊና ናንጋ ጎዳ ፔ ቶኦኪና ሂዚ ጌዔኔ፡- «ኔናንታ ኔ ላጎንታም ሂርጊሻ ሜቶ ማዡ ዓሲ ታ ኔና ማሃኒኬ፤ ዔያታ ቢያ ፔኤኮ ሞርኮኮ ዓራፖና ሃይቃንቲ ኔ ዛጋንዳኔ፤ ዪሁዳ ዴር ቢያ ባብሎኔ ካኣቲ ዴማ ታ

19:9 ዓ.ቃ. ማ 4:10፤ ላሚ. ዋማ 28:53።

ዎይህን ዳኔ፤ ዒዚ ዛሎ ዔያቶኮ ቱኡሲ ዓሲ ማሂ ዳዒ ዔኪ ባብሎኔ
ዓኣዳን ዳኔ፤ ዛሎ ዒዚ ሃይካ ዎዎዳን ዳኔ።

5 ዩያጉዲ ዔያቶኮ ሞርካ ሃኖ ካታሞ ቆሎ ቢያ ቡራንዳጉዲ፤
ዒዛ ቆሊ ዴንቄ ባኮዎ ጋኣዚ ዔኪ፤ ዪሁዳ ካኣቶኮ ዲማ
ቆልዓይዳ ቡኩሲ ጌሦና ኮዠ ባኮዎ ዓይሱዎፖ ፒዲ ዔኪ ባብሎኔ
ዴንዳንዳጉዲ ታ ማሃን ዳኔ።

6 ፓሽሁሬ! ኔናጎታ ኔ ማኣሮ ዓሶንታ ቢያ ዲዒንቲ ባብሎኔ
ዴንዳንዳኔ፤ ሉኡዙሞና ኔ ዔያቶሞ ዠኡቄ ዓሶንታ ዎላ ቢያ ዒኣካ
ኔ ሃይቄ ዱኡታን ዳኔ።» ጌዔኔ።

ዔርሚያሴ ናንጊና ናንጋ ጎዳና ሞኦቲ ሞኦቶ

7 ናንጊና ናንጋ ጎዳሂዮ! ኔ ታና ጌሼኔ፤

ታኣኒያ ጌሽንቲኔ፤

ኔኤኒ ታጊዳፓ ዶዳያ ማዔኔ፤

ዎልቃ ኔኤኮ ታጊዳፓ ዑሣ ዓኣዳ ማይ ባሽኔ፤

ዓሲ ቢያ ኬሊ ታና ሚኢጨ ዓማላያ ማዔኔ።

8 ታኣኒ ኬኤዛ ዎዶና ቢያ

ታኣኒ ኬኤዛሂ ፑርቲሞና ባይሲንታና ዛላኬ፤

ናንጊና ናንጋ ጎዳሂዮ! ኔኤኒ ታና ዓይሄ፤ ኔ ማሊያ ታ
ኬኤዚያና

ታኣኒ ቢያ ዎዶ ጫሽኪንታኔ፤ ዓሲኮ ዓማሊ ታ ማዔኔ።

9 ጋዓንቲ ታኣኒ፡- «ሃካፓ ሴካ ናንጊና ናንጋ ጎዳ ማሊ ጸቂሣዓ፤

ዒዛ ሱንጎና ዔኤቢ ኬኤዛዓ ጋዓኒ ማላዛ፤

ዒዛይዳፓ ታኣሞ ዳከንቲ ዒዛ ማሊያ ቃኣላ

ታኣኮ ዒኖይዳ ታሚጉዲ ዔኤታኔ፤

ታኣኮ ሜጌያ ጋራኣ ሙርቁንሂጉዲ ታና ሙዓኔ።

ታዒና ታኣኒ ዓኣቺ ዓርቃኒ ኮዓዛ

ዱኡኪ ታ ቃዛኒ ዳንዳዒባኣሴ።»

10 ሚርጌ ዓሲ ዒጊጨ ሂዚ ጌይ ካሽካሻንቲ ታ ዎይዘኔ፡-

«ሃሂ ዔርሚያሴ ዎጎና ዓይሂሳኒ ቃራ ካራ ጴዳኔ!»

ታኣኮ ዒጊኖኬ ታኣኒ ጋዓ ዓሳታዎ ታኣኒ ዳቢንቲ ማዶ ማዳንዳጉዲ
ካፒ ዓኣኔ፤

«ዔርሚያሴ ኦ ጌሻኒ ዳንዳዓንዳኣ ናንዳኔ፤ ያዲ ማዔቲ ዒዛ
ኦ ዓርቂ ኮሞ ኮፃንዳኔ» ጋዓኔ።

11 ናንጊና ናንጋ ጎዳ ጋዓንቲ ዔርቲ ፖኦሊሴ ማዒ ታ ኮይላ ዓኣኔ፤

ዩያጉ ታና ዳውሳ ዓሳ ሜቶይዳ ኬዲ ዎልቄ ባይቂሂና
ሎኦማን ዳኔ።

ዔያታ ሎአማ ዎደና ፑርታ ዳውሲንታንዳኔ፤
ዔያቶኮ ዬይ ዳውሲንታ ሚርጌ ዎዴ ባይቁዎያ ማዒ ዴዓንዳኔ።

12 ቢያ ባኮ ማኾ ጎዳሢዮ!
ዒላሢ ኔኤኒ ዛጊ ጎኔ ማዔሢ ዔራኔ፤
ዒሮይዳ ዓአሺንቲ ዓአ ማሊዎዎ ኮጲሲ ኔ ዴንቃኔ፤
ታኣኒ ኔኤም ዒላቶ ሺኢሻኔ፤
ዬያሮ ታኣኮ ሞርኮ ኔኤኒ ኮሚ ማዳ ባኮ ታና ዛጊሴ።

13 ናንጊና ናንጋ ጎዳም ዓይናዲዎቲ!
ዒዛ ጋላቱዎቲ!
ዒዚ ሜታዴ ዓሶ ፑርቶ ዓሶ ኩጫፓ ቶሊሲ ዓውሳኔ።

14 ታኣኒ ሾይንቲ ኬሌላ ጋዳንቁንቲያ ማዎም!
ታኣኮ ዒንዳ ታና ሾዔ ኬላ ዓንጂንቲያ ማዎፓ!

15 ታኣኮ ዓዳ ኮይላ፡- «ዓቲንቁ ናይ ኔኤም ሾይንቲኔ ዎዛዴ!»
ጌዒ ሃይሶ ኬኤዜሢ ጋዳንቁንቲያ ማዎም!

16 ናንጊና ናንጋ ጎዳ ሚጨንቲሢባኣያና ደይሲ ባይዚ ኩርሴ ካታሞጉዲ ዬይ ዓሢ ማዒ ዓቶንጎ፤
ጉቶና ዒላቲ ዑኡሲ ዒ ዎይዘንጎ፤
ዓባ ዲኡቃኣና ሃሣ ያልዚ ሃይሴና ካራ ባይቁ ሜታዳንጎ።

17 ዬይ ታኣኮ ዲኡጉ በሲ ማዓንዳጉዲ ታ ዒንዶ ጎጳ ዓኣንቲ ታና ኔ ዎዎዴቲ ዓይጎ!
ታ ዒንዶኮ ጎጳ ቢያ ዎዴ ያዲ ዴኤፔ ጎይሣ ዴዴዓንዳንቲኬ።

18 ያዲሢና ላቢሢና ዛጊኒ
ታኣኒ ናንጋ ዎዶ ቢያ ቦርሲንቲና ኩርሳኒ
ታ ዒንዶ ጎጳፓ ታኣኒ ዓይጋ ሾይንቲይ?

21

ዩሩሳላሜኮ ባሺንቲዎ ዛሎ ኬኤዚንቲ ሎንሣ

1 ዪሁዳ ካኣቲ፣ ሴዴቂያሴ ማልኪያ ናኣዚ ፓሽሁሬና ሜዕሴያ ናኣዚ ቁኤሳሢ ሶፖንያሴና ታ ኮይላ ዳካዎ፡-

2 «ባብሎኔ ካኣቲ ናብካዳናዎኦሬ ፔኤኮ ያሎ ዓሶና ዎላ ኑ ካታሞ ያላኒ ማንጊሢዳኬ፤ ዬያሮ ጎዶንቲ ናንጊና ናንጋ ጎዳ ኑና ማኣዲ ኑኡና ዎላ ማዒፓፓ ዒዛ ዎልቆና ማዲንታ ዴኤፖ ማዶ ማዲ ናብካዳናዎኦሬ ማሂ ዳካንዳያናንዳኔ፣ ዒዛ ኑኡም ያኦጩ» ጌዔ።

3 ታ ኮይላ ዳከንቲ ሙኬ ዓሳ ሴዳቂያሴም ሂዚ ጌይ ኬኤዛንዳጉዲ ጌይ ታ ዳኬኔ፡-

4 «ዒሰራዔኤሌ ጸአዛሂ ማዔ ናንጊና ናንጋ ጎዳሂ ሂዚ ጋዓኔ፤ ለዔዳቂያሴ! ኔ ካታሞ ዲጾኮ ዙሎ ሙኪ ማንጌ፤ ባብሎኔ ካኣቲንታ ባብሎኔ ዓሰንታ ኔ ጾላኒ ጊእጌ ዓንጋሞ ኔ ባንሂ ታኣኒ ሺርሻንዳኔ፤ ዬያ ጾሎ ዓንጋሞ ካታሞኮ ሳዘይዳ ዔኪ ሺኢሺ ታ ኩላንዳኔ።

5 ታኣኒ ታ ቶኣኪና ዓዔኤታ ዳጋና፤ ጊንህ ሃህ ጳኤፒ ጎሪንቲና ማዒ ታኣኮ ዋልቆና፤ ሃህ ጊንህ ታ ቢታንቶና ኔና ጾላንዳኔ።

6 ሃና ካታሞይዳ ናንጋ ዓሰ ማዔቴያ ቆልሞ ቢያ ዓሲኮ ዑሰካ ጌሊ ዓጊቻ ፑርታ ደርጾና ዋዲ ታ ኩርሳንዳኔ፤

7 ኔናንታ ኔኤና ዋላ ቢቶ ማዒ ማዳ ዓሰንታ ፑርቶ ደርዓህ፤ ናዮንታ ጾሎንታይዳፓ ቶሊ ዓቴ ዳሮዋ ቢያ ካኣቲ ናብካዳናጾኦሬና፤ ጊንህ ሃህ ዋዲ ኒ ኒህህ ኮዓ ሞርኮና ዲዒ ዔኪ ዓኣዳንዳጉዲ ታ ማሃንዳኔ፤ ዒዚ ኔና ማኣሪ ሃንጎ ሃህ ሚጨንቲ ፔቴ ዓሲታዎ ኔኤም ዓይሳካኔ፤ ዬያ ጌዔሂ ታና፤ ናንጊና ናንጋ ጎዳኬ።»

8 ዬካፓ ናንጊና ናንጋ ጎዳ ዳሮም ታኣኒ ሂዚ ጌይ ኬኤዛንዳጉዲ ዓይህኔ፡- «ሂንዳ ዋይዙዋቴ! ታኣኒ፤ ናንጊና ናንጋ ጎዳ ናንጊ ባንሂ ዔኪ ዳንዳ ጎይጾና ሃይቢ ባንሂ ዔኪ ዳንዳ ጎይጾና ዓንሂ ቤርታ ጌህኔ፤ ላምጾንሂፓ ፔቴማ ደኣሩዋቴ፤

9 ሃና ካታሞይዳ ዓቴ ዓሳ ቢያ ጾልዚና፤ ናይዚና፤ ጊንህ ሃህ ደማ ደማ ደርጾና ሃይቂ ኩዳንዳኔ፤ ሃህ ካታሞ ማንጊ ዓኣ፤ ባብሎኔ ዓሰም ዳንዲ ኩቹ ዓንጌ ዓሲ ጋዓንቴ ሃይቃዓኔ፤ ማሌ ባካ ዓቴቴ ሸምፓሂ ፔኤኮ ዬይ ዓውሳንዳኔ፤

10 ሃና ካታማ ባይቃንዳጉዲ ታኣኒ ጌዔኔ፤ ፔቴታዎ ታ ዔያቶ ማኣራዓኬ፤ ባብሎኔ ካኣቲም ታኣኒ ዓኣሂ ዓንጋንዳኔ፤ ዒዚ ታሚና ዒዞ ሚቻንዳኔ፤ ዬያ ጌዔሂ ታና፤ ናንጊና ናንጋ ጎዳኬ።»

ጹሁዳ ካኣቲ ማኣሮ ዓሰይዳ ዎጎና ዎጌ

11-12 ደውቴ ዜርጾ ማዔ፤ ጹሁዳ ካኣቲ ማኣሮ ዓሰም ኬኤዛንዳጉዲ ናንጊና ናንጋ ጎዳ ታና ዓይህ ቃኣላ ያዲኬ፡- «ታኣኒ፤ ናንጊና ናንጋ ጎዳ ዓንሂም ኬኤዛ ባኮ ዋይዙዋቴ፤ ቢያ ኬላ ኬላ ዓንሂ ዎጋ ዎጎ ዎቢሲፖቴ፤ ፔቴይ ባጋሂ ቡሪ ጌኔ ማዳ ማዲዎጉዲ ካፒ ላኣጉዋቴ፤ ዬያ ዓንሂ ማዲባኣቴ ጋዓንቴ ዓንሂ ማዳ ፑርቶ ማዳፓ ዔቂያና ታኣኮ ዳጋ ታሚጉዲ ዔኤታንዳኔ፤ ዬያ ዎዳንዳ ዓሲያኣ ባኣሴ፤

21:5 ማቲ. 23:38፤ ሉቃ. 13:35። 21:11-12 2ካኣቶ. ማ 23:31-34፤ 2ዎሲ. ዓሃኬ 36:1-4።

13 ዩሩሳሌም! ኔኤኒ ቦኦሊዳ ዓኣ ጴሌፒ ሹቸጉዲ ደኦጫዳ ቤዛፓ ዴግ ጌይ ጴዳኔ፤ ጋዓንቴ ታኣኒ ኔና ያላንዳኔ፤ ኔኤም ጋዓንቴ ዓይጎ ዓሲያ ማፃም ዋለቁና ዋርዲዮ ኔኤኮ ሻሂ ጌላንዳያ ማሉዋሴ፤

14 ጋዓንቴ ኔኤኒ ማዴ ባኮ ዛሎና ታኣኒ ኔጌዳ ማቶ ዓጋንዳኔ፤ ካኣቶ ማኣራ ኔኤኮ ታሚና ሚቸንታንዳጉዲ ታኣኒ ማሃንዳኔ፤ ዩይ ታማ ኮይሎይዳ ዓኣ ባኮ ቢያ ፀኡጋንዳኔ፤ ዩያ ጋዓሢ ታና፡ ናንጊና ናንጋ ጎዳኬ።»

22

ዔርሚያሴ ዩሁዳ ዓጮ ካኣቲ ማኣሮ ዓሶም ኬኤዜ ቃኣሎ

1-2 ዳውቴ ዜርሢ ማዔ፡ ዩሁዳ ካኣቲ ናንጋ ማኣሮ ዋቲ ካኣቲንታ ካኣቲ ቢታንቶ ዒንጌ ዓሶንታ ዩሩሳሌምይዳ ናንጋ ዴርንታም ሂዚ ጌይ ታኣኒ ኬኤዛንዳጉዲ ናንጊና ናንጋ ጎዳ ታና ዓይሣኔ፡-

3 «ታኣኒ፡ ናንጊና ናንጋ ጎዳ ፒዜ ዋጌና ጎኔ ማዔ ባኣዚ ዒንሢ ማዳንዳጉዲ ዓይሣኔ፤ ፔቲይ ባጋሢ ቡሪ ጌኔ ማዴ ማዲዋጉዲ ካፒ ላኣቲዋቲ፤ ማሌ ዓጪፓ ሙኬ ዓሶ፡ ዓደንታ ዒንደንታ ሃይቁ ዜኤር ናኣቶንታ ዜኤርይንደንሢንታኮ ካራ ባይዚ ማታሲፖቴ፤ ሃይካ ዩሩሳሌምይዳ ጌኤሺ ዓሲ ዋዲፖቴ።

4 ዓዳ ታኣኒ ዓይሣማ ጎይፃ ዒንሢ ማዴቲ ዳውቴ ዜርፃ ካኣቲዋ ያይታፓ ኬዳዓኬ፤ ሃያኮ ቤርታ ማዳንታ ጎይፃ ቢታንታ ዒንጊንቴ ማሶንታ ዴርንታ ዋላ ማዒ ሳርጌሎ ያይቶና ፓራሢና ቶጊ ሃያ ካኣቲዋ ማኣሮ ጌሎ ካርና ካርና ጌላኒ ዒንሢ ዳንዳዓኔ።

5 ታ ዓይሣ ዓይሢፃ ዒንሢ ካፒ ኩንሡዋኣያ ማዔቲ ሃይ ካኣቶ ማኣራ ሻሂንቲ ደዓንዳሢ ታና ታ ጌፒ ጫኣቃኔ፤ ዩያ ጌዔሢ ታና፡ ናንጊና ናንጋ ጎዳኬ።»

6 «ዩሁዳ ካኣታ ናንጋ ማኣራ ጌሌዓዴ ዓጮና ሊባኖኦሴ ዲኮናጉዲ ታኣም ሚዛዳያኬ፤ ጋዓንቴ ዒኢካ ዓሲ ናንጉዋ፡ ጉሪ ቤሲ ታኣኒ ዩያ ማሃንዳኔ።

7 ዩያ ማኣሮ ሻሂ ባይዛንዳ ዓሲ ታኣኒ ዳካንዳኔ፤ ዔያታ ፔኤኮ ሄርጎ ዔኪ ዩዓንዳኔ፤ ሊባኖኦሴ ሚፆና ኮሾና ቱርቱር ቲቁ ቲቁ ታሚዳ ዓጋንዳኔ።

8 «ዩካፓ ዒኢና ዴንዳ ማሌ ዓጮ ዓሳ፡ ናንጊና ናንጋ ጎዳ ሃኖ ዴኤፖ ካታሜሎይዳ ሃያጉዴ ባይሲንታ ዔኪ ዩዔሢ ዓይጎርናንዳይ? ጌይ ጌይ ዋሊ ኮይላ ያኦጫንዳኔ።

9 ያዲ ጌይ ያኦጫሰካፓ ታና፡ ናንጊና ናንጋ ጎዳ ማዔ ዒንሢኮ ያኦዛሢና ዋላ ዒንሢ ጫኣቁ ጫኣቁዋ ሃሺ ማሌ ያኦዛ ዒንሢ

ካአሽኬሢሮና ዬያም ዒንሢ ማዳሢሮ ዬይ ማዲንቴሢ ዔያታ ዔራንዳኔ።»

ዔርሚያሴ ሻሉሜ ጌይንታ ዓሢ ዛሎ ኬኤዜ ባአዚ

10 ዪሁዳ ዴሬዮቴ! ካአቴ ዒዮሲያሴ ዛሎ ዬኤኪፖቴ፤
ዒዚ ሃይቄሢሮ ያዩፖቴ፤

ጋዓንቴ ዒዮሲያሴ ናአዚ፥ ሻሉሜ
ላሚ ማዒ ሙኪንዲዋ ቤሲ ዔውታሢሮ
ዒ ሾይንቴ ዓጮዋ ላሚ ዛጉዋአሢሮ
ዒኔ ሜቄ ዒዛ ዬኤኩዋቴ።

11 ዓዶ ቤዛ ዪሁዳይዳ ካአታዴ፥ ካአቴ ዒዮሲያሴ ናአዚ፥
ዲዒንቴ ዔውቲ ዴንዴ ሻሉሜ ዛሎ ናንጊና ናንጋ ጎዳ ሂዚ ጋዓኔ፡-
«ማይ ላሚ ዒዚ ሙካዓኬ፤

12 ዒዚ ዒኢካ ዲዒንቴ ዴንዴ ዓጮይዳ ሃይቃንዳሢሮ ላሚ ሃኖ
ዓጮ ዒ ዛጊንዲዋሴ።»

ዔርሚያሴ ካአቴ ዒዮዓቄሜ ዛላ ኬኤዜ ባአዚ

13 ካአቴሞ ማአሮ ፔኤኮ ጌኔ ጎይሢና ማዠሳሢ
ኩቦ ኬኤዖ ፔኤኮ ፒዜ ዋጌባአ ጎይሢና ማዠ ዓሢ
ፔ ዓጪ ዓሲታንቴ ዒንጋ ባአዚባአያ ጉሪ ማዲሻ ዓሢ
ዒ ማዴ ማዶኮ ጩጉዋ ዓሢም ባዴዔ!

14 ዬይ ዓሢ፡- «ታኢ ታኢኮ ዳልጊ ኩባ ጋርሲና ዓአ ማአሪ
ማዠንዳኔ፤ ዬያጉዲ ዳልጊ ዳልጊ ፑልታ ካራ ታኢ ጌሣንዳኔ፤ ዬያ
ማአሮ ታኢ ዳልጊ ዳልጊ ዴኤሊ ዚቢቄ ሚሢና ሚዛጲሲ ኮሻንዳኔ፤
ዞቄ ዲንኪ ቃላሜና ታኢ ዬያ ማአሮ ቲሽካንዳኔ» ጋዓኔ።

15 ሜሌ ዓሳ ማዳሢዳፓ ዑሣ ዓአዴ
ኮሺ ቃራ ማዔ ዴኤሎ ዚቢቆ ሚፆና ማአሮ ማዠሢሮ
ቢያሢፓ ቃራ ካአቶ ኔኤኒ ማዔያ ኔኤም ማላ?

ኔ ዓዴ ኩሙሢ፥ ጊዳ ለዔ ዋዛና ናንጌኔ፤
ዒዚ ቢያ ዋዴ ፒዜ፥ ሃሣ ጎኔ ዓሲ ማዒያና
ዒ ማዴ ባካ ቢያ ዒዛም ጊኢጋያ ማዔኔ።

16 ዒዚ ማንቆ ዓሶና ሜታዴ ዓሶናም ፒዙሞና ዋጋሢሮ
ቢያ ባካ ዒዛም ጊኢጋኔ፤
ናንጊና ናንጋ ጎዳ ዔሪሢ ጌይፃ ዬያታሢ ዔሬ።

17 ኔኤኮ ማዴ ጌኤሺ ዓሲ ዋዲሢና ዓሲ ሄርቄ ዋይሥሢኬ፤
ኔኤኮ ዓአፖና ዒኖና ዓአ ቤዛ
ዔርተባአ ጎይሢና ጌሺ ዔኤቢ ዲቢ ዴንቁሢዳ ሌሊኬ።

18 ዬያሮ ናንገና ናንጋ ጎዳ ዪሁዳ ካኣቲ፥ ዒዮሲያሴ ናኣዚ ዒዮዓቄሜ ዛሎ ሂዚ ጋዓኔ፦

«ዒዚ ሃይቃ ዎዶና

‹ዎኦ! ታ ዒሼ ዎኦ!› ጌይ ጎዩ ዬኤካንዳ ዓሲ ባኣሴ፤

ዬያጉዲ ሃሃ ሰዓኤ! ኑ ጎዳ፤ ኑ ካኣቲዮ ዎኦ!› ጌይያኣ

ዬኤካንዳ ዓሲ ጸዳዓኬ።

19 ሌዛ ዒዛኮ ቦንቾባኣያና ጎቹንቲ

ዬሩሳላሜ ካታሞኮ ዲፆ ዙላ ኬሲ

ሃሬ ጎይሂ ዲኡከንታንዳኔ።»

ዬሩሳላሜይዳ ሂላንዳ ሜቶ ዛሎ ዔርሚያሴ ኬኤዜ ቃኣሎ

20 ዬሩሳላሜ ዴሬዮቴ!

ዒንሂ ዎሊ ናሽካ ሚሳታ ባሽንቲ ሎኦሜኔ፤

ሊባኖኦሴ ዲኮ ኬሰኪ ዒላቱዎቴ፤

ባኣሳኔ ዓጮዎ ዳንዲ ዬኤኩዎቴ፤

ሞዓኣሴ ዲኮ ቶኦካ ኬሰኪ ዔቂ ቃዩዎቴ።

21 ዒንሂ ጎርሳጪ ናንጋ ዎዶና

ናንገና ናንጋ ጎዳ ዒንሂሞ ኬኤዜኔ፤

ዒንሂ ጋዓንቲ ዎይዘ ዒጼኔ፤

ዓይፃፓ ዓርቃፆ ዒንሂ ማዳማ ዬማኬ፤

ዒዛሞ ዓይሂንቶ ዒንሂ ዒጼኔ።

22 ዒንሂ ማዳ ጎሞ ዛሎና

ዠባሬ ዲልባ ፒፂ ዔኪ ዳንዳሂጉዲ

ዒንሂ ሃንቃ ዓሳ ፒፂንቲ ዔውታንዳኔ፤

ዒንሂ ጉሙርቃ፥ ዒንሂኮ ጎሎ ሚሳታ

ዲዒንቲ ዔርቲባኣ ዓጪ ዳንዳንዳኔ፤

ቦርሲንቲና ዳውሲንቲና ዒንሂሞ ማዓንዳኔ።

23 ሊባኖኦሴ ዲካፓ ዔኪ ሙኮና ዳኤሎ ዚቢቆና ማዠና ማኣራ

ኮሽና ሃሂ ዒንሂ ሃውሺ ናንጋኔ፤

ጋዓንቲ ሾይቹ ዓርቄ ላኣሊጉዲ ባኒፃ ዒንሂ ዓርቃኣና ዒንሂ

ዎዎይታንዳይ?

ዒኮኒያይዳ ዓገንቲ ሜታሂ

24 ዒዮዓቄሜ ናኣዚ፥ ዒኮኒያሞ ናንገና ናንጋ ጎዳ ሂዚ ጌዔኔ፦

«ታ ሹምፓ ሃይቆ! ኔኤኒ ታኣኮ ሚዛቆ ኩጮይዳ ዓኣሂንቲ ዓኣ

ሚላቶ ዠኢራሂጉዲ ማዔቴያ ታ ኔና ኬሲ ኬኤራንዳኔ፤

22:18 2ካኣቶ. ማ 23:36—24:6፤ 2ፆኦሲ. ዓሃኬ 36:5-7። 22:24 2ካኣቶ. ማ 24:8-15፤ 2ፆኦሲ. ዓሃኬ 36:9-10።

25 ኔና ዎዳኒ ኮዓ ዓሶና ኔኤኒያ ኮሺ ዒጊጫ ዴሮ፤ ጌይፃ፡- ባብሎኔ ካኣቲ ናብካዳናዖኦሬንታ ባብሎኔ ዓሶንታዎ ታ ኔና ዓኣሢ ዒንጋንዳኔ፤

26 ኔናንታ ኔና ሾዔ ዒንደንታ ዒንሢ ዳውሲንቲ ዴንዲ ባይቃንዳጉዲ ታኣኒ ማሃንዳኔ፤ ዒንሢ ቢያሢ ዒንሢ ሾይንቲባኣ ዓጪ ዴንዲ ዒኢካ ሃይቃንዳኔ።

27 ሃኖ ዓጩሎ ላሚ ዛጋኒ ኔኤኒ ጳቂሣንዳኔ፤ ጋዓንቴ ላሚ ኔ ማዒ ሙካዓኩ።»

28 ታኣኒ ዒማና ሂዚ ጌዔኔ፡- «ካኣቲ ዒኮኒያ ቶኦቹንቲ ሃይቄ ዖቲ ዖኦኒያ ኮዑዎያጉዲ ማዓንዳኔ ጌይሢዳ? ዒዛንታ ናኣቶንታ ዔያታ ዔሩዎ ዓጪ ዲዒንቲ ዔውታሢ ዓይጎሮዳይ?»

29 ዓጪዮ! ዓጪዮ! ዓጪዮ!
ናንጊና ናንጋ ጎዳ ጋዓ ቃኣሎ ዎይዜ!

30 «ሃይ ዓሢ ናኣታፓ ቢያ ፔኤኮ ጉሪ ዓቲ ናንጋኣ ዒዛኮ ገኢጉዎያ ማዓንዳጉዲ ናንጊና ናንጋ ጎዳ ዎጌኔ፤ ዳውቴኮ ካኣቲዎ ዖይቶ ዳካላኒ

ዪሁዳይዳ ካኣታዳንዳ ዜርሢባኣያ፡ ናይ ሾይባኣ ዓሲ ጌይ ዒዛ ፃኣፔ፤
ዬያ ጌዔሢ ታና፡ ናንጊና ናንጋ ጎዳኩ።»

23

ሃጊ ማዓንዳ ባኣዚ ዛላ ኬኤዚንቲ ባኣዚ

1 «ታኣኮ ቆልዎ ማዔ፥ ዴሮ ዣኣሊሳ ዓሶና ባይዛ ዓሳ ዒንሢና ባዴዔ!» ሂዚ ጋዓኔ ናንጊና ናንጋ ጎዳ።

2 ናንጊና ናንጋ ጎዳ፡ ዒሰራዔኤሌኮ ዖኦዛሢ ዴሮ ሄንቃ ዓሶዎ ሂዚ ጋዓኔ፡- «ዴሮ ታኣኮ ዒንሢ ኮይሳ ጎይፃ ሄንቁባኣሲ፤ ዒንሢ ታኣኮ ዴሮ ዳውሲ ዣኣሊሲ ባይዜኔ፤ ዬያሮ ዒንሢ ማዴ ፑርቶ ማዶሮ ቢያ ታ ዒንሢዳ ሜቶ ዓጋንዳኔ።

3 ፒኢጫዲ ዓቲ ታ ዴሮ ታኣኒ ዜርቂ ሃሺ ዓጮይዳፓ ቢያ ቡኩሲ ዔያታ ሾይንቲ ዓጮ ዔከ ዬዓንዳኔ፤ ዔያታ ሚርጌ ናይ ሾዓንዳሢሮ ፓይዳ ዔያቶኮ ሚርጊ ሚርጊ ዓኣዳንዳኔ።

4 ዔያቶ ሄንቃንዳ ዓሲ ታኣኒ ዶኦራንዳኔ፤ ታኣኮ ዴራ ሃካፓ ሴካ ዒጊቹዎና ዲቃቲሢና ባኣያ ናንጋንዳኔ፤ ሃሢ ዔያቶይዳፓ ፔቴ ዓሲታዎ ሴላዳባኩ፤ ዬያ ጌዔሢ፥ ታና ናንጊና ናንጋ ጎዳኩ።»

5 ናንጊና ናንጋ ጎዳ ሂዚ ጋዓኔ፡- «ዳውቴ ዜርዖ ባኣካፓ ዪሎ ማዔያ ካኣቲ ታኣኒ ዶኦማንዳ ዎዴ ሙካንዳኔ፤ ዬይ ካኣታሢ

ዔራቶና ወይህንዳኔ፤ ዓጮይዳ ቢያ ፒዜ፣ ሃሣ ጎኔ ማዔ ባአዚ ማዳንዳኔ።

6 ዒዚ ካአታዳ ወደና ዪሁዳ ዴራ ዳቁንታ ዴንቃንዳኔ፤ ዒሰራዔኤሌ ዴራአ ኮሺ ናንጊ ናንጋንዳኔ፤ ዒዛኮ ሱንፃ፡- <ኩም ፂሎ ባአዚ ማዳ ናንጊና ናንጋ ጎዳ፤ ጌይንታንዳኔ።

7 «ዓሳ፡- <ዒሰራዔኤሌ ዴሮ ጊብፂ ዓጫፓ ዔኪ ኬሴ ናንጊና ናንጋ ጎዳ ሃይቆ!፤ ጌይ ጌፒንዲዋ ዋዴ ዬዓንዳኔ።

8 ዬያ ሃሺ ዔያታ፡- <ዒሰራዔኤሌ ዴሮ ኬዶ ዛሎ ዓጫፓ፤ ጊንሣ ሃሣ ዔያታ ዜርቁንቲ፤ ዓአ ሜሌ ዓጫፓ ቡኩሲ ዔኪ ሙኬ ናንጊና ናንጋ ጎዳ ሃይቆ!፤ ጌይ ጌፓንዳኔ፤ ዬካፓ ዔያቶ ዓጮ ማዔሢዳ ዔያታ ናንጋንዳኔ።»

ዔርሚያሴ ያኦሲ ማሊያ ኬኤዛኔ ጌይ ሉኡቃ ዓሶ ዛሎ ኬኤዜ ባኮ

9 ያኦሲ ማሊያ ኬኤዛ ዓሶ ዛሎ ታ ማላዛ ታኣኮ ዒና ያዪ ሜሜቃኔ፤ ሜጌፃ ታኣኮ ጎጋይቃኔ፤

ናንጊና ናንጋ ጎዳንታ ዒዛኮ ዲማዴ ቃኣሎንታሮ ታኣኒ ዋይኖ ዑዡ ዑሽኪ ማሢንቲ ዓሲ ማዔኔ፤

10 ሳሳ ቢያ ናንጊና ናንጋ ጎዳ ሃሺ ዘኦሰካ ኮኣማያ ማዔ ዓሶና ኩሜኔ፤

ያኦሲ ማሊያ ኬኤዛ ዓሳ ዒንጊንቲ ቢታንቶና ጊቴቃይዶ ማዳ ማዳኔ፤

ፑርታ ጎይሢ ዔያታ ዓኣዳኔ፤ ናንጊና ናንጋ ጎዳ ሳዖ ጋዳንቁሢሮ

ሳዔላ ዬኤካኔ፤ ቦኣሎይዳ ቆልማ ሄንቃ ባካ ቢያ ሜሌኔ።

11 ናንጊና ናንጋ ጎዳ ሂዚ ጋዓኔ፡-

«ያኦሲ ማሊያ ኬኤዛ ዓሶና ቁኤሴናኮ ዓያናና ናንጎ ናንጋ ፑርቲኔ፤

ሜሌ ዓታዛ ጌኤዡ ማኣሮይዳታዖ ዔያታ ፑርታ ባአዚ ማዳኔ።

12 ዬያሮ ዔያታ ዴንዳ ጎይፃ ሃሊሢ ዔያቶም ማዓንዳኔ፤

ዲሞና ሃንታኣና ጎይፃ ዡኣሊ ዔያታ ሎኦማንዳኔ፤

ሜቶ ታ ዔያቶይዳ ዔኪ ዬዓኣና ዴኤሢ ባአዚ ዳካንዳኔ፤

ዬያ ጌዔሢ ታና፣ ናንጊና ናንጋ ጎዳኬ።

13 ሳማሪያይዳ ዓኣ ታ ማሊያ ኬኤዛ ዓሳ ማዴ ሻኣካ ባኮ ታ ዴንቁኔ፤ ዔያታ ባዓኣሌ ሱንፃና ሎንሦ ኬኤዚ ኬኤዚ ታኣኮ ዴር፣

ዒሰራዔኤሌ ዳቢሳኔ።

14 ጋዓንቴ ዩሩሳሌሜይዳ ዓኣ ታ ማሊያ ኬኤዛ ዓሳ
 ዩያይዳፓ ዑሣ ዓኣዴ ቸርታ ባኣዚ ማዳሣ ታ ዛጌ፤
 ዔያታ ዘኣሰካ ኮኣማ፤ ሉኡቁያኣ ጌሰታ፤
 ዓሶ ቸርታ ማዳሞ ዒቁሳ፤
 ዩያይዳፓ ዔቁያና ዴራ ቸርታ ማዳፓ ገንሣሞ ጎዑዋሴ።
 ዩያሮ ዔያታ ታ ቤርቶይዳ
 ሰዶሜና ጋሞራ ዓሶናጉዲ ጋፒ ቸርቱ።

15 «ዩያሮ ታኣኒ፥ ናንጊና ናንጋ ጎዳ ማዔ ቢያ ባኮ ማገዜ ጎዳሣ
 ዩሩሳሌሜይዳ ዓኣ ታ ማሊያ ኬኤዛ ዓሶ ዛሎ ሂዚ ጋዔ።-
 <ዓጩሎይዳ ካራና ዒኢሳ ማዶ ዔያታ ዳልገሸሣሮ
 ጩንቺ ዋላሺ ታ ዔያቶ ሙኡዛንዳ፤ ዋዋዳ ዴኤሻኣ ዔያቶ ታ
 ዑሻንዳ።» »

16 ናንጊና ናንጋ ጎዳ ማዔ ቢያ ባኮ ማገዜ ጎዳሣ ዩሩሳሌሜ
 ዴሮሞ ሂዚ ጋዔ።- «ታ ማሊያ ኬኤዛ፤ ጋዓ ዓሳ ኬኤዛ ባኮ
 ዋይዚፖቴ፤ ዔያታ ሃጊ ማዳንታኑዋ ባኣዚ ኬኤዚ ዒንሣ ጌሻንዳ፤
 ዔያታ ዒንሣሞ ኬኤዛንዳሣ ዔያታ ፔ ዒኖና ማሌ ባኣዚ
 ማዓንዳኣፓዓቴም ታ ዔያቶም ኬኤዜያ ማዓዓከ፤

17 ታ ቃኣሎ ዋይዘ ዒፃ ዴሮም።- <ዒንሣሮ ዚቲ ጎዑዋቴ፥ ኮሺ
 ማዓንዳ፤ ዔያታ ጋዓንዳ፤ ዋይዘ ዒፃ ቸርቶ ዓሣሞ ዔያታ።-
 <ዔኤቢ ባኣሴ፥ ፔቲታዎ ሜታ ኔና ሄላዓኮ» ጋዓንዳ።»

18 ዔያቶ ባኣካፓ ናንጊና ናንጋ ጎዳ ማዳኒ ማሊ ዘርታ ዘር ዋይዚ፤
 ሃሣ ዩያ ጌይንቴ ባኮ ዒና ዔከ ዓይሣንቴይ ያናዳይ?

19 ናንጊና ናንጋ ጎዳ ኮ ዳጋ ቸርቶ ዓሶ ቶኣኮይዳ ባዘ ጉዳሣ
 ዴኤፖ ባዘ ዋኣዎ ሂዓዛ ሙካ ዋኣዎጉዲ፤ ሃሣ ገንሣ ዶዲ ዓልጎ
 ዠባራጉዲ ሙከ ኬዳሣ ኮሺ ዛጌ።

20 ናንጊና ናንጋ ጎዳ ዒ ማሌ ባኮ ማዳ ኩንሣንዳያ ሄላንዳኣና
 ዒዛኮ ዳጋ ማዓያቴዋሴ፤ ሃጋ ዴራ ዩያ ቢያ ፔጋሲ ጋፒ ዔራንዳ።

21 ናንጊና ናንጋ ጎዳ ሂዚ ጋዔ።- «ፔ ሸኔና ዔያታ ሩኡሪ ዴንዴ፤
 ዩኖ ታ ማሊያ ኬኤዛ ዓሶ ታኣኒ ዳኪባኣሴ፤ ታኣኒ ታ ማሊሣኬ ጌይ
 ፔቲታዎ ዔያቶም ኬኤዜ ባኣዚ ባኣሴ፤ ዔያታ ጋዓንቴ ታ ሱንዮና ታ
 ማሊሣኬ ጌይ ዔኤቢ ኬኤዛ፤

22 ዋንዴ ዔያቶ ባኣካፓ ታኣኒ ማዳኒ ማሊ ዘርታ ዘር ዋይዜይ
 ዓኣያ ማዔቴ ታ ቃኣሎ ዔያታ ኬኤዜያናንዳ፤ ታኣኮ ዴሮዋ ዋሶ
 ጎይዎ፤ ገንሣ ሃሣ ቸርቶ ናንጋፓ ሃሺሲ ማሄያናንዳንቴከ።»

23 ናንጊና ናንጋ ጎዳ ሂዚ ጋዓኔ፡- «ታኣኒ ዑኩንታ ሃኬ ማዔ ቤዞ ቢያሢንታይዳ ዓኣ ያኦሲኬ።

24 ታኣኒ ጨሪንጮንታ ሳፖንታ ኩሚ ዓኣ ያኦሲቱዋዓዳ? ዓሲ ጴዲዋ ቤሰካ ዓኣሺንቴቲ ታኣኒ ዳንቁዋ ያኦሲዳ?

25 ታ ሱንፖና ሉኡቂ ኬኤዛ ዓሳ ጋዓ ባኮ ታኣኒ ዋይዜኔ፤ ታ ዓውቲ ዓውታጳኔ፤ ዓውቲ ታኣኒ ዛጌኔ፤ ጌይ ጌይ ዔያታ ዒላታኔ።

26 ዬና ታ ማሊያ ኬኤዛኔ ጋዓ ዓሳ ፔ ማሊያና ማዢ ዔኬ፤ ሉኡዙዋ ባኮና ዳሮ ታኣኮ ዳቢሺ ናንጋሢ ዋማ ሄለንዳኣናዳይ?

27 ዔያቶኮ ዓደንሢ ባዓኣሌ ካኣሽኪ ታ ሱንፖ ዋሌሢጉዲ ዔያታኣ ፔኤኮ ዓውቶ ዋለም ኬኤዚ ኬኤዚ ሺሪም ታኣኮ ዳራ ታ ሱንፖ ዋለንዳያ ዔያቶም ማለኔ።

28 ታ ማሊሢ ኬኤዛያታፖ ዓውቲ ዓውታጳ ዓሲ ዓኣቶ ፔኤኮ ዓውቶማ ሌሊ ኬኤዘንጎ፤ ታኣኮ ቃኣሎ ዋይዜ፤ ታ ማሊያ ኬኤዛ ዓሲ ጋዓንቴ ዒማ ዒ ዋይዜማ ጉሙርቂንቴሢና ኬኤዘም፤ ዲኢሪና ማይ ዓኣፒናኮ ዓይጎ ፔቱም ዓኣይ?

29 ታኣኮ ቃኣላ ታሚጉዲ፤ ሃሢ ጊንሣ ደዶ ላሎ ሹዋ ዲይ ጋኣጫ ሞቶሻጉዲኬ።

30 ፔቲ ባጋሢፓ ቃኣላ ዉኡቂሢና፡- ሃይ ናንጊና ናንጋ ጎዳ ኬኤዜ ቃኣላኬ፤ ጌይ ኬኤዛ፤ ታ ማሊያ ኬኤዛኔ ጋዓ ዓሳ ታኣኒ ጎዲፃኔ።

31 ዔያታ ፔ ዒናፓ ኬሲ ዔኪ፡- ሃይ ናንጊና ናንጋ ጎዳ ኬኤዜ ቃኣላኬ፤ ጌይ ኬኤዛ፤ ታ ማሊያ ኬኤዛ ዓሳዋ ታ ዒፃኔ።

32 ሃይሾ ታኣኒ፤ ናንጊና ናንጋ ጎዳ ጋዓሢ ዋይዙዋቲ! ሉኡዙዋ ሌሊ ማዔ ዓውቶ ፔኤኮ ኬኤዛ፤ ታ ማሊያ ኬኤዛኔ ጋዓ ዓሳ ታ ዒፃኔ፤ ዬያ ዓውቶ ዔያታ ኬኤዚ ኬኤዚ ሉኡዚ ሌሊ ማዔ ፔኤኮ ሆኦለንቴፖና ታኣኮ ዳሮ ጎኔ ጎይፃፓ ኬሳኔ፤ ታ ዔያቶ ዳኪባኣሴ፤ ታኣም ዳንዲዋቲ ታ ጌይባኣሴ፤ ታኣኮ ዳሮም ማኣዳ ባኣዚ ዔያታ ኬኤዛ ባኣዚያ ባኣሴ፤ ዬያ ጌዔሢ ታና፤ ናንጊና ናንጋ ጎዳኬ።»

ሉኡዚ ባኣዚ ማዔ ባኮ ኬኤዛ ዓሳ

33 ናንጊና ናንጋ ጎዳ ሂዚ ጋዓኔ፡- «ዔርሚያሴ! ታ ማሊያ ኬኤዛ ዓሲ፤ ቁኤሴ፤ ሃንጎ ሃሢ ታ ዳሮፓ ፔቲ፡- ናንጊና ናንጋ ጎዳኮ ባሲ ማዔ ዳኤፃ ባካ ዓይጎዳይ?» ጌይ ኔና ያኡጮቲ፤ ናንጊና ናንጋ ጎዳኮ ባሲ ማዔ ዳኤፃ ባካ ዒንሢኬ፤ ዬያሮ ፔ ቤርታፓ ዒንሢ ዒ ሺኣሻንዳኔ፤ ጌይ ዔያቶም ኬኤዜ።

34 ታ ማሊያ ኬኤዛ ዓሲ፤ ቁኤሴ፤ ሃንጎ ሃሢ ዳሮፓ ፔቲ ዓሲ፡- ናንጊና ናንጋ ጎዳኮ ባሲ ማዔ ዳኤሢ ባኣዚ፤ ጌይ ኬኤዜቲ ዬያ ዓሢንታ ዒዛኮ ማኣሮ ዓሳንታይዳ ሜቶ ታኣኒ ዓጋንዳኔ።

35 ይያ ጌይያ ሃሺ ፔቴ ፔቴሢ:- <ናገረና ናገጋ ጎዳ ማሂ ኬኤዜ ባካ ዓይጎዳይ? ናገረና ናገጋ ጎዳ ኦኡም ዋዚ ጌዔይ?> ጌዒ ፔኤኮ ለጋሢና ዒረናሢያ ያኦጫንዳያ ኮይሳኔ።

36 <ናገረና ናገጋ ጎዳኮ ባሲ ማዔ ዴኤሢ ባኣዚ> ጌይ ፔቴታዎ ዔኤቢ ኬኤዚፖቴ፤ ናገረና ናገጋ ጎዳ ኬኤዛ ቃኣላ ዋይቲ ባሲ ማዔ ዴኤፃኒ ዳንዳዔይ? ዒንሢ ጋዓንቲ ናገረና ናገጋ ጎዳ ማዔ ቢያ ባኮ ማኸ ጎዳሢኮ ቃኣሎ ዋቢሳኔ።

37 ኔኤኒ ዔርሚያስ! ታ ማሊያ ኬኤዛሢ ኮይላ:- <ናገረና ናገጋ ጎዳ ዋዚ ጌይ ማሂ ኬኤዜይ? ዓይጎ ባኣዚ ኬኤዜይ?> ጌይ ያኦጫ።

38 ጋዓንቲ ዔያቶ ባኣካፓ ታኣኮ ዓይሢያ ዋይዞ ዒዒ:- <ናገረና ናገጋ ጎዳኮ ባሲ ማዔ ዴኤሢ ባኣዚ> ጌይ ዔያታ ኬኤዛያ፤ <ናገረና ናገጋ ጎዳኮ ባሲ ማዔ ዴኤፃ ባኣዚ ጌይፖቴ> ጌዒ ታ ዔያቶም ኬኤዜንቲ ዔያታ:- <ያኦሲኮ ባሲ ማዔ ዴኤሢ ባኣዚ> ጌዔሢ፤

39 ታኣኒ ታ ቶኦኪና ዒንሢንታ ዔያቶንታ፤ ጊንሢ ሃሃ ዔያቶና ዔያቶኮ ቤርታኣ ዓደንሢናም ዒንጌ ካታም ኬዲ ዔኪ ታ ቤርታፓ ሺኢሺ ኬኤራንዳሢ ዔያቶም ኬኤዜ።

40 ዔያቶይዳ ታኣኒ ፔቴታዎ ዋለንታኦዎያ፤ ናገረና ናናገጋንዳ ቦርሲንቲና ሞኦሪንቲሢና ዔኪ ዩዓንዳኔ።»

24

ለምዎ ኮታና ጌሢንቲ ቤሌሴ ሚያ ዓኣፖ ኮኣኪንሃ

1 ናገረና ናገጋ ጎዳ ጌኤኸ ማኣሮኮ ሆታ ጌሢንቲ ቤሌሴ ሚያ ዓኣፖ ጌሃናያ ለምዎ ኮታ ታና ዳዌኔ፤ ዩይ ያዲ ማዔሢ ባብሎኔ ካኣቲ ናብካዳናያኦሬ ዒዮዓቄሜ ናኣዚ፤ ዪሁዳ ካኣቲ፤ ዒኮኒያኔ ዪሁዳ ዓጮ ዋይሃ ሱኡጎና ዋላ፤ ኩጮና ዔቦ ማዲ ዔራ ሃኣምንታ ሚሌ ሚሌ ባኣዚ ማዳያ ማዔ ዔሮ ዓሶዋ ዋላ ዩሩሳላሜፓ ዲዒ ዔኪ ባብሎኔ ዴንዴሢኮ ጊንፃኣከ።

2 ፔቴ ቤርታሳ ኮቴሎ ጋራ ሃንጎ ቤሌሶ ሚያ ዓኣፓፓ ቤርታ ካፄ፤ ሚዛጲ ዓኣፒ ዓኣያኮ፤ ለምዓሳዞኮ ጊንሢ ቤሌሴ ሚያ ዓኣፖታዎ ሙሮንታኒ ዳንዳዔብ ጎይሢ ፑርቴያ ጋራ ዓኣኔ፤

3 ናገረና ናገጋ ጎዳ ዒማና ታ ኮይላ:- «ዔርሚያስ! ኔኤም ዓይጎ ባኣዚ ጴዳይ?» ጌይ ያኦጫ።

ታኣኒያ:- «ታኣኒ ቤሌሴ ሚያኮ ዓኣፒ ዴንቃኔ፤ ቃራ ማዔ ዓኣፖንሢ ኮሺ ሚዛጲያኮ፤ ፑርቴያ ዓኣኔ፤ ዩያታ ጋዓንቲ ሙዒኒ ጊኢጉዋያ ጋፒ ፑፑርቴያኮ» ጌይ ማሂ።

24:1 2ካኣቶ. ማ 24:12-16፤ 2ዎኦሲ. ዓሃኬ 36:10።

4 ዬያሮ ናንጊና ናንጋ ጎዳ ታኣሞ ሂዚ ጌዔኔ፡-

5 «ታኣኒ፥ ናንጊና ናንጋ ጎዳ ማዔ ዒሰራዔኤሌ ፆኦዛሂ ባብሎኔ ዓጮ ታኣኒ ዳኬ ታ ዳሮ ዩንሂ ቃሮ ቤሌሶ ሚያ ዓኣፖንሂጉዲ ማሂ ዛጋኔ፤

6 ዔያቶኮ ሸምፓሂ ታኣኒ ካፒ ሃኖ ዓጮ ማሂ ዔኪ ዩዓንዳኔ፤ ታ ዔያቶ ማዢ ዔቂሳንዳኔ፤ ታ ዔያቶ ሸሃዓኬ፤ ታ ዔያቶ ሚሂጉዲ ቱካንዳኔ፤ ቱጊ ቱጋዓኬ፤

7 ታኣኒ ፆኦሲ ማዔሂ ዔያቶ ታ ዔርዛንዳኔ። ዩካፓ ዔያታ ጉቤ ዒኔና ታባንሂ ማዓንዳሂሮ ዔያታ ታ ዳሬ ማዓንዳኔ፤ ታኣኒያ ዔያቶኮ ፆኦሲ ማዓንዳኔ።

8 «ዪሁዳ ካኣቲ፥ ሴዳቂያሴንታ ዒዛ ኮይላ ማዒ ዒዛ ዘራ ቢታንታ ዓኣ ዓሶንታ፤ ዩያጉዲ ሃሃ ዩሩሳላሜይዳ ናንጋ ዓሶፓ ሃኖ ዓጮይዳ ዓቲ ዓኣ ዓሶንታ ጊብፆ ዓጮ ዳንዳ ዓሶ ቢያ ጋዓንቱ ሙዓኒ ጊኢጉዋያ ማዒ፥ ፑርቱ ቤሌሴ ሚያ ዓኣፖንሂጉዲ ታኣኒ ማሃንዳኔ።

9 ዔያታ ዳውሲንቲ ዳንዳንዳጉዲ ታኣኒ ማሃ ዓጮይዳ ዓጮ ጉቤሂኮ ካኣታ ዔያቶ ዒፃያ፥ ጫሽኪንታያ፥ ሃይሴ ማሂ ዔያቶ ጉሪ ኬኤዚ ሸርያ፥ ሚኢጪ ዓማሎያና ዒላቶና ዓሲያ ዔያቶ ታ ማሃንዳኔ።

10 ዔያቶንታ ዔያቶኮ ቤርታኣ ዓደንሂንታም ታኣኒ ዒንጌ፥ ሃኖ ዓጮሎፓ ያልዚና፥ ናይዚና ዲማ ዲማ ደርዖና ታ ዔያቶ ኩርሳንዳኔ።»

25

ዓጮኮ ኬደ ዛላፓ ያላኒ ሙኬ ሞርኬ

1 ዒዮሲያሴ ናኣዚ፥ ዒዮዓቂሜ ዪሁዳይዳ ካኣታዳንቲ ያይዳሳ ሌዓ ዪሁዳ ዳሮ ዛሎ ናንጊና ናንጋ ጎዳ ታኣሞ ኬኤዜ ባኣዚ ዓኣኔ፤ ዩይ ኬኤዚንቲሂ ባብሎኔ ካኣቲ፥ ናብካዳናፎ ካኣታዳ ቤርታሳ ሌያናኬ፤

2 ዬያሮ ታኣኒ ዪሁዳ ዳሮና ዩሩሳላሜ ዳሮናም ሂዚ ጌዔኔ፡-

3 «ዓሞኦኔ ናኣዚ፥ ዒዮሲያሴ ዪሁዳይዳ ካኣታዳንቲ ታጳ ሃይሂሳ ሌዓፓ ዓርቃያ ዳንዲ ሃማ ሄላንዳኣና ለማታሚ ሃይሂ ሌዔይዳ ቢያ ናንጊና ናንጊና ጎዳ ታኣሞ ኬኤዜ ጎይሂ ዳዔኔ፤ ዒዚ ጋዓ ባኮ ታ ዒንሂም ኬኤዚፓ ጊንሂም ጌይባኣሴ፤ ዒንሂ ጋዓንቲ ጳቂሂ ዒና ዔኪባኣሴ፤

25:1 2ካኣቶ. ማ 24:1፤ 2ያኦሲ. ዓሃኬ 36:5-7፤ ዳኣኔ. 1:1-2።

4 ናንጊና ናንጋ ጎዳ ዒዛም ማዳ፣ ዒዛ ማሊያ ኬኤዛ ዓሶ ዋሊ ሄሊሲ ዒንሢም ዳኬንቴያ ዒንሢ ዔኤቢኬ ጌይ ዒና ዔኪ ዋይዚባኣሴ፤

5 ዬያታ ዒንሢም፡- ናንጊና ናንጋ ጎዳ ዒንሢንታ ዒንሢኮ ቤርታኣ ዓደንሢንታም ዒንጌ፣ ሃኖ ዓጨሎይዳ ናኣናና ዒንሢ ናንጋኒ ዒንሢኮ ፑርቶ ናንጎና ማዳና ሃሺ ማዑዋቴ፤

6 ሜሌ ያኦዞ ካኣሽኪፖቴ፤ ዔያቶም ማዲፖቴ፤ ዘጊያ ዘጊፖቴ፤ ዒንሢ ኩቻ ዒንሢ ማዜ ሜሌ ያኦዞም ዘጊ ናንጊና ናንጋ ጎዳኮ ዳጎ ዔቂሲፖቴ፤ ዬያ ዓይሢያ ዒንሢ ካፔቴ ዒዚ ዒንሢዳ ሜቶ ዓጋዓኩ ጌይ ኬኤዚ ናኣኮኩ።

7 ሃሃ ዔያታ ዒንሢም ሂዚ ጌይ ኬኤዜኔ፡- ናንጊና ናንጋ ጎዳ ሂዚ ጋዓኔ፤ ዒንሢ ኩቻ ዒንሢ ማዜ ያኦዞ ዘሎና ታና ዒንሢ ዳጋሴኔ፤ ዒንሢዳ ዒንሢፎ ዒንሢ ፑርታ ባኣዚ ዔኪ ዬዔኔ።

8 «ኑ ዒዛም ዋይዛዓ ዒንሢ ጌዔሢፎ ቢያ ባኮ ዋይሃ ጎዳሢ ሂዚ ጋዓኔ።

9 ሃይሹ፣ ታኣኒ ዓጮኮ ኬደ ዘላ ዓኣ ፃፅ ባንሢ፤ ጊንሣ ሃሃ ታኣም ማዳያ ማዔ፣ ባብሎኔ ካኣቴ ናብካዳናያኦሬ ባንሢ ከኢታ ዓሲ ዳካንዳኔ፤ ዪሁዳ ካታሞንታ ዒኢካ ናንጋ ዓሶዋ፣ ዬያጉዲ ጊንሣ ዓሺኒ ማዔ ዓጮ ዴሮዋ ዔያታ ያላንዳጉዲ ታ ዔያቶ ዔኤላንዳኔ፤ ኮይላ ዓኣ ዓሺኖ ዓጮና ዋላ ሃኖ ዓጨሎ ታኣኒ ባይዛንዳኔ፤ ዘጊም ዓጊቻያ፣ ዓሲያ ሚኢጨ ዓማላንዳጉዲ ናንጊና ሻሂንቴ ካታማ ማዒ ዴዓንዳጉዲ ታኣኒ ሃሻንዳኔ፤ ዬያ ጌዔሢ ታና፣ ናንጊና ናንጋ ጎዳኬ።

10 ዋዛዳያንታ ዒላሾ ዑኡሲንታ ዔፒ ዑኡሲያ ዋይዚንቴዋጉዲ ታኣኒ ማሃንዳኔ፤ ጊንሣ ሃሃ ሃኣኮ ዒኢካ ዋዲንቴዋጉዲ፣ ዲሚና ዒኢካ ታሚ ፖዒያ ፖዑዋጉዲ ታኣኒ ላኣጋንዳኔ።

11 ሳዔላ ካራና ደዔ ካታማና ዓሲያ ናንጉዋያ ጉሪ ቤሲ ማዓንዳኔ፤ ዬያታ ዴራ ላንካይታሚ ሌዔ ባብሎኔ ካኣቴ ዴማ ዋርቀንዳኔ።

12 ዬካፓ ላንካይታም ሌዓ ጋፓዛ ባብሌንታ ዴሮንታ ካኣቴንታይዳ ዔያታ ዳቤ ዳቢንቶ ዘሎና ሜቶ ታኣኒ ዓጋንዳኔ፤

13 ታኣኒ ዴሮ ቢያሢዳ ዔኪ ዬዓንዳኔ ጌይ ዔርሚያሴም ኬኤዜ፣ ሃያ ማፃእፖይዳ ፃኣፒንቴ ዓኣ ፑርቶ ባኮ ቢያ ኬይሲ ባብሎኔ ታ ሚታሳንዳኔ።

14 ባብሎኔ ዓሳ ማዳ ፑርቶ ባኮሮ ቢያ ኮይሳማ ታ ዔያቶም ዒንጋንዳኔ፤ ሜሌ ዴሬ ሚርጌንታ ዴኤፒ ዴኤፒ ካኣቶንታ ዔያቶ

25:10 ዔር. 7:34፤ 16:9፤ ዮሃ. ያፕዳ 18:22-23። 25:11 2ያኦሲ. ዓሃኬ 36:21፤ ዔር. 29:10፤ ዳኣኔ. 9:2።

ዓይሌ ማሂ ወይሃንዳኔ።» »

ናንገና ናንገ ጎዳ ማሌ ዳርይዳ ዓጋንዳ ፑርቶ ባኮ

15 ዒሰራዔኤሌኮ ጾኦሲ፡ ናንገና ናንገ ጎዳ ሂዚ ታእሞ ጌዔ፡-
«ታኣኮ ዳጎ ማዔ ሃያ ወይኖ ዑዙ ኩንሃና ዑዙ ዓንጎ ታ ኩጫፓ
ዔኪ፡ ታኣኒ ኔና ዳካ ዳር ኮይላ ዳንዲ ዔያቶ ዑሹ።

16 ዔያታ ዑሽካዖ ዔያቶይዳ ታኣኒ ዳካንዳ ገሎ ዛሎና ዒና ባይቂ
ዠኔሎ ማንዳ።።»

17 ዬያር ዬያ ዑዙና ዓኣ ዓንጎ ታኣኒ ናንገና ናንገ ጎዳ ኩጫፓ
ዔኪ ዒዚ ታና ዳኬ ዳር ቢያሂ ኮይላ ዳንዲ ዔያቶ ዑሹ፤

18 ዬራሳላሜ ዳርንታ ዪሁዳ ካታሞ ዳርንታ ፔኤኮ ካኣቶንታ
ቢታንታ ዒንገንቲ ዓሶንታ ዎላ ዬያ ዑዙ ዓንጎይዳ ዓኣ ዑዙፓ
ዑሽኩ፤ ዬያይዳፓ ዔቂያና ዬንሂ ቤዛ ዛገሞ ዒጊቻያ፡ ዓሲ ናንጉዎ
ዳውሌ፤ ገንሣ ሃሣ ዓሲ ጫሺ ጫሽካያና ጋዳማ ጋዳንቃ ቤሲ
ማዓንዳ።።

19-26 ዬያ ዑዙ ዑሽካኒ ኮይላ ማሌ ዓሳ ሃካፓ ለካ ፓይዲንታ
ዓሶኬ፡-

ገላብፄ ካኣቲ ፔኤኮ ደንዘና ቢታንቶ ዒዚ ዒንጌ ዓሶና ዎላ፤

ገላብፄ ዳርና ገላብፄይዳ ሙፒ ዓሲ ማዒ ናንገ ዓሳ ቢያ፤

ጾኦፄ ዓጮይዳ ናንገ ካኣታ ቢያ፤

ፒሊሰፄሜ ዓጮ ካታሞኮ ዓሰቁሎናይዳ፡ ጋኣዛይዳ፡

ዔቅርኔና ዓሽዳዳናይዳ፡ ገንሣ ሃሣ ማሌ ቤዛይዳ ናንገ፡-

ዔዶኦሜ ዳራ፡ ሞዓኣቤንታ ዓሞኦኔ ዳርንታ ቢያ፤

ዒርሴና ሲደና ዓጮ ካኣታ ቢያ፤

ሜድቴራኒያ ባዞ ኮይላ ዓኣ ዓጮ ካኣታ ቢያ፤

ዳዳኔ፡ ቴማኔንታ ቡዜ ካታሞንታ ቢያ፤

ሻውሎና ሚዛቆ ዛሎ ጋንጋርይዳ ዓኣ ጋፓሮ ማኤዳ ዳራ ቢያ፤

ዓሬቤ ዓጮ ካኣታ ቢያ፤

ዳውላዳ ዓጮይዳ ናንገ ፃጰ ካኣታ ቢያ፤

ዜምሪ፡ ዔላኣሜንታ ሜዶኔ ዓጮ ካኣቶንታ ቢያ፤

ሃንጎ ሃሣ ዓጮኮ ኬዶ ዛሎና ሃኬያ ማዖሞ ዑኬ ዓኣ ካኣታ ቢያ ፔ

ዎደና ዎደና።።

ሳዖ ቢያሂዳ ናንገ ዳራ ጉቤ፤ ዬያ ዑዙ ዓንጎና ዓኣ ዑዙፓ
ዑሽካንዳ፤፤ ጋፒንጾይዳ ባብሎኔ ካኣቲ ዬያ ዑዙ ዑሽካንዳያ
ኮይላ።።

27 ናንገና ናንገ ጎዳ ታእሞ ሂዚ ጌዔ፡- «ታኣኒ፡ ቢያ ባኮ ማዠፍ
ጎዳ ማዔ ዒሰራዔኤሌ ጾኦኣሂ ዔያቶይዳ ዔኪ ዬዓንዳ ገሎ ዛሎና
ዔያታ ማሂንቲ ጮኦሽካንዳያ ሄላንዳኣና፤ ገንሣ ሃሣ ሎኦሚ፡

ዔቂ ባሺንታንዳያ ሄለንዳኣና ዬያ ዑዠር ዔያታ ዑሽካንዳጉዲ ታኣኒ ባይሣንዳሢ ዴሮሞ ኬኤዜ፤

28 ዬያ ዑዠር ዓንጎና ዓኣ ዑዠር ኔ ኩጫፓ ዔያታ ዔኪ ዑሽካንዳጉዲ ማዔቴ፡- <ሃያ ዑዠር ዔንሢ ዑሽካንዳጉዲ ቢያ ባኮ ዎይሣ ጎዳ ማዔ ያኣዛሢ ባይሣኔ፤ ጌይ ዔያቶሞ ኬኤዜ።

29 ሃይሹ፡ ታኣኒ ባይዚያ ታኣኮ ሱንፃ ዔኤሊንታ ካታሞፓ ዓርቃንዳኔ፤ ሂንዳ ዓካሪ፡ ዔያታ ታኣኒ ዓጋ ሜታሢፓ ቶላንዳጉዲ ዔያቶሞ ማላ? ታኣኒ ዓጮይዳ ቢያ ናንጋ ዴሮይዳ ያልዚ ዔኪ ዬዓንዳሢሮ ፔቲታዎ ታኣኒ ዓጋ ሜታሢፓ ቶላንዳ ዓሲ ባኣሴ፤ ዬያ ጌዔሢ ታና፡ ቢያ ባኮ ዎይሣ ጎዳኬ።

30 «ዔርሚያሴ! ኔኤኒያ ታኣኒ ኔኤሞ ኬኤዜ ቃኣሎ ቢያ ዴጊዲ ኬኤዛንዳያ ኮይሳኔ፤ ዬያቶ ዴሮሞ ሂዚ ጌዔ፡- ሓንገና ናንጋ ጎዳ ጫሪንጫፓ ዴኤፒ ዑኡሲ ዎይዚሳኔ፤ ዒዚ ናንጋ፡ ዒዛሞ ዲማዴ ኬኤፃፓ ጉጉንሣኔ፤ ሳይይዳኣ ዴኤፒ ዑኡሲ ዎይዚሳኔ፤

ዎይሮ ጩኡጳ ዓሶ ጎይሢ ዴኤፒ ዑኡሲና ጌሰታኔ፤ ሳይይዳ ናንጋ ዓሶሞ ቢያ ዴኤፒ ዑኡሲ ዎይዚሳኔ።

31 ናንገና ናንጋ ጎዳ ዴሮ ዞሪ ጎራ ዎዶና ዎይዚሳ ዑኡዛ ዴንዲ ዓጮኮ ጋፖ ሄላኔ፤ ሜሌ ዴሮ ቢያሢዳ ጌሰቲ ዎጋኔ፤ ፑርቶ ዓሶዎ ዒ ዎዎዳኔ፤ ዬያ ጌዔሢ ናንገና ናንጋ ጎዳኬ።»

32 ቢያ ባኮ ማዜ ጎዳሢ ሂዚ ጋዓኔ፡- «ሃይሹ፡ ዴሮይዳ ቢያ ፔ ዎዶና ዎዶና ባይሲንታ ሙካንዳኔ፤ ዓጮኮ ካራፓ ቢያ ዴኤፒ ዓልጎ ዠባሪ ዔቃንዳኔ።

33 ዬሮ ዎዶና ናንገና ናንጋ ጎዳ ዎዳንዳ ዓሶኮ ሌዛ ሳይኮ ካራፓ ጋፖ ሄለንዳኣና ኬኤሪንቲ ኩማንዳኔ፤ ዔያቶ ዬኤካንዳ ዓሲንታ ዬያ ሌዞ ዔያቶኮ ቡኩሲ ዲኡካንዳ ዓሲያ ጳዳዓኬ፤ ዬያሮ ዔያታ ቡኡራጉዲ ቦልካ ኬኤሪንቲ ዓታንዳኔ።

34 «ዒንሢ፡ ሱኡጋ ዬኤኩዎቴ፤ ዒንሢ፡ ዴሮ ካፓ ዓሳ ዑኡዞ ዒንሢኮ ዴጊዲ፡- <ዎኦ! ዎኦ!> ጎዑዎቴ፤ ዲቢንሢዳ ኮላዲ ኮላዲ ያዩዎቴ፤ ቢያሢ ዒንሢ ሹከንታንዳ ዎዳ ሄሌኔ፤ ዠኢጩ ዓጪና ማዠና ቦንቺንታያ ማዔ ባኣዚ ኬዲ ሃይቃዎ ቡርሺንታሢጉዲ ዒንሢያ ያዲ ቡርሺንቲ ላኣሊንታንዳኔ።

35 ዬይ ሱኡጋ ፑኒ ጌላንዳ ቤሲ ባኣሴ፤ ዴሮ ካፓ ዓሳኣ ቶላንዳ ጎይሢ ባኣሴ።

36 ሄንቃ ዓሳ ዒላታንዳኔ፤ ናንጊና ናንጋ ጎዳ ቆልሞኮ ሄንቆ ቤዘ ባይዜሢሮ ቆልሞ ዓደንሢ ዒናፓ ዩኤካኔ።

37 ናንጊና ናንጋ ጎዳኮ ጴኤፖ ዳጎ ዛሎና ኮሺ ዔያታ ናንጋ ማኣራ ዔያቶኮ ሻሂንቴኔ።

38 ሄርቂ ዎይሢ ዓሶኮ ጨንቾ ዓፓሮና ናንጊና ናንጋ ጎዳኮ ጴኤፖ ዳጎናፓ ዔቁያና ሳዔላ ዓሲ ናንጉዎ ጉሪ ቤሲ ማዔሢሮ ዘቢ ናንጋ ቤዘ ሃሺ ፑኒ ዴንዳሢጉዲ ዔያታ ፑኒ ባይቃንዳኔ።»

26

ዔርሚያሴ ጌኤዠ ማኣራ ኬኤዘ ባኮ

1-2 ዒዮሲያሴ ናኣዚ፣ ዒዮዓቂሜ ዪሁዳይዳ ካካኣታዳማና ናንጊና ናንጋ ጎዳ ታኣሞ ሂዚ ጌዔኔ፡- «ጌኤዠ ማኣሮይዳ ዓሳ ቡካ ቤዘ ዔቂጋፓ ዪሁዳ ካታሞይዳፓ ቢያ ዘጊ ካኣሽካኒ ሙካ ዴሮሞ ታኣኒ ኔና ዓይሢሢ ቢያ ፔቴ ባኣዚታዎ ዓይሱዎፓ ኬኤዘ፤

3 ጎፆንቴ ዴራ ዎይዚ ፑርቶ ማዳፓ ማዓንዳያናንዳኔ፤ ዔያታ ማዓያ ማዔቴ ዔያቶኮ ፑርቴማፓ ዔቁያና ዔያቶይዳ ታኣኒ ዔቢ ዩዓኒ ማሌ ባይሲንቶ ሃሻንዳኔ።»

4 ዴሮሞ ሂዚ ጌይ ኬኤዘንጎ ጌይ ናንጊና ናንጋ ጎዳ ታና ዓይሢኔ፡- «ታኣኒ፣ ናንጊና ናንጋ ጎዳ ዒንሢሞ ዒንጌ ዎጎ ጎይፆ ዒንሢ ማዳባኣቴ፣ ታኣማኣ ዒንሢ ዓይሢንቴባኣቴ፣

5 ዒንሢ ዎይዘባኣያ ማዔቴያ ታኣሞ ማዳ፣ ታ ማሊፆ ኬኤዘ ዓሶ ላሚ ላሚ ታ ዒንሢ ባንሢ ዳኬኔ፤

6 ዎይዘ ዒፆ ሃሹዎያ ዒንሢ ማዔቴ ሴኤሎይዳ ታኣኒ ማዳ ባኮንሢ ቢያ ሃያ ጌኤዠ ማኣሮይዳ ላሚ ሃሢ ታ ማዳንዳኔ፤ ዓጮ ዴራ ቢያ ሃሮ ካታሜሎኮ ሱንፆ ጋዳንቂሢ ሱንሢ ማሂ ፓይዳንዳኔ።»

7 ቁኤሶንታ ፆኦሲ ማሊፆ ኬኤዘ ዓሶንታ ዴሮንታ ቢያ ጌኤዠ ማኣሮይዳ ዩያ ታ ኬኤዘሢ ዎይዘኔ፤

8 ናንጊና ናንጋ ጎዳ ታና ኬኤዘሞ ጌይ ዓይሢ ባኮ ቢያ ኬኤዚ ታ ኩኩርሳኣና ታ ዔሪባኣንቴ ታና ዔያታ ዓርቂ፡- «ሃያ ዎዎዶንዳ ዓሲኬ!» ጌይ ዒላቴኔ፤ ጊንሢ ሃሢ፡-

9 « <ሃይ ጌኤዠ ማኣራ ሴኤሎ ማዓንዳኔ> ጌይ ናንጊና ናንጋ ጎዳ ሱንፆና ኔኤኒ ኦኤሞ ሎንሆ ኬኤዘሢ ዓይጎሮዳይ? ሃሢ፡- <ሃና ካታማ ባይቃንዳኔ፤ ሃካ ናንጋንዳ ዓሲያ ጰዳዓኬ> ኔኤኒ ጌዔሢ

26:1-2 2ካኣቶ. ማ 23:36—24:6፤ 2ፆኦሲ. ዓሃኬ 36:5-7። 26:6 ዒያ. 18:1፤ ዓይኑ. 78:60፤ ዔር. 7:12-14።

ዓይጎርዳይ?» ጌይ ታና ያኑጩኔ። ዩካፓ ዴራ ቢያ ጌኤዡ ማኣርይዳ ቡኪንቲ ታኣኮ ኮይሎ ሙኪ ማንጌ።

10 ዒማና ዪሁዳ ዓሶ ዎይሣ ሱኡጋ ዬያ ባኮ ዎይዛያ ካኣቲሞ ማኣራፓ ኬሰኪ ጌኤዡ ማኣሪ ሙኩኔ፤ ዩካፓ ጌኤዡ ማኣርኮ ዓኮ ጌሎ ካርይዳ ፔ ቤዛ ደዔ።

11 ቄኤሶና ያኦሲ ማሊያ ኬኤዛ ዓሶና ዴርናሞ ዔያታ ሂዚ ጌዔ፡- «ሃይ ዓሣ ጌዔ ባኮ ቢያ ዒንሣ ዒንሣ ቶኦኪና ዎይዜ፤ ኑ ካታሞይዳ ዒ ፑርታ ሎንሣ ባኣዚ ኬኤዜሣር ዒ ዎዲንታንዳያ ኮይሳ።»

12 ታኣኒ፣ ዔርሚያስ ዬያ ዴርኮ ሱኡጎና ዴርናሞ ሂዚ ጌዔ፡- «ሃኖ ካታሞና ሃያ ጌኤዡ ማኣርናይዳ ዬያ ዒንሣ ዎይዜ ሎንሣ ቃኣሎ ኬኤዛንዳጉዲ ታና ዳኬሣ ናንጊና ናንጋ ጎዳኬ።

13 ሃሣ ዒንሣ ናንጋ ናንጎና ዒንሣ ማዳ ማድና ላኣሚ ጊኣጊሺ ዒንሣኮ ናንጊና ናንጋ ጎዳ ማዔ ያኣዛሣሞ ዓይሣንታንዳያ ኮይሳ፤ ዬያ ዒንሣ ማዳቴ ዒንሣዳ ዒዚ ዔኪ ዬዓኒ ማሌ ባይሲንቶ ሃሻንዳ።

14 ታ ዛሎኮታቶ ሃይሾ ታኣኒ ዒንሣ ኩጫኬ፤ ፒዜ ሃሣ ቃራ ማሊ ዒንሣሞ ጴዳ ባኣዚ ቢያ ታጊዳ ማማዲዎቴ፤

15 ጋዓንቲ ፔቴ ባኣዚ ሌሊ ዒንሣ ኮሺ ዔራኒ ኮይሳ፤ ዬይያ፡- ታና ዒንሣ ዎዴያ ማዔቴ ዒንሣንታ ሃኖ ካታሞይዳ ናንጋ ዴርንታ ቢያ ጌኤሺ ዓሲ ዎዲያና ሱጉሣ ዓሲ ማዓንዳ፤ ዬያ ላቲያ ሃይሶ ኬኤዛንዳጉዲ ዒንሣ ባንሣ ታና ዳኬሣ ጎኔና ፔኤር ናንጊና ናንጋ ጎዳኬ።»

16 ዩካፓ ዴርኮ ሱኡጎና ዴርና፡- «ሃይ ዓሣ ኑኡሞ ኬኤዜሣ ኑ ያኦሲ ማዔ ናንጊና ናንጋ ጎዳሣ ሱንያና ማዔሣር ዒ ዎዲንታኒ ኮይሱዎሴ» ጌይ ቄኤሶና ያኦሲ ማሊያ ኬኤዛ ዓሶናሞ ኬኤዜ።

17 ሄሊሳያ ሃሣ ጋርቾ ጨሞ ባኣካፓ ፔቴ ፔቴ ዓሲ ዔቁ፣ ዒኣካ ቡኬ ዴርሞ ሂዚ ጌይ ኬኤዜ፡-

18 «ሂዚቂያሴ ዪሁዳይዳ ካኣታዲ ዓኣንቲ ሞሪሾቲ ዓጮይዳ ያኦሲ ማሊያ ኬኤዛ፣ ሚኪያሴ ቢያ ባኮ ማጌ ጎዳሣ ኬኤዜ ሎንሣ ቃኣሎ ዴርሞ ሂዚ ጌይ ቤርታ ኬኤዚናኣኮ።-

ዲዮኔ ጎሽጉዲ ጎሽኪንታንዳ፤
ዬሩሳላሜ ሻሂንቲ ቡኡራ ኩሎናያ ማዓንዳ፤
ጌኤዡ ማኣራ ማዡንቲ ጌሚርይዳ ኩሞቡሊ ካይዚ ኬሰካንዳ።»

19 «ዬያ ዒ ጌዔሢር ካኣተ ሂዘቂያሴንታ ዪሁዳ ዳርንታ ሚኪያሴ ዎዲሺያ? ዎዲሺባኣሴ! ሂዘቂያሴ ዒማና ናንገና ናንጋ ጎዳ ዒጊጩ ዒዛ ማኣራንዳጉዲ ሺኢቄኔ፤ ናንገና ናንጋ ጎዳኣ ዔያቶይዳ ዔኪ ዬዒ ማሌ ፑርቶ ባኮ ሃሼኔ፤ ኦኡኒ ሃሢ ጋዓንቴ ፑርቶ ባኮ ኦ ባንሢ ዔኤላኒ ገኢጌኔ።»

20 ቂሪያትይዓሪሜይዳ ናንጋ፡ ሺማያ ናኣዚ፡ ዑሪያ ጌይንታሰኬይያኣ ዓኣኔ፤ ዬይ ዓሢ ዓዳ ዔርሚያሴ ኬኤዜ ጎይዖ ሃኖ ካታሞና ሃኖ ዓጮናይዳ ባይሴንታ ሙካንዳሢ ናንገና ናንጋ ጎዳ ሱንዖና ሎንሦ ኬኤዜኔ፤

21 ካኣተ ዒዮዓቂሜንታ ዒዚ ቢታንቶ ዒንጌ ዓሶንታ ዖሎ ዓሶ ዓይሢ ሱኡጋሢንታ ዑሪያ ጌዔ ባኮ ዋይዘሰካፓ ዑሪያ ዎዲንታንዳጉዲ ካኣተ ኮዔኔ፤ ዑሪያ ዬያ ዎይዛዖ ሚርጌና ዒጊጩኔ፤ ዬያሮ ጊብፂ ዓጮ ፑኒ ዳንዳኔ፤

22 ጋዓንቴ ካኣተ ዒዮዓቂሜ ዒማና ዓክቦሬ ናኣዚ፡ ዔልናኣታኔና ማሌ ዓሰና ጊብፂ ዓጮ ዳንዲ ዑሪያ ዔኪ ዬዓንዳጉዲ ዳኬኔ፤

23 ዬያታ ዓሳ ዑሪያ ዔኪ ካኣተ ዒዮዓቂሜ ኮይላ ሙኬኔ፤ ዑሪያ ዎዲንታ ጋኣጫይዳ ኬኤሪንታንዳጉዲ ካኣተ ዓይሢኔ።

24 ታኣኒ ጋዓንቴ ሳኣፓኔ ናኣዚ፡ ዓሂቃሜ ታና ዓሳ ዎዲዋጉዲ ካፑሢር ዳሪ ዎዲንዳጉዲ ዓኣሢ ታና ዒንጊቦኦ።

27

ዔርሚያሴ ኬዳ ቃሞባር

1 ዒዮሲያሴ ናኣዚ፡ ሴዳቂያሴ ዪሁዳይዳ ካኣታዳሰካፓ ኔጉዋዖ ናንገና ናንጋ ጎዳ ታኣሞ ሂዚ ጌዔኔ፡-

2 «ዋኣዖ ሱዛ ቃልሾና ኮሺንቴ ሚሢ ቃሞባሪ ገኢጊሺ ኔ ባቃና ዓጌ።

3 ዬካፓ ዬሩሳላሜይዳ ናንጋ፡ ዪሁዳ ካኣተ፡ ሴዳቂያሴ ኮይላ ሙኬ ኪኢቶ ዓሶ ዑፃ ዔይኣሜ፡ ሞዓኣቤንታ ዓሞኣኔንታ፤ ዬያጉዲ ፃርሴና ሲዶና ዓጮ ካኣቶንታሞ ኪኢታ ዳኬ።

4 ዔያታ ፔኤኮ ካኣቶም ታና፡ ቢያ ባኮ ዎይሢ ጎዳሢ፡ ዒሰራዔኤሌ ዖኦዛሢ ነሃ ኪኢቶ ኬኤዛንዳጉዲ ዓይሢ ዳኬ!

5 ታኣኒ ታኣኮ ዳኤፖ ዎልቆና፡ ሃሢ ደዲሞና ዓጮ ቢያሢንታ ዓሲ ዜርሢንታ፤ ዬያጉዲ ሳይይዳ ናንጋ ባኮ ቢያ ማኸኔ፤ ሳዖ ሃያ ዎይሢንዳሢ ዖናታቴያ ታኣኒ ደኣሪ ጌሣንዳኔ።

27:1 2ካኣቶ. ማ 24:18-20፤ 2ዖኦሲ. ዓሃኬ 36:11-13።

6 ሃይ ዴራ ቢያ ባብሎኔ ካአቲ፣ ታአም ማዳሢ፣ ናብካዳናጾኦሬ ቢታንቶ ዴማ ዎርቃንዳጉዲ ማዳሢ ታናኬ፤ ሳጾይዳ ዓአ ቦዓአ ዓቲዎጾ ዒዛም ዓይሢንቲ ዎርቃኔ።

7 ማሌ ዴራአ ቢያ ዒዛም ማዳንዳኔ፤ ዬያጉዲ ሃሃ ዒዛ ዴራአ ዬያ ዴኤፑማፓ ዒ ኬዳንዳያ ሄላንዳአና ዒዛኮ ናአቶና ናአቶኮ ናአቶናም ዓይሢንቲ ዎርቃንዳኔ፤ ዬካፓ ዬያ ናብካዳናጾኦሬኮ ዴራ ዲቢ ዲቢ ዴሬ፤ ጊንሣ ሃሃ ዴኤፒ ዴኤፒ ካአቶም ዓይሢንቲ ማዳያ ማዓንዳኔ።

8 «ጋዓንቲ ዓይጎ ዴሬያ ማጾም ካአታ፡- ሲዛም ዓይሢንቲ ማዳዓ፤ ዒዛ ቃምባራ ባቃና ዴዔም ዎርቃዓ፣ ጌዔቲ ናብካዳናጾኦሬ ፔኤሮ ዬያ ዴሮንታ ካአቶንታ ባይዛንዳጉዲ ታአኒ ጋዓማ ሄላንዳአና ጾልዚና ናይዚና፤ ጊንሣ ሃሃ ዴማ ዴማ ፑርታ ዶርጾና ታአኒ ኩርሲሳንዳኔ።

9 ዒንሢንቲ ሎንሃ ባኮ ኬኤዛ ዓሶንታ፡ ዡዎንታ ማርሾ ማርሻ ዓሶንታ፤ ዬያጉዲ ሃይቄ ዓሶኮ ዔኤዡ ዔኤሊ ጌሰታ ዓሶንታ ዓውቶ ዛጋኔ ጋዓ ዓሶንታ ሃጊ ማዓንዳ ባኮ ቢያ ኑ ዔራራ» ጋዓሢ ዔያቶሲ ዎይዚፖቲ፤ ዬያታ ቢያ ዒንሢንቲ ዞራሢ፡- ባብሎኔ ካአቲም ዒንሢንቲ ዓይሢንቲ ዎርቅንዳዎሴ ጌይኬ፤

10 ዔያታ ዒንሢንቲ ኬኤዛ ሎንሣ ሉኡዚ ባአዚኬ፤ ዒንሢንቲ ዬያ ዎይዜያ ማዔቲ ዒንሢንቲ ሾይንቲ ዓጫፓ ታ ዒንሢንቲ ሃኬ ዓጨ ዳውሲ ዳካንዳኔ፤ ዬያሮ ዒንሢንቲ ባይቃንዳኔ።

11 ጋዓንቲ ባብሎኔ ካአቲኮ ቃምባራ ባቃና ዴዔም ዒዛም ዓይሢንቲ ማዳ ዴሮ ፔኤኮ ሳጾ ጎሽኪ ጎሽኪ ዴዓንዳጉዲ ታአኒ ማሃንዳኔ፤ ዬያ ጌዔሢ ታና፣ ናንጊና ናንጋ ጎዳኬ።»

12 ዪሁዳ ካአቲ፣ ሴዴቂያሴም ሂዚ ጌይ ታአኒ ኬኤዜኔ፡- «ባብሎኔ ካአቲም ዒንሢንቲ ጊኢሬቲ፣ ዒዛንታ ዒዛኮ ዴሮንታም ዒንሢንቲ ማዳቲ ሾምፔና ዒንሢንቲ ናንጋንዳኔ፤

13 ባብሎኔ ካአቲም ዓይሢንቲ ዎርቃዓ፣ ጌዔ ዴሮይዳ ናንጊና ናንጋ ጎዳ ዔኪ ዬዓንዳኔ ጌዔ ጾሎና ናዮና ፑርቶ ዶርዓሢና ኔናንታ ዴሮንታ ዓይጋ ኩዳይ?

14 ባብሎኔ ካአቲም ዒንሢንቲ ዓይሢንቲ ዎርቃዓኬ» ጌይ ሎንሃ ሃይሶ ኬኤዛ ዓሶሲ ዎይዚፖቲ፤ ዔያታ ኬኤዛ ሎንሣ ሉኡዚኬ።

15 ዒዚ ዔያቶ ዳኪባአያ ማዔሢና ዔያታ ጊንሣ ዒዛ ሱንጾና ኬኤዛ ባካ ሉኡዚ ባአዚታሢ ናንጊና ናንጋ ጎዳ ፔ ቶኦኪና ዒንሢንቲም ኬኤዜኔ። ዬያሮ ዒዚ ዒንሢንቲ ዳውሳንዳኔ፤ ዒንሢንታ ሃያ ሉኡዚ ማዔ ባኮ ኬኤዛ ዓሶንታ ቢያ ባይቃንዳኔ።»

16 ዬካፓ ቂኤሶና ዴሮናም ታአኒ ኬኤዛንዳጉዲ ናንጊና ናንጋ ጎዳ ሃካፓ ሊካ ጌይንቲ ባኮ ኬኤዜኔ፤ ዬያሮ ታአኒ ዔያቶም ሂዚ ጌዔኔ፡-

« ጌኤዠ ማእሮይዳ ማዲንቶ ማሃ ቢያ ባብሎኔፓ ማዒ ኔጉዋዎ ሃይካ ዩዓንዳኔ» ጌይ ጌይ ዒንሢሞ ሎንሦ ኬኤዛ ዓሳ ጋዓ ባኮ ዋይዚፖቴ፤ ዔያታ ኬኤዛ ሎንሢ ሉኡዚኬ፤

17 ዩያሮ ዔያቶሲ ዋይዘ ሃሺጋፓ ባብሎኔ ካአቲሞ ዒንሢ ዓይሢንቲ ዋርቄቴ ሹሞፔና ዒንሢ ሰንጋንዳኔ፤ ሃይ ካታማ ዒንሢኮ ዓይሢንቶ ዒዲያና ሻሂንቲ ኩሎና ቡኡራ ቤሲ ማዓንዳጉዲ ዓይጋ ዒንሢ ማዲይ?

18 ዔያታ ሂንዳ ጎኔ ሎንሦ ኬኤዛ ዓሲ ማዔቴ፤ ጊንሢ ሃሣ ታኣኒ ዔያቶሞ ኬኤዜ ሎንሦ ባኣዚ ዓአቲ ሃጊ ዔውቲባኣ ጌኤዠ ማእሮ ማሃ፡ ዩሁዳ ካአቲኮ ካአቲሞ ማእሮና ዩሩሳላሜናይዳ ዓቲ ዓአ ማሃ ቢያ ባብሎኔ ዓጮ ዲዒንቲ ዔውቲሞጉዲ ታኣኒ ላአጎሞ ቃይሺ፤ ቢያ ባኮ ዋይሢ ጎዳ ማዔሢ ታና ያኦጮንጎ፡።»

19-20 ባብሎኔ ካአቲ ናብካዳናያኦሬ ዩሁዳ ካአቲ፡ ዒዮዓቄሜ ናኣዚ፡ ዒኮኒያ ዩሁዳና ዩሩሳላሜናይዳ ዓአ ዴኤፖ ዴኤፖ ዓሶና ዋላ ዲዒ ባብሎኔ ዔኪ ዴንዴ ዋዶና ቱርቱርንታ ሞኦኖ ዓንጎና ኮሸና ዋኦያ ዴይሦ ጎንጎንታ ዩያ ባኮ ዴይሦ ባኮንታ ጌኤዠ ማእሮኮ ማሌ ማሄንታ ዩሩሳላሜይዳ ሃሺ ዴንዴ፡፡

21 «ዩሩሳላሜይዳ፡ ጌኤዠ ማኦራ፤ ጊንሢ ሃሣ ካአቲሞ ማእሮይዳ ዓቲ ዓአ ማሆ ዛሎ ታኣኒ፤ ቢያ ባኮ ማዠቴ ጎዳ ማዔ ዒሰራዔኤሌ ያኦዛሢ ጋዓ ባኮ ዋይዘዋቴ፤

22 ዩይ ባካ ባብሎኔ ዔኪ ዓኦዲንታንዳኔ፤ ታኣኒ ዩያ ባኮ ጊንሢ ሸሪ ዛጋንዳያ ሄላንዳኣና ዒኢካ ዴዓንዳኔ፤ ዩካፓ ታኣኒ ጊንሢ ማሃ ሃይካ ዔኪ ዩዓንዳኔ፤ ዩያ ጌዔሢ ታና፡ ናንጊና ናንጋ ጎዳከ፡፡»

28

ዔርሚያሴና ሎንሦ ኬኤዛ ሃናኒያ ጎዖሰኬያና

1 ዩኖ ሌዖይዳ፡ ጌይፃ፡ ሴዴቂያሴ ዩሁዳይዳ ካአታዴንቴ ዖይዳሳ ሌዖኮ ደንጋሳ ዓጊናና ጌባዖኦኔ ዓሲ ማዔ ዓዙሬ ናኣዚ፡ ሃናኒያ ጌኤዠ ማእሮይዳ ታ ኮይላ ሂዚ ጌዔኔ፤ ቄኤሶንታ ዴር ቢያሢንታ ቤርታ ሂዚ ጌዔኔ፡-

2 «ዒሰራዔኤሌ ያኦዛሢ ማዔ ቢያ ባኮ ማዠቴ ጎዳ ሂዚ ጋዓኔ፤ ሩባብሎኔ ካአቲ ዓጌ ቃሞባሮ ታኣኒ ማንሣንዳኔ፤

3 ካአቲ ናብካዳናያኦሬ ሃይካፓ ዔኪ ባብሎኔ ዴንዴ ጌኤዠ ማእሮ ማሆ ቢያ ላሞዖ ሌዔ ጋርካ ሃይካ ማሃ ታኣኒ ዔኪ ዩዓንዳኔ፤

4 ዩያጉዲ ሃሣ ባብሎኔ ዲዒንቲ ዔውቲ ዴርና ዋላ ዒዮዓቄሜ ናኣዚ፡ ዩሁዳ ካአቲ፡ ዒኮኒያ ማሃ ታኣኒ ዔኪ ዩዓንዳኔ፤ ሂዮ!

28:1 2ካአቶ. ማ 24:18-20፤ 2ዖኦሲ. ዓሃኬ 36:11-13፡፡

ባብሎኔ ካኣቲ ዒንሢዳ ጌሢ ወይህ ቃምባር ታኣኒ ሜንሣንዳኔ፤ ዬያ ጌዔሢ ታና፡ ናንጊና ናንጋ ጎዳኩ።»

5 ታኣኒ ዒማና ቄኤሶንታ ጌኤዠ ማኣሮይዳ ዔቂ ዓኣ ዳር ቢያሢንታ ቤርታ ሃናኒያም ሂዚ ጌዔኔ፡-

6 «ሂዮ! ኔኤኒ ጌዔ ጎይዖ ናንጊና ናንጋ ጎዳ ማዶንጎ! ጌኤዠ ማኣሮ ሜሆ ዔኪ ሙኪ፤ ጊንሣ ሃሣ ዲዒንቲ ዒውቲ ዓሶዎ ማሂ ዔኪ ሙኪ ናንጊና ናንጋ ጎዳ ኔ ጌዔሢጉዲ ኔ ዳንጎ ኩንሣንጎ።

7 ጋዓንቲ ኔናንታ ዳርንታም ታ ጋዓሢ ዋይዘ፤

8 ሚናኣ ወደና ታናንታ ኔናንታኮ ቤርታ ያኦሲ ማሊሢ ኬኤዛኔ ጌይ ዔቂ ዓሳ ሚርጌ ዴሬና ዴኤፒ ዴኤፒ ካኣቶናይዳ ያልዘ፡ ናይዘንታ ዲማ ዲማ ደርዖንታ ሙካንዳኔ ጌይ ሎንሣ ኬኤዘኔ፤

9 ጋዓንቲ ኩሹዎ ዛላ ኬኤዘ ዓሢኮ ዬይ ዓሢ ጎኔ ናንጊና ናንጋ ጎዳ ዳኩ፡ ሎንሣ ኬኤዛ ዓሲታቲ ዔርታሢ ዬይ ዒ ጌዔ ሎንሣ ባካ ጎኔ ማዒ ኩሜቲኩ።»

10 ዬካፓ ሎንሣ ኬኤዛሢ፡ ሃናኒያ ታኣኮ ባቃና ዓኣ ቃምባር ዔኪ ሜንሣኔ፤

11 ዒዚ ዒማና ዳር ቤርታ፡- «ላምዖ ለዔ ጋርካ ባብሎኔ ካኣቲ፡ ናብካዳናዖኦሬኮ ዳርይዳ ዒ ዓጌ ቃምባር ባቃናፓ ዔኪ ሃማይዲ ናንጊና ናንጋ ጎዳ ሜንሣንዳሢ ኬኤዘኔ» ጌዔኔ፤ ዬካፓ ታኣኒ ዬኖ ቤዛፓ ዳንዴኔ።

12 ሎንሣ ኬኤዛሢ፡ ሃናኒያ ቃምባር ታ ባቃናፓ ዔኪ ሜንሣዛ ናንጊና ናንጋ ጎዳ ታኣም ሂዚ ጌይ ኬኤዘኔ፡-

13 «ዴንዴ! ሃናኒያም ሂዚ ጌይ ኬኤዘ፡- «ኔኤኒ ሃሢ ሚዖ ቃምባር ሜንሣኔ፤ ጋዓንቲ ታኣኒ ዬያ ቤዘይዳ ዓንጊ ቃምባራ ጊኢጊሻንዳኔ፤

14 ሃያ ዳር ቢያሢ ባቃናይዳ ዓንጊ ቃምባራ ታኣኒ ዓጋንዳኔ፤ ዔያታ ባብሎኔ ካኣቲ፡ ናብካዳናዖኦሬም ዋርቃንዳኔ፤ ዬይ ዓሳ ዓታዛ ካዮ ቦዓታዖ ቢያ ዒዛም ዓይሢንቲ ዋርቃንዳጉዲ ታ ማሃንዳኔ፤ ታኣኒ፡ ዒሰራዔኤሌ ያኣዛሢ ማዔ ቢያ ባኮ ማዠፍ ጎዳ ዬያ ጌዔኔ።»

15 ታኣኒ ዬያ ሃናኒያም፡- «ሃናኒያ! ዋይዘ፤ ናንጊና ናንጋ ጎዳ ኔና ዳኪባኣሴ፤ ሃያ ዳር ቢያ ሉኡዚ ማዔ ባኣዚ ጉሙርቃንዳጉዲ ኔ ማሃኔ፤

16 ዬያር ናንጊና ናንጋ ጎዳ፡- «ኔና ታኣኒ ሳዖይዳፓ ዔኪ ሺኢሻንዳኔ፤ ሃይ ዳራ ታና፡ ዔያቶኮ ያኣዛሢም ዋይዘ ዒፃንዳጉዲ ኔ ማሃሢር ሃይ ለዓ ጋፑዋንቲ ኔኤኒ ሃይቃንዳኔ» ጋዓኔ» ጌይ ኬኤዘኔ።

17 ዬካፓ ሃናኒያ ዬኖ ሌዖኮ ላንካሳ ዓጊናና ሃይቄኔ።

29

ዔርሚያስ ባብሎኔይዳ ናንጋ ዓይሁደም ፃኣፒ ዳኬ ኪኢታ

1 ናብካዳናያኦሬ ዩሩሳላሜፓ ባብሎኔ ዲዒ ዔኪ ዴንዴ ቁኤሶሞ፥ ያኦሲ ማሊያ ኮኤዛ ዓሶሞ፤ ጊንሣ ሃሣ ዴሮኮ ሱኡጎና ሜሌ ዲዒንቲ ዔውቲ ዓሶሞ ቢያ ዩሩሳላሜፓ ታኣኒ ፃኣፒ ዳኬ ኪኢታ ሂዚ ጋዒያኬ፤

2 ዩሩ ኪኢቶ ታኣኒ ፃኣፒሂ ካኣቲ ዒኮኒያኔንታ ጌኤሾ ማዔ ዒዛኮ ዒንደንታ ዒዛና ዎላ ማዒ ዒዛሞ ማዳ ዓሶንታ፤ ዩያጉዲ ሃሣ ዪሁዳና ዩሩሳላሜናኮ ሱኡጎንታ ኩቺና ዔኤቢ ማዲ ዔራ ሃኣሞንታ ጊታሂንታ ቢያ ዲዒንቲ ዔውቲሂኮ ጊንፃኣኬ፤

3 ዪሁዳ ካኣቲ ሴዴቂያሴ ባብሎኔ ካኣቲ ናብካዳናያኦሬ ኮይላ ዩያኮ ቤርታ ዳኬ፥ ሻፓኔ ናኣዚ ዔልዓሳና ሂልቂያ ናኣዚ ጌሚሪያና ዑፃ ዩያ ፃኣፖና ኪኢቶ ታኣኒ ዳኬኔ፤ ዩሩ ኪኢቲሎይዳ ዓኣፒ ማዒ ኬኤዚንቲ ባካ ሂዚ ጋዒያኬ፡-

4 «ዩሩሳላሜፓ ዲዒንቲ ባብሎኔ ዴንዳንዳጉዲ ዒዚ ማሄ ዴሮ ቢያሂሞ ዒሰራዔኤሌኮ ያኦዛሂ ማዔ ቢያ ባኮ ዎይሂ ጎዳ ሂዚ ጋዒኔ፤

5 ለማኣሪ ማዢ ናንጉዎቲ፤ ቱኮ ዲማ ዲማ ሚሂያ ቱኮዎቲ፤ ዩያ ሚያኮ ዓኣፖዎ ሙዑዎቲ፤

6 ላኣሊ ዔኪ፥ ሃሣ ሎዒያ ሎይ ናይ ሾውዎቲ፤ ናኣቶዎ ዒንሂኮ ላኣሊ ዔኪሰ፥ ሃሣ ዉዲሮ ናኣቶ ሎይሰያ ሎይሱዎቲ፥ ዔያታ ናይ ሾፆንጎ፤ ዩያይዲ ፓይዳ ዒንሂኮ ዲዲሶንጎ፥ ዳኮፓ፤

7 ዲዒንቲ ዒንሂ ዔውቲ ዴንዲ ናንጋንዳጉዲ ታኣኒ ማሄ ካታሞሞ ዲጨሂ ማዓንዳ ኮሺ ባኣዚ ኮዑዎቲ፤ ዩይ ካታሞ ዓሳ ኮሺ ናንጊ ናንጋንዳጉዲ ታና ሺኢቁዎቲ፤ ዔያታ ኮሺ ናንጊ ናንጌቲ ዒንሂያ ኮሺ ናንጊ ናንጋንዳኔ።

8 ታኣኒ፥ ዒሰራዔኤሌ ያኦዛሂ ማዔ ቢያ ባኮ ማዢ ጎዳሂ ዒንሂ ባኣካ ናንጋ ሎንሃ ኮኤዛ ዓሶናኣ ማዎሞ ሃጋኣ ባኣዚ ኮ ዔራኔ ጋዒ ዓሶና ቢያ ዒንሂ ጌሺንቲዎጉዲ ላቲ ታ ዒንሂሞ ኮኤዛኔ፤ ዔያቶኮ ዓውቶዎ ዔኤቢኬ ጌይፖቲ።

9 ዔያታ ታ ሱንፆና ዒንሂሞ ኮኤዛ ሎንሃ ቢያ ሉኡዚ ባኣዚኬ፤ ታ ዔያቶ ፔቲታዎ ዳኪባኣያኬ፤ ዩያ ጌዔሂ ታና፥ ናንጊና ናንጋ ጎዳኬ።»

10 ናንጊና ናንጋ ጎዳ ሂዚ ጋዒ፡- «ባብሎኔይዳ ዒንሂ ናንጋንዳ፥ ለንካይታሞ ሉዒ ጋፔሰካፓ ለሚ ታኣኒ ዒንሂ ሺሪ ዛጋንዳኔ፤ ዒንሂ ዓጮ ባንሂ ታኣኒ ዒንሂ ማሃኒ ጫኣቁ ጫኣቁሞ ኩንሣንዳኔ፤

29:2 2ካኣቶ. ማ 24:12-16፤ 2ዎኦሲ. ዓሃኬ 36:10። 29:10 2ዎኦሲ. ዓሃኬ 36:21፤ ዔር. 25:11፤ ዳኣኔ. 9:2።

11 ዒንሢ ዛሎ ታኣኒ ማላ ማሊያ ታ ዔራኔ፤ ዬይ ማሊያ፡- ፑርታ ባኣዚቱዋንቴ ኮሺ ባኣዚ ዒንሢም ጴዲሳያ፡ ዒንሢ ዋዛ ጌሢ ካፓ ኮዦ ባኣኣ ማዲንቴ ኩማንዳጉዲ ማሃያኬ፤

12 ዬካፓ ዒንሢ ታና ዔኤላንዳኔ፤ ታ ባንሢ ዑኪ ታና ዒንሢ ሺኢቃንዳኔ፤ ታኣኒያ ዒንሢም ዋይዘንዳኔ፤

13 ዒንሢ ታና ኮዓንዳኔ፤ ዒንሢ ታና ኮዓሢ ጉቤ ዒኔፓ ማዔቴ ታና ዒንሢ ዴንቃንዳኔ፤

14 ጎኔ ታ ዒንሢም ጋዓኔ! ታና ዒንሢ ዴንቃንዳኔ፤ ታኣኒ ዒንሢ ዒንሢህኮ ዓጮ ባንሢ ማሃንዳኔ፤ ታኣኒ ዒንሢ ዜርቄ፡ ዓጮ ቢያሢዳፓ ቢያ ቡኩሳንዳኔ፤ ታኣኒ ዒንሢ ዳውሲሲ ዳካንዳሢኮ ቤርታ ዒንሢ ዓኣ ቤዘ ገንሢ ታ ዒንሢ ማሃ ዔኪ ዬዓንዳኔ፤ ዬያ ጌዔሢ ታና፡ ናንገና ናንጋ ጎዳኬ።»

15 «ናንገና ናንጋ ጎዳ ባብሎኔይዳ ሎንሦ ኬኤዛ ዓሲ ኦኡም ኬሴኔ» ጌይ ዒንሢ ኬኤዛ።

16 ዳውቴኮ ካኣቱዋ ያይቶ ዳካሊ ዴዒ ዋይሣ፡ ካኣታሢንታ ዒንሢጉዲ ዲዒንቴ ዔውቴባኣያ ማዒ ሃኖ ካታማ ናንጋ ዒንሢ ዒጊኖ ዛሎ ታኣኒ፡ ናንገና ናንጋ ጎዳ ጋዓሢ ዋይዙዋቴ።

17 ቢያ ባኮ ዋይሣ ጎዳ ሂዚ ጋዓኔ፡- «ታኣኒ ዔያቶይዳ ያልዚ፡ ናይዘንታ ዲማ ዲማ ዶርዖንታ ዔኪ ዬዓኒኬ፤ ሙይንታኒ ዳንዳዑዋያ ማዒ ፑርቱ ቤሌሴ ሚያ ዓኣፖ ታ ዔያቶ ማሃንዳኔ፤

18 ያልዚና፡ ናይዚና፤ ሃሣ ዲማ ዲማ ዶርዖና ታ ዔያቶ ዳውሳንዳኔ። ዓጮ ጉቤይዳ ናንጋ ማሌ ዴራ ቢያ ዔያቶይዳ ማዲንቴም ዛጋ ባኮና ዲቃታንዳኔ፤ ዔያታ ዜርቄንቴ ዴንዳንዳጉዲ ታኣኒ ማሃ ቤዘይዳ ቢያ ዔያቶይዳ ታ ዔኪ ዬዓ ፑርቶ ባኮ ዛጋ ማሌ ዴራ ቢያ ዒጊቹምና ካራ ባይዘንዳኔ፤ ዬይ ዴራ ቢያ ሚኢጪ ባማሎ ባኣዚ ዔያቶ ማሃንዳኔ።

19 ዬይ ቢያ ዔያቶይዳ ሄላሢ ታኣም ማዳ፡ ታ ማሊያ ኬኤዛ ዓሶ ዛሎና ሳሚ ሳሚ ታ ዔያቶም ኬኤዜ ቃኣሎ ዔያታ ዋይዚ ዓይሢንቶ ዒፃሢሮኬ።»

20 ዬራሳላሚፓ ባብሎኔ ዳውሲሲ ታኣኒ ዳኬ ዓሳ ዒንሢ ቢያሢ ታኣኒ፡ ናንገና ናንጋ ጎዳ ጋዓ ባኮ ዋይዙዋቴ።

21 «ናንገና ናንጋ ጎዳ ሱንዖና ሉኡዙዋ ሎንሦ ዒንሢም ኬኤዛ፡ ቆላያ ናኣዚ ዓክዓቤና ማዕሴያ ናኣዚ ሴዴቄያሴና ዛሎ ዒሰራዔኤሌኮ ያኣዛሢ ቢያ ባኮ ዋይሣ ጎዳ ሂዚ ጌይ ኬኤዜኔ፡- ዬያቶ ታኣኒ ባብሎኔ ካኣቲ፡ ናብካዳናዖኦራም ዓኣሢ ዒንጋንዳኔ፤ ዒዚ ዔያቶ ዒንሢ ዛጋንቴ ዋዲንዳኔ።

29:13 ላሚ. ዋማ 4:29።

22 ዩሩሳሌምን ደብዳቤ ባብሎኔ ዔውቱ ዴራ ቢያ ፔቲ ዓሲ ጋዳንቃኒ ኮዓ ዎደና፡- «ባብሎኔ ካአቲ ሸምፔና ዓአንቲ ታሚና ሚቸ ዎዴ ሴዴቂያሴና ዓክዓቤናጉዲ ያኦሲ ኔና ማሆንጎ! ጋዓንዳኔ፤

23 ዔያታ ያዲ ማይ ዓታንዳጉዲ ጌይንቲሢ ዓሲኮ ዑሰካ ጌላ ጎሚ ዔያታ ማዴሢሮኬ፤ ዔያታ ዎዎዴይ ጌዔቲ ፔኤኮ ላጎ ማዔ ዓሶኮ ላኦ ዒኢሴኔ፤ ታኦኒ ዔያቶ ዓይሢባኦ ሉኡዚ ባኦዚ ታ ሱንዮና ዔያታ ኬኤዜኔ፤ ዩይ ታኦኒ ዔያቶ ዓይሢ ባኦዚቱዋሴ፤ ዔያታ ማዴ ባኮ ቢያ ታ ዔራሢሮ ዩያኮ ታኦኒ ማርካኬ፤ ዩያ ጌዔሢ ታና፡ ናንገና ናንጋ ጎዳኬ።»

ሸማዒያም ፃኣፒ ዳኪንቲ ኪኢታ

24-25 ነሃላሚ ዓጮይዳ ሾይንቲ ሸማዒያም ሂዚ ጌዔ፤ ሃይ ቢያ ባኮ ዎይሢ ጎዳሢ ማዔ ዒሰራዔኤሌ ያኦዛሢ ኬኤዜ ቃኦላኬ፤ ዩሩሳሌምይና ናንጋ ዓሶም፡ ማዕሴያ ናኦዚ ቁኤሳሢ ሶፖኒያሴና ሃንጎ ቁኤሶናም ኔ ሱንሢና ኔኤኒ ሂዚ ጌይ ኪኢታ ዳኬኔ፤ ኔ ዳኬ ኪኢቶይዳ ሶፖኒያሴም ኔኤኒ ሂዚ ጌዔ፡-

26 «ቁኤሳሢ፡ ዮዳሄ ቤዛ ናንገና ናንጋ ጎዳ ኔና ቁኤሴ ማሂ ዳኦሬኔ፤ ጌኤኮ ማኦርይዳ ቤቲ ማዒ ዎይሢንዳ ሱኡጋሢ ኔናኬ፤ ዩያሮ ታኦኒ ያኦሲ ማላሢ ኬኤዛያኬ» ጌይ ጌይ ዔኤቢ ኬኤዚ ሸራ ዣኦኮ ዓሲ ቢያ ቶኮ ዴጃና፡ ባቃናዎ ካኒ ቢራታና ጨጭዲ ቱካኒ ኔኤኒ ዳንዳዓኔ፤

27 ሂዳዎ ኔኤኒ፡- ታኦኒ ያኦሲ ማላሢ ኬኤዛያኬ» ጌይ ጌይ ዴርም ዔቦ ኬኤዚ ሸራ፡ ዓናቶቲ ዓጮይዳ ሾይንቲ፡ ዔርሚያሴ ኔኤኒ ጎሩዎዎ ዎይታዛ ዚቲ ጌዔይ?

28 ዒዚ ዔኤቢ ኬኤዙዋጉዲ ላኦኒንታኒ ኮይሳኔ፤ ዓይጎር ጌዔቲ ባብሎኔ ዓጮ ደብዳቤ ዔውቱ ዴራ ሃጊ ሚርጌ ለዔ ናንጋንዳኔ ጌይ፡- «ማኦሪ ማዢ፡ ሚታባኦያ ናንጉዋቲ፤ ዴማ ዴማ ሚሢያ ቱኩዋቲ፤ ዩያ ሚያኮ ዓኦፖዎ ሙዑዋቲ» ጌይ ዴርም ዒ ኬኤዜኔ።»

29 ዩያ ፃኣፒንቲ ኪኢቶ ሶፖኒያሴ ታና፡ ዔርሚያሴም ናባቤኔ፤

30 ዩካፓ ናንገና ናንጋ ጎዳ ታኦም ሂዚ ጌዔ፡-

31 «ደብዳቤ ዴንዲ ባብሎኔይዳ ናንጋ ዴር ቢያሢም ሸማዒያ ዛሎ ኬኤዚንቲ፡ ሃያ ሎንሦ ቃኦሎ ሂዚ ጌይ ዳኬ፡- «ሸማዒያ ታኦኒ ዒዛ ዳኮዋንቲ ሎንሦ ኬኤዚ ሉኡዚ ባኦዚና ዒንሢ ጉሙርሴኔ፤

32 ዩያሮ ታኦኒ፡ ናንገና ናንጋ ጎዳ ዒዛንታ ዒዛኮ ዜርያንታይዳ ማቶ ዓጋንዳኔ፤ ሃይካፓ ሴካ ዩያ ዓሢኮ ዒንሢ ባኦካ ቶሊ ዓታንዳ ዜርሢ ባኦያ ማዓንዳኔ፤ ዒዚ ፔ ቶኦኪና ታ ዴርም ታኦኒ ኮሺ ባኦዚ ማዳሢ ቢያ ዛጋንዳ ካራ ባኦ፤ ዓይጎር ጌዔቲ ዒዚ ታኦም ዒንሢ

ዋይዞ ዒፃግዳጉዲ ማሄኔ፤ ዬያ ጌዔሢ ታና፡ ናንጊና ናንጋ ጎዳኬ።»
»

30

ዒሰራዔኤሌ ዴራ ማዒ ሙካንዳያ ማዒፃ ኬኤዘንቴሢ

1 ዒሰራዔኤሌኮ ጆኦሲ ማዔ ናንጊና ናንጋ ጎዳ ታኣም ሂዚ ጌይ ኬኤዘኔ፤ ዒሰራዔኤሌ ጆኦሲ ማዔ ናንጊና ናንጋ ጎዳሢ ሂዚ ጋዓኔ፡-

2 «ታ ኔኤም ኬኤዘ ባኮ ቢያ ማፃአፔይዳ ፃኣፔ።

3 ታኣኮ ዴራ ዒሰራዔኤሌንታ ዪሁዳ ዴሮንታ ጊንሣ ማሂ ታኣኒ ዔኪ ዬዓንዳ ዋደ ዑኬኔ፤ ዔያቶኮ ቤርታኣ ዒደንሢም ታኣኒ ዒንጌ ዓጮ ታዔያቶ ማሃንዳኔ፤ ዔያታ ጊንሣ ዬያ ዓጮ ፔ ዓጪ ማሃንዳኔ፤ ዬያ ጌዔሢ ታና፡ ናንጊና ናንጋ ጎዳኬ።»

4 ናንጊና ናንጋ ጎዳ ዒሰራዔኤሌና ዪሁዳ ዴሮናም ሂዚ ጋዓኔ፡-

5 «ኮሺ ዑኢሲቱዋንቴ ካራ ባይቂ

ዒጊቹዋና ጎጋይቂሢ ዑኡሲ ታኣኒ ዋይዛኔ፤

6 ሂንዳ ጮክ ጌይ ማሉዋቴ!

ዓቲንቁ ባኒ ናይ ሾዓ?

ሂዳዎ ዓቲንቃ ቢያ ሾሾዓ ላኣሊጉዲ

ፔኤኮ ኩጮና ጎጾ ዓርቂ ዓኣንቴ ታ ዛጋሢ ዋይቲዳይ?

ፔቴ ፔቴ ዓሶኮ ዓኣፖ ካራ ዋይቲ ቦኦሬይ?

7 ዬና ኬላ ዋዚ ሜታሳያ ማዓንዳይ!

ዬኖጉዳ ኬሊ ሜሌ ባኣያ ማዓንዳኔ፤

ያይቆኦጌም ዬይ ሜቶ ዋዴ ማዓንዳኔ፤

ያዲ ማዔቴያ ዔያታ ዬያ ዋኣዪፃፓ ቢያ ዳቃንዳኔ።»

8 ቢያ ባኮ ማገዢ ጎዳ ሂዚ ጋዓኔ፡- «ዬኖ ኬላ ሄላኣና ታኣኮ ዴሮኮ ባቃና ዓጊ ዋይሦ ቃምባሮ ታኣኒ ሜንሣንዳኔ፤ ዔያታ ቱኪንቴ ካኖ ቢራቶዋ ታኣኒ ዲኡዛንዳኔ፤ ዬካፓ ዔያታ ሜሌ ፃንጎ ማዔ ዴሮም ዓይሌ ማዒ ዋርቃዓኬ፤

9 ጋዓንቴ ታና፡ ዔያቶኮ ጆኣዛሢም ዔያታ ዚጋንዳኔ፤ ታኣኒ ካኣቱም ያይቶይዳ ጌሣ፡ ዳውቴ ዜርያ ማዔ ዔያቶኮ ካኣቲም ዔያታ ዋርቃንዳኔ።»

10 «ታኣም ማዳ፡ ያይቆኦጌ ዒጊጪፖ፤

ዒሰራዔኤሌ ዲቃቲፖ፤

ታኣኒ ኔና ሃኬ ማዔ ዓጮይዳፓ

ኔኤኮ ዜርያዋ ዲዒንቴ ዴንዲ ዓኣ ሳይይዳፓ ዓውሲ ዔኪ ማሃንዳኔ፤

ያይቆኦጌ ማዒ ሙኪ ሂርጋ ባኣያ ኮሺ ናንጊ ናንጋንዳኔ፤

ዒዛ ዒጊቻንዳ ባኣዚያ ባኣሴ።

11 ታኣኒ ታኣሮ ዒንሢና ዎላ ማዒ ዒንሢ ዓውሳንዳኔ፤
 ታኣኒ ዒንሢ ዜርቁ ዔያቶ ባኣኮ ዳኬ ዴር ታኣኒ ባይዛንዳኔ፤
 ዒንሢ ጋዓንቲ ታኣኒ ባይዛዓኬ፤
 ያዲ ማዔቴያ ሜቶ ታ ዒንሢዳ ዓጉዎ ሃሻዓኬ፤
 ታ ዒንሢዳ ሜቶ ዓጋንዳሢ ዒንሢ ዳቤ ጎይፆጉዴያኬ፤
 ዬያ ጌዔሢ ታና፡ ናንገና ናንጋ ጎዳኬ።»

12 ናንገና ናንጋ ጎዳ ሂዚ ጋዓኔ፡-

«ከፃ ዒንሢኮ ፓፁዎያ
 ዒንሢ ጋፒ ማኣሳኔ።።

13 ዒንሢ ዛሎ ሞኦታንዳ ዓሲ ባኣሴ፤
 ዒንሢ ኪፆኮ ዴኤሻኣ ጴዳዓኬ፤
 ዒንሢ ደቃዓኬ።።

14 ዒንሢ ማኣዲ ያላ ዓሳ ቢያ ዒንሢ ዎሌ፤
 ዔያታ ዒንሢ ኮፀዎሴ፤
 ጎማ ዒንሢኮ ዲቢ፤
 ፑርቱማኣ ዒንሢኮ ፀሓ ዓኣዴ ሚርጌሢር
 ታ ዒንሢ ታኣኮ ሞርኬጉዲ ጳርቄ፤
 ሚጨንቱዎያ ታ ዒንሢዳ ሜቶ ዓጌ።።

15 ጎማ ዒንሢኮ ዲቢ፤
 ፑርቱማ ዒንሢኮ ፀሓ ዓኣዴ ሚርጌሢር
 ፓፃንዳ ካራ ዒንሢ ባኣሴ፤
 ዬያሮ ዒንሢኮ ኪፆ ዛሎ ጉንዲሚፖፕ፤
 ታኣኒ ዬያይዲ ዒንሢ ሜቶይዳ ዓጋንዳኔ።።

16 ጋዓንቲ ጋኣሺ ዒንሢ ሙዔ ዓሳ ቢያ
 ዔያታኣ ፔኤር ጋኣሺንቲ ሙይንታንዳኔ፤
 ዒንሢኮ ሞርካ ቢያ ዲዒንቲ ዔውታንዳኔ፤

ዒንሢ ቡራ ዓሳ ቢያ ቡሪንታንዳኔ።።
 ዒንሢዳፓ ሳሪ ዔቦ ዔኬ ዓሳ ቢያ
 ዒማይዲ ሳሪንቲ ዔውታያ ማዓንዳኔ።።

17 ዒንሢኮ ሞርካ፡- ጳዮኔ ኪኤሪንቲ ዓቴ፤
 ዒዞሞ ኮሺ ባኣዚ ማዳያኣ ባኣሴ» ጌዔቴያ፤
 ታኣኒ ገንሣ ዒንሢኮ ዒቢሎ ማሃንዳኔ፤
 ኪፆዎ ታ ዒንሢኮ ፓፂሳንዳኔ፤
 ዬያ ጌዔሢ ታና፡ ናንገና ናንጋ ጎዳኬ።።»

18 ናንገና ናንጋ ጎዳ ሂዚ ጋዓኔ፡-
 «ዒሰራዔኤሌ ናኣቶኮ ማኣሮ ገንሣ ታኣኒ ማዞንዳኔ፤
 ፔቴ ፔቴ ማኣሮ ታኣኒ ሚጨንቲ ማኣራንዳኔ፤

ዬሩሳሌም ካታማ ለሚ ገንሣ ማዢንታንዳኔ፤
ካኣቱሞ ማአራ ገንሣ ሚናኣ ቤዛ ማዢንታንዳኔ።

19 ዒሊካ ናንጋ ዴራ ቢያ

ጋላታ ዓይኑሞ ዓይናዳንዳኔ፤
ዎዘናኣ ዒሊሻንዳኔ፤
ታ ዔያቶ ዲዲቢሻንዳኔ፣ ፓይዳ ዔያቶኮ ዳካዓኬ፤
ታ ዔያቶ ቦንቸሳንዳኔ፤ ዬካፓ ዔያታ ቦሂንታዓኬ።

20 ዔያቶኮ ናኣታ ቤርታኣ ዓደንሢጉዲ ዒቢጨንቲ ናንጋንዳኔ፤

ዔያታ ዎላ ናንጋ ናንጋኣ ታ ቤርታ ዶዲ ማዓንዳኔ፤
ዔያቶ ሄርቂ ዎይሣ ዓሶ ቢያ ታኣኒ ሜቶይዳ ዓጋንዳኔ።

21 ዔያቶኮ ዒቢኒ ዔያቶ ባኣካፓ ዔቂ

ዔያቶኮ ሱኡጌ ማዓንዳኔ፤
ታኣኒ ታኣሮ ዒዛ ዔኪ ዬዓንዳሢሮ ታ ባንሢ ዒዚ ዑካንዳኔ፤
ያዲ ማዒባኣቱ ሶኣኒ ጨርቂ ዑካኒ ዳንዳዓይ?

22 ዒንሢ ታ ዴሬ ማዓንዳኔ፤

ታኣኒያ ዔያቶኮ ሶኣሲ ማዓንዳኔ፤
ዬያ ጌዔሢ ታና፣ ናንገና ናንጋ ጎዳኬ።»

23 ዓለጎ ዠባሬጉዲ ማዔ፣ ጎዳኮ ዳጋ ዶዲ ዠባሬጉዲ ዠባርሺ
ፑርቶ ዓሶ ዑፃ ዬዓንዳኔ።

24 ናንገና ናንጋ ጎዳኮ ዴኤፖ ዳጋ ማዳኒ ማሌ ባኮ ማዲ
ኩንሡዎፖ ገንሣ ማዓንዳኔ፤ ዬይ ዎዳ ሄላዛ ዴራ ፔኤሮ ዬያ ቢያ
ፔጌና ዔራንዳኔ።

31

ዒሰራዔኤሌ ዴሮኮ ፔ ዓጮ ማዒ ሙኪያ

1 ናንገና ናንጋ ጎዳ ሂዚ ጋዓኔ፡- «ታኣኒ ዒሰራዔኤሌ ፃጶኮ ቢያ
ሶኣሲ ማዓንዳያና ዔያታኣ ታዴሬ ማዓንዳ ዎዴ ሙካንዳኔ፤

2 ጩንቾ ዓራፖና ሃይቦይዳፓ ቶሌ ዴራ ቦኣሎ ጉርይዳ
ቦንቸንታንዳኔ፤ ታኣኒያ ዒሰራዔኤሌ ዴሮሞ ሃውሾ ዒንጋኒ
ሙካንዳኔ።

3 ታኣኒ ዔያቶሞ ሃኬፓ ፔጋዲ ጴዴኔ፤ ዒሰራዔኤሌ ዴሬኖቴ፣
ታኣኒ ዒንሢ ናንገና ናሽኬኔ፤ ታኣኮ ናንገና ናንጋ ኮሹማ ዒንሢሞ
ዶዲ ዴዓንዳኔ።

4 ታ ዴሬኖ ዒሰራዔኤሌ፣ ለሚ ገንሣ ዒንሢ ታኣኒ ዓካሲ
ማካንዳኔ፤ ዬያሮ ኔኤኒ ማዢንታንዳኔ፤ ገንሣ ኔኤኒ ካራቤ
ዔካንዳኔ፤ ዎዛዳ ዓሶና ዎላ ኬሰኪ ኔኤኒ ኮርጋንዳኔ።

5 ጊንሣ ኔኤኒ ሳማሪያኮ ጌሜርይዳ ዋይኖ ቱካንዳኔ፤ ዬያ ዓአፖ ማዲ ላቤ ዓሳ ሙዓንዳኔ፤

6 ዬያ ጎዡ ካፓ ዓሳ ዔፕራኤሜ ዲኮይዳ ዔቁ፡- <ሃኒ ዬዑዋቲ፤ ኑ ያእዛሢ ማዔ ናንጊና ናንጋ ጎዳ ዓአ ቤዞ ዪኖኔ ኑኤኒ ዴንደሞ፤ ጋዓንዳ ዋዴ ዬዓንዳኔ።»

7 ናንጊና ናንጋ ጎዳ ሂዚ ጋዓኔ፡-

«ሜሌ ዴሮ ቢያይዳፓ ኔኤኒ ባሻያታሢሮ ያይቆኑቤ ዛሎ ዋዛና ዓይናዲዋቲ፤

ናንጊና ናንጋ ጎዳ ፔኤኮ ዴሮ ዓውሴኔ፤
ዒሰራዔኤሌ ሳፆይዳ ዓቲ ዓአ ዓሶ ቢያ ፔ ዓሲ ማሂ ዔኬኔ
ጌይ ጌይ ጋላታ ዓይኑሞ ዓይናዲዋቲ።»

8 «ታኣኒ ዓጮኮ ኬዶ ዛላፓ ዔያቶ ዔኪ ዬዓንዳኔ፤

ዓጫ ማዔ ካራፓ ቢያ ዔኪ ዬይ ቡኩሳንዳኔ፤

ዓአፓ ባይቁ ዓሳ፡ ዋቦ ዓሳ፡ ጎጶይንዳሢጎታ ሾይያና ዓዲንቴ ላኣላኣ ቢያ

ዔያቶና ዋላ ዬዓንዳኔ፤

ዲቢ ዴሬ ማዒ ፔ ዓጮ ዔያታ ማዓንዳኔ፤

9 ታኣኒ ዔያቶ ፔ ዓጮ ባንሢ ዔኪ ዬዓኣና

ታኣኮ ዴራ ዋዛፓ ዔቁያና ዬኤኪ ዬኤኪ፤ ሃሃ ታና ሺኢቁ ሺኢቁ ዬዓንዳኔ።

ዔያታ ዲቁንቴንዲዋ፡ ጊኢጋ ጎይሢና

ቃራ ዓልቃ ዋኣሢ ባንሢ ታ ዔያቶ ዳካንዳኔ።

ታኣኒ ዒሰራዔኤሌኮ ዓዶኬ፤

ዔፕራኤሜያ ታኣኮ ናኣዚ ቶይዲኬ።»

10 ናንጊና ናንጋ ጎዳ ሂዚ ጋዓኔ፡-

«ሜሌ ዴራ ዒንሢ ዋይዙዋቲ!

ባዞ ዴኤፖኮ ኮይሎና ሱኮናይዳ ሃኬ ዓአ ዓጮሞ

ቃኣሎ ታኣሲ ዴጊዲ ኬኤዙዋቲ፤

ታኣኒ ታኣኮ ዴሮ ሃያኮ ቤርታ ዜርቄኔ፤

ሃሢ ጋዓንቴ ታ ማሂ ዔኪ ዬይ ዔያቶ ቡኩሳንዳኔ፤

ቆልሞ ሃንቃሢ ፔኤኮ ቆልሞ ሃንቃ ጎይያ ታ ዔያቶ ሃንቃንዳኔ።

11 ታኣኒ ያይቆኑቤ ማሂ ጊንሣ ሻንቁ ዓይላታፓ ኬሴኔ፤

ዴኤፖ ካኣቶኮ ኩጫፓ ማኣዲ ታ ዔያቶ ዳቁሼኔ፤

12 ዬያሮ ዔያታ ማዒ ሙኪ ዪኖኔ ዲኮይዳ ዋዛና ዓይናዲንዳኔ፤

ታኣኒ ዔያቶሞ ዒንጋንዳ ሃኣኮና፡ ዋይኖ ዑኩና፡ ሪሚቶ ዛይቶና ማራቶና ባኣቶናፓ ዔያታ ዴንቃ ዓንጅና ቢያ ሜታባኣያ

ዋዛዲንዳኔ፤

ጊዳ ዋኣሢ ሙኪ ዑሻ ዋይኔ ጎሺጉዲ ዔያታ ማዓንዳኔ፤

ሃይካፓ ሴካ ዔያታ ገያዓኬ።

13 ዉዲር ናኣታ ዔያቶኮ ዋዛና ኮርጋንዳኔ፤

ዓቲንቆንታ ዴጌሂንታ ጋርቾንታ ዋዛዳንዳኔ፤

ታ ዔያቶ ዶዲሻንዳኔ፤ ዩኤፖ ታ ዔያቶኮ ዋዛ ባንሂ

ገዩጾ ዋ ታ ዔያቶኮ ሸርሺ ዋዛ ማሂ ላኣማንዳኔ፤

14 ቄኤሶ ታኣኒ ሳገይዳፓ ዶዳ ዓንጅና ሚሻንዳኔ፤

ታ ዴርሞ ታኣኒ ታ ኮሹሞና ዒንጋ ባኮ ዲቢሺ ዒንጋንዳኔ፤

ዩያ ጌዔሂ ታና፣ ናንጊና ናንጋ ጎዳኬ።»

ናንጊና ናንጋ ጎዳ ዒሰራዔኤሌ ዴር ማኣሬሂ

15 ናንጊና ናንጋ ጎዳ ሂዚ ጋዓኔ፡-

«ዒላቲና ዒናፓ ዩኤኮ ዩኤፒ ዑኡሲ ራኣማይዳ ዋይዚንቴኔ፤

ራሂላ ፔ ናኣቶ ዛሎ ዩኤካኔ፤

ናኣታ ዒዞኮ ሃይቄሂር ዶዲጾ ባሺንቴኔ።

16 ዩኤፖ ሃሺ፡ ዓቢጾ ዒንሂኮ ዑጨዋቱ፤

ዒንሂ ናኣቶ ዛሎ ዒንሂ ማዴ ባካ ቢያ ጉሪ ዓታዓኬ፤

ዔያታ ሞርኮ ዓጫፓ ማዒ ዩዓንዳኔ።

17 ናኣታ ዒንሂኮ ፔ ዓጮ ማዒ ሙካንዳሂር

ሃጊ ማዓንዳ ዋዛ ዒንሂኮ ዓኣኔ፤

ዩያ ጌዔሂ ታና፣ ናንጊና ናንጋ ጎዳኬ።»

18 «ዔፕሬኤማ ገዩሂና ሂዚ ጋዓንቴ ታኣኒ ዋይዜኔ፤

ናንጊና ናንጋ ጎዳሂዮ! ኑኡኒ ጎሽኪ ዔርዚቦኣ

ዋፓናጉዲታንቴ

ኔኤኒ ኑና ዓይሂንቴሂ ዔርዜኔ፤

ኔኤኒ ኑኡኮ ጾኦሲታሂር

ሃሂ ኔና፣ ኑ ጾኣዛሂ ባንሂ ኑና ማሂ፤ ኑኡኒያ ማዓንዳኔ።

19 ኔጊዳፓ ኑ ሃኪ ዴንዴቴያ ሃሂ ጎሞ ኑኡኮ ኑ ቡኡጻኔ፤

ኑ ዩያ ማዴ ባኮ ዔሪ ቦርሲንቴና ኑ ቶኦኮ ሂርኪዲ ዳዶ ኑኡኮ

ኑ ዴዓኔ፤

ዴጋቶ ዋዶና ኑ ማዴ ጎማ ኑና ዳውሲሴኔ።»

20 «ዔፕሬኤማ! ታኣኒ ዒንሂ ናሽካ፣ ታኣኮ ዒንሂ ናኣቶኬ፤

ቢያፓ ባሽ ማሂ ታ ዒንሂ ናሽካያቱዋዓዳ?

ታ ዒንሂ ማኣራኒ፣ ታ ባንሂ ዑኪሳኒ ኮዓኔ፤

ዩያ ጋዓሂ ታና፣ ናንጊና ናንጋ ጎዳኬ።

21 ዒንሂኮ ጎይጾዳ ማላታ ማዓንዳ ባኣዚ ኮሹዋቱ፤

ጎይጾ ዔርዛንዳ ዳኣቦዋ ዳኣቡዋቱ፤

31:15 ማዢ. ማፃ 35:16-19፤ ማቲ. 2:18።

ዒንሢ ዴንዳ ዘገሮ ጎይፆ ዒናፓ ኮሺ ዛጉዋቴ፤
ታ ዴሬዮ፥ ዒሰራዔኤሌ!
ሃያ ኔኤኮ ካታሞ ማዒ ጌሉዋቴ።

22 ዒንሢ ሃይ ጉሙርቁፃ ፓጩ ዴራ
ዓይዲ ሄላንዳኣና ዒንሢ ዓልታይ?
ታኣኒ፥ ናንገና ናንጋ ጎዳ ሳፆይዳ ዓኪ ባኣዚ ማገፍኔ፤
ዬይ ዓይጎዳይ ጌዔቴ ላኣሊ ዓቲንቁ ማኣዳኒ ዔቃኔ፤
ዬያ ዲማ ማዔ ዓኮ ባኮ ታኣኒ ማገፍኔ።»

ናንገና ናንጋ ጎዳ ዴራ ሃገ ዖርጎጫንዳ ዖርጎቕሞ

23 ዒሰራዔኤሌ ጾኦዛሢ፥ ቢያ ባኮ ዋይሃ ጎዳሢ ሂዚ ጋዓኔ፡-
«ታኣኒ ዴሮ ፔ ዓጮ ባንሢ ማሂ ዋዶና ዪሁዳና ካታሞናይዳ ላሚ
ገንሣ ዔይታ ሄኤኒ ጎኑሞ ዋርቃ ቤሲ ማዔዘ፥ ጾኦሲሞ ዲማዴ
ዲኬሌ ናንገና ናንጋ ጎዳ ኔና ዓንጅንጎ» ጋዓንዳኔ።

24 ዪሁዳ ዓጮንታ ካታሞንታ ቢያ ዴራ ናንጋ ቤሲ ማዓንዳኔ፤ ሳፆ
ጎሽካ ዓሲና ቆልሞ ሄንቃ ዓሲና ዒኢካ ዓኣያ ማዓንዳኔ፤

25 ላቤዘንሢኮ ቢያ ዋልቆ ታኣኒ ደዲሻንዳኔ፤ ናዮና ካራ ባይቁ
ሚታዳዘንሢሞ ሙኡዚ ዒንገ ታኣኒ ሚሻንዳኔ።»

26 ዒማና ታኣኒ ኮሺ ገንፆ ገንዒ፥ ገንዓሰካፓ ጴጫፆ ኮይሉ
ዛጌኔ።

27 «ታኣኒ፥ ናንገና ናንጋ ጎዳ ዒሰራዔኤሌንታ ዪሁዳንታ ሳፆ
ሚርጌ ዴራና፤ ገንሣ ሃሃ ቆልሞና ኩንሣንዳ ዋዴ ዪዓንዳኔ።

28 ዔያቶ ታኣኒ ቱጋኒና ሻሃኒ፤ ሴካ ሃንጋ ሺርሺ ጉኡፓኒና
ባይዛኒ፤ ኩርሳኒያ ዚርቁ ዔቁ ማዴሢጉዲ ዔያቶ ገንሣ ደቁ ዔቁሳኒ
ዒማዲ ታኣኒ ማዳንዳኔ።

29 ዬና ዋዶና፡- «ዒደንሢ ሙዔ ሶልኮ ዋይና ዓኣፓ
ናኣቶ ዓጫ ዋዴኔ ጌይንቲ ጌሰቲንታ
ኮኣኪንሢ ዓታንዳኔ።

30 ዬያ ማዒፃ ዓቲሞ ሶልኮ ዋይና ዓኣፓ ሙዔ ዓሰማኮ ዒማና ዓጫ
ሃይቃንዳኔ፤ ፔቴ ፔቴ ዓሳ ፔ ጎሞማና ሃይቃንዳኔ።»

31 ናንገና ናንጋ ጎዳ ሂዚ ጋዓኔ፡- «ሃይሾ ታኣኒ ዒሰራዔኤሌ ዴሮና
ዪሁዳ ዴሮና ዋላ ዓኪ ጫኣቁሞ ጫኣቃንዳ ዋዴ ሙካንዳኔ፤

32 ዬይ ጫኣቁሞ ዔያቶ ታኣኒ ገብጺ ዓጫፓ ኩጮ ዔያቶኮ
ዓርቁ ዔኪ ኬሴ ዋዶና ጌሌ ጫኣቁሞጉዲ ማዓዓኬ፤ ታኣኒ ዔያቶኮ
ጾኦዛሢ ሃንቲ ዔያታ ታኣኮ ዬያ ጫኣቁሞ ጉሙርቁንቲ ካፒባኣሴ፤
ዬያር ታኣኒ ዔያቶ ቁል ጌይ ዛጌኔ፤

31:29 ሂዚ. 18:2። 31:31 ማቲ. 26:28፤ ዔ.ብ. 8:8-12፤ ማር. 14:24፤ ሉቃ. 22:20፤ 1ቆሮ. 11:25፤ 2ቆሮ. 3:6።

33 ሃሢ ዓካሪ ሃካፓ ሴካ ዒሰራዔኤሌ ዳሮና ዋላ ታኣኒ ጫኣቃንዳ ጫኣቁማ ያዲ ማዓንዳኔ፤ ታኣኮ ዋጎ ታኣኒ ዔያቶኮ ዒና ጌሣንዳኔ፤ ዒና ታ ዔያቶኮ ፃፃኣፓንዳኔ፤ ታኣኒ ዔያቶኮ ፆኦዛሢ ማዓንዳኔ፤ ዔያታኣ ታኣኮ ዴሬ ማዓንዳኔ፤

34 ሃይካፓ ሴካ ሩንገና ሩንጋ ጎዳ ዔሬ ጌይ ፔኤኮ ለጋሢሞታቱያ ጌርሲሞ ኬኤዚ ዔርዛንዳ ዓሲ ባኣሴ፤ ዴኤፖፓ ዴንዲ ዳኮ ዓሶ ጌይንታሢ ሄላንዳኣና ቢያሢ ታና ዔራንዳኔ፤ ዳቢንቶዋ ታ ዔያቶኮ ዓቶሞ ጋዓንዳኔ፤ ጎሞዋ ታ ዔያቶኮ ዔኤቢኬ ጌይ ማሊ ዔካዓኬ፤ ዬያ ጌዔሢ ታና፥ ሩንገና ሩንጋ ጎዳኬ።።»

35 ዓሶ ሮኣሮና ፖዒሣሢ
ዓገኖንታ ዠኦጋሢንታ ዲሞና ፖዓንዳጉዲ ዳሞሶ ኬሴሢ
ዴኤፖ ባዘዋ ዠባሮና ዴቺ ዓገሢ፥ ሩንገና ሩንጋ ጎዳሢ
ሂዚ ጋዓኔ፤
ሱንፃኣ ዒዛኮ ቢያ ባኮ ማዠፍ ጎዳኬ።።

36 ታኣኒ ዬያ ባኮ ዓይሢ ማዲሻ ዳሞባ ዓታያ ማዔቲ፤
ዓካሪ ዒሰራዔኤሌ ዜርፃ ታ ቤርታ ዴሬ ማዒ ሩንገና ሩንገያ
ዓታንዳኔ።።

37 ዒዛኮ ዴራ፥ ዒሰራዔኤሌ ማዴ ጎሞ ዛሎና ሩንገና ሩንጋ ጎዳ
ዔያቶ ኬኤራንዳኔ ጌይንታኒ ዳንዳዓሢ
ጫሪንጮኮ ዳልጉማ ዋርቁንቲ ዔርቲ
ሳፆኮዋ ማዠንጌ ካራ ቢያ ዛገንቲ ዔርታኒ ዳንዳዒንቲቲ
ሌሊኬ።።

ዬያ ጌዔሢ ሩንገና ሩንጋ ጎዳኬ።።

38 ሩንገና ሩንጋ ጎዳ ሂዚ ጋዓኔ፡- «ሃናኒዔኤሌ ኬኤሎ ካራፓ ዓርቃዎ ዴንዲ ኬኤሎ ዲፃ ዋላ ካኣማ ካሮ ሄላንዳኣና ዬሩሳላሜ ታ ካታማ ማዒ ማዠንጌንታንዳ ዋዴ ዬዓንዳኔ።።

39 ዬያኮ ዛጳ ኬኤሎ ዲፃ ዋላ ካኣማ ካራፓ ጋሬቤ ጌሜሮ ባንሢ ዴንዳያ ማዓዎ ዒኢና ጎዓ ባንሢ ዴንዳንዳኔ።።

40 ሽሞፓ ሃይቄ ባኮንታ ዲቢንፆንታ ላኣሎ ዶኦጫ ቢያ ዓባ ኬሰካ ባንፆና ዴንዲ ፓራሢ ካሮ ሄላንዳኣና ጉቤ ሩንገና ሩንጋ ጎዳሞ ዲማዴያ ማዓንዳኔ፤ ዬይ ካታማ ማይ ላሚ ሻሂንቲ ባይቃዓኬ።።»

32

ዔርሚያሴ ሳዎ ሻንቄሢ

1 ዪሁዳ ካአተ፡ ሴዴቂያሴ ካአታዳንቴ ታጳሳ ሌዖና፤ ጊንሣ ሃሣ ባብሎኔ ካአተ ናብካዳናዖኦሬ ካአታዳንቴ ታጳ ሳላሳ ሌዖና ናንጊና ናንጋ ጎዳ ታና፡ ዔርሚያሴም ሂዚ ጌይ ኬኤዜኔ፡-

2 ዬና ዎዳ ባብሎኔ ካአተ፡ ናብካዳናዖኦሬኮ ሆሎ ዓሳ ዬሩሳላሜ ሆሊ ዓርቃኒ ሙኪ ማንጌ ዎዴኬ፤ ታኣኒ ዒማና ካአቱም ማኣርኮ ዲሮ ጋራ ቱኡሲ ዓሲ ማዒ ዓኣኔ፤

3 ካአተ ሴዴቂያሴ ታና ዒኣካ ቱኪ ጌሠሢ፤ ጊንሣ ሃሣ ዎጎና ዓይሢሴሢ ናንጊና ናንጋ ጎዳ ታኣም ኬኤዜ ማሊዖ ዒዛም ታ ኬኤዜሢሮ ማዓዛ፡ ዬይ ሂዚ ጋዓያኬ፡- «ባብሎኔ ካአተ ሃኖ ካታሚሎ ዎልቄና ዓርቃንዳጉዲ ታኣኒ ዒዛም ዒንጋኒኬ፤

4 ካአተ፡ ሴዴቂያሴ ቶላንዳ ካራ ባኣሴ፤ ዒዚ ባብሎኔ ካአቱም ዓኣሢ ዒንጊንታንዳኔ፤ ዒዚ ካአቱኮ ቤርታ ዔቂ ዬያ ካአቱ ዛጋንዳኔ፤ ፔኤሮ ዒዚ ዒዛና ዎላ ጌሰታንዳኔ፡፡

5 ሴዴቂያሴ ባብሎኔ ዓጮ ዲዒንቲ ዔውታንዳኔ፤ ታ ሙኪ ዒዛኮ ጌኤዞ ጌሰታንዳኣና ዒዚ ናንጋንዳኔ፤ ባብሎኔ ዓሶና ዒ ሆልታኒ ኮዔቲያ ዒዛም ሃናዓኬ፤ ዬያ ጌዔሢ ታና፡ ናንጊና ናንጋ ጎዳኬ፡፡»

6 ጊንሣ ሃሣ ናንጊና ናንጋ ጎዳ ሂዚ ጌዔኔ፡-

7 «ኔ ዓዶ ዒሾ ሻሉሜ ናኣዚ፡ ሃናሚዔኤሌ ቢኢኒያሜ ዓጮ ዓናቶቲይዳ ዓኣ ጎዡ ፔኤኮ ኔኤም ሻንቻኒ ኔ ኮይላ ዬዓንዳኔ፤ ኔ ዒዛኮ ዑኬ ዒጊኒታሢሮ ዬኖ ጎዡ ሻንቃኒ ኮይሳሢ ኔናኬ፡፡»

8 ናንጊና ናንጋ ጎዳ ጌዔ ጎይዖና ታኣኒ ቱኡቲ ዓኣ፡ ካፓ ዓሳ ዎርቃ ኬኤዖ ሃናሚዔኤሌ ታ ኮይላ ሙካዖ፡- «ሻንቃኒ ኮይሳሢ ኔናታሢሮ ታኣኮ ጎዡ ሻንቄ» ጌዔኔ፤ ዬያር ታኣኒ ናንጊና ናንጋ ጎዳ ታኣም ዬያ ባኮ ኬኤዜያታሢ ዔሬኔ፡፡

9 ዬኖ ጎዡ ሃናሚዔኤሌ፣ ሻንቃኒ ቢሮ ታኣኒ ፓይዲ ዒንጌኔ፤ ዬና ጎዡ ሻንቄንቴ ሚኢሻ ላምዖ ጭታ ጊራኣሜ ማዓያ ሹቺ ቢራኬ፡፡

10 ዬያ ታኣኒ ሻንቄያ ማዒዖ ዔርዛ ማርካ ማዓ ዎርቃታ ፓራሚ ጊኢጊሾሰካፓ ሆሼኔ፤ ኮይሳ ቢሮኮ ዴኤሠሞ ታኣኒ ዛጊ ዔሪ ዒንጌኔ፡፡

11 ዬካፓ ዬያ ባኮ ፔቲይዳ ዓርቂያ ማሂ ማላቶ ዓይሢ ጊኢጊሾና ዎርቃቶ ሆሾናሢንታ ጉሮንታ ማላታ ዓይሢንቲባኣ ሻንቺዖ ዔርዛ ዎርቃቶናኮ ጊዳፓ ዔኪ ያኣፖና ላምዖ ዎርቃታ ዔኪ፡

12 ማሂሴያኮ ናኣዚ ናይ ማዔ ኔሪያ ናኣዚ ባኣርኬም ታኣኒ ዒንጌኔ፤ ዬንሢ ዎርቃቶንሢ ታኣኒ ዒንጌሢ ሃናሚዔኤሌንታ ኮርሚንታ ዎዶና ማርካ ማዒ ፓራሜ ዓሶንታ ዒኣካ ጳኣካ ዓኣ ዓሶንታኮ ቤርታኬ፤

32:1 2ካኣቶ. ማ 25:1-7፡፡

13 ዬያ ዓሶ ቢያሢ ቤርታ ባኣሮኬም ታኣኒ ሂዚ ጌዔኔ፡-

14 «ዒሰራዔኤሌ ያኣዛሢ ማዔ ቢያ ባኮ ዋይሢ ጎዳሢ ሂዚ ጋዒኔ፤ «የሺንቴዘንታ ፔጋ ጴዳያ ማዔ ሻንቺያ ዔርዘ ላምያ ዋርቃቶንሢ ዔኪ ያቲ ጋርካ ሚርጌ ዋዴ ዴዓንዳጉዲ ጌሢ፤»

15 ላሚ ጊንሢ ሃኖ ሳይዳ ማኣሪ፡ ጎሺንታ ዋይኔ ቱኮ ቤሲንታ ሻንቃኒ ዳንዳዒንታ ዋዴ ዬዓንዳኔ ጌዔኔ።»

ዔርሚያሴ ሺኢቁ ሺኢጲያ

16 ዬያ ሻንቁያ ዔርዘ ዋርቃቶ ኔሪያ ናኣዚ፡ ባኣሮኬም ታኣኒ ዒንጌሰካፓ ሂዚ ጌይ ታኣኒ ሺኢቁኔ፡-

17 «ናንጊና ናንጋ ጎዳ ማዔ ያኣዛሢያ! ኔኤኮ ጴኤፖ ቢታንቶና ዋልቆና ኔኤኒ ጫሪንጮንታ ሳዖንታ ማገፔኔ፤ ፔቲታዖ ኔና ባሻ ባኣዚ ባኣሴ፤

18 ሚርጌ ሺያ ዴሬም ኔኤኮ ናንጊና ናንጋ ናሹም ኔኤኒ ፔጋሲ ዳግኔ፤ ያዲ ማዔቴያ ዓደንሢ ማዴ ጎሞሮ ኔኤኒ ናኣቶይዳ ሜቶ ዓጋኔ፤ ኔኤኒ ጴኤፒ፡ ሃሢ ዋልቁና ዓኣ ያኦሲኬ፤ ኔኤኒ ቢያ ባኣዚ ዳንዳዒያ፡ ሱንፃኣ ኔኤኮ ቢያ ባኮ ማገፔ ጎዳኬ፤

19 ኔኤኒ ማሊ ቱካ ማሊፃ ጴኤፒኬ፤ ኔኤኮ ማዳኣ ፑኤፒኬ፤ ዓሲ ማገፒንቲ ቢያ ማዳ ባኮ ኔኤኒ ዛጋኔ፤ ፔቲ ፔቲ ዓሶም ዓሳ ሃንታ ጎይያና ማዳ ማዶ ጎይያ ኔኤኒ ኮይሳ ባኮ ዒንጋኔ።

20 ሚና ጊብፄ ዓጮይዳ ኔ ዋልቁና ማዲንታ ዓኪ ባኣዚና ሄርሺሳ ባኣዚያ ኔኤኒ ማዴኔ፤ ሃሢ ሄላንዳኣና ዬያ ዓኮ ዲቃሢ ሄርሺሳ ባኮ ዒሰራዔኤሌ ዳሮንታ ሜሌ ዳሮንታ ባኣካ ማዲያ ኔኤኒ ሃሺባኣሴ፤ ዬያሮ ቢያ ቤዘይዳ ሱንፃ ኔኤኮ ሄርሺንቲ ጴኤፔኔ።

21 ዲቃሢ ሄርሺሳ ማዶዋ ማዲ ኔ ዋልቁና፡ ሃሢ ኔኤኮ ጴኤፑሞና፤ ዬያጉዲ ሃሢ ኔኤኮ ዒጊቻያ ማዔ ቦንቾና ኔኤኮ ዳሮ ዒሰራዔኤሌ ጊብፄ ዓጮፓ ኔኤኒ ኬሴኔ፤

22 ዔያቶኮ ቤርታኣ ዓደንሢም ኔኤኒ ጫኣቁ ጎይያጉዳያና ሃኖ ዔኤቢ ቢያ ኩሜ ማሎ ዓጮሎ ኔ ዔያቶ ዳካልሴኔ።

23 ጋዓንቲ ዔያታ ሃኖ ዓጮ ሙኪ ዳካሌሰካፓ ኔኤኮ ቃኣሎም ዓይሢንቲያና ኔኤኒ ዔያቶ ዔርዜ ዋህና ዶዲ ናንጊያ ዒፄኔ፤ ኔ ዔያቶ ዓይሢ ባኮ ቢያ ዔያታ ማዲ ኩንሢባኣሴ፤ ዬያይዳፓ ዔቁያና ዬያ ቢያ ባይሲንቶ ኔ ዔያቶይዳ ኬይሴኔ።

24 «ሃይሾ፡ ባብሎኔ ዓሳ ካታሜሎ ዓርቃኒ ዓጪ ዋርዲያ ማሢ ኩሊ ማንጊሢዳኬ፤ ያልዚ፡ ናይዚንታ ዲማ ዲማ ዶርዖንታ ዔያቶ ባብሎኔ ዓሶ ኩጮ ጋሮ ጌልዛንዳኔ፤ ኔኤኒ ጌዔ ባካ ቢያ ማዲንቲ ኩማንቲ ኔኤኒ ዛጋንዳኔ፤

25 ናንጊና ናንጋ ጎዳ ማዔ ሆክሳህሂዮ! ካታሚሎ ባብሎኔ ዓሳ ዓርቃኒ ዑካዛ ማርካዳ ጨሞ ቤርታ ጎዡ ታኣኒ ሻንቃንዳጉዲ ዓይሄሄ ኔናኬ።»

26 ናንጊና ናንጋ ጎዳ ታኣሞ ሂዚ ጌዔ።-

27 «ዓሲ ዜርሂ ቢያኮ ሆኦሲ ማዔ ናንጊና ናንጋ ጎዳህ ታናኬ፤ ታና ባሻ ባኣዚ ፔቲታዎ ዓኣኖ?

28 ሃኖ ካታሚሎ ባብሎኔ ዓሳና ዔያቶኮ ካኣታሂ ናብካዳናዎጎሬናሞ ታኣኒ ዓኣሂ ዒንጎንዳኔ፤ ዒዚያ ዒዛ ዓርቃንዳኔ።

29 ሃኖ ካታሚሎ ማንጌ ባብሎኔ ዓሳ ሙኪ ታሚና ካታሞ ሚቻንዳኔ፤ ዬያጉዲ ሃህ ታና ዳጋሳኒ ዔያቶኮ ማኣር ዑያይዳ ባዓኣሌ ጌይንታ ሆኦዞም ዑንጆ ዔያታ ጩቢሻሂንታ ማሌ ሆኦዞማኣ ዔያታ ዑዡ ዒንጎ ኬኤዎ ታሞና ዬይ ዓሳ ሚቻንዳኔ።

30 ዒሰራዔኤሌ ዳርንታ ዪሁዳ ዳርንታ ዳሬ ማዒ ደደማፓ ዓርቃዎ ፑርታ ማዲሂፓዓቲም ፔቲታዎ ኮሺ ባኣዚ ማዲያ ባኣሴ። ዒሰራዔኤሌ ዳራ ፔ ኩጮና ኮሻ ሆኦዞ ዛሎና ታና ዳጋሲሂፓ ዓታዛ ፔቲታዎ ማሌ ማዴ ባኣዚ ባኣሴ።

31 ሃና ካታሚሎ ማኸንቴማፓ ዓርቃዎ ዳራ ታና ሚርጌና ዳጋሴሂሮ ሃኖ ካታሚሎ ባይዛኒ ታኣኒ ዚርቂ ዔቁ።

32 ዒሰራዔኤሌንታ ዪሁዳንታ ዳራ፣ ዔያቶኮ ካኣታ፣ ቢታንታ ዓኣ ዓሳ፣ ዔያቶኮ ቁኤሶንታ ታ ማሊያ ኬኤዛኔ ጋዓ ዓሳ፣ ዪሁዳ ዓሶንታ ዬሩሳሌምይዳ ናንጋ ዓሳ ማዴ ፑርቶ ባኮና ቢያ ታኣኮ ዳሳ ዔያታ ዔቁሴ።

33 ዔያታ ታና ሃሺ ዳንዴኔ፤ ቢያ ዎዴ ላሚ ላሚ ታ ዔያቶም ኬኤዜቲያ ዔያታ ዎይዚባኣሴ፤ ታኣኒ ጎሪ ዞራ ዞሮዎ ዔያታ ዔኪባኣሴ፤

34 ዬያ ሌሊቱዋንቴ ታኣኮ ሱንፃ ዔኤሊንቴ ካኣሽኪንታንዳጉዲ ማኸንቴ ጌኤዡ ማኣርይዳ ሻኣካያ ማዔ ሆኦዞ ዔያታ ጌልዚ ዔቁሲ ዒኣሴ።

35 ዔያቶኮ ዓቲንቆ ናኣቶና ዉዱሮ ናኣቶና ሞሎኬ ጌይንታ ሆኦዞም ዒንጎ ባኣዚ ማሂ ሺኣሻኒ ሂኖሚ ደኦጮይዳ ባዓኣሊም ዒንጎ ባኣዚ ዒንጎ ቤሲ ዔያታ ኮሺኔ፤ ዔያታ ዬያይዳንዳጉዲ ታኣኒ ዔያቶ ዓይሂባኣሴ፤ ዪሁዳ ዳርዎ ዳቢሲ ጎሚይዳ ጌልዛኒ ዔያታ ዬያይዳንዳኔ ጌይ ታኣኒ ማሊባኣሴ።»

32:28 2ካኣቶ. ማ 25:1-11፤ 2ዎኦሲ. ዓሃኬ 36:17-21። 32:34 2ካኣቶ. ማ 23:10፤ ዔር. 7:30-31፤ 19:1-6። 32:35 ለዊ. ዓከ 18:21፤ 2ካኣቶ. ማ 23:10፤ ዔር. 7:31።

ጉሙርሳያ ማዒ ኬኤዚንቴ ባአዚ

36 ዒሰራዔኤሌ ያአዛሢ ማዔ ናንጊና ናንጋ ጎዳ ሂዚ ጋዓኔ፡- «ዔርሚያሴ! ዴራ፡ ሃሮ ካታሞ ያልዚንታ ናይዚንታ ዲማ ዲማ ደርዖንታ ባብሎኔ ካአቲ ኩጮ ጋር ጌልዛኒኬ» ኮዓኔ፤ ጋዓንቴ ታኣኒ ጋዓ ሜሌ ባአዚ ሃሃ ዋይዜ፤

37 ታሚጉዲ ታኣኮ ዔኤታ ዴኤፖ ዳጎና ታኣኒ ዜርቁ ዴር ታኣኒ ዜሬ ዓጮፓ ቢያ ጊንሣ ዔኪ ዬይ ቡኩሳንዳኔ፤ ኮሺናአ ታ ዔያቶ ናንጊሻንዳኔ፡፡

38 ዔያታ ታኣኮ ዴሬ ማዓንዳኔ፤ ታኣኒያ ዔያቶኮ ያኦሲ ማዓንዳኔ፤

39 ፔቲ ማሊሢ ዔያቶኮ ዓአያ ታኣኒ ማሃንዳኔ፤ ዬያ ታኣኒ ማዳንዳሢ ዔያቶንታ ዔያቶኮ ናአቶንታ ቢያ ታና ቦንቻንዳጉዲኬ፤ ዬይ ዔያቶሞ ኮሺ ባአዚ ማዓንዳኔ፡፡

40 ዔያቶና ዋላ ናንጊና ናንጋ ጮአቁሞ ታኣኒ ጮአቃንዳኔ፤ ዔያቶሞ ኮሺ ባአዚ ማዳሢ ታኣኒ ሃሻዓኬ፤ ጎኔና ዔያታ ታና ዒጊጮንዳጉዲ ታኣኒ ማሃንዳኔ፡፡ ዬካፓ ዔያታ ዓአፖ ካሮ ሜሌ ባንሢ ሺርሻዓኬ፡፡

41 ታኣኒያ ዔያቶሞ ኮሺ ባአዚ ማዳሢና ዋዛዳንዳኔ፤ ታኣኒ ታ ሺኔና ሃሮ ዓጮይዳ ጎኔና ማዢ ዔያቶ ደዲሻንዳኔ፡፡

42 «ሃያ ዴሮይዳ ሃያ ባይሲንቶ ጉቤ ዔኪ ታኣኒ ዬዔሢጉዲ፡ ጊንሣ ሃሃ ታኣኒ ዔያቶሞ ጮአቁ ኮዢ ባኮዋ ዒንጋንዳኔ፤

43 «ሳዔላ ባብሎኔ ዓሶሞ ዒንጊንቴሢሮ ዓሲንታ ቆልሞንታ ናንጉዋ ጉሪ ሳዓ ማዓንዳኔ» ዒንሢ ጌዔ፡ ሃሮ ሳዔሎይዳ ጎሺ ሻንቁሢና ሻንቁሢና ጊንሣ ዓርቁንታንዳኔ፡፡

44 ዴራ ጎሺ ፔኤኮ ሻንቃንዳኔ፤ ሻንቁያ ዔርዛ ዋርቃታኣ ፓራሚንቲ ማርኮ ዓሶ ቤርታ ያሺንታንዳኔ፤ ዬይ ባካ ቢያ ቢኢኒያሜ ዓጮይዳ ዬሩሳላሜ ካታሞ ኮይላ ዓአ ጉርደይዳ፡ ዪሁዳኮ ኮይላ ኮይላ ዓአ ዳኮ ካታሞይዳ፡ ጌሜራዳ ቤዘይዳ ዓአ ካታሞይዳ፡ ጌሜር ዴሞና ዪሁዳኮ ደኦሎ ዛሎ ዓጮናይዳ ቢያ ማዳንታንዳኔ፡፡ ዴራ ቢያ ፔ ዓጮ ማዒ ሙኪ ፔኤኮ ዓአ ቆሎ ዔካንዳጉዲ ታኣኒ ማሃንዳኔ፡፡»

33

ዴራ ፔ ዓጮ ማዓንዳያታሢ ኬኤዚንቴሢ

1 ካአቱሞ ማአሮኮ ዲሮ ጋራ ታኣኒ ቱኤሲ ዓሲ ማዒ ዓአ ጎይሣ ዓአንቴ ናንጊና ናንጋ ጎዳ ሂዚ ጋዓ ቃኣላ ታኣሞ ኬኤዜኔ፤

2 ሳዖ ማዢሢና ጊኢጊሺሢሢ፡ ኮሺ ማዒ ዴዓንዳጉዲያ ማሄ ናንጊና ናንጋ ጎዳሢ ታኣሞ ሂዚ ጌዔኔ፤ ሱንፃ ዒዛኮ ናንጊና ናንጋ ጎዳኬ፤

3 ዒዚ ሂዚ ታኣሞ ጌዔኔ፡- «ታ ባንሢ ዒላቲ ታኣሞ ኬኤዘ፤ ታ ኔኤም ኔ ኮዓ ባኮ ማሃንዳኔ፤ ሃያኮ ቤርታ ኔኤኒ ዔሩዋኣያ፡ ዓሲ ጋፒሲ ዔራኑዋ ጳኤፒ ጳኤፒ ባኣዚ ፔጋሲ ታ ኔና ዳዋንዳኔ።

4 ሞርካ ሙኪ ማንጌሢሮ፡ ሃሃ ያላሢሮ ዩሩሳላሜ ካታሞይዳ ዓኣ ማኣሮንታ ዪሁዳኮ ካኣቶ ማኣሮንታ ሻሂንቲ ደዓንዳኔ፤

5 ዔያቶኮ ፑርቱሞፓ ዔቄያና ታኣኒ ታ ዓኣፖ ካሮ ሃኖ ካታሜሎፓ ሸርሼሢሮ ዳሮ ባኣካፓ ዔያታ ባብሎኔ ዓሶና ያልታኣና ታኣኮ ዳጎና፤ ጊንሣ ሃሃ ታ ዔያቶይዳ ዓጋንዳ ፑርቶ ባኮና ታ ዎዳንዳ ዓሶኮ ሌዛ ማኣሮ ማኣሮ ኩማንዳኔ።

6 ያዲ ማዔቴያ ሃኖ ካታሞና ዳሮና ታኣኒ ጊንሣ ፓሣንዳኔ፤ ዒቢሎሞ ታኣኒ ዔያቶኮ ማሃንዳኔ፤ ቢያ ቤዘይዳ ሸምፔና ዳይሢ ኮሺ ናንጊያ ታኣኒ ዔያቶ ናንጊሳንዳኔ፤

7 ዪሁዳና ዒሰራዔኤሌናኮ ዲዒ ዔኪ ዓኣዳና ዓሶ ጊንሣ ታኣኒ ማሃንዳኔ፤ ቤርታ ዔያታ ዓኣ ጎይያ ጊንሣ ዒማይዲ ማሂ ታኣኒ ዔያቶ ጊኢጊሻንዳኔ።

8 ታኣኮ ዎጎ ዔያታ ካፖ ዒዲ ማዴ ጎሞ ቢያ ታ ዔያቶኮ ጌኤሻንዳኔ፤ ዔያቶኮ ዳቢንቶና ዎይዘ ዒዲያና ቢያ ታኣኒ ዓቶሞ ጋዓንዳኔ።

9 ዩሩሳላሜም ታኣኒ ማዳ ኮዦ ማዳ ቢያ ዬያ ባኮ ዎይዘ ዳራታና ጳኤፒሳንዳጉዲ፡ ባንቻንዳጉዲ፡ ጋላታንዳጉዲ ማሃንዳኔ፤ ዩሩሳላሜ ዳሮም ታኣኒ ማዳ ኮዦ ባኮና ካታሜሎም ታኣኒ ዔኪ ሙካ ያርጎቹሞንታ ኮሹሞንታ ዎይዘ ዎደና ዳራ ቢያ ዒጊቹሞና ጎጋይቃንዳኔ።»

10 ናንጊና ናንጋ ጎዳ ሂዚ ጋዓኔ፡- «ዔርሚያስ! ላኖ ዓጩሎይዳ ዓሲታቴያ ቆልሞ ናንጊንዲሞ ጉሪ ቤሲ ማዓንዳኔ ኔ ጌዔኔ፤ ጎኔኬ ዪሁዳ ካታሞና ዩሩሳላሜ ካታሞ ጎይያናይዳ ዓሲንታ ቆልሞንታ ባኣያ ጉሪ ቤሲ ማዔኔ፤ ፔቲ ኬሊ ጋዓንቴ ዬያ ቤዘይዳ ዎዛና ዒላሸሢ ዑኡሲና ዎይዘንታንዳኔ፤

11 ዬኖ ቤዘይዳ ዎዛ ዑኡሲንታ ዔፒንታ ኮሢንታኮዎ ዑኡሲ ጊንሣ ዎይዘንታንዳኔ፤ ዲዒንቲ ዳንዴ ቤዛፓ ማዔ ዓሶም ዔያቶኮ ዓኣ ቆሎ ታኣኒ ማሃንዳሢሮ ጋላታ ዒንጎ ባኣዚ ማሂ ዒንጋኒ ታኣኮ ጌኤዦ ማኣሪ ዔያታ ሙካ ዎደና፡- «ቢያ ባኮ ዎይሣ ጎዳሢ ጋላቱዎቲ፤ ዒዚ ኮሺኬ፤ ናሹማ ዒዛኮ ናንጊና ናንጋያኬ» ጌይ ጌይ ዳግ ጌዔ ዑኡሲና ዔያታ ዓይናዳንዳኔ፤ ዬያ ጌዔሢ ታና፡ ናንጊና ናንጋ ጎዳኬ።»

33:11 1ዎኣሲ. ዓሃኬ 16:34፤ 2ዎኣሲ. ዓሃኬ 5:13፤ 7:3፤ ዒዚ. 3:11፤ ዓይኡ. 100:5፤ 106:1፤ 107:1፤ 118:1፤ 136:1።

12 ቢያ ባከ ወይህ ጎዳ ሂዚ ጋዓኔ፡- «ዓሲታቴያ ቆልሞ ናንጉዎ ዳውሎ ቦኦሎ ማዔ ሃኖ ሳዔሎይዳ ሄንቃ ዓሳ ቆልሞ ሄንቃንዳ ቤሲ ዓኣያ ማዓንዳኔ።»

13 ጌሜራዳ ቤዘይዳ ዓኣ ካታሞይዳ፣ ጌሜሮ ዴሞና ዪሁዳኮ ደኦሎ ዘሎ ካታሞይዳ፣ ቢኢኒያሜ ዓጮ ማዔ ካታሞይዳ፣ ዩሩሳላሜኮ ኮይላ ዓኣ ጉርዶና ዪሁዳይዳ ዓኣ ዳኮ ዳኮ ካታሞንታይዳ ቢያ ቆልሞ ሄንቃ ዓሳ ማራቶ ፔኤኮ ቤርታኣሲ ጎይዖ ጊንህ ኬሲ ሄንቃንዳኔ፤ ዬያ ጌዔሂ ታና፣ ናንጊና ናንጋ ጎዳኩ።።»

14 ናንጊና ናንጋ ጎዳ ሂዚ ጋዓኔ፡- «ዒሰራዔኤሌና ዪሁዳ ዴርናም ሃጊ ማዓ ዎዛ ማሃ ኬኤዜ ቃኣላ ኩማንዳ ዎዳ ዐኩኔ፤

15 ዬኖ ዎዶና ዳውቴ ዜርፃፓ ማዔያ፣ ፔቴ ዲሎ ካኣቲ ታኣኒ ደኣማንዳኔ፤ ዬይ ካኣታሂ ዓጩሎይዳ ፒዜ ማዔ ባኣዚ ማዳንዳኔ፤ ፒዜ ዎጌያኣ ዎጋንዳኔ።»

16 ዪሁዳና ዩሩሳላሜና ዴራ ፔኤኮ ሞርኮ ኩጫፓ ቶሊ ኮሺ ናንጋንዳኔ። ዬኖ ካታሜሎኮ ሱንፃ፡- «ኦኡም ዲሎ ባኣዚ ማዳ ናንጊና ናንጋ ጎዳ» ጌይንታንዳኔ፤

17 ዳውቴ ዜርፃፓ ዒሰራዔኤሌይዳ ካኣታዳንዳ ካኣቲ ፔቴታዖ ባይቁንዳዎኣሂ ታኣኒ፣ ናንጊና ናንጋ ጎዳ ኬኤዜኔ፤

18 ዬያጉዲ ሃሃ ሚቺ ዒንጎ ዒንጊሂንታ ሃኣኮ ዒንጊዖንታ ማሌ ዒንጎ ባኮዎ ዒንጊ ታኣም ማዳንዳ ቄኤሴ ለዊ ፃጳፓ ፔቴታዖ ባይቃዓኩ።።»

19 ናንጊና ናንጋ ጎዳ ታኣም ሂዚ ጌዔኔ፡-

20-21 «ታ ዓይላሂ ዳውቴ ቤዛ ካኣታዳንዳ ናይ ታኣኒ ዒዘም ዒንጋንዳያታሂ ጫኣቄሂንታ ታ ዓይላ፣ ለዊ ዓሳ ታኣም ማዳንዳጉዲ ኦ ዎላ ጫኣቄ ጫኣቄሞንታ ሃሺንታኒ ዳንዳዓሂ ሮኦርና ዎንቶና ዔያታ ማዳንዳጉዲ ጌይንቴ ዓቦና ታ ዔያቶም ኬሴ ዳምቦ ዒንሂ ባኣካፓ ማዲ ኩንሡዎዎ ሃሻኒ ዳንዳዓ ዓሲ ኬሰኬያታቴኩ።»

22 ዬያር ታ ዓይላሂ ዳውቴ ዜርፃና ለዊ ፃጳ ማዔ ቄኤሶናኮ ፓይዶ ታኣኒ ሚርገሻንዳኔ፤ ዬይ ዔያቶኮ ፓይዳ ፓይዳንታኒ ዳንዳዑዎ ባዘ ማኣሻሎና ጫሪንጮ ዠኣጋሂጉዲ ማዓንዳኔ።።»

23 ናንጊና ናንጋ ጎዳ ታኣም ሂዚ ጌዔኔ፡-

24 «ዬይ ዴራ ሩዚ ዶኦሬ ዬያቶ ላምዖ ካኣቶ ናንጊና ናንጋ ጎዳ ሃሽኔ» ጌይ ታኣኮ ዴር ቦሂ ዓሲኬ ዔያቶ ጎዑዎኣሂ ኔ ዘገባኣዓዳ?»

33:14 ዔር. 23:5-6። 33:17 2ሳሙ. 7:12-16፤ 1ካኣቶ. ማ 2:4፤ 1ዖኣሲ. ዓሃኬ 1:11-14። 33:18 ፓይ. ማፃ 3:5-10።

25 ሄሊሳፆ ሃሣ ናንጊና ናንጋ ጎዳ ሂዚ ጌዔኔ፡- «ሮኦሮና ዋንቶና ዋለም ቤሲ ጌሣንዳጉዲ፤ ጩሪንጮና ሳፆናኮዋ ናንጊና ናንጋ ዳምቤ ዓኣያ ማዓንዳጉዲ ጩኣቂ ደዲሼህ ታናኬ፤ ዬያ ታኣኒ ማዲባኣያ ማዔቲ፤

26 ያይቆኦቤንታ ታ ዓይላሢ ዳውቲ ዜርፆዋ ታኣኒ ሃሼኔ ጌይሢኬ፤ ያዲ ማዓያታቲ ታ ዓይላሢ ዳውቲም ዓብራሃሜና ዪሳኣቄና ያይቆኦቤና ዜርፆፓ ዒዛ ቤዛ ካኣታዳንዳናይ ፔቲታፆ ታኣኒ ኬሳዓኩ ጌይሢኬ። ያዲቱዋንቲ ታኣኒ ዔያቶ ማኣራንዳኔ፤ ዔያቶኮ ዲዒንቲ ዔውቲ ባኮዋ ታኣኒ ማሃንዳኔ።»

34

ሴዴቂያሴ ዛላ ኬኤዚንቲ ፆኦሲ ማለሢ

1 ባብሎኔ ካኣቲ፤ ናብካዳናፆኦሪና ዒዛኮ ፆሎ ዓሶና ዒዚ ካኣታዲ ዋይሃ ዓጮ ካኣቶንታ ዴሮንታ ዒዛ ማኣዴም ዬሩሳላሜ ካታሞና ኮይሎ ካታሞዋ ፆላ ዋዶና ናንጊና ናንጋ ጎዳ ታኣም ሂዚ ጌይ ኬኤዜኔ።

2 ታኣኒ ዪሁዳ ካኣቲ ሴዴቂያሴ ኮይላ ዴንዲ ሂዚ ጌይ ኬኤዛንዳጉዲ ዒሰራዔኤሌኮ ፆኦዛሢ ማዔ ናንጊና ናንጋ ጎዳ ታና ዓይሢኔ፡- «ታኣኒ፤ ናንጊና ናንጋ ጎዳ ሃሮ ካታሜሎ ባብሎኔ ካኣቲም ዓኣሢ ዒንጋንዳኔ፤ ዒዚ ዒዛ ታሚና ሚቻንዳኔ።

3 ኔኤኒ ቶላኒ ዳንዳዑዋሴ፤ ኔኤኒ ዲዒንቲ ዔውታንዳኔ፤ ዒዛ ኩጫ ኔኤኒ ዓዲንታንዳኔ፤ ዒዛኮ ቤርታ ዔቂ ኔ ዒዛ ዛጋንዳኔ፤ ዒዚ ኔኤና ዋላ ጌሰታንዳኔ፤ ዬካፓ ኔኤኒ ባብሎኔ ዓኣዳንዳኔ።

4 ሴዴቂያሴ! ናንጊና ናንጋ ጎዳ ጋዓ ባኮ ዋይኬ፤ ኔኤኒ ፆልዚዳ ሃይቃዓኬ፤

5 ኮሺ ሃይቢ ኔኤኒ ሃይቃንዳኔ፤ ኔኤኮ ቤርታ ካኣታዴ፤ ኔኤኮ ቤርታኣ ዓደንሢ ሃይቂ ዋዶና ዴራ ዔያቶ ቦንቺ ታሞ ዔኤሣሢሃጉዲ ኔኤማኣ ኔና ቦንቺ ታሞ ዔኤሣንዳኔ፤ «ኲ ካኣቲዮ ኔና ዋኦ!» ጌይ ጌይ ኔና ዬኤካንዳኔ፤ ዬያ ጌዔሢ ታና፤ ናንጊና ናንጋ ጎዳኬ።»

6 ዬያ ፆኦሲ ማለፆ ዪሁዳ ካኣቲ ሴዴቂያሴም ታኣኒ ዬሩሳላሜይዳ ኬኤዛኣና፤

7 ባብሎኔ ካኣቲኮ ፆሎ ዓሳ ዬሩሳላሜንታ፤ ጊንሣ ዬካፓኣ ዓኣዲ ዪሁዳይዳ ዙሎ ኬኤሎ ዲዶና ዲርቂ ዋርዲዮና ካታሞፓ ዓቲ ዓኣ ላኪሼና ዓዜቃ ጌይንታ ካታሞ ፆላ ፆላ ዓኣኔ።

ዓይላቶፓ ኬሰኪሢ ዛላ

34:1 2ካኣቶ. ማ 25:1-11፤ 2ፆኦሲ. ዓሃኬ 36:17-21።

8 ዓይሌ ማዒ ናንጊሢ ዓታንዳጉዲ ዳርሞ ከኤዛኒ ሴዳቂያሴ የሩሳላሜ ዳርና ዋላ ቡኪ ጌስቲ ጊኢጌሰካፓ ናንጊና ናንጋ ጎዳፓ ሂዚ ጋዓ ቃኣላ ታኣም ከኤዛንቴኔ።

9 ዬይ ዔያታ ጌስቲ ባካ፡- ዔብሬ ዓሲ ማዔያታዎ ዔብሬ ዓሲ ዓይሌ ማሂ ዎይሢ ዓይሎ ቢያ፤ ዓቲንቁንታ ላኣሊንታ ጎዑዎዎ ዓይላቶ ናንጎ ሃሺ ሳንዳጉዲኬ፤ ዓይጎ ዓሲያኣ ማዎም ዒሰራዔኤሌ ፃጲ ማዔይ ፔ ዒጊኖ ዓይሌ ማሂ ዎይሡዋጉዲ ዔያታ ዋላ ጌስቲ ዔቁሴኔ።

10 ዳሮንታ ሱኡጎንታ ቢያ ዒማና ፔኤኮ ዓይሎ ዓይላታፓ ከሲ ሃሻኒና ጊንሢ ሺሪ ዓይሌ ማሂ ዔኪንዲዋኣያ ማዒያዎ ዋላ ጌስቲ ዔኤዔኔ፤ ዬያ ዔያታ ጌስቲ ጊኢጌ ጎይያና ቢያ ዓይሎ ዔያታ ዓይላታፓ ከሴኔ፤

11 ጋዓንቴ ዳካ ጋዓዎ ዔያታ ፔ ማሊያ ሺርሺ ዬያ ዓሶ ጊንሢ ዓይሌ ማሂ ዎይሢ ዎልቃዲሢ ዓርቁኔ።

12 ዬካፓ ዔርሚያሴም ናንጊና ናንጋ ጎዳይዳፓ ሂዚ ጋዓ ቃኣላ ከኤዛንቴኔ፡-

13 ዒሰራዔኤሌ ያኣዛሢ ማዔ ናንጊና ናንጋ ጎዳ ሂዚ ጋዓኔ፤ «ታኣኒ ታ ቶኣኪና ዒንሢኮ ቤርታኣ ዓደንሢ ጊብፂ ዓጫፓ፡ ዓይላቶ ናንጋፓ ዓውሲ ከሴ ዎደና ሂዚ ጌይ ታ ዔያቶና ዋላ ጫኣቁኔ።

14 ዬያ ጫኣቁሞ ጎይያና ፔ ፃጲ ማዔ፡ ዔብሬ ዓሲ ዓይሌ ማሂ ዔኪ ዎይሢ ዓሲ ቢያ ላሆ ሌዔ ማደሰካፓ ላንካሳ ሌያና ዓይላታፓ ከሳንዳጉዲ ታኣኒ ዓይሢኔ፤ ጋዓንቴ ዒንሢኮ ቤርታኣ ዓደንሢ ታኣም ዓይሢንታኒና ታ ጋዓ ባኮ ዎይዛኒያ ኮይባኣሴ፤

15 ሃይሾ ዒንሢያ ሃሢ ዳካ ከሊኮ ቤርታ ዒንሢ ማደ ማደ ደቢንቲ ማዔሢ ዔሪ ታና ዎዛሳ ማደ ማደሢ ዓርቁዎኬ፤ ዒንሢ ዎዎደይ፡- ቢያሢ ዒሰራዔኤሌ ፃጲ ማዔ፡ ዒንሢ ዒጊኖ ዓይላታፓ ከሳኒ ዋላ ጌስቲ ጊኢጌኔ፤ ታኣኒ ካኣሽኪንታ ጌኤኮ ማኣርይዳ ቡኪ ታ ቤርታ ዒንሢ ጫኣቁኔ፤

16 ጋዓንቴ ዒንሢ ጊንሢ ዒንሢኮ ማሊያ ሺርሺ ቦርሲሳ ማደ ማደኔ፤ ዒንሢ ዎዎደይ ጌዔቴ፡- ዒንሢ ቢያሢ ዒንሢ ሹኔና ጉሪ ሃሺ ዓይሎ ጊንሢ ዔኪ ዎይሥሢ ዓርቁኔ።

17 ዓካሪ ዎይዙዋቴ፤ ታኣኒ፡ ናንጊና ናንጋ ጎዳ ዒንሢማኣ ሂዚ ጋዓኔ፡- ታኣም ዒንሢ ዓይሢንቲባኣሴ፤ ዒንሢ ዒጊኖ ማዔ ዒሰራዔኤሌ ዓሶ ዓይላታፓ ዒንሢ ከሲባኣሴ፤ ዬያር ያልዚ፡ ናይዚንታ ፑርታ ደርዓኣ ዒንሢ ኩርሳንዳጉዲ ታኣኒ ሃሻንዳኔ፤

34:14 ከሲ. ማፃ 21:2፤ ላሚ. ዎማ 15:12።

ዒንሢዳ ታ ማዳ ባካ ዓጪ ዳሬ ቢያኮ ዑሰካ ገላንዳጉዲ ታኣኒ ማሃንዳኔ።

18 ዒንሢዳኮ ዓይሎ ዒንሢ ሃሻኒ ታ ቤርታ ጫአቁ ዎደና ፔቴ ናኣሪ ላምዎ ቤሲ ቲቁ ይያኮ ባኣኪና ዒንሢ ዓኣዳኔ፤ ጋዓንቴ ዒንሢ ይያ ጫአቁሞንታ ታኣኒያ ዒሰራዔኤሌ ዳርና ዎላ ጫአቁ ጫአቁሞዎ ከኤሪ ሃሽኔ፤ ይያር ዒንሢ ናኣርማ ማዳ ጎይዎ ታኣኒያ ዒንሢዳ ዒማይዳንዳኔ።

19 ዪሁዳና ዩዶሳላሜናኮ ዳኤፖ ዳኤፖ ዓሶንታ ካኣቱሞ ማኣራ ቢታንቶና ዓኣ ዓሶንታ ቄኤሶንታ ይያ ናኣር ላምዎ ቤሲ ቲቃዎ ይያይዳና ሃንቲ ዳንዳ ይኖ ዓጮ ዳርዎ ቢያ።

20 ዔያቶ ዎዳኒ ኮዓ፡ ዔያቶኮ ሞርኮም ታ ዔያቶ ዓኣሢ ዒንጋንዳኔ፤ ዔያቶኮ ሌዘ ቢያ ካፖና ካዮ ሰዖና ሙዓንዳኔ።

21 «ዪሁዳ ካኣቲ ሴዳቂያሴና ቢታንታ ዓኣ ዓሶና ቢያ ዔያቶ ዎዳኒ ኮዓ ሞርኮም ታኣኒ ዓኣሢ ዒንጋንዳኔ፤ ታ ዒንሢ ዓኣሢ ዒንጋንዳሢ ዒንሢ ዖሊዎ ዳካር ሃሽ፡ ባብሎኔኮ ዖሎ ዓሶሞኬ።

22 «ታኣኒ ዔያቶ ዓይሣንዳኔ፤ ዔያታ ሃኖ ካታሞ ገንሣ ማዒ ሙካንዳኔ፤ ይካፓ ዔያታ ዖሊ ዓርቄሰካፓ ታሚና ሚቻንዳኔ፤ ዪሁዳይዳ ዓኣ ካታሞ ቢያ ዓይጎ ዓሲያኣ ናንጉዎ ቤሲ ታኣኒ ማሃንዳኔ። ይያ ገዔሢ ታና፡ ናንገና ናንጋ ጎዳኬ።»

35

ሬካባ ዓሶኮ ጉሙርቁንቲዎ

1 ዒዮሲያሴ ናኣዚ፡ ዒዮዓቄሜ ዪሁዳይዳ ካኣታዳ ዎደና ናንገና ናንጋ ጎዳ፡-

2 «ሬካባ ዓሶ ማኣር ዓሶ ኮይላ ዳንዲ ዔያቶና ገሰቴ፤ ይካፓ ገኤዢ ማኣርኮ ዓኣ ቆልዖፓ ፔቴይዳ ዔያቶ ገልዚ ዔያታ ዑሸካንዳ ዎይኔ ዑሺ ዔያቶም ዒንጌ» ገይ ታኣም ከኤዜኔ።

3 ይያር ታኣኒ ዔርሚያሴ ናኣዚ ይዓዛኒያንታ ሃባዲኒያ ናኣዚንታ ገርሲንሢንታ ዔያቶኮ ናኣቶንታ ቢያ፡ ሬካባ ማኣር ዓሶ ጉቤ ዔኪ ዳንዳኔ።

4 ዔያቶ ታኣኒ ገኤዢ ማኣሪ ዔኪ ይዒ፡ ሃናኒ ናኣቶ ቆልዎ ገልዜኔ፤ ሃናኒኮ ዓዳ፡ ገይሊያ ዖኣሲ ዓሲኬ። ይና ቆልዓ ቢታንታ ዓኣ ዓሶ ቆልዖኮ ኮይላ፡ ማዒሴያ ገይንታ ዓሢ ቆልዖኮ ከዳኬ፤ ማዒሴያ ገኤዢ ማኣሪ ገሎ ካር ካፓ፡ ሽሉሜ ናይኬ።

35:1 2ካኣቶ. ማ 23:36—24:6፤ 2ዖኣሲ. ዓሃኬ 36:5-7።

5 ታኦኒ ዒማና ዋይኖ ዑዠ ኩንሢ ጌሦና ዒንጎንታ ዑዠ ዑሽኮ ዒንጎንታ ሬካባ ዒሶ ቤርታ ጌሢ፡- «ሃያ ዋይኖ ዑዠ ዑሽኮዋቴ» ጌዔኔ።

6 ዔያታ ጋዒንቴ ማሃዎ፡- «ኑኡኒ ዋይኖ ዑዠ ዑሽካዒኬ፤ ሬካባ ናይ ማዔሢ፤ ኑኡኮ ዒዳሢ፤ ዒዮናዳኦኒ ኑና ማዔቴያ ኑኡኮ ዜርፃኦኒ ቢያ ፔቴታዎ ዋይኔ ዑሺ ጋዒ ባኦዚ ዑሽኮዋጉዲ ላኦኒ።

7 ዔያ ሌሊቱዋንቴ ማኦሪ ኑ ማዠዋጉዲ፤ ጎሺ ኑ ጎሽኮዋጉዲ፤ ዋይኔ ቱኮንዶ ቤሲያ ዔኪ ኑኡር ማሃ ኑ ኮሺ ዒርቁዋጉዲ ኑና ላኦኒ፤ ሸኦቲዎዲ ሌሊ ማዒ ሃያ ሳይይዳ ማርጌ ዋዴ ናንጋንዳጉዲ ዒፒላና ማዠ ማኦሪ ኑ ማዠኒ ኮይሳሢ ኑኡም ዒዚ ኬኤዚ ዒይሢ።

8 ዒዮናዳኦኒ ኑኡም ኬኤዚ ዒርዜ ባኮ ቢያ ኑ ዔኬኔ፤ ዔያር ኑና ማዔቴያ ኑኡኮ ላኦላ፤ ኑኡኮ ዒቲንቆንታ ዉዲር ናኦቶንታ ዋይኖ ዑዠ ኑ ዑሽኮዋሴ፤

9 ማርጌ ዋዴ ናንጎ ማኦሪ ኑ ማዠዋዎ ዒፒላና ማዠና ማኦሪዳ ኑ ናንጋኔ፤ ዋይኔ ቱኮ ቤሲንታ ሃኦኮ ኑ ጎሽካ ጎሺያ ኑኡኮ ባኦሴ፤

10 ኑኡኒ ዒፒላና ማዠና ማኦሪዳ ናንጋኔ፤ ኑኡኮ ቤርታኦ ዒዳሢ፤ ዒዮናዳኦኒ ኑና ዒይሢ ባኮ ጉቤ ዒኔፓ ኑ ዒይሢንጉ ካፒ ናንጋኔ።

11 ጋዒንቴ ባብሎኔ ካኦቲ፤ ናብካዳናዎኦሪ ሙኪ ዒጨሎ ዖሊ ዒርቁ ዋይኖ ባብሎኔ ዒሶና ሶኦሪያ ዒሶናኮ ዖሎ ዒሳፓ ኑኡኒ ፑኒ ቶላኒ ሃይካ ዩሩሳላሜ ሙኬኔ፤ ሃሢ ኑኡኒ ሃይካ ዩሩሳላሜይዳ ናንጋሢ ዩያርኬ» ጌዔኔ።

12-13 ዩካፓ ዒሰራዔኤሌ ዖኦዛሢ ማዔ ቢያ ባኮ ዋይሢ ጎዳ ዩሁዳና ዩሩሳላሜና ዴር ኮይላ ዴንዲ ሂዚ ጌይ ዔያቶ ዒይሢንዳጉዲ ታኦም ኬኤዜኔ፡- «ኬኤዘ ባኦዚ ዒንሢ ዔኪ ታ ቃኦሎም ዒይሢንታኒ ዒንሢ ዳንዳዑዋዒዳ?

14 ዒዮናዳኦኒ ዜርፃታዎ ዋይኖ ዑዠ ዑሽኮዋጉዲ ዔያቶኮ ዒዳሢ ዔያቶ ዒይሢ ቃኦሎ ካፒ ሃኦዛጉዋቴ ሃይማ ሄላንዳኦና ፔቴታዎ ዋይኔ ዑሺና ካኦሙዋሴ፤ ታኦኒ ጋዒንቴ ዒንሢም ቢያ ዋዴ ላሚ ላሚ ኬኤዜኔ፤ ዒንሢ ጋዒንቴ ታኦም ዒይሢንታኒ ኮዑዋሴ፤

15 ታ ማሊዖ ኬኤዛ፤ ታ ዒይሎ ታ ዒንሢ ኮይላ ላሚ ላሚ ዳኬኔ፤ ዔያታ ዒንሢም ዒንሢ ፑርቶ ማዶ ሃሺ ፒዜ ባኦዚ ማዳንዳጉዲ ኬኤዜኔ፤ ዒንሢ ማሌ ዖኦዛም ዚጉዋጉዲና ዔያቶም ማዳያ ዒንሢ ማዑዋጉዲ ዒንሢም ላቲ ኬኤዜኔ፤ ዒንሢና ዒንሢኮ ቤርታኦ ዒዶንሢናም ታኦኒ ዒንጌ ዒጨሎይዳ ዒንሢ ናንጋንዳጉዲ ዔያ ቢያ ታ ዒንሢ ዒይሢ፤ ዒንሢ ጋዒንቴ ታኦም ዋይዛኒና ታ ዒንሢም ኬኤዛ ቃኦሎ ዔኤቢኬ ጋዒኒ ኮይባኦሴ።

16 ሬካቤ ናኣዚ፡ ዒዮናዳኣቤ ዜርፃ ዔያቶኮ ቤርታኣ ዓድገሢ ዔያቶ ዓይሢ ባኮ ቢያ ማዲ ኩገሢኔ፤ ዒገሢ ታ ዴራ ጋዓገቴ ታኣም ዓይሢገቲባኣሴ።

17 ዬያሮ ታኣኒ ዒሰራዔኤሌ ፆኦዛሢ ማዔ ቢያ ባኮ ዎይሢ ጎዳሢ <ዒገሢዳ ዓጋገዳኔ> ጌዔ ባይሲገቶ ቢያ ዪሁዳና ዬሩሳሌምናይዳ ናገጋ ዓሶ፡ ዒገሢዳ ዔኪ ዬዓገዳኔ፤ ዬያ ታኣኒ ማዳገዳሢ ዒገሢዳም ታኣኒ ኬኤዛገቴ ዒገሢዳ ዎይዞ ዒፆሢና ታኣኒ ዔኤላዛኣ ዒገሢዳ ዬሆ ዒፆሢሮኬ።»

18 ዬካፓ ታኣኒ ዔርሚያሴ ሬካባ ዓሶም ዒሰራዔኤሌ ፆኦዛሢ ማዔ ቢያ ባኮ ዎይሢ ጎዳሢ ኬኤዜ ቃኣሎ ሂዚ ጌይ ፔጋሲ ኬኤዜ፡- «ዒገሢዳኮ ቤርታኣ ዓዳሢ፡ ዒዮናዳኣቤ ዒገሢዳ ዓይሢ ባኮ ቢያ ማዲ ዒገሢዳ ኩገሢኔ፤ ዒዚ ዒገሢዳ ኬኤዚ ዔርዜ ባኮዎ ቢያ ዒገሢዳ ማዳኔ፤ ዒዚ ዓይሢ ባኮዎ ቢያ ዒገሢዳ ዓይሢገቲ ኩገሢኔ፤

19 ዬያሮ ዒሰራዔኤሌ ፆኦዛሢ ማዔ ቢያ ባኮ ዎይሢ ጎዳ ሂዚ ጋዓኔ፡- «ሬካባ ናኣዚ፡ ዒዮናዳኣቤኮ ዜርፃፓ ቢያ ዎዴና ታኣም ማዳገዳ ዓሲ ባይቃዓኬ።» »

36

ቁርጋቴ ቢራኖ ማፃአፖ ባኣሮኬ ናባቤሢ

1 ዒዮሲያሴ ናኣዚ፡ ዒዮዓቁሜ ዪሁዳይዳ ካኣታዳገቴ ዎይዳሳ ሌዎና ናገገና ናገጋ ጎዳ ታኣም ሂዚ ጌዔ፡-

2 «ታኣኒ ኔኤና ዎላ ጌሰቶ ዓርቁማፓ፤ ገገሢ ሃሃ ዒዮሲያሴ ካኣታዳማፓ ዓርቃዎ ሃሮ ሄላገዳኣና ዒሰራዔኤሌ ዴሮ ዛሎ፡ ዪሁዳ ዴሮ ዛሎገታ ሜሌ ዴሮ ዛሎዎ ቢያ ታ ኔኤም ኬኤዜ ባኮ ቢያ ቢራናይዳ ፆኣፔ።

3 ዪሁዳ ዴራ ታኣኒ ዔያቶይዳ ዔኪ ዬዓኒ ማሌ ባይሲገቶ ዎይዜ ዎድና ጎዎገቴ ፑርቶ ማዳፓ ማዓገዳያናገዳኔ፤ ታኣኒያ ዔያቶኮ ዳቢገቶገታ ጎዎዎ ዓቶም ጋዓገዳኔ።»

4 ዬያሮ ታኣኒ ኔሪያ ናኣዚ፡ ባኣሮኬ ዔኤሊ ናገገና ናገጋ ጎዳ ታኣም ኬኤዜ ባኮ ቢያ ፔቴ ፔቴ ኬኤዜም ዒዚ ቁርጋታ ቢራናይዳ ፆኣፔ።

5 ዬካፓ ታኣኒ ባኣሮኬም ሂዚ ጌይ ኬኤዚ ዓይሢ፡- «ሃይካፓ ሴካ ጌኤዞ ማኣሪ ታኣኒ ጌሉዎጉዲ ታና ላኣገና፤

6 ጋዓገቴ ገገፃኣ ዓሶ ዴራ ሙዎ ሃሺ ሺኢጲዎ ሺኢቃኣና ኔኤኒ ዒኢካ ዴገዳገዳጉዲ ታኣኒ ኮዓኔ፤ ናገገና ናገጋ ጎዳ ታኣም ኬኤዜ ቃኣሎ ቢያ ፔቴ ፔቴ ታ ኔኤም ኬኤዜም ቁርጋታ ቢራኖ ማፃአፖይዳ ኔ ፆኣፔ ባኮ ቢያ ዑኡዞ ኔኤኮ ዴገዲ ዔያቶም ናባቤ፤ ካታዎኮ ዙላ

36:1 2ካኣቶ. ማ 24:1፤ 2ዎኣሲ. ዓሃኬ 36:5-7፤ ዳኣኔ. 1:1-2።

ዓኣ ጉርዶ ጉርዶፓኣ ሙኩ፣ ዪሁዳ ዴራኣ ዓቲዎፖ ቢያሢ ዋይዛንዳ ቤሲዳ ዔቁ ዬያ ማዳ፤

7 ናንጊና ናንጋ ጎዳ ዒጊቻያ ማዔ ዳጎና ፑርቶ ባከና ዴሮይዳ ዔኪ ዬይ ዴሮ ማቶይዳ ዓጋንዲያ ማዔሢ ከኤዜያታሢሮ ጎፖንቴ ዔያታ ፑርቶ ማዳ ማዳ ዔሬ፣ ሃሺ ናንጊና ናንጋ ጎዳ ሺኢቃንዲያናንዳ።።»

8 ዬያሮ ባኣሮኬ ዓዳ ታ ጌዔማ ጎይዎ ጌኤዡ ማኣሮይዳ ናንጊና ናንጋ ጎዳኮ ቃኣሎ ናባቤ።።

9 ዪሁዳ ካኣቲ፣ ዒዮሲያሴ ናኣዚ ዒዮዓቁሜ ካኣታዳንቴ ዶንጋሳ ሊዎኮ ታዘዳሳ ዓጊናና ዬሩሳላሜ ዴሮንታ ዪሁዳ ካታማፓ ሙኩ ዴሮንታ ናንጊና ናንጋ ጎዳፓ ማኣሪሢ ዴንቃኒ ሙኡዚ ሃሺ ሺኢቆ ሺኢጲሢ ከሊ ጌሢ።።

10 ዴሮ ዋይዛኒ ዳንዳዓ ጎይሢና ታኣኒ ዒዛም ከኤዜም ቢራኖ ማፃአፖይዳ ዒዚ ፃኣፔ ቃኣሎ ቢያ ባኣሮኬ ዒማና ዴሮም ናባቤ።። ጌኤዡ ማኣሮይዳ ዒዚ ዬዮ ማዳሢ ፃኣፔ ዓርቆ ባኮ ፃኣፓ፣ ሳኣፓኔ ናኣዚ፣ ጌማሪያኮ ቆልዎ ጋሮና ጌሊኬ፤ ዬና ቆልዓ ጌኤዡ ማኣሪ ጌሎ «ማርሾ ካሮ ዓኮ» ጌይንታዞኮ ኮይላ ከዶ ዛሊና ዴራ ቡካ ቤዞና ዳካ ዎኣኪ ዓኣያኩ።።

ቢራኖ ማፃአፖይዳ ዓኣ ቃኣላ ቢታንታ ዓኣ ዓሶም ናባቤንቴሢ

11 ሳፓኔኮ ናኣዚ ናፖ ማዔሢ፣ ጌማሪያ ናኣዚ፣ ሚኪያሴ ናንጊና ናንጋ ጎዳኮ ቃኣሎ ቢያ ቢራኖ ማፃአፓፓ ባኣሮኬ ናባባሢ ዋይዜ።።

12 ዬካፓ ዒዚ ካኣቲዎ ማኣሮይዳ፣ ቢታንቶና ዓኣ ዓሳ ዓኣ ቤዞ ፃኣፓሢ ከኤዎ ዴንዲ ጌሌ፤፤ ዒማና፡- ፃኣፓሢ ዔሊሻማዔ፣ ሽማዒያ ናኣዚ ዴላያ፣ ዓክቦኦሬ ናኣዚ ዔልናኣታ።፣ ሳኣፓኔ ናኣዚ ጌማሪያ፣ ሃና ናኣዚ ሴዴቂያሴንታ ሜሌ ቢታንቶና ዓኣ ዓሲያኣ ዒኢካ ዴዒ ዓኣ።።

13 ዬያሮ ዒዚ ዴሮም ባኣሮኬ ናባባንቴ ዋይዜ ቃኣሎ ቢያ ዔያቶም ከኤዜ፤፤

14 ቢታንታ ዓኣ ዓሳ ቢያሢ ዴሮም ዒ ናባቤ፣ ቁሪንቴ ቢራኖ ማፃአፔሎ ባኣሮኬ ዔኪ ዬዓንዳጉዲ ከኤዞም ጌይ ዪሁዲ ጎፖሰኬያ ዳኬ፤፤ ባኣሮኬያ ቁሪንቴ ቢራኖ ማፃአፔሎ ዔኪ ዬያቶ ቢታንታ ዓኣ ዓሶ ኮይላ ዬዔ፤፤

15 ዔያታ ዒማና፡- «ሂንዳ ዓካሪ ዴይፓፓ ፃኣፔንቴ ባኮ ናባቤ!» ጌዔ፤፤ ባኣሮኬያ ዓይሢንቴ ጎይዎማ ማዳ።።

16 ዒዚ ናባቤ ጋፔሴሰካፓ ዔያታ ዲቃቲሢሮ ዎሊ ሴካ ሃንጋ ዛጋዎ፡- «ሃያ ባኮ ካኣቲም ኦኡኒ ዔርዛኒ ኮይሳ።» ጌዔ፤፤

17 ዬካፓ ሃሢ ዔያታ፡- «ሃያ ባኮ ኔኤኒ ዎይቲ ፃኣፔቲያ ሂንዳ ከኤዜ፤፤ ሃያ ኔኤኒ ፃኣፔሢ ዔርሚያሴ ፔ ዳንጋና ኔኤም ከኤዜምዳ?» ጌይ ባኣሮኬ ዎኦፎ።።

18 ባኣሮኬ ማሃያ፡- «ጎኔኬ፥ ቃኣሎ ፔቴ ፔቴ ታኣሞ ኬኤዘህ ዔርሚያሴኬ፤ ታኣኒያ ዬያ ቃኣሎ ሃያ ቢራኖይዳ ቃላሚና ፃኣፔኔ» ጌዔኔ።

19 ዔያታ ዒማና፡- «ኔናጎታ ዔርሚያሴጎታ ማይ ፔቴ ቤሲ ዴጎዲ ፑፑኑዋቴ፤ ዒጎህ ዓኣ ቤዘ ዓይጎ ዓሲያኣ ዔርፓ» ጌዔኔ።

ካኣቲ ቢራኖ ማፃአፖ ሚቹህ

20 ቢታጎታ ዓኣ ዓሳ ቁሪጎቴ ቢራኖ ማፃአፖ ፃኣፓህ ዔሊሻማዔ ኬኤፃ ጌህ፤ ካኣቲ ዴዒ ዋጎ ዋጋ ቤዘ ዴጎዳፃ ዬያ ሃይሶ ቢያ ኬኤዘኔ፤

21 ካኣቲ ዬያ ቁሪጎቴ ቢራኖ ማፃአፖ ዔኪ ዬዓጎዳጉዲ ዪሁዲ ዓይህኔ፤ ዬያሮ ዒዚ ዬያ ቢራኖ ዔሊሻማዔ ኬኤፃፓ ዔኪ ካኣቲና ካኣቲኮ ኮይላ ዔቁ ዓኣ፥ ቢታጎታ ዓኣ ዓሶ ቢያህሞ ናባቤኔ።

22 ታዘጳሳ ዓገኖና ዬና ዓገኔላ ባርገ ዓገኒታህሮ ካኣቲ ዬና ዋዶ ዴዒ ዓኣህ፥ ካኣቲሞ ማኣሮይዳ ታሞ ዔኤሦ ናኣሶኮ ሆታ ዴዒ ዓኣኔ፤

23 ዪሁዲ ሃይሦ፥ ገጎህ ሃህ ፃይዶ ፓቆና ቤሲ ማዓያ ናባቢ ጋፓማና ጋፓማና ካኣቲ ናባቢጎቴ ቢራኖ ማፃአፖ ፃኣፓህኮ ዓፓሮና ቲቁ ቲቁ ታሞይዳ ዓጋኔ፤ ዬያይዴ ጎይህ ቁሪጎቴ ቢራኖ ማፃአፖ ጉቤ ሚቹኔ።

24 ካኣቲጎታ ቢታጎታ ዓኣ ዓሶጎታ ዬያ ናባቢጎቴ ባኮ ዋይዛፃ ፔቴታፃ ዒኔ ዲጲ ዒገጩዋያ ማዔኔ፤ ሃህ ፃዩ ፔኤኮ ማኣዓህያ ዳርዚባኣሴ።

25 ዒማና ዔልናኣታኔጎታ ዴላያጎታ ጌማሪያጎታ ካኣቲ ዬያ ቢራኖ ማፃአፖ ሚቹዋጉዲ ሸኣቁጎቴያ ካኣቲ ዔያቶሞ ዋይዚባኣሴ።

26 ዬካፓ ዒዛኮ ናኣዚ ዪራሂሚዔኤሌ ፔኤና ዋላ ዓዘሪዔኤሌ ናኣዚ ሴራያና ዓብዲዔኤሌ ናኣዚ ሹሌሚያ ዔኪ ታናጎታ ባኣሮኬጎታ ዓርቃጎዳጉዲ ዒ ዓይህኔ፤ ኑና ጋዓጎቴ ናጎገና ናጎጋ ጎዳ ዔያቶ ዓኣፓፓ ዓኣቹኔ።

ዔርሚያሴ ላሚ ገጎህ ፃኣፔ ቃኣሎ

27-28 ታኣኒ ኬኤዘሞ ባኣሮኬ ፃኣፔ፥ ቁሪጎታ ቢራኖ ማፃአፖ ካኣቲ ዒዮዓቁሜ ሚቹሰካፓ ሜሌ ቁሪጎታ ቢራኖ ታኣኒ ዔኪ ቤርታ ኬኤዚጎቴ ቃኣሎ ፃኣፓጎዳጉዲ ናጎገና ናጎጋ ጎዳ ታና ዓይህኔ።

29 ካኣቲማኣ ታኣኒ ሂዚ ጌይ ኬኤዛጎዳጉዲ ታና ናጎገና ናጎጋ ጎዳ ዓይህኔ፡- «ኔኤኒ ቁሪጎታ ቢራኖ ማፃአፖ ሚቹኔ፤ ላብሎኔ ካኣቲ ሙኪ ሃና ዓጮጎታ ዒዚይዳ ናጎጋ ዴሮጎታ፤ ዬያጉዲ ሃህ ቆልሞዋ ቢያ ባይዛጎዳኔ» ጌይ ዓይጋ ኔኤኒ ፃኣሲ ማሊፃ ኬኤዘይ? ጌይህና ዔርሚያሴ ኮይላ ኔኤኒ ፃኣጩኔ፤

30 ካኣቲዮ ዒዮዓቁሚ! ዋይዜ፤ ናንገና ናንጋ ጎዳ ኔ ዛሎ ሂዚ ጋዓኔ፡- «ኔ ዜርፃፓ ፔቲ ዓሲታዎ ዳውቲኮ ካኣቲሞ ያይቶይዳ ዴዒ ካኣታዳዓኬ፤ ኔኤኮ ሌዛ ቦልካ ዓቦ ሩኡጶና ዒባኖ ጨኢዦናይዳ ኬኤሪንታንዳ፤»

31 ዒንሢ ማዳ ጎሞ ዛሎ ኔናንታ ኔኤኮ ናኣቶንታ ኔኤኒ ቢታንቶ ዒንጌ ዓሶንታይዳ ታኣኒ ሜቶ ዒጋንዳ፤ ኔኤኒ፤ ገንሣ ሃሣ ዬሩሳላሚና ዪሁዳ ዴሮና ታ ዒንሢሞ ላቲ ኬኤዜ ባኮ ዔኤቢኬ ዒንሢ ጌይባኣሴ፤ ዬያሮ ሃያኮ ቤርታ ዒንሢዳ ታኣኒ ዒጋንዳ፤ ጌይ ማሌ ፑርቶ ባኮ ቢያ ዒንሢዳ ሄሊሳንዳ፤» »

32 ዬካፓ ታኣኒ ማሌ ቁሪንታ ቢራና ዔኪ ታኣኮ ዔቦ ፃኣፒ ዓርቃ ባኣርኬሞ ዒንጌ፤ ዒዚያ ዳንጋና ታ ዒዛሞ ኬኤዜ ባኮ ቢያ ዒኢካ ፃኣፔ፤ ዬያይዳ ዪሁዳ ካኣቲ ዒዮዓቁሚ ታሞና ሚቹ ቢራኖይዳ ፃኣፒንቲ ዓኣ ባካ ገንሣ ፃኣፒንቲ፤ ዒማና ማሌ ቤርታኣሲ ማላ ሚርጌ ቃኣላ ገዳ ቃሲንቲ፤

37

ሴዴቂያሴ ዔርሚያሴ ያኦጩ ያኦጩሢ

1 ባብሎኔ ካኣቲ፤ ናብካዳናዶኦሪ ዒዮሲያሴ ናኣዚ ሴዴቂያሴ ዒኮኒያ ቤዛ ዪሁዳይዳ ካኣታሢ፤ ዒዚ ዒዮዓቁሚ ናይኬ።

2 ሴዴቂያሴንታ ሃንጎ ቢታንታ ዓኣ ዓሶንታ፤ ገንሣ ሃሣ ዴሮንታ ናንገና ናንጋ ጎዳ ታኣሞ ኬኤዜ ቃኣሎሞ ዔያታ ዓይሢንታዎ ማዒባኣሴ።

3 ካኣቲ፤ ሴዴቂያሴ ሹሌሚያ ናኣዚ ሁካሌና ማዒያ ናኣዚ ቁኤሳሢ ሶፖኒያሴና ታ ኮይላ ዳኪ፡- «ኦ ዴሮ ዛሎ ኦኤኮ ያኦዛሢ ማዔ ናንገና ናንጋ ጎዳ ኦኤሞ ሹኢቁ» ጌይ ያኦጩሴ።

4 ታኣኒ ዬማና ሃጊ ቱኡዞ ማኣሪ ጌሊ ቱኡቲባኣሴ፤ ዬያሮ ታኣኒ ዴሮ ባኣካ ሜታ ባኣያ ሴካ ሃንጋ ሃንታ።

5 ዒማና ሃሣ ባብሎኔ ዓጮኮ ያሎ ዓሳ ዬሩሳላሚ ሙኪ ማንጌ፤ ጋዓንቲ ገብፃ ዓጮ ያሎ ዓሳ ዛጶና ፒንቁ ሙካሢ ዔያታ ዋይዛዎ ዬያ ቤዛ ሃሺ ገንሢሞ ዶጩ።

6-7 ዬካፓ ዒሰራዔኤሌ ያኦዛሢ ማዔ ናንገና ናንጋ ጎዳ ሴዴቂያሴሞ ኪኢቶ ዓሶንሢ ዑፃ ሂዚ ጌይ ኬኤዚ ዳካንዳጉዲ ታና ዓይሢ፡- «ሃይሾ፤ ኔና ማኣዳኒ ሙኬ፤ ገብፃ ዓጮ ያሎ ዓሳ ፔ ዓጮ ገብፃ ገንሣ ማዒሢ።

8 ባብሎኔ ዓሳ ማዒ ገንሣ ሙካንዳ፤ ዔያታ ያልዚ ቡሊ ካታሚሎ ዓርቃንዳ፤ ታሚናኣ ዔያታ ካታሞ ሚቻንዳ፤

37:1 2ካኣቶ. ማ 24:17፤ 2ያኣሲ. ዓሃኬ 36:10።

9 ናንጊና ናንጋ ጎዳ ሂዚ ጋዓኔ፡- <ብብሎኔ ዓሳ ጊንሣ ማዒ ዓኣዳጎዳኔ> ጌይ ዒንሣሂና ጌሺፖቴ፤ ዔይታ ማዒ ዳንዳያቱቀሶ።

10 ብብሎኔ ዓጮ ያሎ ዓሶ ጋፒ ዒንሣሂ ባሼያ ማዔቴያ ዔይታፓ ዱኡቲ ኪፃዲ ዳካ ቶሊ ዓቲ ፔ ኬኤያይዳ ዓኣዘንሣሂ ጊንሣ ደዲ ዔቂ ካታሜሎ ታሚና ሚቸ ባይዘንዳኔ።»

ዔርሚያሴ ዓርቂንቲ ቱኡቴሂ

11 ዬያኮ ቤርታ ጊብዳ ዓጮ ያሎ ዓሳ ሙኪ ዑኬሂ ብብሎኔ ዓሳ ዋይዘያ ቤዘ ሃሺ ጊንሣም ደጩኔ፤

12 ታኣኒ ታ ማኣር ዓሶፓ ታኣም ማዒ ዘላ ማሂ ኑ ዴና ዘሎ ዒንጎ ባኮ ዔካኒ ቢኢኒያሚ ዓጮ ዳንዳኒ ዬሩሳላሚፓ ዔቂቴ።

13 ጋዓንቲ ቢኢኒያሚ ዓጮ ጌሎ ዲር ካር ታ ሄላኣና ካር ካፓ ዓሶኮ ሱኡጌ፡ ሱንፃ ዪሪያ ጌይንታ፡ ሃናኒያኮ ናኣዚ ናይ ማዔ፡ ሼሌሚያ ናይሰኬይ፡- «ኔኤኒ ሃይና ፑኒ ብብሎኔ ዓጮ ዓኣዳ ዓኣዳያቱቀይ!» ጌይ ታና ቃዘኔ።

14 ታኣኒ ዒማና፡- «ኔ ጋዓሣጉዲ ታኣኒ ሃይና ፑኒ ዳንዳ ዓሰቱቀሶ!» ጌይ ማሄኔ፤ ጋዓንቲ ዪሪያ ታ ጋዓሣ ዋይዘኒ ኮይባኣሴ፤ ቱኪ ታና ዔኪ ቢታንታ ዓኣ ዓሶ ቤርቶ ዔኪ ዳንዳኔ፤

15 ዔይታኣ ዒናፓ ደጋዲ ታና ጳርቂሴሰካፓ ቱኡሲ ማኣሪ ማሂ ዔይታ ጊኣጊሹ፡ ፃኣፓሂ ዮናታኣኔ ኬኤፃ ዔኪ ጌልዚ ታና ቱኬኔ፤

16 ታኣኒ ዒማና ማኣር ኮይላ ቦኦኮና ጮኦራ ዔቴይዳ ሚርጌ ዋዴ ዴዔኔ።

17 ዳካ ኔጌሰካፓ ካኣቲ፡ ሴዳቂያሴ ኪኢታ ዓሰ ዳኪ ፔ ኮይላ ዔኪ ሙኡሲ ዒዚ ሌሊ ታኣና ጌሰታ፡- «ናንጊና ናንጋ ጎዳ ኔኣም ኬኤዜ ባኣዚ ዓኣ?» ጌይ ታና ያኦጩኔ።

ታኣኒያ፡- «ሂዮ፡ ዓኣኔ!» ጌይ ሃይሶ ኬኤዚ ዓርቃፃ «ኔኤኒ ብብሎኔ ካኣቲም ዓኣሣ ዒንጊንታንዳኔ» ዒዘም ጌዔኔ።

18 ዬካፓ ታኣኒ፡- «ቱኡሲ ማርካ ኔ ታና ቱካንዳጉዲ ኔናንታ ኔኤኒ ቢታንቶ ዒንጌ ዓሶንታ ሃያ ዳርንታም ታኣኒ ዓይጎ ፑርቲሴይ?»

19 ሂንዳ ዋይዘ፤ <ብብሎኔ ካኣቲ ኔናንታ ኔ ዓጮንታ ዋኦታንዳ ባኣዚ ባኣሴ> ጌይ ሎንሦ ኬኤዜ ዓሳ ሃሣ ዋካዳይ?»

20 ዬያር ካኣቲዮ! ኔኤኒ ታ ጋዓሣ ዋይዘንዳጉዲና ታ ኔና ያኦጩ ባኮዋ ማዲ ኔ ኩንሣንዳጉዲ ታ ኔና ሺኢቃኔ፤ ዬይ ዓይጎዳይ ጌዔቴ፡ ቱኡዘ ማኣር ማዔ፡ ዮናታኣኔ ኬኤፃ ጊንሣ ታና ማሂ ዳኪፖ፤ ዬካ ኔ ታና ማሂ ዳኬቴ ታ ሃይቃንዳኔ» ጌይ ዒዘ ያኦጩኔ።

21 ዬያር ካኣቲ፡ ሴዳቂያሴ ካኣቲም ማኣርኮ ዲር ጋራ ቱኡሲ ዓሰ ማዒ ዳዓንዳጉዲ፡ ጊንሣ ሃሣ ካታሞይዳ ሙዓኒ ካሦ ባኣዚ ጋፒ

ባይቃንዳ ከሎ ሄላንዳኣና ላኣዶ ላኣዳ ዓሳ ከላ ከላ ፔቲ ላኣዳ ታኣሞ ዒንጋንዳጉዲ ዓሶ ዒ ዓይሄኔ፤ ዬያሮ ታኣኒያ ዒኢካ ዴዔ።

38

ዔርሚያስ ጮኦራ ዔቲይዳ ከኤሪንቴህ

1 ማኣታኣኔ ናኣዚ ሴፓዲያ፡ ፓሽሁሬ ናኣዚ ጌዳሊያ፡ ሸሌሚያ ናኣዚ ሁካሌና ማልኪያ ናኣዚ ፓሽሁሬ ናንጊና ናንጋ ጎዳ ታኣሞ ከኤዜ ቃኣሎ ዴሮሞ ታኣኒ ከኤዜ ዔርዘህህ ዋይዜኔ፤

2 ታኣኒ ዴሮሞ ከኤዜ ቃኣላ፡- «ካታሞይዳ ዓቲ ዓሳ ቢያ ያልዚና፡ ናይዚና፤ ዬያጉዲ ሃሃ ዶርዮናኣ ሃይቁ ኩዳንዳኔ፤ ጋዓንቴ ባብሎኔ ዓጮ ዴንዲ ኩቹ ዒንጌ ዓሲ ጋዓንቴ ዋዲንታዓከ፤ ዬይ ፔኤኮ ሸምፓህሂ ዬያይዲ ቶሊሲ ዓይሳንዳኔ» ጋዓያከ።

3 ጊንህ ሃሃ ታኣኒ ዴሮሞ ከኤዛንዳጉዲ ናንጊና ናንጋ ጎዳ ታኣሞ ከኤዜ ቃኣላ፡- «ታኣኒ ሃኖ ካታሞ ባብሎኔኮ ያሎ ዓሶም ዓኣህሂ ዒንጋንዳኔ፤ ዔያታ ፔ ዴማ ማሂ ዒዞ ዋይሃንዳኔ» ጋዓያከ።

4 ዬካፓ ቢታንታ ዒንጊንቴ ዓሳ ካኣቲ ኮይላ ዓኣዲ፡- «ሃይ ዓህሂ ዋዲንታንዳያ ኮይሳኔ፤ ዒዚ ከኤዛ ባኮና ካታሞይዳ ዓቲ ዓኣ ያሎ ዓሶኮ ጎጾ ዒዚ ዋኣጂሴኔ፤ ካታሞይዳ ዓኣ ዓሶ ቢያህሂ ዒዚ ዒማይዳኔ፤ ዒዚ ዴሮ ባይዛኒ ኮዓ ዓሲከ፡ ማኣዳኒ ኮዓ ዓሲቱዋሴ» ጌዔ።

5 ካኣቲ፡ ሴዴቂያሴ ዒማና፡- «ዒዚ ዒንህሂ ኩጮ ጋራከ፤ ኮዔ ባኣዚ ዒንህሂ ማዴቲ ታ ዒንህሂ ላኣጋኒ ዳንዳዑዋሴ» ጌይ ዔያቶም ከኤዜኔ።

6 ዬያሮ ዔያታ ታና ዓርቁ ዔኪ ካኣቲሞ ማኣሮኮ ዓሳ ቡካ ጳኦኮይዳ ዓኣ ካኣቲ ናኣዚ፡ ማልኪያኮ ዋኣዮሮ ቦኦኮና ጮኦሮ ዔቶይዳ ሱሲና ታና ሊካ ከይሴኔ፤ ዒኢካ ዔቶይዳ ቶርጳ ዓኣኔ፡ ዋኣህሂ ባኣያከ፤ ዬያ ቶርጳሰካ ታኣኒ ዓዲንቴኔ።

7 ጋዓንቴ ዓቤሚሌኮ ጌይንታያ፡ ካኣቲሞ ማኣራ ዓሽቲንቁ ማዳ፡ ፔቲ ዒቶጲያ ዓሲሰከይ ታና ዓሳ ዔታ ዓጌህሂ ዋይዜኔ፤ ዒማና ቢኢኒያሚ ዓጮ ጌሎ ዴሮ ካራ ዋጎ ዋጎ ቤዘይዳ ካኣቲ ዴይ ዓኣኔ፤

8 ዬያሮ ዬይ ዓቤሚሌኮ ካኣቲ ኮይላ ዴንዲ ካኣቲሞ፡-

9 «ካኣቲዮ! ዬና ዓሳ ዴኤፒ ዳቢንቲ ማዶ ማዴኔ፤ ዔያታ ዔርሚያሴ ዔኪ ጮኦራ ዔቲይዳ ዓጌኔ፤ ካታሞይዳ ሙኡዚ ባኣህሂሮ ማይ ዒዚ ዒኢካ ሃይቁኔ ጌይህከ» ጌይ ከኤዜኔ።

10 ዬካፓ ካኣቲ፡- «ሃይካፓ ሃይህሂታሚ ዓሲ ዔኪ ዓኣዲ ያኦሲ ማሊያ ከኤዛ፡ ዔርሚያሴ ሃይቁዋንቴ ዋኣዮሮ ቦኦኮና ዔታፓ ከሱዋቲ» ጌይ ዒቶጲዮ ዓህሂ፡ ዓቤሚሌኮ ዓይህህ።

11 ዬያሮ ዓቢሜሌኬ ፔኤና ዎላ ዓሲ ዔኪ ዴንዴኔ፤ ዒዚ ዒማና ካኣቱሞ ማኣሮኮ ሚሆ ጌሦ ከኤዎ ጌላዎ ዓንዲሪ ቱርጫና ጨሚ ዓፒላና ዴንቁ ዔኪ፥ ሱሲዳ ማሪ ቱከሰካፓ ታኣሞ ሊካ ዳከኔ።

12 ዬይ ሱዛ ታኣኮ ዑዎ ቲልቢሹሞጉዲ ዬያ ቱርጫ ሸኦጳ ታኣኒ ቱካንዳጉዲ ታኣሞ ዒዚ ከኤዘኔ፤ ዬያሮ ታኣኒ ዒማይዴ፤

13 ዬይ ሙኬ ዓሳ ታና ጮኦሮ ዔታፓ ሱዞና ጎቹ ዔኪ ከሲ፥ ካኣቱሞ ማኣሮኮ ዲሮ ጋሮይዳ ዓኣ ቤዛ ታና ቱከኔ።

ሴዴቂያሴ ዔርሚያሴፓ ዘሮ ዖኦጮህ

14 ካኣቲ፥ ሴዴቂያሴ ከኢታ ዓሲ ዳኪ ታና ዒኤሊሳዎ ጌኤዞ ማኣሮኮ ሃይሣሳ ካሮ ኮይላ፡- «ፔቴ ባኣዚ ታ ኔና ዖኦጮሞ፤ ፔቴታዎ ዓኣቹዎዎ ኔኤኒ ታኣሞ ከኤዛንዳጉዲ ታኣኒ ኮዓኔ» ጌዔ።

15 ታኣኒ ዒማና፡- «ታኣኒ ጎኔማ ከኤዘቴ ኔኤኒ ታና ዎዳዓዳ? ታ ኔና ዘሬቴ ኔኤኒ ዎይዚ ዔካዓከ» ጌዔ።

16 ዬያሮ ካኣቲ፥ ሴዴቂያሴ፡- «ታ ኔና ዎዳዓከ፤ ታኣኒ ኔና ዎዳንዳ ዓሶሞ ዓኣህሂ ዒንገንዲሞያ ማዓዎ ሸምፖ ኑኤም ዒንጌ፥ ናንገና ናንጋ ጎዳ ሃይቆ!» ጌይ ዓሲ ዎይዙሞንቴ ታኣሞ ጫኣቄ።

17 ዬካፓ ዒሰራዔኤሌ ዖኦዛህ ማዔ ቢያ ባኮ ዎይህ ጎዳ ዒዛ ዛሎ ከኤዘ ባኮ ቢያ ሂዚ ጌይ ታ ዒዛሞ ከኤዘ፡- «ባብሎኔ ካኣቲ ዳከ፥ ቢታንታ ዓኣ ዓሶሞ ኩጮ ኔኤኒ ዒንጌቴ ሸምፓህ ኔኤኮ ዓታንዳኔ፤ ካታሚላኣ ታሞና ሚቹንቴሞ ዓታንዳኔ፤ ኔናንታ ኔ ማኣሮ ዓሶንታ ቢያ ሃይቢፓ ቶላንዳኔ፤

18 ዔያቶም ኩጮ ኔኤኒ ዒንገባኣቴ ጋዓንቴ ሃና ካታማ ባብሎኔ ዓሶሞ ዒንገንታንዳኔ፤ ዔያታ ዒዞ ታሚና ሚቻንዳኔ፤ ኔኤኒያ ቶላኒ ዳንዳዑሞ።»

19 ካኣቲ ዒማና፡- «ታኣኒ ዒገጫህ ኑ ዓጫፓ ዒፂ ሃሺ ዴንዲ፥ ባብሎኔ ዓጮ ጌሌ ኑ ዓሶከ፤ ዔያቶም ታና ባብሎኔ ዓሳ ዓኣህሂ ዒንጌቴ ታና ዔያታ ሚታሳንዳኔ» ጌዔ።

20 ታኣኒ ዒዛሞ፡- «ዶዴ ዒገጫፖ! ዬያቶም ኔና ዔያታ ዓኣህሂ ዒንገንዲሞሴ፤ ናንገና ናንጋ ጎዳ ከኤዘ ቃኣሎ ኔኤኒ ዎይዛንዳጉዲ ታ ኔና ሺኢቃ፤ ኔኤማ ዬይ ኮሺ ማዓንዳኔ፤ ሸምፓህ ኔኤኮ ሃይቢፓ ቶላንዳኔ።

21 ኩጮ ኔኤኒ ዔያቶም ዒንጎ ዒፃቴ ናንገና ናንጋ ጎዳ ታኣሞ ፔጋሲ ዳዎ ባኣዚ ዓኣኔ፤

22 ዬይ ዓይጎዳይ ጌዔቴ ዪሁዳ ዓጮኮ ካኣቱሞ ማኣራ ዓቲ ዓኣ ላኣሳ ቢያ ባብሎኔ ዓጮይዳ ቢታንታ ዓኣ ዓሶ ኮይላ ዔውቴ ዴንዳንዳኔ፤ ዴንዳ ዎዶና ዔያታ፡- ሄኤኮ ዶንዛ ኔና ዳቢሹ፤

ዔያታ ኔና ዓይሣ፡ ቢቲ ኔኤኮ ማዔኔ፤
ሃሢ ጋዓንቲ ቶርጳና ኔ ዓርቁንቲሢረ ሃሺ ኔና ዔያታ ዓኣጴኔ
ጋዓንዳኔ» ጌይ ኬኤዜኔ።

23 ሃሢ ታ ዒዛሞ፡- «ኔኤኮ ላኣሎንታ ናኣቶንታ ቢያ ባብሎኔ ዓጮ
ዔውታንዳኔ፤ ኔናኣ ባብሎኔ ካኣቲ ዓርቁ ቱካንዳኔ፤ ዒዛ ኩጮፓ
ፔቲታዖ ኔኤኒ ቶላዓኬ፤ ሃይ ካታማ ታሚና ሚቺንቲ ባይቃንዳኔ» ጌይ
ኬኤዜኔ።

24 ሴዴቂያሴ ዒማና ታኣሞ፡- «ኔና ዓሳ ዎዲሞጉዲ ሃያ ኑ ጌሰቲ
ባኮ ዓይጎ ዓሲያ ዔርፓ፡ ኬኤዚፖ፤

25 ቢታንታ ዓኣ ዓሳ ታኣኒ ኔኤና ዎላ ጌሰቲሢ ዎይዜቲ ኔ ኮይላ
ሙኪ ኑኡኒ ዓይጎ ጌሰቲቲያ ዖኦጮንዳኔ፤ ቢያ ባኮንሢ ጋፒ ኔኤኒ
ኬኤዚባኣቲ ኔና ኑ ዎዲንዳኔ» ጌይ ኔና ዔያታ ዒጊቻንዳኔ፤

26 ዬያር ኔኤኒ፡- «ዒኣካ ታኣኒ ሃይቁሞጉዲ ላሚ ታና ዮናታኣኔ
ኬኤዖ ዳኪፖ» ጌይ ጌይ ታ ዒዛ ሺሺኣቄኔ ጌይ ዔያቶሞ ኬኤዜ»
ጌዔኔ።

27 ዬካፓ ቢታንታ ዓኣ ዓሳ ሙኪ ታና ዖኦጮኔ፤ ታኣኒያ ካኣቲ ታና
ኣዖንጎ ጌዔማ ሌሊ ዔያቶሞ ኬኤዜኔ፤ ዒማና ኑኡኒ ካኣቲና ጌሰታ
ዎደና ዎይዜ ዓሲ ባኣሢረ ታና ዖኦጮዖ ዔያታ ሃሺኔ፤

28 ታኣኒ ዬሩሳላሜ ካታማ ዓዲንቲ ኬሎ ሄላንዳኣና ካኣቲሞ
ማኣሮ ዲሮ ጋራ ቱኡቲ ዳዔኔ።

39

ዬሩሳላሜ ካታማ ሞርኮና ዓዲንቲሢ

1 ሴዴቂያሴ ዪሁዳይዳ ካኣታጴንቲ ታዞጳጳ ሌዖኮ ታጳጳ ዓጊኖና
ባብሎኔ ካኣቲ ናብካዳናዖኦሬ ፔኤኮ ዖሎ ዓሶ ቢያሢና ዎላ ሙኪ
ዬሩሳላሜ ካታሞ ማንጌኔ።

2 ሴዴቂያሴ ካኣታጴንቲ ታጳጳ ሌዖይዳ ዖይዳጎ ዓጊኖኮ ታዞጳጳ
ኬሎና ካታሞኮ ዙሎ ዲርቆና ኬኤሎ ዲዖ ሻሂንቲኔ።

3 ዬሩሳላሜ ካታማ ዓዲንቲ ዎደና ባብሎኔ ካኣቲ ቢታንቶ ዒንጌ
ዓሳ ሙኪ ባኣካ ማዔ ማርሾ ካሮይዳ ቤሲ ቤሲ ዓርቄኔ፤ ዬያቶ
ባኣኮይዳ፡- ኔርጋልሻሬጻሬ፡ ሳሚርጋኔቦ፡ ሳርሴኪሜንታ ሜሌ ሃሃ
ኔርጋልሻሬጻሬ ጌይንታሰኬያንታ፤ ዬያጉዲ ሜሌ ዓሲያኣ ዓኣኔ።

4 ካኣቲ ሴዴቂያሴንታ ዖሎ ዓሶንታ ቢያ ዬያ ባኮ ዛጋዖ ዲማ
ካታማፓ ኬሰኪ ዴንዳኒ ማሌኔ፤ ካኣቲሞ ማኣሮኮ ቱኮ ባኮ ቱኮ ጎዡ
ባንዖና ጌይ ካታሞኮ ላሞዖ ዎላ ካኣማ ካሮይዳ ዓኣ ካሮና ኬሰኪ
ዮርዳኖሴ ደኦጮ ባንሢ ቶላኒ ዔያታ ጳሽኬኔ።

5 ጋዓንቴ ባብሎኔኮ ሶሎ ዓሳ ገንጾ ዔያቶኮ ዳውሲ ዴንዲ ዒያርኮ ኮይሎይዳ ዓኣ ቦኣላ ሄላፆ ሴዴቂያሴ ዓርቂ ዲዒ ዔኬኔ፤ ዩካፓ ካኣተ፣ ናብካዳናፆኦሬ ኮይላ ዔኪ ዩዔኔ፤ ዒማና ካኣተ፣ ናብካዳናፆኦሬ ሃማቴ ዓጮ ዴማ ዓኣ ሪቢላ ጌይንታ ካታማይዳ ዓኣኔ፤ ካኣተ፣ ናብካዳናፆኦሬ ዒኢካ ሴዴቂያሴይዳ ማዲንታኒ ኮይሳ ባኮ ጌሰቲ ዋጌኔ።

6 ዬያሮ ዒኢካ፣ ሪቢላይዳ ካኣተ ሴዴቂያሴ ዛጋንቴ ዒዛኮ ናኣታ ዋዲንቴኔ፤ ዪሁዳይዳ ቢታንቶና ዋይህ ዓሳኣ ቢያ ሃይቃንዳጉዲ ጌሰቲ ዋጊንቴኔ።

7 ዬያ ቢያ ማዳሰካፓ ሴዴቂያሴኮ ዓኣፖ ጳቂ ኬሴኔ፤ ባብሎኔ ዔኪ ዴንዲኒ ካኒ ቢራታናኣ ቱኬኔ።

8 ባብሎኔ ዓሳ ዒማና ዬሩሳላሜ ካታሞኮ ዙሎ ዲርቆና ኬኤሎ ዲፆ ሻሃኔ፤ ካኣቱሞ ማኣሮንታ ዴራ ናንጋ፣ ዓሶኮ ማኣሮ ጉቤ ታሚና ሚቹኔ፤

9 ጋፒንጾይዳ ባብሎኔ ካኣተ ካፓ ፖኦሊሶ ሱኡጋህ፣ ናቡዛርዳኣኔ ካታሞይዳ ዓቲ ዓኣ ዴሮና ዬያኮ ቤርታ ፔ ዓጮ ዒፃ ዒዛ ኮራ ሙኪ ጌሌ ዓሶ ቢያ ፔቴይዳ ቡኩሲ ቱኪ ዔኪ ባብሎኔ ዴንዴኔ፤

10 ዒዚ ዒማና ፔቴታፆ ቆሎባኣ፣ ማንቆ ዓሶንህ ሌሊ ዪሁዳይዳ ሃሺ ዴንዴኔ፤ ዒዚ ዔያቶሞ ዋይኔ ቱኮንዶ ቤሲና ሜሌ ሃኣኮ ዔያታ ጎሽካንዳ ጎሺያኣ ዒንጌኔ።

ዔርሚያሴኮ ቱኡዛፓ ቡሊንቴፆ

11 ናብካዳናፆኦሬ ዒዛ ካፓ ፖኦሊሶ ሱኡጋህ፣ ናቡዛርዳኣኔ፡-

12 «ዴንዲ ዔርሚያሴ ኮይ ዴንቂጋፓ ኮይሳ ባኣዚ ዒዛሞ ማዲ፣ ቶኣኮ ዒዛኮ ዛጌ፤ ዒዚ ኮዓ ባኮ ዒዛሞ ማዴ፣ ፔቴታፆ ፑርታ ባኣዚ ዒዛይዳ ማዲ።» ጌይ ዓይህኔ።

13 ዬያሮ ናቡዛርዳኣኔ ናቡሻዝባኔንታ ኔርጋልሻሬፆሬንታ ሜሌ ቢታንቶ ዓኣ ዓሲ ፔኤና ዋላ ዔኪ ሙኪ፣

14 ታኣኒ ቱኡቲ ዓኣ ካኣቱሞ ማኣሮ ዲሮጋራፓ ታና ኬሴኔ፤ ዒማና ሳፓኔኮ ናኣዚ ናፆ ማዔህ፣ ዓሂቃሜ ናኣዚ ጌዳሊያ ታ ማኣሪ ታና ዔኪ ዴንዴኔ፤ ዬያሮ ታኣኒ ታ ዴሮና ዋላ ዒኢካ ናንጌኔ።

ዓቤሜሌኬም ናንጊና ናንጋ ጎዳ ኮሺ ባኣዚ ማዲንዳያታህ ኬኤዜህ

15 ካኣቱሞ ማኣሮኮ ዓሳ ቡካ ጳኦኮይዳ ቱኡቲ ታኣኒ ዓኣንቴ ናንጊና ናንጋ ጎዳ ሂዚ ጌይ ታኣሞ ኬኤዜኔ፤

16 ዒሰራዔኤሌ ፆኦዛህ ማዔ ቢያ ባኮ ዋይህ ጎዳህ ዒቶጲፆ ዓህ ዓቤሜሌኬም ታኣኒ፡- «ዓዳ ሃያኮ ቤርታ ታኣኒ ኬኤዜማ ጎይፆ

ሃኖ ካታሞይዳ ታኣኒ ያርጎቹሞቱሞንቲ ባይሲንታ ዔኪ ዩዓንዳኔ፤ ኔኤኒ ሃይካ ካታማ ዳዒ ዩይ ቢያ ማዲንታሢ ኔ ዓኣፒና ዛጋንዳኔ፤

17 ዩኖ ኬሎና ታኣኒ፣ ናንጊና ናንጋ ጎዳ ኔና ዓውሳንዳኔ፤ ኔኤኒ ዒጊጫ ኔ ሞርኮ ኩጮ ጋሮ ኔኤኒ ጌላዓኬ፤

18 ታኣኒ ኔና ኮሺና ካፓንዳሢሮ ኔ ሃይቃዓኬ፤ ኔኤኒ ታና ጉሙርቁሢሮ ሸምፔና ኔ ቶሊ ዓታንዳኔ፤ ዩያ ጌዔሢ ታና፣ ናንጊና ናንጋ ጎዳኬ» ጌይ ኬኤዛንዳጉዲ ዓይሤ።

40

ዔርሚያሴ ጌዳሊያና ዋላ ናንጌሢ

1 ካኣቲ ካፓ ፖኦሊሶ ሱኡጋሢ፣ ናቡዛርዳኣኔ ታና ቱኡዛፓ ቡሊ ራኣማይዳ ሃሹሰካፓ ናንጊና ናንጋ ጎዳ ታኣሞ ፔ ቃኣሎ ኬኤዘኔ፤ ዩያኮ ቤርታ ታኣኒ ዒኢካ ዔውቲ ዳንዳሢ ዩሩሳላሜፓ ሃጊ ዲዒንቲ ዔውቲ፣ ቱኡሲ ዓሲ ማዒ ባብሎኔ ዔኪ ዓኣደና ዳሮ ቢያሢና ዋላ ካኒ ቢራታና ቱኡቲኬ።

2 ካኣቲ ካፓ ፖኦሊሶኮ ሱኡጋሢ ታና ዓሶ ቤርታፓ ዔኪ ሸርሻዖ ሃዚ ጌዔ።- «ኔ ያኦዛሢ ማዔ ናንጊና ናንጋ ጎዳሢ ሃኖ ዓጮ ባይዛንዳሢ ቤርታሲ ኬኤዘኔ፤

3 ዓዚ ማዳንዳኔ ጌይ ማሌ ባኮ ቢያ ሃሢ ሃይሾ ማዲ ኩንሤ፤ ሃይ ቢያ ማዲንቲሢሢ ዒንሢ ጎሞ ማዳሢሮና ናንጊና ናንጋ ጎዳሞ ዒንሢ ዓይሢንቶ ዒፃሢሮኬ።

4 ሃኣዛጌ፣ ሃሢ ታ ኔና ኩጮ ኔኤኮ ቱኮና ካኖ ቢራቶ ቡሊ ሃሹ፤ ኔኤኒ ታኣና ዋላ ባብሎኔ ዳንዳኒ ኮዔቲ ኔ ሸና ጌዔሢ ማዳ፤ ታኣኒ ኔኤሞ ኮይሳ ባኣዚ ማዲ፣ ኔ ቶኦኮ ዛጋንዳኔ፤ ዒኢካ ኔ ዳንዳኒ ኮይባኣቲ ዓታኒ ዳንዳዓኔ፤ ሃያ ዓጮኮ ጉቤ ኔ ኮዔ ቤሲ ዳንዳኒ ዳንዳዓኔ።»

5 ታኣኒ ዒማና ማሢ ዒዛሞ ኬኤዙሞንቲ ናቡዛርዳኣኔ፡- «ሃሢ ኔኤሮ ሳፓኔኮ ናኣዚ ናዖ ማዔ ዓሂቃሜ ናኣዚ ጌዳሊያ ኮይላ ዳንዳ፤ ባብሎኔ ካኣቲ፣ ናብካዳናዖኦሬ ዩሁዳ ካታሞ ዋይሃንዳጉዲ ጌዳሊያ ዶኦሬ፤ ዩያሮ ዒዛና ዋላ ዳሮ ባኣካ ኔኤኒ ናንጋኒ ዳንዳዓኔ፤ ያዲ ማዒባኣቲ ሃሢ ታና ማኣዳንዳኔ ጋዓ ቤሲ ቢያ ኔኤኒ ዳንዳኒ ዳንዳዓኔ» ጌዔ።

ዩካፓ ዒዚ ታኣሞ ዒንጋኒ ኮዔ ባኣዚና ጎይዖኮዋጋላ ታኣሞ ዒንጊ ታና ዳኬ።

6 ዩያሮ ታኣኒ ጌዳሊያና ዋላ ናንጋኒ ሚፂጳ ዳንዳኔ፤ ዒኢካ ታኣኒ ቤዛ ዓቲ ዓኣ ዳሮና ዋላ ናንጌ።

ጌዳሊያ ዪሁዳይዳ ሱኡጌ ማዒ ዶኦሪ ጎጥጥጥ
(2ካአቶ. ማ 25:22-24)

7 ዓመና ዪሁዳ ዓጮኮ ሶሎ ዓሶ ሱኡጌና ዳካ ፖኦሊሴና ሃጊ ኩቸ ዒንጊባኣያ ዓኣኔ፤ ባብሎኔ ካኣቲ ዬኖ ዓጮ ወይሃንዳጉዲ ጌዳሊያ ዶኦሪ ጎጥጥጥ ባብሎኔ ዔውቱዋፖ ዓቲ፣ ማንቆ ዓሶኮዋ ሱኡጌ ማሄሂ ዔይታ ወይዘኔ፤

8 ዬያሮ ኔታኒያ ናኣዚ ዒሰማዔኤሌ፣ ቃሪሃ ናይ ማዔ ዮሃናና ዮናታኣኔና፣ ታንሁሜቲ ናኣዚ ሴራያ፣ ኔፖፓይዳፓ ዔፓዬ ናኣታ፣ ማዒካፓ ዛኒያ ጎሶሂ ፔ ዓሶ ቢያሂና ዋላ ማዒጳይዳ ዓኣ ጌዳሊያ ኮይላ ሙከኔ።

9 ጌዳሊያ ዔይቶም ሂዚ ጌይ ጫኣቄ፡- «ጎኔ ታ ዒንሂም ጫኣቆም፤ ባብሎኔ ዓሶም ኩጮ ዒንሂ ዒንጉዋጉዲ ዒንሂ ዒንጉታንዳ ባኣዚ ፔቲታፖ ባኣሴ፤ ሃይካ ዓጮይዳ ዴዒ ናንጉዋቲ፤ ባብሎኔ ካኣቲም ጊኢራ ጊኢራዋቲ፤ ዒንሂም ቢያ ባካ ጊኢጋያ ማዒንዳኔ፤

10 ታኣኒ ሃይካ ዒንሂና ዋላ ማዒጳይዳ ዓኣሂሮ ባብሎኔ ዓሳ ሙካኣና ታ ዒንሂ ዛሎ ዔቁ ጌሰታያ ማዒንዳኔ፤ ዒንሂ ጋዒንቲ ዒንሂ ናንጋ ጉርዶይዳ ቢያ ወይኖ ሶዮና ዋላ ቲቁ ዔኪ ዔኪ፣ ሪሚቶ ዛይቶንታ ማሌ ማዕኮዋ ዓኣፖ ጊኢጊሺ ዔኪ ኮናይዳ ዓርሁዋቲ።»

11 ዬይ ያዲ ማዒዛ ሞዒኣቤይዳ፣ ዓሞኣኔይዳ፣ ዔይኣሚይዳ፤ ጊንሃ ሃሃ ማሌ ዓጮይዳ ናንጋ ዒሰራዔኤሌ ዓሳ ባብሎኔ ካኣቲ ዳካ ዓይሁዴ ዓሲ ሌሊ ዓይሲ፣ ዬያቶ ወይሃንዳጉዲ ጌዳሊያ ሱኡጌ ማሂ ዶኦሪ ወይዘኔ፤

12 ዬያሮ ዔይታ ዜርቁንቲ ዴንዲ ናንጋ ዓጮይዳፓ ቢያ ሃሺ ዪሁዳ ማዒ ሙከኔ፤ ማዒጳይዳ ዓኣ፣ ጌዳሊያ ኮይላ ሙከ ኮሺ ማርጌ ወይኔ ሶያፓ ቲቆናንታ ማሌ ማዕኮዋ ዓኣፖ ማንዒ ቡኩሴ።

ጌዳሊያ ወደናሂ
(2ካአቶ. ማ 25:25-26)

13 ዬካፓ ዮሃናኔንታ ዬያኮ ቤርታ ኩጮ ዒንጊባኣ፣ ሶሎ ዓሶኮ ሱኡጋ ቢያ ማዒጳይዳ ዓኣ ጌዳሊያ ኮይላ ሙካያ፡-

14 «ኔታኒያ ናኣዚ ዒሰማዔኤሌ ኔና ወዳንዳጉዲ ዓሞኣኔ ካኣቲ፣ ቤዓሊሴ ዳኩያ ማዔሂ ኔ ዔራዋዓዳ?» ጌይ ሶኦጮ። ጌዳሊያ ጋዒንቲ ዬያ ጎኔኬ ጌይባኣሴ፤

15 ሃሃ ጊንሃ ዮሃናኔ ማዒጳይዳ ፔኤር ጌዳሊያ ኮይላ ሙከ፡- «ፖ ወዳቲያ ዔርቱዋ ጎይሂና ታኣኒ ዴንዲ ኔታኒያ ናኣዚ ዒሰማዔኤሌ

ዎደም፤ ዎይቲ ኔና ዒዚ ዎዳኒ ጫርቃይ? ዒዚ ኔና ዎዳቲ ኔና ጉሙርቁ፥ ኔ ኮይላ ዓኣ ዓይሁዶ ዓሳ ላኣሊንቲ ባይቄኔ ገይሢከ፤ ዪሁዳይዳ ዲዒንቲ ዔውቲባኣ፡፡ ዓቲ ዴራ ዴኤፒ ባይሰንታይዳ ከዳንዳኔ» ገዔኔ።

16 ገዳሊያ ጋዓንቴ፡- «ዒሰማዔኤሌ ዛሎ ዬይ ኔ ከኤዛ ባካ ቢያ ጎኔቱዎኣሢር ፔቲታ፡፡ ዬያ ኔ ጋዓ ባኮ ማዲፖ» ገዔኔ።

41

1 ዬዮ ሌዎኮ ላንካሳ ዓጊኖና ካኣቲ ቢታንቶ ዒንገ ዴኤፖ ዴኤፖ ዓሶፓ ፔቲ፥ ካርናይ ፃጲ ማዔያ፥ ዔሊሻማዔኮ ናኣዚ ና፡፡ ኔታኒያ ናይ ዒሰራማዔኤሌ ገይንታሢ ታጶ ዓሰና ዎላ ዓጩሎ ዎይሢ ገዳሊያ ዛጋኒ ሚዲጶ ሙከኔ፤ ዬካፓ ዔያታ ቢያሢ ዎላ ዴዒ ሙኡዚ ሙዓንቴ፡፡

2 ኔታኒያ ናኣዚ ዒሰማዔኤሌንታ ዒዛና ዎላ ሙከኔ ታጶ ዓሶንሢንታ ባብሎኔ ካኣቲ ዪሁዳይዳ ሱኡጌ ማሢ ዶኦሬ፥ ገዳሊያ ጩንቻ ዓራፖና ዎዳኔ።

3 ዒማና ዒሰማዔኤሌ ሚዲጶይዳ ገዳሊያና ዎላ ዓኣ ዓይሁዶ ዓሶንታ ዒኢካ ሙከኒ ዓኣ ባብሎኔ ዓጮ ፖኦሊሶዎ ዎዳኔ።

4 ዚሬሎ ገዳሊያ ዎዶናሢ ፆኦኒያ ዔራዎንቴ፡-

5 ሴኬሚይዳ፡፡ ሴኤሎይዳ፡፡ ሳማሪያይዳ፡፡ ሳሊታሚ ዓሰ ዔርቲባኣንቴ ሙከኔ፤ ዔያታ ዒማና ፆዪሢና ቡኡጮ ፔኤኮ ሜኤዲ፥ ማኣዓሢያ ፔኤኮ ዳርዚ፥ ዓኣፖ ካሮዎ ቡኡጩንቲ ሙከኔ፤ ጊንሣ ሃሣ ዔያታ ገኤኸ ማኣርይዳ ዒንጎንዶ ሃኣኮንታ ዑንጃንታ ዔከ ዓኣኔ፤

6 ዬያሮ ኔታኒያ ናኣዚ ዒሰማዔኤሌ ሚዲጶ፡፡ ዬኤከ ዬኤከ ዔያቶ ጎይሣ ዔካኒ ከሰከኔ፤ ዒዚ ዔያቶ ኮይላ ሙካዎ፡- «ዓሢቃሜ ናኣዚ፥ ገዳሊያ ማኣሪ ዬዑዎቲ» ገዔኔ።

7 ዬንሢ ዓሳ ሙከኒ ካታዎ ገገላዛ ኔታኒያ ናኣዚ፥ ዒሰማዔኤሌንታ ዒዛ ዓሶንታ ዬንሢ ዓሶ ዎዲ ዔቴይዳ ዓገኔ።

8 ዬንሢ ሳሊታዎ ዓሶንሢኮ ባኣካፓ ታጶ ዓሰ፡- «ሃዳራ ኦና ዎዲፖ! ኦኡኒ ጎሺዳ ዓኣቲ ገሣ ዛርገ፥ ዔልዓ፥ ሪሚቲ ዛይቲንታ ዔኤሰንታ ዓኣኔ፤ ኔኤዎ ኦ ዒንጎንዳኔ» ገይ ዒሰማዔኤሌ ሺኢቄኔ። ዬያሮ ዔያቶ ዒ ዎዲዎ፡፡ ሃሺኔ።

9 ዬያ ዓሶ ዒዚ ዎዲ ከኤሬ ዔታ ዒሰራዔኤሌ ካኣቲ ባዕሻ ሙከኒ ሶሎ ቡሎ ዎዶና ካኣቲ፥ ዓኣሳ ካራ ባይቄቲ ዒሮ ዎኣ፡፡ ዒኢካ

ጌልዚ ዒኢፓ ዔካኒ ማሊ ቦኦኪሴያ ዴኤፒ ዔቴኬ፤ ኔታኒያ ናኣዚ ዒሰማዔኤሌ ዴያ ዔቶይዳ ሌዘ ዓገ ኩንህኔ።

10 ዴካፓ ዒዚ ካኣቲኮ ዉዲሮ ናኣቶንታ ሃንጎ ዓቲ ዓሶ ሚዲጳይዳ ቱኬኔ፤ ዴይ ዓሳ ቢያ ባብሎኔ ካኣቲ ካፓ ፖኦሊሶ ዓይህ፣ ናቡዘርዳኣኔ ጌዳሊያም ዔያቶ ቶኦኮ ዒ ዛጋንዳጉዲ ሃዳርሲ ዒንጌያኬ፤ ኔታኒያ ናኣዚ ዒሰማዔኤሌ ጋዓንቴ ዴያቶ ዓሶ ቢያ ዲዒ ዔኪ ዓሞኦኔ ዓጮ ባንህ፤ ፒንቁኔ።

11 ዮሃናኔንታ ዒዛና ዎላ ዓኣ ሶሎ ዓሶኮ ሱኡጋ ቢያ ኔታኒያ ናኣዚ ዒሰማዔኤሌ ማዳ ጌና ማዶ ዎይዘኔ፤

12 ዴያሮ ዔያታ ፔ ዓሶና ዎላ ዒዛ ኮጲሲ ጌባጋኦኔይዳ ዓኣ ዴኤፒ ቦቆሊ ኮርካ ዓኣንቴ ሄሌኔ።

13 ዒማና ዒሰማዔኤሌ ቱኪ ዔኪ ዓኣዳ ዓሳ ቢያ ዮሃናኔንታ ዒዛና ዎላ ዓኣ ሶሎ ዓሶንታ ዴንቃፖ ሚርጌና ዎዛዴኔ።

14 ዴካፓ ዔያታ ገንህሂም ጳሽኪ ዴንዲ ዴያቶ ዓሶ ባኣኮ ጌሌኔ፤

15 ኔታኒያ ናኣዚ ዒሰማዔኤሌና ሳሊ ዓሲና ጋዓንቴ ዮሃናኔንህ ኩጫፓ ቶሊ ዓሞኦኔ ዓጮ ጳሽኪ ጌሊ ፑኔኔ።

16 ዴያይዲ ዮሃናኔንታ ዒዛና ዎላ ዓኣ ሶሎ ዓሶ ሱኡጎንታ ኔታኒያ ናኣዚ ዒሰማዔኤሌ ጌዳሊያ ዎዳፖ ሚዲጳፓ ዲዒ ዔኪ ፖኦሊሶንታ ላኣሎንታ ናኣቶ ዳኮንታ ዓሽቲንቁ ማዶ ማዳ ዓሶንታ ቢያ ማሂ ዔኬኔ።

17-18 ዔያታ ዒማና ኔታኒያ ናኣዚ ዒሰማዔኤሌ ባብሎኔ ካኣቲ ዪሁዳ ዓጮ ዎይህንዳጉዲ ደኦሬ፣ ጌዳሊያ ዎዳሂሮ ባብሎኔ ዓሳ ዔያቶይዳ ሶልዚ ቡላንዳኔ ጌይ ሂርገ ዒጊጩኔ፤ ዴያሮ ዔያታ ባብሎኔ ዓሶፓ ፑኒ ጌብፄ ዓጮ ዴንዳኒ ዔቁኔ፤ ዴካፓ ዔያታ ቤኤቴሌሄሜ ካታሞ ኮይላ ዓኣ ጌሩትኪምሃሜ ጌይንታ ቤዛ ሃውሹኔ።

42

ዔርሚያሴ ዔያቶ ዛሎ ሺኢቃንዳጉዲ ዴሪ ዒዛ ሶኦጩህ

1 ቃሬሃ ናኣዚ ዮሃናኔ፣ ሆሻያ ናኣዚ ዓዛሪያሴንታ ሶሎ ዓሶኮ ሱኡጋ ቢያህ፤ ዴያጉዲ ዴሪኣ ቢያ ዳካ ጌይንታ ዓሶፓ ዴንዲ ዴኤፖ ዓሶ ሄላንዳኣና ቢያህ፤ ታ ኮይላ ሙካዖ፡-

2 «ሃዳሪ ኦኡኒ ኔና ሺኢቃ ባኮ ኦኡም ማዳ! ናንገና ናንጋ ጎዳ ማዔ ኔ ሶኦዛህ ኦኡም ሺኢቁ! ኦና ሃንህ፤ ፒኢጫዲ ዓቲ ዓኣዘንህም ቢያ ሺኢቁ! ሃያኮ ቤርታ ኦኡኒ ዲቢኬ፤ ሃህ፤ ጋዓንቴ ኔኤኒ ዛጋህጉዲ ኦኡኒ ዳካ ሌሊ ዓቴኔ፤

3 ዩያር ናንጊና ናንጋ ጎዳ ማዔ ኔ ያአዛሢ ዓጮኮ ዎኖ ዛሎ ኑ ዴንዳንዳቲያ፤ ሃሣ ኑኡኒ ዎዎዳንዳቲያ ፔጋሲ ኑኡም ከኤዛንዳጉዲ ዒዛ ኑኡም ሺኢቄ» ጌዔኔ።

4 ታአኒ ዒማና ዔያቶም፡- «ቃራኬ፤ ዒንሢ ሃሢ ጌዔ ጎይያማ ታአኒ ዒንሢም ናንጊና ናንጋ ጎዳ ማዔ ዒንሢኮ ያአዛሢ ሺኢቃንዳኔ፤ ታአም ዒዚ ፔጋሲ ከኤዛ ባኮዎ ፔቲታዎ ዒንሢም ዓአቹዎ ታአኒ ከኤዛንዳኔ» ጌይ ማሄኔ።

5 ዩካፓ ዔያታ ታአም፡- «ናንጊና ናንጋ ጎዳ ማዔ ኔኤኮ ያአዛሢ ኔኤም ከኤዚም ኔ ኑና ዓይሣ ባኮ ቢያ ማዲ ኩንሢ ዩያ ቃአሎም ኑኡኒ ዓይሢንቲባአቲ ዒዚ ፔ ቶኦኪና ጎኔ፤ ሃሣ ጉሙርቁንታ ማርካ ማዎንጎ!

6 ዩይ ዓይሢካ ኮሺ ማዔቲያ ማዒባአቲያ ናንጊና ናንጋ ጎዳ ማዔ ኑ ያአዛሢኮ ቃአሎ ዎይዚ ኑ ዓይሢንታንዳኔ፤ ኑኡኒ ኔና ዒዛ ኮይላ ዳካሢ ናንጊና ናንጋ ጎዳ ማዔ ኑ ያአዛሢኮ ዓይሢካ ኑ ቦንቹቲ ቢያ ባአዚ ኑኡም ጊኢጋንዳሢርኬ» ጌይ ከኤዜኔ።

ዔርሚያሴ ሺኢቄሢር ናንጊና ናንጋ ጎዳ ማሄ ማሃዎ

7 ታጳ ከሊኮ ጊንፃፓ ናንጊና ናንጋ ጎዳ ፔ ቃአሎ ታአም ከኤዜኔ፤

8 ዩያር ዮሃናኔንታ ዒዛና ዎላ ዓአ ያሎ ዓሶ ሱኡጎንታ ዴራኦ ቢያ ዳካፓ ዴንዲ ዴኤፖ ዓሶ ሄላንዳኦና ታ ኮይላ ዩዓንዳጉዲ ታአኒ ዔኤሌኔ፤

9 ዒማና ታ ዔያቶም ሂዚ ጌዔኔ፡- «ታአኒ ዒዛ ያአጫንዳጉዲ ዒንሢ ታና ዳከ፡ ዒሰርዔኤሌ ያኦሲ ማዔ ናንጊና ናንጋ ጎዳ ሂዚ ጋዓኔ፤

10 <ዒንሢ ሃኖ ዓጮይዳ ናንጋያ ማዔቲ ታአኒ ዒንሢ ጊንሣ ማኸንዳኔ፡ ሻሃዓከ፤ ታአኒ ዒንሢ ቱቱካንዳኔ፡ ቱጋዓከ፤ ዒንሢዳ ታአኒ ዔከ ዩዔ ባይሰንታ ታና ሚርጌና ያዩሴኔ፤

11 ሃሢ ዒንሢ ዒጊጫሢጉዲ ባብሎኔ ካአቲ ሃካፓ ሴካ ዒጊጫፖቲ፤ ታአኒ ዒንሢና ዎላ ዓአሢር ዔያቶ ኩጫፓ ዒንሢ ዓውሳንዳኔ፤

12 ታ ዒንሢ ሚጫንታንዳኔ፤ ዒዚያ ዒንሢ ሚጫንቲ ዒንሢ ዓጮ ዒንሢ ማሃንዳጉዲ ታአኒ ማዳንዳኔ፤ ዩያ ጌዔሢ ታና፡ ናንጊና ናንጋ ጎዳከ።።

13 «ጋዓንቲ ዒንሢ ዒንሢኮ ያአዛሢ ማዔ ናንጊና ናንጋ ጎዳም ዎይዚ ዒዲ ሃኖ ዓጫ ዴዓዓ ጌዔቲ፡

14 ጊንሣ ሃሃ፡- «ኑኡኒ ያሊዚ ሃይሴና ዛዩ ዑኡሲና ዎይዚንቱዎያ፤ ናይዚያባአ፡ ጊብፄ ዓጮ ዴንዲ ኑ ዒኢካ ናንጋንዳኔ» ጌዔቲ፡

15 ዒንሢ ጹሁዳ ፒኢጩዮቴ! ናንጊና ናንጋ ጎዳ ጋዓ ቃኣሎ ወይዘተ፣ ዒሰራዔኤሌ ያኣዛሢ ማዕ ቢያ ባኮ ወይሢ ጎዳሢ ሂዚ ጋዓኔ፡- <ጊብፄ ዓጮ ዒንሢ ዴንዲ ዒኢካ ናንጋኒ ኮዔቴ፡

16 ዬይ ዒንሢ ዒጊጫ ያለ ዒንሢዳ ሙካንዳኔ፤ ዒንሢ ዒጊጫ ናያኣ ዒንሢ ጊንዖ ዒኢካ ዴንዳንዳኔ፤ ዒንሢ ዒኢካ ጊብፄይዳ ሃይቃንዳኔ።

17 ጊብፄ ዓጮ ዴንዲ ዒኢካ ናንጋኒ ኮዔ ዓሳ ቢያ ያልዚና፣ ናይዚና፤ ሃንጎ ደርዖና ሃይቁ ኩዳንዳኔ፤ ዔያቶፓ ፔቴ ዓሲታዎ ዓታዓኩ፤ ዔያቶይዳ ታኣኒ ዔኪ ዬዓኒ ማሌ ፑርቶ ባካፓ ቶላንዳ ዓሲ ባኣሴ።።>

18 «ቢያ ባኮ ወይሢ ጎዳ ማዕ ዒሰራዔኤሌ ያኣዛሢ ሂዚ ጋዓኔ፡- ጊብፄ ዓጮ ዒንሢ ዴንዳንዳኔ ጌይ ማሌ ዔቁቴ፣ ሃያኮ ቤርታ ዬሩሳላሜ ዳርይዳ ታኣኒ ኬይሴ ታኣኮ ዳጎና ፑርቶ ባኮና ዒንሢዳ ኬዳንዳኔ፤ ዒንሢ ሃሌ ባካ ዳር ቢያ ዒጊቻ ባኣዚ ማዓንዳኔ፤ ዒንሢ ዛጌ ዓሲ ቢያ ማኢጩ ዓማሎ ባኣዚ ዒንሢ ማሃንዳኔ፤ ሱጎፃኣ ዒንሢኮ ዒማዲ ማዓንዳኔ፤ ሃኖ ቤዘ ላሚ ዒንሢ ዛጋዓኩ።።»

19-20 «ዒንሢ ፒኢጩዲ ዓቴ ጹሁዳ ዴራ! ናንጊና ናንጋ ጎዳ ኮይላ ታና ዒንሢ ዳኪ ወደና <ዒዚ ኑና ዓይሢ ባኮ ቢያ ኑኡም ኬኤዜ፤ ኑኡኒ ማዲ ኩንሣንዳኔ» ጌይ ማዳኑዎ ባኣዚ ጫኣቁዖና ፑርታ ዳቢንቲ ዒንሢ ዳቤኔ፣ ሃሢያ ናንጊና ናንጋ ጎዳ <ጊብፄ ዓጮ ዴንዲፖቴ» ጌይ ላኣጌሢርታኣኒ ዬይ ጎኔ ማዓዖ ፔጋሲ ላቲ ዒንሢሢም ኬኤዛኔ።

21 ሃይሾ፤ ሃኖ ታ ዒንሢም ፔጋሲ ኬኤዜኔ፤ ዒንሢ ጋዓንቴ ናንጊና ናንጋ ጎዳ ማዕ ዒንሢ ያኣዛሢ ታኣም ኬኤዜም ታ ኬኤዜ ባኮ ቢያ ዓይሢንቲ ኩንሢሢ።

22 ዬያር ሃሢ ዒንሢ ዴንዲ ናንጋኒ ኮዓ ቤዘይዳ ያልዚና፣ ናይዚና፤ ጊንሣ ሃሣ ፑርታ ደርዖና ሃይቃንዳሢ ጎኔና ዔሩዋቴ።።>

43

ዔርሚያስ ጊብፄ ዓጮ ዔውቲ ዓኣዴሢ

1 ዔያቶኮ ናንጊና ናንጋ ጎዳ ማዕ ያኣዛሢ ዔያቶም ኬኤዛንዳጉዲ ታና ዓይሢ ባኮ ቢያ ዳርም ታኣኒ ኬኤዚ ጋፒሴኔ፤

2 ዩካፓ ሆሻያ ናኣዚ ዓዛሪያሴ፣ ቃሪሃ ናኣዚ ዮሃናኔንታ ያቶርሙዎና ጋኣቤ ማሌ ዓሲንታ ቢያ ታ ኮይላ፡- «ኔኤኒ ሉሉኡቃኔ፤ ናንጊና ናንጋ ጎዳ ማዕ ኑ ያኣዛሢ ኑኡኒ ጊብፄ ዴንዲ ዒኢካ ናንጉዋጉዲ ኬኤዘም ኔና ዳኪባኣሴ፤

3 ባብሎኔ ዓሳ ኑና ቢቲ ወይህንዳጉዲና ዔያታ ኮዔቲ ኑና ወዳንዳጉዲ፣ ሃንጎ ባብሎኔ ዓጮ ዲዒ ዔኪ ዴንዳንዳጉዲ ኔና ዘሪ ዔቁሴህ ኔሪያ ናኣዚ ባኣሮኬኬ» ጌዔኔ።

4 ዔያታ ሂዚ ጌዒ ዮሃናኔንታ ሶሎ ዓሶኮ ሱኡጋኣ ቢያ፤ ዬያጉዲ ዴሮዲጋኣ ፔቲ ዓሲታፆ ዪሁዲይዳ ናንጋኒ ናንገና ናንጋ ጎዳኮ ዓይሂፆ ከንህጎኣሴ፤

5 ዬካፓ ዮሃናኔንታ ሶሎ ዓሶኮ ሱኡጎንታ ዪሁዲይዳ ዓቲ ዓኣ ዓሶ ቢያ ገብፂ ዓጮ ዔኪ ዴንዳኔ፤ ዬይ ዓሳ ዬያኮ ቤርታ ማሌ ዴሮ ባኣካ ዘርቁንቲ ናንገቤቃ ገንህ ዪሁዲ ዓጮ ማዒ ሙኬ ዴሮኬ፤

6 ገንህ ቃሲ ገዲ ዓቲንቆንታ ላኣሎንታ፣ ናኣቶንታ ካኣቲኮ ወዲሮ ናኣቶዎ ዔኪ ዴንዳኔ፤ ባብሎኔ ዓጮኮ ሶሎ ዓሶ ሱኡጋህ፣ ናቡዛርዳኣኔ ጌዳሊያም ዔያቶኮ ቶኦኮ ዛገ ካፓንዳጉዲ ዒንገ ዓኣፎ ዓሶ ቢያ፤ ገንህ ሃህ ታናንታ ባኣሮኬንታኣ ዓይሱዎዎ ዔኪ ዴንዳኔ።

7 ዔያታ ናንገና ናንጋ ጎዳም ወይዘ ዒዲ ገብፂ ዓጮ ዴንዳፆ ሃፕናኣሴ ካታም ሄሌኔ።

8 ዒማና ናንገና ናንጋ ጎዳ ታኣም ሂዚ ጌዔኔ፡-

9 «ዴኤፒ ዴኤፒ ሹቸ፣ ዳካ ኮይ ዔኪጋፓ ዪሁዲ ዓሶፓ ዳካ ዓሲ ዛጋንቲ ካታምኮ ካኣታ ናንጋ ኬኤፆ ቃምፆ ጋራ ዲኡኪ ሲቢርቶና ማኤቸ።

10 ዬካፓ ታኣኒ፣ ዒሰራዔኤሌ ሶኣዛህ ማዔ ቢያ ባኮ ወይህ ጎዳ ታኣኮ ዓይላህ ማዔ ባብሎኔ ካኣቲ ናብካዳናፆኦሬ ሃይካ ዔኪ ዬዔም ኔኤኒ ዲኡኬ ዬንህ ሹጮንህ ዑፃ ፔኤኮ ካኣቱም ሶይቶ ጌህ ፔኤኮ ካኣቱም ማኣሮኮዎ ዓፒሎና ማኦ ማኣሮ ዴቃንዲያ ማዔህ ዔያቶም ኬኤዘ።

11 ናብካዳናፆኦሬ ሙኪ ገብፂ ዓጮ ሶሊ ባሻንዳኔ፤ ዶርዖና ሃይቁ ኩዳንዳጉዲ ጎሶና ዓሳ ዶርዓህና ሃይቁ ጋፓንዳኔ፤ ዲዒንቲ ዔውታንዳጉዲ ጎሶና ዓሳ ዲዒንቲ ዔውታንዳኔ፤ ሶልዚና ሃይቆም ጎሶና ዓሳኣ ሶልዚና ሃይቆንዳኔ።

12 ዒዚ ገብፂይዳ ዓኣ ማሌ ሶኣዘኮ ካኣኦ ማኣሮ ማቻንዳኔ፤ ዬያ ሶኣዘዎ ዲዒ ዔኪ ዴንዳንዳኔ፤ ቆልሞ ሄንቃ ናይ ጉፓሌይዳ ጉፓሌ ቃሲ ማኣዓህጉዲ ዒዚ ፔቲታፆ ማታባኣያ ፔ ዓጮይዳ ገብፂ ቃሲ ዔካንዳኔ።

13 ገብፂ ዓጮይዳ ሄሊዮፖሊሴ ካታማ ሹጮ ቆኦቁ ኮሾና ዳኣቦዎ ጋኣጪ ዒዚ ባይዛንዳኔ፤ ገብፂ ዓጮ ሶኣዘንታ ካኣኦ ማኣሮንታ ቢያ ዒ ታሚና ማቻንዳኔ።»

44

ጊብፄይዳ ናንጋ ዒሰራዔኤሌ ዓሶም ናንጊና ናንጋ ጎዳ ኬኤዜ ቃኣላ

1 ጊብፄ ዓጮኮ ኬዶ ዛሎና ሚግዶኦሌና ፃፕናኣሴና ሚምፒሴ ጌይንታ ካታሞናይዳ፤ ዬያጉዲ ሃሣ ደኦሎ ዛሎና ዲማዲማ ቤሰካ ዜርቁንቲ ናንጋ ዒሰራዔኤሌ ዓሶም ቢያ ኬኤዛንዳጉዲ ናንጊና ናንጋ ጎዳ ሂዚ ጌዔኔ፤

2 ዒሰራዔኤሌ ጾኦሲ ማዔ ቢያ ባኮ ዎይሣ ጎዳሢ ሂዚ ጌዔኔ፡- «ዬሩሳላሚና ማሌ ሃንጎ ዪሁዳ ካታሞናይዳ ቢያ ታኣኒ ዔኪ ዬዔ ባይሰንቶ ዒንሢ ዒንሢ ቶኦኪና ዛጌኔ፤ ሃሢ ሄለፆ ዔያታ ሻሂንቲ ደዔ ጎይሣ ዓይ ዓኣኔ፤ ዒኣካ ዓይጎ ዓሲያኣ ናንጉዎሴ፤

3 ዬያ ታኣኒ ማዳሢ ዬንሢ ካታሞይዳ ናንጋ ዴራ ፑርታ ማዶ ማዶ ታና ዳጋሴሢሮኬ፤ ዔያታ ማሌ ጾኦዞም ዒንጎ ባኣዚ ዒንጌኔ፤ ዔያቶንታ ዒንሢንታ፡ ዬያጉዲ ዒንሢኮ ቤርታኣ ዓድንሢያ ካኣሽከባኣ ጾኦዞ ዔያታ ካኣሽኬኔ፤

4 ታኣኒ ዒፃ፡ ዬያ ሻኣካ ባኮ ዒንሢ ማዶዎጉዲ ዒንሢ ጎሪ ላቲ ኬኤዛንዳጉዲ ታኣኮ ዓይሎ ታ ማሊፆ ኬኤዛ ዓሶ ታኣኒ ዒንሢ ኮይላ ላሚ ላሚ ዳኬኔ።

5 ዒንሢ ጋዓንቲ ዔያቶም ዎይዛ ዓታዛ ዔያታ ኬኤዛ ቃኣሎ ዔኤቢኬያኣ ጌይባኣሴ፤ ማሌ ጾኦዞም ዒንጎ ባኮ ዒንሢ ዒንጋ፡ ዬያ ፑርቶ ማዶ ዒንሢ ሃሻኒ ኮይባኣሴ፤

6 ዬያሮ ዪሁዳ ካታሞና ዬሩሳላሚ ካታሞኮ ጎይፆናይዳ ታኣኮ ዳጎና ባይዛ ፑርቶ ባኮና ታኣኒ ላኣሌም ዬይ ዬይካ ዔኤቴኔ፤ ዬይ ካታማ ሃሩ ዒንሢ ዛጋሢጉዲ ደዒ ጋፔም፡ ዒኣካ ናንጋ ዓሲያኣ ባኣያ ማዒ ዓኣኔ።

7 «ሃሢያኣ ታኣኒ፡ ዒሰራዔኤሌ ጾኦሲ ማዔ ቢያ ባኮ ዎይሣ ጎዳሢ ሂንዳ ዒንሢ ታኣኒ ጾኦጮም፤ ዒንሢ ዒንሢሮ ዎይታዛ ሃያ ፑርቶ ባኮ ቢያ ማዳይ? ዪሁዳ ዴሮይዳፓ ዜርሢ ማዓንዳ ፔቴ ዓሲታዎ ዓቱዎጉዲ ዓቲንቆንታ ላኣሎንታ ዳኮ ናኣቶንታ ዓኣሎ ናኣቶንታይዳ ሃይ ባይሰንታ ዬዓንዳጉዲ ዓይጋ ዒንሢ ኮዓይ?

8 ዒንሢ ሙኬ ዓሲ ማዒ ናንጋ ዓጮሎ፡ ጊብፄይዳ ማሌ ጾኦዞ ዘገ ካኣሽኪ፤ ሃሣ ዬያ ዒንሢ ኩቻ ዒንሢ ማጐጐ ጾኦዞም ዑንጆ ጮቢሲፆና ዓይጋ ታና ዳጋሳይ? ዓጮ ቢያይዳ ናንጋ ዓሳ ቢያ ዒንሢ ሚኢጪ ዓማላንዳጉዲ፡ ሱንፆዎ ዒንሢኮ ጋዳማ ሱንሢ ማሃንዳጉዲ ዒንሢሮ ዒንሢ ዒንሢ ባይዛኒ ኮዓ ዓሲዳ?

9 ዪሁዳ ሳፆና ዬሩሳላሚ ካታሞኮ ጎይፆናይዳ ዒንሢኮ ዓድንሢንታ ዪሁዳ ካኣቶንታ ዔያቶኮ ላኣሎንታ፤ ዬያጉዲ ሃሣ

ዒንሢንታ ዒንሢኮ ለአሎንታ ዒንሢ ማዴ ፑርቶ ማዴ ዒንሢ ዋሊያ?

10 ዒንሢ ሃኖ ሄለንዳኣና ዒንሢ ቶኦኮ ሂርኪዲ ሼሌዔ ዓሲ ማዒባኣሴ፤ ታናኣ ዒንሢ ቦንቺባኣሴ፤ ዒንሢኮ ቤርታኣ ዓዶንሢንታ ዒንሢንታም ታኣኒ ዒንጌ ዋጎና ዳምቦና ዶዲ ካፒ ዒንሢ ናንጋኒ ኮይባኣሴ።

11 «ዩያር ታኣኒ፣ ዒሰራዔኤሌ ያኦሲ ማዔ ቢያ ባኮ ዋይሃ ጎዳሢ ዒንሢዳ ዳጋዲ ዔቂ ዩሁዳ ዓጮ ጉቤና ባይዘንዳኔ፤

12 ዲዒንቲ ዔውቱዋየ ዩሁዳይዳ ፒኢጫዲ ዓቲ ዓሶፓ ጊብፄ ዓጮ ዴንዲ ዒኢካ ናንጋኒ ማሌዘንሢ ቢያ ታኣኒ ባይዘንዳኔ፤ ዳኮ ዓሶ ጌይንታ ዓሶፓ ዴንዲ ዴኤፖ ሄለንዳኣና ያልዚና፣ ሃንጎ ጊንሢ ናይዚና ጊብፄይዳ ሃይቃንዳኔ። ዩይ ዔያቶይዳ ማዲንቲ ባካ ዓሲ ዲቃሣያ ማዓንዳኔ፤ ዓሲ ቢያ ዔያቶ ሚኢጪ ዓመላያ ዔያታ ማዓንዳኔ፤ ሱንፃኣ ዔያቶኮ ጋደማ ሱንሢ ማዓንዳኔ።

13 ታኣኒ ዩሩሳሌሜይዳ ያልዚና ናይዚና ዲማ ዲማ ደርጋዋ ዔኪ ዩዒ ሜቶ ዔያቶይዳ ዓጌሢፕዲ፣ ጊብፄይዳ ናንጋ ዓሶይዳኣ ታኣኒ ሜቶ ዓጋንዳኔ፤

14 ዲዒንቲ ዔውቱዋየ ዩሁዳይዳ ዓቲ፣ ዩካፓ ጊብፄ ዓኣዲ ናንጋ ዓሶይዳ ፔቲ ዓሲታዋ ቶሊ ዓታንዳይ ባኣሴ፤ ጊንሢ ዔያታ ዒኢካ ሙኪ ናንጋኒ ጳቂሳ ሳዔሎ፣ ዩሁዳ ማሂ ዔያቶ ዔኪ ዩዓንዳ ዓይጎ ዓሲያኣ ባኣሴ፤ ዳካ ዓሲፓ ዓቲም ማዒ ሙካንዳ ዓሲ ባኣሴ።»

15 ለኣላ ዔያቶኮ ሜሌ ያኦዘም ዒንጎ ባኮ ዒንጋሢ ዔራያ ማዔ ዓቲንቃ ቢያ፤ ጊንሢ ሃሢ ጊብፄ ዓጮኮ ደኦሎ ዛሎይዳ ናንጋ ዒሰራዔኤሌ ዓሶንታ ዒኢካ ዔቂ ዓኣ ላኣላኣ ቢያ ፔቲይዳ ቡኪ ታ ኮይላ ዩዓየ፡-

16 «ኔኤኒ ናንጊና ናንጋ ጎዳ ሱንፃና ከኤዜ ባኮ ቢያ ኑ ዋይዛኒ ኮዑዋሴ፤

17 ኑኤኒ ኑኤኮ ማዲንዳኔ ጌዒ ማሌ ባኮ ቢያ ማዲንዳኔ፤ ጫሪንጮ ጌኤሾ ጌይንታ ኑ ያኦዜሎም ዑንጅ ኑ ጨቢሻንዳኔ፤ ኑናንታ ኑኤኮ ቤርታኣ ዓዶንሢንታ ኑኤኮ ካኣቶንታ ሱኤጎንታ ዩሁዳ ካታምና ዩሩሳሌሜ ካታምናኮ ጎይይይዳ ማዲ ጎይይ ሃሢያኣ ዋይኖ ዑጉኖ ዔኪ ሸኢሸ ኑ ዒዘም ዒንጋንዳኔ። ሃያኮ ቤርታ ዩያ ኑኤኒ ማዲኣና ማርጌ ባኣዚ ኑኤኮ ዓኣኔ፤ ኑኤኒ ዩያና ያርጎቺታሢር ፔቲታየ ሜታ ኑኤኮ ባኣሴ።

18 ጋዓንቲ ሃሢ ጫሪንጮ ጌኤሾም ዑንጅ ጨቢሻንታ ዋይኖ ዑጉኖ ዒንጎ ባኣዚ ማሂ ዋሂያ ኑ ሃሸማፓ ዓርቃየ ፔቲታየ ኑኤኒ ቃሲ ዴንቁ ባኣዚ ባኣሴ፤ ኑኤኮ ዴራ ያልዚና ናይዚና ኩኩዴኔ» ጌዔኔ።

19 ዬያ ገዳ ላክላ ቃሳዎ፡- «ጫሪንጮ ጌኤሾ ማሊሲ ላክዶ ኑ ላክዶ ዎዶና፡ ዒዞም ኑኡኒ ዒንጎ ባኮንታ ዎይኖ ዑዠዎ ዒንጎ ባክዚ ማሂ ኑ ዋሃ ዎዶና ኑ ዒንሂሂ ዔሩዋንቴ ኑ ማዳ ባክዚ ፔቴታዎ ባክሴ» ጌዔኔ።

20 ዬያይዲ ታኣም ማሂ ከኤዜ ዓቲንቆንታ ላክሎንታ ዳሮንታም ቢያ ታኣኒ ሂዚ ጌዔኔ፡-

21 «ዒንሂንታ ዒንሂንታ ቤርታኣ ዓዶንሂንታ፡ ዒንሂንታ ካኣቶንታ ሱኡጎንታ፡ ዒንሂሂ ዓጮይዳ ናንጋ ዓሳ ቢያ ዪሁዳ ካታሞና ዬሩሳላሜናኮ ጎይያይዳ ዑንጅ ጨቢሻሂ ናንገና ናንጋ ጎዳ ጳቂሁዋያ፤ ሃሃ ዋሊያ ዒንሂሂም ማላ?

22 ናንገና ናንጋ ጎዳ ዒንሂንታ ፑርቶ ማዳ ዛገ ገባኒ ዳንዳዒባኣሂሮ ሃሂ ዒንሂሂ ዛጋሂጉዲ ሳዓ ጋዳንቁንቴያ፡ ዓሲ ናንጉዋ ጉሪ ሳዓ ማዔኔ።

23 ዬይ ፑርቶ ባካ ቢያ ዒንሂሂዳ ሙኬሂ ሜሌ ያኣዞም ዒንሂሂ ዑንጅ ጨቢሹሂሮ፡ ናንገና ናንጋ ጎዳም ዋይዞ ዒንሂሂ ዒፃሂሮ፡ ዒዛኮ ዎጎና ዳምቦና ዓይሃ ጎይያ ዒንሂሂ ዓይሂንቲ ማዳባኣሂሮከ።»

24-25 ዪሁዳ ዓጮይዳፓ ገብፃ ሙኪ ናንጋ ዳሮም ታኣኒ ከኤዛንዳጉዲ ዒሰራዔኤሌ ያኦሲ ማዔ ቢያ ባኮ ዎይሃ ጎዳሂ ታኣም ከኤዜ ባኮ ቢያ ዳሮም ቢያ፤ ባሼና ገንሃ ላክሎም ሂዚ ጌይ ታኣኒ ከኤዜኔ፡- «ዒንሂንታ ዒንሂንታ ላክሎንታ ጫሪንጮ ጌኤሾም ዔኤቢ ዒንጋኒ ናኣቢ ዒንሂሂ ናኣቤኔ፤ ዒንሂሂ ዎዎዳኒ ጌዔይ ጌዔቴ ዒንሂሂ ዒዞም ዑንጅ ጨቢሻኒና ዎይኖ ዑዠ ዒንጎ ባክዚ ማሂ ዋሃኒያ ጫኣቄኔ፤ ያዲ ጌይ ዒንሂሂ ዔቁሂሮ ዴዴኤሹዋቴ፤ ዒንሂሂ ጫኣቄ ቃኣሎ ዒንሂሂሲ ካፒ፡ ዒንሂሂ ጌዔ ጎይያማ ማዳ ኩኩንሁዋቴ፤

26 ጋዓንቲ ገብፃይዳ ናንጋ ዒሰራዔኤሌ ዓሶ ቢያሂም ታኣኒ፡ ናንገና ናንጋ ጎዳ ታኣኮ ዴኤፖ ሱንያ ዔኤሊ ጫኣቄ ማዳኒ ቱኪ ዔቁ ባኮ ዋይዙዋቴ፤ ዒንሂሂዳፓ ፔቴ ዓሲታዎ፡- <ሸምፔና ናንጋ ዴኤፖ ያኣዛሂ ሃይቆ፤ ጌይ ታ ሱንያና ዔኤቢ ጫኣቁዎጉዲ ታኣኒ ላኣጋንዳኔ።

27 ኮሺ ባክዚቱዋንቴ ፑርታ ባክዚ ዒንሂሂም ታኣኒ ዒንጋንዳኔ፤ ዒንሂሂዳፓ ፔቴ ዓሲታዎ ዓቱዋዎ ቢያሂ ያልዚና፡ ሃሃ ናይዚና ሃይቆንዳኔ፤

28 ጋዓንቲ ዒንሂሂዳፓ ዳካ ዓሲ ሌሊ ገብፃ ዓጮይዳ ሃይቁዋዎ ዓቲ ዪሁዳ ማዒ ዳንዳንዳኔ፤ ገብፃ ዓጮይዳ ናንጋኒ ሙኬ ዪሁዳ ዓሶፓ ፒኢጫዲ ዓቲ ዓሳ ዒማና ታኣኒ ጋዓ ባኮና ዒንሂሂ ጋዓ ባኮናፓ ዎና ጎናዳቴያ ዲማሲ ዔራንዳኔ፤

29 ዬኖ ቤዘይዳ ዒንሢዳ ሜቶ ታኣኒ ዓጋ ዎድና፡- ታኣኒ ዒንሢዳ ባይዘንዳ ባኣዚ ዒንሢዳ ዔኪ ዬዓንዳኔ፣ ጌዔ ቃኣላ ጎኔ ማዓንዳሢ ታኣኒ፣ ናንገና ናንጋ ጎዳ ዒንሢዳም ፔጋሲ ኬኤዘኔ፤

30 ዪሁዳ ካኣተ፣ ሴዴቂያሴ ታኣኒ ቤርታ ዒዘኮ ሞርኬ ማዒ ዓኣያ፤ ሃሣ ዒዘ ዎዳኒያ ኮዓ ባብሎኔ ካኣተ፣ ናብካዳናዎራም ዓኣሢ ዒንጌሢጉዲ ዒዘ ዎዳኒ ኮዓ ዒዘኮ ሞርኮም ሆፒራ ጌይንታ ጊብፄ ካኣተ ዓኣሢ ታኣኒ ዒንጋንዳኔ።»

45

ዖኦሲ ባኣርኬም ማዳኒ ጫኣቄ ባኮ

1 ዒዮሲያሴ ናኣዚ፣ ዒዮዓቄሜ ዪሁዳይዳ ካኣታዳንቴ ያይዳሳ ሌዖና ታኣኒ ኬኤዘም ባኣርኬ ናንገና ናንጋ ጎዳኮ ቃኣሎ ቢራኖ ማፃአፖይዳ ፃኣፔኔ፤

2 ዒሰራዔኤሌ ዖኦሲ ማዔ ናንገና ናንጋ ጎዳሢ ባኣርኬም ኬኤዘንዳጉዲ ታኣም ኬኤዘ ባኮ ሂዚ ጌይ ታኣኒ ዒዘም ኬኤዘኔ፡-

3 ኔኤኒ፡- «ናንገና ናንጋ ጎዳ ታኣኮ ሜቶይዳ ታና ያዪሳ ባኣዚ ቃሳዘ ሃውሾ ታኣኮ ባይቄሢር ዔኤቢ ታኣም ዲሜም ታኣኒ ላቤኔ፣ ታና ባይዔ!» ጋዓኔ።

4 ጋዓንቴ ናንገና ናንጋ ጎዳ፡- «ታኣኒ፣ ናንገና ናንጋ ጎዳ ማዜ ባኮ ጊንሣ ሻሃንዳኔ፤ ቱኬሢያ ጊንሣ ታኣኒ ቱጋንዳኔ፤ ዬያ ታኣኒ ዓጮ ቢያይዳ ማዳንዳኔ፤

5 ዬያር ኔኤኒ ኔኤም ኮሺ ባኣዚ ማዳንታንዳጉዲ ዎይቲ ኮዓይ? ኔኤኒ ያዲ ማላንዳያ ኮይሱዎሴ፤ ታኣኒ ባይዘንዳ ባኣዚ ዓሲ ዜርሢ ቢያይዳ ኬይሳንዳኔ፤ ያዲ ማዔቴያ ኔኤኒ ዴንዳ ቤዘ ቢያይዳ ሜሌ ዓቴቱ ሾምፓሢታዎ ታ ኔኤኮ ዓይሳንዳኔ፤ ዬያ ጌዔሢ ታና፣ ናንገና ናንጋ ጎዳኬ» ጋዓኔ ጌይ ኬኤዘኔ።

46

ጊብፄ ዓጮ ዛላ ኬኤዘንቴ ባኣዚ

1-2 ናንገና ናንጋ ጎዳ ታኣም ጊብፄፓ ዓርቃዎ ሜሌ ዓጮ ካኣቶ ዛሎዎ ቢያ ኬኤዘኔ፤ ዒዮዓቄሜ ዪሁዳይዳ ካኣታዳንቴ ያይዳሳ ሌዖና ዔፕራዒሴ ዎር ኮይላ ዓኣ ቤዘ ካርካሚሺይዳ፣ ኔኮ ጌይንታ ጊብፄ ዓጮ ካኣተሰኬይ ዖሎሮ ዔኪ ኬሴ ዓሶ ባብሎኔ ካኣተ

44:30 2ካኣቶ. ማ 25:1-7። 45:1 2ካኣቶ. ማ 24:1፤ 2ዖኦሲ. ዓሃኬ 36:5-7፤ ዳኣኔ. 1:1-2።

ናብካዳናጾኑሬ ያሊ ባሾህዚ ዛሎ ናንገና ናንጋ ጎዳ ሂዚ ጌይ ኬኤኬኔ፦

3 «ጊቲሞንታ ዋርዖንታ ዒንሂኮ ገአጊሺ
ያልዚር ያሎ ጳኦኮ ዴንዲዋቲ፤

4 ፓራህዚ ዒንሂኮ ቢፃልቂ፥ ዒልካዮ ሄርቂጋፓ ቶጉዋቲ፤
ቶኦካ ዓጎ ያሎ ዓንጎ ዓጊ ቤሲ ቤሲ ዓርቁዋቲ፤
ዋርዖ ዒንሂኮ ዑጩ ገአጊሹዋቲ፤
ያሎ ማኣዓሂያ ማይንቲዋቲ።»

5 «ጋዓንቲ ሃይ ታኣኒ ዛጋ ባካ ዓይጎዳዖ?
ዒጊጩ ዓሳ ገንሂም ማዒሂዳኬ፤

ያሎ ዓሳ ሃይሾ ባሽንቲ፤
ቢያ ዛሎና ዒጊቻ ባኣዚና ሄርጊሻ ባኣዚ ዓኣሂር
ገንሂም ሺሪታዖ ዛጉዋዖ ቤርቲም ሌሊ ጳሽኪ ዔያታ ፑኔ።

6 ሩኡሪ ጳሽካ ዓሳታዖ ጳሽኪ ቶላኒ ዳንዳዑዋሴ፤
ጎኦባኬ ጌይንታ ዓሳኣ ፔና ዓይሳኒ ዳንዳዑዋሴ፤
ዔፕራዒሴኮ ኬዶ ዛሎይዳ ዲቂንቲ ዔያታ ሎኦሚ ጋፓኤ።

7 ሃይ ዓባዬ ዋርጉዲ ሙካሂና
ዋር ዓጮ ቢያ ኩሚ ጮኦሽኪ
ዔቦ ቢያ ዔኤዳንዳ ዋርዚ ማዔሂ ሃይ ያናዳዖ?

8 ዓባዬ ዋርጉዲ ሙኬሂና
ዋር ዓጮ ኬሰኪ ኩሚ ጮኦሽኪ
ዔቦ ቢያ ዔኤዳያ ማዔዛ፤

ጊብፂ ዓጮኬ፤
ጊብፂ ሂዚ ጌዔኔ፦ ታኣኒ ዔቂ ዓጮ ቢያ ዋኣሂጉዲ ዔኤዲ
ባይዛንዳኔ፤
ካታሞንታ ዒኣካ ናንጋ ዴርንታ ቢያ ኩርሳንዳኔ።»

9 ፓራህዚ ቤርቲም ዴንዳንዳጉዲ
ሳርጌሎ ያይታኣ ዒጊቻ ጎይሂና ሺሪ ሺሪ ዴንዳንዳጉዲ
ዒሹዋቲ፤
ዒቶጲያና ሊኢቢያናፓ ጊቲሞ ዔኪ ሙኬ ዓሶንታ
ሊኢዲያፓ ሙኬ ሂኢዦ ዲካ ጎኦቦ ዓሶዋ ቃሲ
ዳዲ ያላ ዓሲ ገአጊሺ ዳኩዋቲ» ጋዓኔ ናንገና ናንጋ ጎዳ።

10 ሃና ኬላ ቢያ ባኮ ዋይሃ ጎዳ ዶኦሬ ኬሊኬ፤
ዒዚ ሃኖ ኮሚ ዔካንዳኔ፤

ፔኤኮ ሞርኮይዳ ሜቶ ዓጋንዳኔ።
ዒዛኮ ጨንቸ ዓፓራ ሚርጌ ዓሲ ሙዓንዳኔ፤
ሱጉጾ ሜያቶኮ ዑሽካንዳኔ፤

ቢያ ባኮ ዎይህ ጎዳ ማዔ ጾአዛህ
ዔፕራዲሴ ዎሮኮ ኬዶ ዛላ ዓእ ዓሶ
ዒዛሞ ሹኪ ዒንጎ ባአዚ ማሂ ሹካንዳኔ።

11 ኩሙህ ዉዱሮ ማዒ ጴዳዜሌ፥ ጊብፄ! ጌሌዓዴ ዓጮ ዴንዲ
ቲሽቶንዶ ዴኤሻ ኮዔ፤
ኔኤኮ ዴኤሻ ቢያ ጉሪ ባአዚኬ፤
ኔና ፓህሂ ዳንዳዓይ ፔቲታፖ ባአሴ።

12 ዴራ ኔኤኮ ዳውሲንቶ ዎይዜኔ፤
ዓጮ ዴሮሞ ጉቤ ኔኤኮ ዒላታ ሱቴኔ፤
ፔቴ ፖኦሊሳህሂ ባጋህሂ ዎርቲሞ ቢያህሂ ዎሊ ዔኪ ሳዓ
ሎኦማኔ።

ናብካዳናጾኦሪ ያሎሮ ዩዓንዳህሂ ዛላ

13 ባብሎኔ ካኣቲ፥ ናብካዳናጾኦሪ ጊብፄ ዓጮ ያላኒ ሙካንዳህሂ
ዛሎ ናንጊና ናንጋ ጎዳ ሂዚ ጌይ ታኦም ኬኤዜኔ፡-

14 «ጊብፄ ካታሞ ሚግዳኦሌንታ፥ ሚምፕሲንታ
ፃፕናኣሴንታይዳ ሃያ ቃኣሎ ዴጊዲ ኬኤዜ፤
ሩዒንህሂ ዛሎ ያልታኒ ጊኢጉዎቲ፤
ዒንህሂ ኮይሎይዳ ዓኣ ያላ ቢያ ባይቃንዳኔ።

15 ዴኤፒኬ ዒንህሂ ጋዓ ዓጲሴ ጌይንታ ያኦዛ ዎይቲ ዒንህሂኮ
ሎኦሜይ?
ናንጊና ናንጋ ጎዳ ሂዒ ኬኤሬህሂሮቲዎዓዳ?»

16 ዔያቶኮ ያሎ ዓሳ ፔቴይ ባጋህሂ ዎርቲ ዎላ ሎኦማንዳኔ፤
ዔያታ ፔቴ ባጋህሂ ኮይላ፡-
«ሞርኮኮ ያላፓ ኑ ጳሽኪ ፑኒ
ኑ ዓጮ ዴሮ ባኣኮ ጌላኒ ሩኡሮሞ ጋዓንዳኔ።»

17 «ጊብፄ ካኣቲሞ፡- ማዶንዶ ባኮ ዳይዲ ሃሼ፥ ጉሪ ሆኦሊንቲ
ሺራያ ጌይንታ
ዓኪ ሱንህሂ ጌህንታንዳኔ፤

18 ሱንፃ፡- «ቢያ ባኮ ዎይህ ጎዳ ማዔ ጾኦሲ» ጌይንታ ካኣታህሂ ሂዚ
ጋዓኔ፤

46:13 ዔር. 43:10-13።

ታኣኒ ሽምፔና ናንጋያኬ፤ ዲኮ ባኣኮይዳ ታኣቦኦሬ ዲካ፣ ባዘ ኮይሎዳ ሃሣ ቁርሜሎሴ ዳጊ ጌይ ደዳሣጉዲ ዒንሣ 0-9 ዳግ ዳጊ ጌይ ዒንሣ ባሻንዳ ዎልቁ ዩዓንዳኔ።»

19 «ጊብፄ ዳሬዮቴ! ዒንሣ ዲዒንቲ ዔውታንዳሣረ ዒንሣኮ ዓኣ ሜሆ ቢያ ታኣጊንቱዎቴ፤ ማምፕሴ ካታማ ሻሂንቲ ዓሲ ናንጉዎ ዳውሌ ማዒ ዒታንዳኔ፤

20 ጊብፄ 0-9 ኮሽኪ ሚዛጴ ማሮጉዲኬ፤ ኬዶ ዛሎና ሙካ ሶኦምቦ ወፃላ ዒዞ 0-9 ቁንዳንዳኔ።

21 ሚኢሾር ማዲሻኒ ዔኮና ፖኦሊሳ ማሌ ዎፓናጉዲኬ፤ ጊንሣም ሺሪ ዔያታ ጳሽኪ ፑናንዳኔ፤ ዔያቶይዳ ፑርታ ዎጌ ዎጊንቴሣረና ባይሲንታኣ ዔያቶ ሂሊሣረ ደዲ ዔቁ ዔያታ ያላኒ ዳንዳዑዎሴ።

22-23 ሞርኮኮ ያሎ ዓሳ ሙኪ 0-ካኣና ሽኦሽጉዲ ሱኦሪንሣ 0-ኡሲ ዎይዚሲ ጊብፄ ጳሽኪ ፑናንዳኔ፤

ዲም ጌዔ ዓንሣ ካይዚ ዓሲ ጳሻሣጉዲ ዩይ ያሎ ዓሳ ሄርጋና ዔያቶይዳ ጌሊ ዔያቶ ኩርሳንዳኔ። ዩያ ዓሶኮ ፓይዳ ፓይዲንታኒ ዳንዳዑዎያኬ፤ ያሎ ዓሶኮ ሚርጉማኣ ዓቢሣዳፓ ባሻያ ማዓንዳኔ።

24 ጊብፄ ዳር ኬዶ ዛሎይዳ ናንጋ ዳራ ያሊ ባሻንዳሣረ ዔያታ ቦርሲንታንዳኔ፤ ዩያ ጌዔሣ ታና፣ ናንጊና ናንጋ ጎዳኬ።»

25 ዒሰራዔኤሌ ያኦሲ ማዔ ቢያ ባኮ ዎይሣ ጎዳሣ ሂዚ ጋዓኔ፡- «ጊብፄ ዓጮንታ ዒኢካ ካኣሽኪንታ ያኦዞንታ ካኣቶንታ፤ ቴቤሴ ጌይንታ ካታሞኮ ካኣሽኮ ያኦዞሣንታ ጊብፄ ካኣቲንታ ዒዛ ጉሙርቃ ዓሶ ቢያሣንታይዳ ሜቶ ታኣኒ ዓጋንዳኔ።

26 ሃሣ ጊንሣ ዔያቶ ዎዲኒ ኮዓ፣ ባብሎኔ ካኣቲ፣ ናብካዳናያጌና ዒዛኮ ያሎ ዓሶ ኩጮናይዳ ዓኣሣ ታኣኒ ዔያቶ ዒንጋንዳኔ፤ ዩካፓ ዳካ ጋዓዎ ዩያኮ ቤርታ ዓኣ ጎይያ ዓሲ ጊንሣ ጊብፄይዳ ናንጋያ ማዓንዳኔ፤ ዩያ ጌዔሣ ታና፣ ናንጊና ናንጋ ጎዳኬ።»

ናንጊና ናንጋ ጎዳ ዳር ዓውሳንዳያ ማዒያ ኬኤዚንቴሣ

27 «ታኣኮ ዓይላሣ፣ ያይቆኦቤ ናኣታ! ዒንሣ ዒሰራዔኤሌ ዓሳ! ዒጊጩ ዎዛ ቲቂፖቴ፤ ዒንሣ ታኣኒ ሃኬ ዓጮይዳፓ ዒንሣኮ ዜርዎዎ ታኣኒ ዲዒንቲ ዳንዳ ቤዛፓ ዔኪ ዩይሣና ዓውሳንዳኔ። ቤርታኣሲጉዲ ያኦኒያ ዒንሣ ዲቃሡዎንቴ

ገንሣ ኮሺ ናንጊ ዒኢካ ናንጋንዳኔ።
 28 ታኣኒ ዒንሣና ዋላታሣር ዒንሣ ታኣኮ ዓይላ፡ ዒሰራዔኤሌ ዓሳ!
 ዒጊጪ ዲቃቲ፤
 ዒንሣ ዜርቁንቲ ዴንዲ ዔያቶ ባኣካ ዴዓንዳጉዲ
 ታኣኒ ማሄ ዴር ቢያ ታኣኒ ባይዛንዳኔ፤
 ዒንሣ ጋዓንቲ ታኣኒ ጋፒሲ ባይዛዓኩ፤
 ያዲ ማዔቲያ ዳካ ታ ዒንሣ ፀንቃንዳኔ፤
 ታ ዒንሣ ፀንቁዋፖ ጋዓንቲ ሃሻዓኩ፤ ዬያ ጌዔሣ ታና፡ ናንጊና
 ናንጋ ጎዳኩ።»

47

ፒሊሰጻኤሜ ዛሎ ኬኤዚንቲ ያኦሲ ማለሣ
 1 ጊብጻ ካኣቲ ጋኣዛ ያላንዳሣኮ ቤርታ ናንጊና ናንጋ ጎዳ
 ፒሊሰጻኤሜ ዓጮ ዛሎ ሂዚ ጌይ ታኣሞ ኬኤዜኔ፤
 2 ናንጊና ናንጋ ጎዳ ሂዚ ጋዓኔ፡-
 «ሃይሾ፡ ኬዶ ዛላፓ ዲቢ ዋኣሣ
 ዋርዚ ኩኩሜ ዲጲጉዲ ዋታኔ፤
 ዬይ ዋኣፃ ሳዖና ሳዖይዳ ዓኣ ባኮ ቢያ
 ካታሞንታ ዒኢካ ናንጋ ዴርንታ ቢያ ዔኤዳንዳኔ።
 ዒማና ዴራ ቢያ ማኣዶ ዴንቃኒ ዒላታንዳኔ፤
 ሳዖይዳ ናንጋ ዓሳኣ ቢያ ዒኔ ሜቂ ዬኤካንዳኔ።»
 3 ጳሽኪ ሙካ ፓራሣ ቶኮኮ ፀኡዘይዳፓ ዔቄያና፤
 ሞርኮ ሳርጌሎ ያይቶኮ ሺራሣ ዋይዚሳ ፀኡዘፓ ዔቄያና፤
 ሃሣ ዬይ ሳርጌሎ ያይታ ጎዲ ሙካሣ ዔያታ ዛጋፖ
 ናኣቶኮ ዓዶንሣ ዋልቃ ዔያቶኮ ጌሌሞ ላባንዳሣር
 ፔኤኮ ናኣቶታፖ ዓውሳኒ ሺሪ ገንሣሞ ዛጋዓኩ።
 4 ፒሊሰጻኤሜ ባይቃንዳ ዋዳ ሄሌኔ፤
 ሃይቁዋፖ ቶሊ ዓቲ ጂርሴና ሲዶናና ማኣዳንዳ ዓሳ ቢያ
 ካኣሙዋያ ማዒ ሃኬ ሃኬ ዴዓንዳ ዋዶ ፀኡኬ።
 ታኣኒ፡ ናንጊና ናንጋ ጎዳ ሃይቦፓ ዓቲ ባዞ ዓጫ ዓኣ
 ካፕቶኦሬ ዜርፖ ማዔ ፒሊሰጻኤሜ ዓሶ ቢያ ባይዛንዳኔ።
 5 ጋኣዛ ዓጮ ዴራ ያዪ ፔኤኮ ቶኦኮ ሜኤዳንዳኔ፤
 ዓሰቁሎና ዓሳ ዚቲ ጋዓንዳጉዲ ማዲንታንዳኔ።
 ፒሊሰጻኤሜ ዶኦጮይዳ ባይሲንቶፓ ቶሊ ዓቲ ዓኣ ዓሳ
 ፀያ ፔኤኮ ቲሊንጎና ቲቂ ቲቂ ያሣሣ ዋማ ሄላንዳኣናዳፖ?

46:27 ዔር. 30:10-11። 47:1 ዒሲ. 14:29-31፤ ሂዚ. 25:15-17፤ ዓዲ. 3:4-8፤
 ዓሞ. 1:6-8፤ ሶፖ. 2:4-7፤ ዛካ. 9:5-7።

- 6 ሩንገና ሩንገ ጎዳኮ ጨንቆ ዓራፓሦ! ማዶ ሃሺ ኔ ሃውሻንዳ ዋዳ ዓይዲዲይ?
ሃዳራ ኔኤኮ ጎንጎኖ ጋሮ ጌሊ ሃውሾ። ጌይ ጌይ ዒንሢ ዒላታንዳኔ።
- 7 ጋዓንቴ ታኣኒ፣ ሩንገና ሩንገ ጎዳ ዒዛሞ ዒንጌ ማዶ ኩርሱዋዎ ዋይቲ ዒዚ ሃውሻንዳይ?
ዓሰቄሎናና ባዘ ዓጮናይዳ ሩንገ ዓሶ ኩርሳንዳጉዲ ዒዛ ታኣኒ ዓይሤኔ።»

48

ሞዓኣቤኮ ባይሲንቶ

- 1 ዒሰራዔኤሌ ጾኦሲ ማዔ ቢያ ባኮ ዋይሢ ጎዳሢ ሂዚ ጋዓኔ፡-
«ኔቦ ካታማ ሻሂንቲ ዶዒ ባይቃንዳሢሮ
ኔቦ ዴሮ ባዴዔ!
ቁሪያታይሜ ካታማኣ ሞርኮ ኩጮ ጋሮ ጌላንዳኔ፤
ዶዲ ማዒ ዓኣ ዒዘኮ ዋርዲዮ ከኤላ ሻሂንታንዳኔ፤
ዴራኣ ዒዘኮ ዳውሲንታንዳኔ።
- 2 ሞዓኣቤኮ ቦንቺንታ ጋፓንዳኔ፤
ሃሴቦኦኔ ባይዛኒ ዓሳ ዘርቲ ዔቃንዳኔ፤
ዔያታ፡- ሃኒ ዬውዋቴ፣ ሃይካፓ ሴካ ሱንሢ ዒዘኮ ከሰኩዋጉዲ
ኑኤኒ ዒዘ ባይዘሞ፣ ጋዓንዳኔ፤
ዒንሢ ማድሚኔ ካታሞ ዓሳ! ጨንቆ ዓራፖ ዒንሢ ዳውሳንዳሢሮ ዔኤቢ ጎውዋዎ ዚቲ ዒንሢ ጋዓንዳኔ።
- 3 ሆሮናይሜ ካታሞይዳ ሄላንዳ ባይሲንቶና ዔያታ ዒላታንዳ ዒላቶ ዋይዙዋቴ።»
- 4 «ሞዓኣቤ ካታሞ ዶይሲ ባይዘናኔ፤ ዬያሮ ናኣታ ዒዘኮ ዒላታኔ።
- 5 ሌካ ዔያታ ሉሂቴ ካታሞ ጾዳኣና ዒናፓ ዬኤካንዳኔ፤ ሆሮናይሜ ባንሢ ሊካ ዔያታ ከዳኣና ካታማ ዶዒ ባይቄሢሮ ዋኣዪሢ ዑኤሲ ዋይዚሳንዳኔ።
- 6 ዔያታ ዋሊ ኮይላ፡- «ዒንሢኮ ሹሞፖ ዳውሳኒ ሩኤሪ ጳሽኩዋቴ! ዓሲ ሩንጉዋ ዳውሎ ከርሞሎጉዲ ባባራኑዋቴ!»። ጋዓንዳኔ።

48:1 ዒ.ሲ. 15:1—16:14፤ 25:10-12፤ ሂዚ. 25:8-11፤ ዓሞ. 2:1-3፤ ሰፖ. 2:8-11።

7 «ሞዓኣቤ ዴሬዮቴ! ዒንሢ ዒንሢኮ ዋልቆና
 ቆሎ ሚርጉሞናይዲ ጌኤቁንቴኔ፤
 ሃሢ ጋዓንቴ ዒንሢ ዲዒንቴ ዔውጉንዳኔ፤
 ኬሞሼ ጌይንታ ያኣዛ ዴኤፖ ሱኡጎና ቁኤሶና ዋላ ዲዒንቴ
 ዔውጉንዳኔ።»

8 ናንጊና ናንጋ ጎዳ ኬኤዜ ጎይዖ
 ባይዛሢ ካታሞ ቢያ ሙካንዳኔ፤

ፔቴታዖ ቶላንዳ ዓሲ ባኣሴ።
 ደኣጮንታ ቦኦሎንታ ኩርሲ፥ ባኣያ ማሃንዳኔ።

9 ሞዓኣቤ ሳዓ ጎሺ ጎሽኪንቴሞያ ጉሪ ሳዓ ማዒ ዓታንዳጉዲ ሶኦጌ
 ዒኢካ ላኣሉሞቴ፤
 ዩኖ ዓጫ ዓኣ ካታማኣ ዓሲ ናንጉሞያ ጉሪ ቤሲ ማዓንዳኔ።»

10 ቁል ጌዒ ናንጊና ናንጋ ጎዳኮ ማደ ዒናፓ ማዲ ኩንሡሞይ
 ጋዳንቁንቴያ ማዖም! ናንጊና ናንጋ ጎዳ ዓይሣ ዋዶና ጨንቾ ዓራፓ
 ዓሲ ዋደሞጉዲ ላኣጋ ዓሲያኣ ጋዳንቁንቴያ ማዖም!

ሞዓኣቤ ካታሞኮ ሻሂንቴ ደዒዖ

11 ናንጊና ናንጋ ጎዳ ሂዚ ጋዓኔ፡- «ፔቴ ያቴፓ ማሌ ያቴዳ
 ዛኣሪንቴሞዖ ዓታሎና ዋላ ዓኣ ዋይኔ ዑሺ ዓኣፃ ጎይዖማ ዓኣፃ
 ዴዴዓኔ፤ ማሌ ማሌ ጎዑሞሴ፤ ዩያጉዲ ሞዓኣቤ ዴራ ዓጫ ዔያቶኮ
 ዔያቶሮ ማዒ ዔቁማፓ ዓርቃዖ ማታዲ ሴካ ሃንጋ ዓጊጹሞዖ ዴዔኔ፤
 ዲዒንቴ ማሌ ዓጨያኣ ዔያታ ዔውጥ ቤቁባኣሴ።»

12 ፔቴ ዓሲ ዋይኖ ዑጉፓ ያጉፓ ላኣሊ ዩኖ ጉሪ ማዔ ያቶ
 ዋደሢጉዲ፥ ታኣኒያ ሞዓኣቤ ካታሞ ደይሲ ባይዛንዳያና ዴሮዋ
 ዔኪ ማሌ ቤሲ ሺኣሻንዳ ዓሲ ዳካንዳ ዋዴ ዑኩኔ።»

13 ዒሰራዔኤሌ ዓሳ ጉሙርቃ፥ ቤኤቴሌይዳ ዳኣቢ ዔቁሶና
 ያኣዘይዳ ማደንቴ ባኮና ዔያታ ቦርሲንቴሢጉዲ ሞዓኣቤ ዓሳኣ
 ኬሞሼ ጌይንታ ያኣዘይዳ ታ ማዳ ባኮና ቦርሲንታንዳኔ።»

14 «ሞዓኣቤ ዴሬዮቴ! ሕኡኒ ያልዚና ዔርቴያ
 ያልዚ ያሊያ ኑ ዛጊ ሚኒ ኬሰኬያኩ» ጌይ ዋይቴ ዒንሢ
 ያቶርቃይ?

15 ሞዓኣቤ ካታማ ሃይሾ ሻሂንቴ ደዔኔ፤
 ሚዛጲ ሚዛጲ ማዔ ዴጌሢ ተቁንታኒ ዒኢካ ዋቴኔ፤
 ታኣኒ፥ ካኣታሢ ዩያ ጌዔኔ፤ ሱንፃ ታኣኮ ሲያ ባኮ ዋይሣ ጎዳ
 ጌይንታ።»

16 ሞዓኣቤኮ ባይቁፃ ዑኩኔ፤
 ሻሂንቴ ደዓንዳ ዋዳኣ ሩኡሪ ዩዔኔ።»

- 17 «ዒዘኮ ጴኤፖ ሱንፖ ዔራያ ማዒ፥ ኮይላ ዑኩ ናንጋ ዴራ ቢያ፡-
 <ዒዘኮ ቢታንቶ ዔርዛ ጴኤፖ ዋልቃ ዋይቲ ጉሪ ማዔያ፤
 ደደ ካአቱዋ ኮኦላአ ዋይቲ ማቄዖ ጌይ ቃዪ ዩኤኩዋቲ!
- 18 ዙሎ ዲርቆና ኬኤሎ ዲፃ ሻሂንቲ ደዔህ ኩሊንቴ ቤሲ
 ማዓንዲጉዲ
 ሞዓኣቤ ሻሂ ባይዛንዲህ ሃይሹ፥ ሃይካ ዓኣሂር
 ዲቦኔ ካታሞይዳ ናንጋ ዓሳ፥ ዒንሂህ ቢያህ
 ዒንሂኮ ቦንቾ ቤዛፓ ኬዲ ሳፖ ሲላሎይዳ ዴውዋቲ፤
- 19 ዒንሂህ ዓርዔኤሬይዳ ናንጋ ዓሳ ቢያ
 ጎይፖ ዓጫ ዔቁ ካፑዋቲ፤
 ፑኒ ዴንዳ ዓቲንቆና ቶሊ ዴንዳ ላኣሎና ቢያ ፖኦጪ
 ዩይ ዓይጎ ባኣዚታቲያ ዔሩዋቲ።
- 20 ሞዓኣቤ ሻሂንቲ ዳውሲንቲ ሎኦሞ ሎኦሚሂር
 ዒላቲ ቃዪ ቃዪ ዩኤኩዋቲ፤
 ዒዛ ዓሲ ናንጉዋ ዓጪ ማዔህ ዓርኖኦኔ ዋር ኮይላ ዓኣ
 ዓጮሞ ቢያ ኬኤዙዋቲ።

21-24 «ዓሌ ማዔ ቤዘይዳ ማኸንቴ ካታሞ ጌይፃ፡- ሆሎኔ፥
 ሃሂፃ፥ ማፓዓቲ፥ ዲቦኔ፥ ኔቦ፥ ቤትዲብላታይሜ፥ ቁሪያታይሜ፥
 ቤትጋሙሎ፥ ቤትሚፖኔ፥ ቁሪዮቲንታ ቦዲራ ጌይንታ ካታሞንታ፤
 ዑኩያ ሃኬያ ዓኣያ ማዔ ሞዓኣቤ ካታሞ ቢያሂዳ ጴኤፒ ማታ
 ዩዔኔ፤

25 ሞዓኣቤኮ ዋልቆ ማዔ ባካ ማቄኔ፤ ቢታንታኣ ዒዘኮ
 ዔውቲኔ፤ ዩያ ጌዔህ ታና፥ ናንገና ናንጋ ጎዳኬ።»

ሞዓኣቤኮ ዳውሲንቶ

26 ናንገና ናንጋ ጎዳ ሂዚ ጋዓኔ፡- «ታኣሞ ዒዛ ዋይዘ ዓዲ
 ፖቶርቄሂር ሞዓኣቤ ዑሺ ማሂሱዋቲ፤ ዒዛ ፔኤኮ ጮኦኸይዳ
 ኮላ ደንጎ፤ ዓሲሞ ዒዛ ሚኢቹ ባኣዚ ማፖንጎ፤

27 ሞዓኣቤ! ዒሰራዔኤሌ ዉዘና ዋላ ዓዲንቲባኣቲያ ኔኤኒ ዒዘ
 ሚኢጪ፥ ዒዘ ዛሎ ኔኤኒ ኬኤዛፖ ቶኦኮ ኔኤኮ ኔኤኒ ዓገሃኔ።

28 «ሞዓኣቤ ካታማ ናንጋ ዴሬዮ! ዒንሂኮ ካታሞ ሃሺ ማገ
 ዓቹዳ ፔኤኮ ማኣር ማዛ ደኦሌጉዲ ጴኤፒ ሹቹ ባኣካ ዴንዲ
 ናንጉዋቲ።

29 ሞዓኣቤ ሚርጌና ፖቶርቄ፥ ፔናኣ ዴግ ዴገዲ ሆኦሊንታያ ማዒ
 ዒናዋ ፔኤኮ ሹቹ ማሂህ ታኣኒ ዋይዘኔ።

30 ታኣኒ ዒዘኮ ፖቶርሞ ዔራኔ፤ ሄርሺንቶንታ ዒዛ ማዳ ማዳንታ
 ጉሪኬ።

31 ሞዓኣቤ ዛሎ ታኣኒ ዎኦ! ዎኦ! ጋዓንዳኔ፤ ሞዓኣቤ ዓሶ ጉቤህ ዛሎ ዑኡዞ ጰጊዲ ታኣኒ ዒላታንዳኔ፤ ቂሪሄሬሴ ዓሶ ዛሎዎ ሶዪ ታኣኒ ዩኤካንዳኔ።

32 ያዕዘሬ ዳር ዛሎ ታኣኒ ዩኤካሰካፓ ባሼ ሲቢማ ዳር ዛሎ ዒላቲ ዒላቲ ዩኤካንዳኔ፤ ሲቢማ ካታሜሌ! ኔኤኒ ኔኤኮ ካኣፓ ባልጊ ዳንዲ ሶኦጌ ባዚና ጌይ ያዕዘሬ ሄሌ ዎይነጉዲኬ፤ ጋዓንቴ ኔኤኮ ጎርኪ ካፄ ዓኣፖ ባይዛህ ሃይሾ ሙኬኔ።

33 ማሊ ማዔ ዓጩሎ፡ ሞዓኣቤይዳፓ ዎዛንታ ሚኢቸንታ ዔውቴኔ፤ ዎይኖ ጩኡጶ ቤዞ ቢያይዳ ዎይኔ ጩኡጸንታይ ባኣያ ማዓንዳጉዲ ታኣኒ ላኣጌኔ፤ ዎዛና ሶራይቲ ሶራይቲ ዒኢካ ዎይኖ ሄርቂ ጩኡጸንዳ ዓሲ ባኣሴ፤ ዔኤቢኮ ዑኡሲ ዎይዚንታያ ማዔቴያ ዎዛ ዑኡሲ ዓሲ ዎይዛዓኬ።

34 «ሃሴቦኦኔና ዔለዔኤሌ ዳርና ዑኡዞ ፔኤኮ ጰጊዲ ዒላታኔ፤ ዒላታ ዔያቶኮ ዳንዲ ያሃፄ ሄሊ ሱታኔ፤ ሃህ ያዓሬፓ ዳንዲ ሆርናይሜና ዔግላትሺሊሺያ ጌይንታ ቤዛ ዎይዚንቴኔ፤ ኒሚሪሜ ዎኣፃኣ ሚጩኔ።

35 ሞዓኣቤ ዓሳ ፔ ሶኦዞሞ ዒንጋ ባኮንታ ዚጋ ዚጊያንታ ዑንጅ ጩቢሻህያ ታኣኒ ላኣጊ ሃሺሳንዳኔ፤ ዩያ ጌዔህ ታና፡ ናንጊና ናንጋ ጎዳኬ።

36 «ሞዓኣቤና ቂሪሄሬሴናይዳ ናንጋ ዳራ ፔኤኮ ዓኣ ባኮ ቢያ ባይዚ ኩቸ ጉሪ ማዓንዳህረ ሹሉንጎ ዎርቂ ዎርቂ ቃያ ዓሲጉዲ ታኣኒ ዔያቶ ቃዪ ዩኤካንዳኔ።

37 ሞዓኣቤ ዳራ ፔኤኮ ማኣርኮ ዑያይዳ ዓኣ ጰጌ ቤዞና ጎይያ ዓጩናይዳ ዳዒ ዩኤካንዳኔ፤ ዒማና ዓቲንቃ ፔኤኮ ቡኡጮ ሜኤዳንዳኔ፤ ዳራ ሃህ ፔኤኮ ቶኣኮ ጉኡላንዳኔ፤ ኩጮ ዑያዎ ቲሊንጊና ዔያታ ቲቃንዳኔ፤ ሃህ ሲዬ ፓቲሌያኣ ዔያታ ማኣዓንዳኔ።

38 ሞዓኣቤ ታኣኒ ፑርቲ ሜሄጉዲ ዎጰህረ ማኣርኮ ቶኦካ ዓኣ ጰጌ ቤዞና ዳራ ቡካ ቤዞናይዳ ቢያ ዩኤፒፓዓቴሞ ሜሌ ዎይዚንታንዳ ዑኡሲ ባኣሴ።

39 ሞዓኣቤይዳ ዓይጎ ዲቃህ ባኣዚ ሄለሞዳያ ዒዛ ዩኤካህ? ዎይቲ ዒዛ ቦርሲንቲ ዓኣፖ ካር ሺርሼያ? ዩያር ዒዛ ዒዞኮ ዓሺኖ ማዔ ዓጩሞ ቢያ ሚኢቸ ሚኢጮያና ዓሶ ዲዲቃህያ ማዒ ዓቴኔ።»

40 ጋኣዞ ፔኤኮ ፒሺ ሊካ ባራኒ ኬዳ ኮኣኬጉዲ ሞዓኣቤ ባንህ ሞርኬ ዠኡዠ ሙካህ ናንጊና ናንጋ ጎዳ ኬኤዘኔ፤

41 ካታሞና ዎርዲዮ ቤዞና ቢያ ዓርቂንታንዳኔ፤ ያዲ ማዓዛ ሞዓኣቤ ዓጩኮ ሶሎ ዓሳ ሾይቸ ዓርቂ ላኣሊጉዲ ዒጊቸሞና ሜታዳንዳኔ፤

42 ሞዓአቤ ታአሞ ዋይዞ ዒዲ የቶርቁሢሮ ሻሂንቲ ደዒ ባይቃንዳኔ፤ ሃይካፓ ሴካ ካኣቲ ዓአ ዓጩ ማዒ ዔርታዓኩ።

43 ሞዓአቤ ዴሬዮቴ! ናንጊና ናንጋ ጎዳ ሂዚ ጋዓኔ፡- «ዒንሢ ካፒ ዓአሢ ዒጊጩ ካራ ባይቁሢ፡ ዲቁ ሎንሣ ባአዚ፡ ዔቴንታ ፒሮንታኩ።»

44 «ዬያ ዒጊቹ ካራ ባይዛ ባኮፓ ቶላኒ ጳሽካሢ ዔቴይዳ ሎአማንዳኔ፤ ዔታፓ ኮአሚ ኬሰካሢ ሃሣ ፒሮና ዓዲንታንዳኔ፤ ሞዓአቤ ማቶ ዛጋንዳ ኬሊ ታአኒ ዔኪ ዬዓንዳኔ» ጋዓኔ።

45 ፑኒ ቶሎሮ ጳኩና ላቤ ዓሳ ሃሴቦኦኔ ዓጩኮ ሺቦ ዴማ ዴዔኔ፤ ዔያታ ዬያይዴሢ ታሚ ሃሴቦኦኔይዳ፡ ታሚኮ ሎሰታ ሲሆኔይዳፓ ዔቁ ሞዓአቤ የሎ ዓሶኮ ቤርታ ኬሰኪ የላ ጩርዡ ዓሶንታ ኮይላ ካአላ ዓሶዋ ሙዔሢሮኩ።

46 ሞዓአቤ ዓሶ ዒንሢ ባዴዔቴ! ካሞሼ ጌይንታ የአዞ ዘጊ ካአሽካ ዴሮ ዎዲ ኩርሶናኔ፤ ዓቲንቆንታ ዉዴሮ ናአቶንታ ዔያቶኮ ዲዒንቲ ዔውቴኔ።

47 «ያዲ ማዔቴያ ሞዓአቤ ዓጩኮ ዓአ ቆሎ ታአኒ ጊንሣ ማሃንዳ ኬሊ ዬዓንዳኔ» ጋዓኔ፡ ናንጊና ናንጋ ጎዳ፤ ሞዓአቤይዳ ዓሳና ፑርቶ ባካ ያዲና ጋፔኔ።

49

ዓሞኦኔ ዓጩ ዛሎ ኬኤዚንቲ የኦሲ ማሊሢ

1 ናንጊና ናንጋ ጎዳ ዓሞኦኔ ዓጩ ዛሎ ሂዚ ጋዓኔ፡- «ዒሰራዔኤሌ ዓሶኮ ዓቲንቁ ናይ ባአዓዳ? ዔያቶ ዳካላያአ ባአዓዳ? ሂዳየ የአዞ ማሂ ካአሽኩ፡ ሚልኮሚ ካአሽካ ዓሳ ጋአዴ የጳ ዳውሲ ዳኪ ካታሞይዳ ዔያቶኮ ዴዔሢ ዎይቲሢሮዳይ?»

2 ዬያሮ ዓሞኦኔ ዓጩ ካታማ ማዔ ራአባ የላኒ የላ ዓሲ ታአኒ ዔኤላንዳ ኬሊ ዬዓንዳኔ፤ ዒዛ ሻሂንቲ ደዔ ባአዚ ኩሜያ፡ ሃሣ ዓሲ ናንጉዋ ጉሪ ቤሲ ማዓንዳኔ፤ ጉርዳ ዒዞኮ ታሚና ሚቹንታንዳኔ፤ ዬካፓ ዒሰራዔኤሌ ዓሳ ቤርታ ዔያቶ ሳየ ቡሪ ዔኮናሢጉዲ ዒማይዲ ማሂ ቡሪ ዔካንዳኔ።

3 ዓይ ካታማ ሻሂንቲ ደዔሢሮ ዬኤኩዋቴ! ራአባ ካታሞኮ ኮይሎ ጉርደይዳ ናንጋ ዴራ ቢያ ዒላቲ ዬኤኩዋቴ! የአዞ ማሂ ካአሽኮ ሚልኮሚ ፔኤኮ ቁኤሶና ቁኤሶ ማአዲ ማዳ ዓሶና ዎላ ዲዒንቲ ዔውቴሢሮ ሲዬ ፓቲሌ ማይንቲ ካታሞኮ ዙሎ ዲሮ ጋርይዳ ሴካ ሃንጋ ጳሽኪ ጳሽኪ ዬኤኩዋቴ!

49:1 ሂዚ. 21:28-32፤ 25:1-7፤ ዓሞ. 1:13-15፤ ሶፖ. 2:8-11።

4 ላአፒ ላአፒ ዓአዳ ዎልቆና ዒንሢኮ ዒንሢ ሶቶርቃሢ ዎይታዛዳይ? ዒንሢ ሃይ ጉሙርቁዎ ዴራ! <ኦና ዎላንዳሢ ዎናዳይ> ጌይ ዒንሢኮ ቆሎ ዲቡሞና ዒንሢ ሶቶርቁኔ።

5 ታኣኒ ዔያቶይዳ ቢያ ዛሎና ሂርጊሻ ሜቶ ዔኪ ዩዓንዳኔ፤ ቢያሢ ዒንሢ ፑኒ ጳሽካንዳኔ፤ ቢያሢ ፔ ካራና ካራና ጳሽኪ ዴንዳንዳሢሮ ዩያ ጳሽኬ ዓሶ ማሂ ቡኩሳንዳ ዓሲ ባኣሴ።

6 «ጋዓንቴ ዩካፓ ታኣኒ ዓሞኣኔ ዓሶኮ ዓኣ ባኮ ጊንሢ ማሃንዳኔ፤ ዩያ ጌዔሢ ታና፣ ናንጊና ናንጋ ጎዳኬ።»

ዔዶኦሜ ዓሶ ዛሎ ናንጊና ናንጋ ጎዳ ኬኤዜ ባኣዚ

7 ቢያ ባኮ ዎይሢ ጎዳ ዔዶኦሜ ዓሶ ዛሎ ሂዚ ጌዔኔ፡- «ቴማኣኔ ካታሞ ዴራ ሃያኮ ቤርታ ዔያቶሞ ዒንጊንቴ ዔራቶ ባይዚያ? ዔያቶ ዘራ ዓሳ ዘሪዎ ባሽጊንቴያ? ዔያቶኮ ዔራታ ዎካ ዓኣዳይ?

8 ዔኤሳዎ ዜርዎ ታኣኒ ሻርሻ ዎዶና ሜቶ ዔያቶይዳ ዓጋንዳሢሮ፣ ዒንሢ ዴዳኔ ካታሞ ዴራ! ጊንሢሞ ጳሽኩዎቴ፤ ዴንዲ ካይካ ዔቴ ቆኦፔይዳ ፑኦዎቴ!

9 ዓሳ ዎይሮ ዓኣፖ ሶዮና ቲቂ ቲቂ ዔካ ዎዶና ዎይሮይዳ ዳካ ቃኣሉሚ ሃሻኔ፤ ዉሲ ዲሚና ሙኬቴያ ዔያታ ኮዓዘንሢ ሌሊ ዔኪ ዴንዳኔ፤

10 ታኣኒ ጋዓንቴ ዔኤሳዎ ዜርዎ ጋፒ ካላሳንዳኔ። ዔያታ ፑኒንታ ቤዘዎ ታኣኒ ፔጋሳንዳኔ፤ ዩያሮ ሃይካፓ ሴካ ዔያታ ፑናንዳ ካይዚ ዴንቃዓኬ፤ ዔያቶኮ ናኣቶንታ ዒጊኖንታ ዓሺናኣ ቢያ ባይቃንዳኔ፤ ዔያታኣ ናንጋዓኬ።

11 ዒንሢ ባኣካ ዓኣ ዜኤሮ ናኣቶ ሃሹዎቴ፣ ታኣኒ ዔያቶ ሹሞፔና ናንጊሻንዳኔ፤ ሃሃ ዜኤሮ ዒንዶንሢ ታና ጉሙርቆንጎ።

12 «ሻርሺሢ ኮይሱዎ ዓሳታዎ ዩያ ሜቶ ዔካያ ማዔቴ ዒንሢ ሜቶ ዔኪ ሻርሺንቴዎ ዓታንዳያ ዒንሢሞ ማላ? ያዲ ማዓዓኬ፤ ዒንሢ ዩያ ሜቶ ዔካንዳያ ኮይሳኔ።

13 ቦዲራ ካታማ ዓሲ ዒዒጊቻ፣ ዓሲ ናንጉዎ ዳውሌ ማዒ ዓታንዳሢ ታኣኒ ታና ጌፒ ጫኣቁኔ፤ ዓሲ ቢያ ዒዘ ሚኢቹ ባኣዚ ማሃንዳኔ፤ ሱንዎ ዒዘኮ ጋዳማ ሱንሢ ማሂ ዔያታ ኬኤዘንዳኔ። ዒዘኮ ኮይላ ዓኣ ጉርዳ ቢያ ናንጊና ሻሂንቴ ዶዔያ ማዒ ዓታንዳኔ፤ ዩያ ጌዔሢ ታና፣ ናንጊና ናንጋ ጎዳኬ።»

49:7 ዒሲ. 34:5-17፤ 63:1-6፤ ሂዚ. 25:12-14፤ 35:1-5፤ ዓሞ. 1:11-12፤ ዓብዱ. 1-14፤ ሚሊ. 1:2-5።

14 ፔቴ ኪሊታ ናንጊና ናንጋ ጎዳ ከኤዜያ ታኣኒ ዋይዘኔ፤ «ዔዶኦሜ ዴር ያላኒ ቡኩዋቴ! ያሎር ዔቁዋቴ!» ጌይ ከኤዛንዳ ኪሊታ ዓሲ ዴር ኮይላ ዳኪንቴኔ።

15 «ዓካሪ ታኣኒ ኔና ካኣቶ ባኣካ ላኣፓ፤ ዴር ባኣኮይዳኣ ቦሂንቴ ዓሲ ማሃንዳኔ።

16 ላሎ ሹጮይዳ ኬሰኪ ናንጋዜሌ፥ ዲኮኮዋ ቶኦኮ ሄሊ ኔና ዴጊሴዜ! ኔኤኒ ዒጊቻያ ማዔሢና ዒናኣ ኔኤኮ ያቶርቃያ ማዔሢ ኔና ጌሹኔ፤ ዋዚ ኔኤኒ ኔኤኮ ማኣር ኮኣኬ ማዋ ቤሲዳ ማዠቴያ ታኣኒ ኔና ዬካፓ ጎቺ ኬይሳንዳኔ፤ ጋዓኔ፥ ናንጊና ናንጋ ጎዳ።»

17 ናንጊና ናንጋ ጎዳ ሂዚ ጋዓኔ፡- «ዔዶኦሜይዳ ማዲንቴ ባኮና ዓሲ ዲቃታያ ማዓንዳኔ፤ ዒኢና ዓኣዳ ዓሲ ቢያ ዛጋ ዋዶና ዲቃታንዳኔ፤ ዒዛይዳ ሄሌ ባይሲንቶዋ ዛጊ ዲቃቲ ሄርሻንዳኔ።

18 ሶዶሜንታ ጋሞራ ካታሞንታ ዔያቶኮ ኮይላ ዓኣ ካታሞና ዋላ ሻሂንቲ ዶዔ ዋዶና ዔያቶይዳ ሄሌ ዬያ ባይሲንቶቶዲ ዔዶኦሜይዳኣ ባይሲንታ ሄላንዳኔ። ላሚ ዬኖ ቤዘይዳ ናንጋንዳ ዓሲ ፔቴታያ ባኣያ ማዓንዳኔ።

19 ደሞ ጌዔ ዮርዳኖሴ ካዮይዳፓ ዘቢ ኬሰኪ ዓኣዔ ማኣቲ ዓኣ፥ ማራታ ሄንቃ ቤዘ ሙካሢፓዲ ታኣኒያ ዔርቲባኣንቴ ሙኪ ዔዶኦሜ ዓጮ ሱኡጎ ዳውሳንዳኔ፤ ዬካፓ ታኣኒ ኮዔ ሱኡጌ ዶኦሪ ጌሣንዳኔ፤ ታጉዴያ ያናዳይ? ታና ጫርቁ ያኦጫያኣ ያናዳይ? ታ ቤርታ ዔቁ ታና ቃዛንዳ ቆልሞ ሄንቃኔ ጋዓንዳ ቢቲ ያናዳይ?

20 ዬያር ታኣኒ ዔዶኦሜ ዴር ማዲኒ ማሌ ባኮና ቲማኣኔ ካታሞ ዴርይዳኣ ዔኪ ዬዓኒ ማሌ ባኮ ዋይዘዋቴ፤ ናኣታ ዔያቶኮ ማራናይጉዲ ጎቺንቲ ጎቺንቲ ዔውታንዳኔ፤ ዬያ ዛሎና ዔያቶ ዛጋ ዓሲ ቢያ ዲቃታንዳኔ።

21 ዔዶኦሜ ዓሶኮ ሎኦማሢ ዋይዛያ ሳዓ ዓጊፃንዳኔ፤ ዲቃቲያ ዒላታ ዬይካፓ ዴንዲ ዘቁ ባዘ ሄሊ ዋይዚንታንዳኔ።

22 ኮኣኬ ጋኣዘ ፔኤኮ ፒሺ ዠኡዢ ኬዳሢጉዲ ሞርካ ባፃራይዳ ኬዲ ዴዓንዳኔ፤ ዬኖ ዋዶና ዔዶኦሜኮ ያሎ ዓሳ ሾይቺ ዓርቁሞ ሜታዳ ላኣሊጉዲ ማዓንዳኔ።

ዴማሰቆ ዛሎ ኬኤዚንቴ ያኦሲ ማሊሢ

23 «ሃማቴና ዓርፓዴ ካታሞናይዳ ናንጋ ዴራ ዴማሰቆኮ ባይሲንቶ ሃይሶ ዋይዛያ ዋኦቶንዶ ጎይሢ ባይዜኔ፤ ሌካ ሊካ ሂዒንቲ ሺራ ዴኤፒ ጻኤሬ ዋኣሢጉዲ ዒና ዔያቶኮ ዲቃቲ ካራ ባይዜኔ።

49:18 ማዠ. ማፃ 19:24-25። 49:23 ዒሲ. 17:1-3፤ ዓሞ. 1:3-5፤ ዛካ. 9:1።

24 ደማስቆ ደሮኮ ዋልቃ ላቤኔ፤ ፑናኒ ዔያታ ጊንሢም ማዔኔ፤ ዔያቶይ ዳዒጊቹም ጌሌኔ፤ ሾይቹ ዓርቄ ላኣሊጉዲ ዔያታ ሜታደኔ።

25 ዬና ዔርቲያ ማዔ ካታሜላ፤ ሃሃ ዋዛሳያ ማዔ ካታሜላ ዋይቲ ጉሪ ዓቲራ?

26 ዬና ኬሎና ዬና ካታሞኮ ያሎ ያላ ደጌ ናኣታ ካታሞ ሳዛ ዓኣ ጎይይይ ዋዲንታንዳኔ፤ ዒዞ ዓጮኮ ያሎ ዓሳኣ ዋዲንቲ ኩዳንዳኔ።

27 ደማስቆ ካታሞኮ ዙሎ ዲያ ቢያ ታሚና ታኣኒ ሚቻንዳኔ፤ ካኣቲ፡ ቤኔሃዳዴኮ ካኣቲሞ ማኣሮዋ ታኣኒ ሚቻንዳኔ፤ ዬና ጌዔሢ ታና፡ ቢያ ባኮ ዋይሃ ጎዳኬ።»

ቄዳሬና ሃይሬ ፃጳ ዛላ ኬኤዚንቲ ያኦሲ ማላሢ

28 ባብሎኔ ካኣቲ፡ ናብካዳናዖኦሬ ያሊ ባሺ ቄዳሬና ሃይሬና ካኣቶ ዓጮ ዛሎ ናንጊና ናንጋ ጎዳ ሂዚ ጋዓኔ፡- «ዔቁዋቲ፡ ቄዳሬ ዳሮ ያሎዋቲ፤ ዓባ ኬሰካ ባንፃ ዓኣ ዳሮ ባይዙዋቲ!

29 ዔያቶኮ ዓፒሎና ማዦ ማኣሮ፡ ዔያቶኮ ቆልሞ፡ ዔያቶኮ ኬኤዖ ጋራ ጎኦሶ ዓፒሎንታ ጋራ ዔያቶኮ ዓኣ ሜሆ ቢያ ዔኩዋቲ፤ ዔያቶኮ ጋኣላሢያ ዒንሢሮ ማሂ ዔኩዋቲ። ኦና ባይዛ ባኣዚ ሙኬኔ!» ጌይ ዔያታ ዒላታንዳኔ።»

30 ሃይሬይ ዳ ናንጋ ዳሬዮቲ! ናንጊና ናንጋ ጎዳ ሂዚ ጋዓኔ፡- «ባብሎኔ ካኣቲ፡ ናብካዳናዖኦሬ ዒንሢሞ ዚርቄ ዔቁ ቸርታ ባኣዚ ዓኣሢሮ ጳሽኪ ዴንዲ ባይቁዋቲ፤ ኮሺ ዔታዳ ዴኔ ቆኦፔይዳ ፑኑዋቲ።»

31 ናንጊና ናንጋ ጎዳ ሂዚ ጋዓኔ፡- «ካሮ ዋዶ ኮምባሎንታ ጋጋርዘንታ ባኣያ፡ ፔኤሮ ሌሊ ማዒ ሜታባኣያ ኮንጋቲ ኮሺ ዳዒ ዓኣ ዳሮ ያላኒ ዴንዲዋቲ።»

32 ዔያቶኮ ጋኣላሢንታ ሃንጎ ቆልሞንታ ዲዒንቲ ዔውታንዳኔ፤ ሻውሎና ሚዛቆ ዛሎ ጋንጋሮናይዳ ዓኣ ጋፓሮ ሜኤዳ ዳሮ ቢያ ዲማ ዲማ ካራና ታ ዜርቄ ዳካንዳኔ፤ ቢያ ዛሎና ሜቶ ታ ዔያቶይዳ ዔኪ ዬዓንዳኔ።»

33 ዬያሮ ሃይሬ ናንጊና ዉኡካ ናንጋያ፡ ዓሲ ናንጉዋ ጉሪ ቤሲ ማዒ ዓታንዳኔ፤ ላሚ ዒኢካ ሙኪ ማኣሪ ማዢ ናንጋንዳ ዓሲ ፔቲታዖ ጴዳዓኬ።

ዔኤላሜ ዳሮ ዛሎ ኬኤዚንቲ ያኦሲ ማላሢ

34 ቤዳቂያሴ ዪሁዳይዳ ካካኣታዳማና ናንጊና ናንጋ ጎዳ ዔኤላሜ ዓጮ ዛላ ባኣዚ ታኣም ኬኤዜኔ፤

35 ቢያ ባኮ ዋይሃ ጎዳሢ ታኣም ሂዚ ጌዔኔ፡- «ዔኤላሜ ሃኣዲ ዋልቃዳያ ማዓንዳጉዲ ማሄ፡ ዒዞ ዛሎ ሂኢዦና ያልታ ዓሶ ታኣኒ ዋዲ ባይዛንዳኔ።»

36 ቢያ ዛሎና ሴካ ሃንጋ ዒዞ ሂዓንዳ ዠባሬ ታኣኒ ዠባርሽሻንዳኔ፤ ዴሮ ታ ዒዞኮ ቢያ ቤሲዳ ዜርቃንዳኔ፤ ዬያሮ ዒዞፓ ዳውሲንቲ ዴንዴ ዓሳ ዴንዴዎ ዓታንዳ ዓጪ ባኣሴ።

37 ዔኤላሜ ዴራ ዔያቶኮ ሽምፓሢ ዎዳኒ ኮዓ ሞርኮ ባጊጫንዳጉዲ ታኣኒ ጎጳ ሻኣሎ ዔያቶኮ ዎሃንዳኔ። ዔያቶ ባይዛንዳ፣ ታኣኮ ዴኤፖ ዳጎ ታ ዔያቶይዳ ዔኪ ዬዓንዳኔ፤ ጋፒ ዔያታ ቲፅ ጋዓንዳያ ሄላንዳኣና ዖልዚና ዔያታ ዳውሲንታንዳጉዲ ታ ማሃንዳኔ።

38 ዒዞ ዓጮይዳ ካኣታዲ ዓኣ ካኣቲንታ ሱኡጎንታ ታኣኒ ባይዛንዳኔ፤ ታኣኒ ዒኣካ ካኣታዲ ዎይሣንዳኔ።

39 ያዲ ማዔቲያ ዔላኣሜኮ ዲዒንቲ ዔውቲ ባኮ ቢያ ታኣኒ ማሃንዳ ዎዴ ዬዓንዳኔ፤ ዬያ ጌዔሢ ታና፣ ናንጊና ናንጋ ጎዳኬ።»

50

ባብሎኔ ሞርኮና ዓዲንታንዳሢ ዛላ ኬኤዚንቲ ያኣሲ ማላሢ

1 ባብሎኔንታ ዒዞይዳ ናንጋ ዴሮንታ ዛሎ ናንጊና ናንጋ ጎዳ ታኣም ሂዚ ጌዔኔ፡-

2 «ዴሬም ቢያ ዳጊዲ ሃይሶ ኬኤዙዎቲ!
ባንዲራ ዔኪ፣ ዬያ ዛሎ ዓሶም ኬኤዚ ዔርዙዎቲ!
ዓኣቲንታ ባኣዚ ማሂ ፔቲ ባኣዚታዎ ዓይሲፖቲ!
ሃይሾ ባብሎኔ ዓዲንቲኔ፤ ስሌ ጌይንታ ያኣዛ ዳውሲንቲናኣኮኬ፤
«ማርዱኬ» ጌይንታ ያኣዞዎ ሜንሦናኔ፤
ባብሎኔይዳ ካኣሽኮ ሜሌ ያኣዛ ቦርሲንቲኔ፤
ሻኣካያ ማዔ፣ ዬያ ያኣዞኮ ማላሢያ ሜንሢ ኩርሶናኔ።»

3 «ባብሎኔይዳ ያልዚ ቡሊ
ሳዔሎ ዓሲ ናንጉዎ ጉሪ ሳዓ ማሃንዳ ዓሲ ኬዶ ዛላፓ ዔቄኔ፤
ዓሲንታ ቆሎንታ ቢያ ዒኣካፓ ፑኒ ዴንዲ ባይቃንዳኔ፤
ዒኣካ ናንጋንዳ ባኣዚ ባኣሴ።»

ዒሰራዔኤሌኮ ጊንሣ ፔ ዓጮ ማዒያ

4 ናንጊና ናንጋ ጎዳ ሂዚ ጋዓኔ፡- «ዎዶና ኬሎና ሄላዛ፣ ዒሰራዔኤሌና ዪሁዳና ዴራ ፔቲይዳ ታና፣ ዔያቶኮ ያኣዞሢ ኮዒ ዬኤኪ ዬኤኪ ዬዓንዳኔ፤

5 ዪዮኔ ባንሢ ዔኪ ዴንዳ ጎይያ ዔያታ ያኣጫንዳኔ፤ ዒማ ዔያቶም ዲዎና ጎይያማ ዔያታ ዓኣዳንዳኔ፤ ታኣና ዎላ ዔያታ ናንጊና ናንጋ ጫኣቁሞ ጫኣቃንዳኔ፤ ፔቲታዎ ዔያታ ዬያ ጫኣቁሞ ሃሻዓኬ።

50:1 ዒሲ. 13:1—14:23፤ 47:1-15።

6 «ዳራ ታኣኮ ዣኣሊ ባይቄ ማራይ ማዔኔ፤ ሄንቃ ዓሳ ዔያቶ ዣኣሊሴኔ፤ ዲኮይዳ ዔያታ ታኣኮ ማራቶ ዣኣሊሲ ባይዘኔ፤ ዲካፓ ጌሜር ባንሢ ዣኣሊ ዳንዳ ማራይጉዲ ታኣኮ ማራታ ዣኣሊኔ፤ ሙኪ ሺሪ ዋርቆ ቤዘዋ ታኣኮ ማራታ ባይዘኔ።

7 ማራቶ ካይዚ ቦዖ ሙዓሢጉዲ ታኣኮ ዳር ዳንቄሢ ቢያ ሸኣሊ ሙዓኔ፤ ዔያቶኮ ሞርካ፡- ኦኡኒ ፔቴታዖ ማዳ ፑርታ ባኣዚ ባኣሴ፤ ሃይ ቢያ ፑርቶ ባካ ዔያቶይዳ ሄሌሢ ዔያቶኮ ቤርታኣ ዓደንሢ ጉሙርቄ ናንጋ፥ ናንገና ናንጋ ጎዳሢ ሞ ዔያታ ዋይዘ ዒዳሢ ርከ፤ ዔያታኣ ዔያቶኮ ቤርታኣ ዓደንሢጉዲ ዒዳሞ ጉሙርቄንታዖ ማዒ ናንጋንዳያታዖኮ ዓቴሢ።»

8 «ዒሰራዔኤሌ ዳሬዮቴ! ባብሎኔፓ ፑኒ ጳሽኪ ኬሰኩዋቴ! ባጩሎ ሃሺ ዳንዳዋቴ! ዋኣሮኮ ቤርታ ሶርፒ ማዒ ጎቻ ኮላይጉዲ ማዑዋቴ!

9 ኬዳዖ ዛሎይዳፓ ዋላ ፔቴ ማዒ ዔቄ ዳሬና ባብሎኔ ታኣኒ ያለሻንዳኔ፤ ዔያታኣ ዒዳ ያላንዳኔ፤ ዬካፓ ዔያታ ዒዳ ዓርቃንዳኔ፤ ዔያቶኮ ሂኢዣ ዲኪንታኣና ዳቡዋዖ ዲካ፥ ጎኦባ ያልዚ ዓሲ ሂኢሺጉዲ ማዓንዳኔ።

10 ባብሎኔ ቡሪንታንዳኔ፤ ቡራ ዓሳ ዔያቶ ገደንዳያ ሄላንዳኣና ዳንቄ ባኮ ቢያ ዒኢፓ ዔካንዳኔ፤ ዬያ ጌዔሢ ታና፥ ናንገና ናንጋ ጎዳኬ።»

ባብሎኔኮ ሎኦሚዖ

11 ናንገና ናንጋ ጎዳ ሂዚ ጋዓኔ፡- «ባብሎኔ ዳሬዮቴ! ታኣኮ ዳር ቡሪዖና ዋዛዲ ዒንሢ ዒላሺ ኮኦሜኔ፤ ዘኦዜይዳ ሚሽኪ ያካ ማሮጉዲ ዒንሢ ያከ፤ ዚያ ፓሮጉዲያ ዒንሢ ኩኡኪ ያኦሌኔ፤

12 ሃሢ ጋዓንቴ ዒንሢኮ ዳኤፖ ካታሜላ ሚርጌና ደውሲንታንዳኔ፤ ዒንሢኮ ዓጩላ ደውሲንታንዳኔ፤ ሜሌ ካኣቶ ዓጩይዳፓ ሃቶ ዓጩ ማዓንዳኔ። ዋኣሢ ዒዳይዳ ባኣያ ማዒ ዓሲ ናንጉዋ ደውሌ ዒዳ ማዓንዳኔ።

13 ታኣኮ ዳጋፓ ዔቄያና ባብሎኔይዳ ናንጋንዳ ዓሲያኣ ባኣሴ፤ ሻሂንቲያ ማዒ ዒዳ ዓታንዳኔ፤ ዒኣና ኮርሳ ዓኣዳ ዓሲ ቢያ ሄርሺ ዲቃታንዳኔ፤ ሚኢጩያ ሚኢጩንዳኔ።

14 «ዒንሢ ሂኢዣና ያላ ዓሳ፡- ባብሎኔ ያላኒ ሙኪ ዒዳ ማንጉዋቴ፤ ታኣኒ፥ ናንገና ናንጋ ጎዳ ዔያቶ ላኣጌ ባኣዚ ማዲ ዔያታ ጎማዳሢ ርከ ዒንሢኮ ሂኢዣና ቢያ ባብሎኔ ዲኩዋቴ፤ ሂኢዣ ዒንሢኮ ሚጩንቲፖቴ።

15 ካታሜሎኮ ኮይሎ ሺሪ ሺሪ ዲቃሣ ዑኡሲ ዋይዚሱዋቲ! ባብሎኔ ኩጮ ዒንጊናኣኮኬ፤ ዴዒ ካፖ ካፖ ዴጌ ቤዛ ደዔኔ፤ ኬኤሎ ዲፃኣ ዒዘኮ ሻሂንቴኔ፤ ባብሎኔ ዓሶ ታኣኒ ኮሜ ኮፃንዳኔ፤ ዒንሣያ ዔያቶ ኮሜ ኮፁዋቲ፤ ሜሌ ዓሶይዳ ዔያታ ሚጨንቴዋፖ ማዳ ጌኖ ማዶ ዔያቶይዳ ማዶዋቲ።

16 ገዡይዳ ዜርፆ ዜርቃሣንታ ሃኣኮ ቡኩሳሣንታ ባብሎኔፓ ባይዙዋቲ፤ ዬያሮ ዬኖ ዓጮይዳ ሙፒ ዓሲ ማዒ ናንጋ ዓሳ ዬያ ፆላ ዓሶ ዒጊጨ ፔ ዒጊኖ ባንሣ ማዒ ዴንዳንዳኔ፤ ፔ ዓጮ ጊንሣ ማዒ ፑኒ ዴንዳንዳኔ።»

ዒሰራዔኤሌ ዴሮኮ ፔ ዓጮ ጊንሣ ማዒፆ

17 ናንጊና ናንጋ ጎዳ ሂዚ ጋዓኔ፡- «ዒሰራዔኤሌ ዴራ ዘቢ ዳዎሲ ዣኣኣሊሲ ዳካ ማራይጉዲ ማዔኔ፤ ቤርታ ዔያቶ ዓሶኦሬ ካኣቲ ሾኣሊ ሾኣሊ ሙዔኔ፤ ዩካፓ ሃሣ ባብሎኔ ካኣቲ ናብካዳናፆኦሬ ሜጌፆ ጋኣሺ ሙዔኔ።

18 ዬያሮ ታኣኒ፣ ዒሰራዔኤሌ ፆኦዘሣ ማዔ ቢያ ባኮ ዋይሣ ጎዳሣ ዓሶኦሬ ካኣቲ ሜቶይዳ ዓጌሣጉዲ ናብካዳናፆኦሬንታ ዒዘኮ ዓጮዋ ታኣኒ ሜቶይዳ ዓጋንዳኔ።

19 ዒሰራዔኤሌ ዴሮ ጊንሣ ታኣኒ ዔያቶኮ ዓጮ ማሃንዳኔ፤ ቁርሜሎሴ ዲኮና ባኣሳኣኔ ዓጮናይዳ ባቃላንዳ ባኮ ቢያ ዔያታ ሙዓንዳኔ፤ ዔፕሬኤሜና ጌሌዓዴ ዓጮናይዳ ባቃላንዳ ሃኣኮይዳፓ ኮዔሣጉዴያ ዔያታ ሙዓንዳኔ፤

20 ዬኖ ዋዶና ዒሰራዔኤሌና ዩሁዳ ካኣቶ ዓጮ ዓሶናይዳፓ ቶሊሲ ታኣኒ ዓይሳንዳ ዓሶ ማኣራንዳሣሮ ጎሜና ዳቢንቴና ዔያቶኮ ኮይንቴቲ ጴዳዓኬ።»

ናንጊና ናንጋ ጎዳ ባብሎኔ ዓጮይዳ ዓጌ ሜታሣ

21 ናንጊና ናንጋ ጎዳ ሂዚ ጋዓኔ፡- «ሚራታይሜና ፔቆዴና ዓጮ ዴሮ ፆሉዋቲ፤ ዔያቶ ዋዋዶዋቲ፣ ባባይዙዋቲ፣ ታኣኒ ዓይሣ ባኮ ቢያ ዔያቶ ማማዶዋቲ፤ ዬያ ጌዔሣ ታና፣ ናንጊና ናንጋ ጎዳኬ።

22 ዓጮሎይዳ ፆልዚ ዑኡሲ ዋይዚንቴኔ፤ ዴኤፒ ባይሲንታኣ ኬዴኔ።

23 ዓጪ ዴሬ ካራና ሙቁሣጉዲ ዲይ ጋኣጫዜላ፣ ባብሎኔ ዋይቲ ጋኣጨንቴይ! ዋይቲ ዬያይዲ ሜቁይ! ሜሌ ዴሮ ባኣካ ባብሎኔ ዋይቲ ጉሪ ማዒ ዓቴይ!

24 ባብሎኔ! ታኣኒ ኔኤሞ ፒሮ ፒሬኔ፤ ኔኤኒ ጋዓንቴ ዔራዋፆ ዬያና ዓዲንቴኔ፤ ኔኤኒ ናንጊና ናንጋ ጎዳ ማካኒ ኮዔሣሮ ዬያና ፔጋዲ ኔኤኒ ዓዲንቴኔ።

25 ናንጊና ናንጋ ጎዳ ፔኤኮ ሶሎ ዓንጋሞ ጌሃ ኬኤዖ ቡሊ ፔኤኮ ደጎ ዓንጋሞ ዔኪ ኬሰኬኔ፤ ቢያ ባኮ ዎይህ ጎዳ ማዔ ሶኦ ያኦዛህ ዩያይዳህ ካላዳ ዓሶ ዓጮይዳ ዒ ማዳንዳ ባኦዚ ዓኦህረኬ።

26 ቢያ ዛሎና ዬሮ ዓጮሎ ሶላኒ ኬሰኩዎቲ፤ ሃኦካ ዒዞኮ ናቲንቲ ዓኦ ኮኖ ቢያ ቡሉዎቲ፤ ዒኢፓ ዒንህ ደዒ ዔኬ ባኮ ሃኦኩቲዲ ናቲ ኩሉዎቲ፤ ፔቲ ባኦዚታዎ ዓይሱዎዖ ሳዔሎ ባባይዙዎቲ!

27 ዔያቶኮ ሶሎ ሶላ ዓሶ ሹካኒ ዒሺ ዴንደ ጌማይጉዲ ዔኪ ዴንዲ ዎድዎቲ፤ ዔያቶይዳ ሜቶ ታኦኒ ዓጋ ዎዳ ሄሌህረ ባብሎኔ ዓሶ ባደዔ!

28 «ናንጊና ናንጋ ጎዳ ማዔ ኑ ያኦዛህ ዔኬ ኮሞ፤ ዒዚ ፔኤኮ ጌኤዡ ማኦር ዛሎ ኮሜ ኮሞ፤ ባብሎኔፓ ጳሽኪ ቶሊ ሙኬ ዓሶንታ ደውሲንቲ ዒኦካ ናንጋ ዓሶንታ ያኦኔይዳ ኬኤዛ ባኮ ዎይዙዎቲ።»

29 ናንጊና ናንጋ ጎዳ ሂዚ ጋዓኔ፡- «ሂኢሺና ደካኒ ዳንዳዓ ሶልዚ ዓሲ ባብሎኔ ዴንዲ ሶላንዳጉዲ ዔኤሉዎቲ፤ ዔያታ ካታሜሎ ሙኪ ማንጎንጎ፤ ሶኦኒያ ቶሊ ዴንዲዎጉዲ ኮሺ ካፑዎቲ፤ ዒዛ ማዳ ፑርቶ ዛሎ ማሂ ዒዞሞ ዒንጉዎቲ፤ ሜሌ ዓሶይዳ ዒዛ ማዳ ጌሮ ማዳ ዒዞይዳ ማዳዎቲ፤ ዒዛ ዒሰራዔኤሌኮ ጌኤሺ ማዔ ያኦዛህ፤ ታና ቶኦቹ።»

30 ዬሮ ዴጌህ ዒዞኮ ካታሞ ሳዛ ዓኦ ጎይይዳ ዎዳንታንዳኔ፤ ዒዞኮ ሶሎ ዓሳኦ ቢያ ዒማና ዎዳንቲ ጋፓንዳኔ፤ ዬያ ጌዔህ ታና፡ ናንጊና ናንጋ ጎዳኬ።

31 «ዖቶሬሌ፡ ባብሎኔ! ታኦኒ፡ ቢያ ባኮ ዎይህ ጎዳ ማዔ ያኦዛህ ኔ ጊዳ ዔቃንዳኔ፤ ታኦኒ ኔጊዳ ሜቶ ዓጋንዳ ዎዳ ሄሌ።»

32 ኤኤኒ ሃና ሶቶሬላ ሎኦሚ ኔ ሜቃንዳኔ፤ ኔና ኬኤሊንቁ ዔቁሳንዳ ዓሲ ባኦኬ፤ ካታሞ ኤኤኮ ታኦኒ ታሚና ሚቹሳንዳኔ፤ ኔ ኮይላ ዓኦ ባኮ ቢያ ታኦኒ ኩርሲሳንዳኔ።»

33 ቢያ ባኮ ዎይህ ጎዳህ ሂዚ ጋዓኔ፡- «ዒሰራዔኤሌና ዪሁዳና ዴራ ሄርቁንቲ፤ ደዒ ዔያቶ ዔኬ ዓሳ ቢያ ቶሉዎ ጎይህ ዔያቶ ዓርቄ፤ ሃሻኒያ ዔያቶ ኮይባኦ።»

34 ጋዓንቲ ዔያቶ ማኦዲ ዓውሳህ ደዲ ዎልቁና ዓኦያኬ፤ ሱንዖ ዒዞኮ ቢያ ባኮ ዎይህ ጎዳኬ፤ ዒዚ ፔ ቶኦከና ዔያቶ ማኦዳንዳኔ፤ ኮሹሞ ሳይይዳ ዔያቶሞ ዔኪ ዬዓንዳኔ፤ ባብሎኔ ዴርይዳ ሃጊ ዒዚ ሜቶ ዔኪ ዬዓንዳኔ።»

35 ናንጊና ናንጋ ጎዳ ሂዚ ጋዓኔ፡- «ባብሎኔም፡ ዒዞ ዓጮ ዴሮም፡ ሱኦንታ ዔር ዓሶንታሞ ጨንቻ ዓራፖ ቱጊንቶንጎ!

- 36 ማርሻ ማርሻ ዓሳ ዔያቶኮ ዔኤያ ማዓንዳጉዲ
 የሎ የላ ዓሳኦ ዒጊጪ ጎጋይቃንዳጉዲ
 ጨንቻ ዓራፖ ዔያቶሞ ቱጊንቶንጎ!
- 37 ዔያቶኮ ፓራሢንታ ሳርጌሎ የይቶንታ ሚኢሾና ማዳ
 ፖኦሊሰንታይዳ
 ጨንቻ ዓራፖ ቱጊንቶንጎ! ዔያታ ላኦሊጉዲ ማዖም!
 ዔያቶኮ የርጎጫ ጨንቻ ዓራፖ ቱጊንቱሞ ቡሪንታንዳኔ።
- 38 ባብሎኔ ሻኦካያና ዓሲ ዣዣኦሻ ሜሌ የኦዞና ኩሜያታሢር
 ዋሮ ዋኦፃ ዒዞኮ ቢያ ሚጮንጎ!
- 39 «ዔያር ካዮ ቦዓ፣ ዉኡካሢንታ ቱኡቶንታ ዒኢካ ባብሎኔይዳ
 ናንጋንዳኔ፤ ዓይዲ ሄላንዳኦና ማዖም ሾይንቲፓ ሜሌ ሾይንቲ
 ኬሰካንዳኦና ዓሲ ናንጋ ቤሲ ዒዞ ማዓዓኬ።
- 40 ታኦኒ ሶዶሜና ጋሞራና ኮይላ ዔያቶኮ ዓኦ ካታሞንታ ዋላ
 ባይዜ ዋዶና ማዳንቲሢጉዲ ባብሎኔይዳ ዓይጎ ዓሲያኦ ማኦሪ
 ማዢ ናንጊንዲዋሴ፤ ዔያ ጌዔሢ ታና፣ ናንጊና ናንጋ ጎዳኬ።
- 41 ሃይሾ፣ የልዚ የላ ዳሬ ዓጮኮ ኬዶ ዛላፓ ሙካኔ፤
 ሚርጌ ዲቢ ዳሬና ሚርጌ ካኦቶና
 ዓጪ ማዔ ካራፓ ሙካኒ ዓጊጭ።
- 42 ዔያታ ፔኤኮ ሂኢዡንታ ጨንቻ ዓራፖንታ ዓርቂኬ፤
 ዔያታ ዓሲም ሚጪንቱዋኦያ ፑርታ ዓሲኬ፤
 ዔያቶኮ ፓራሢ ዲርጋኦና ካኦና ባዚ ዳቺንታ ዑኡሲጉዲኬ፤
 ባብሎኔ! ዔያታ ኔና የላኒ
 የልዚርዋ ጊኢጊ ሙካ ዓሲጉዲ ኔ ባንሢ ዔይሢዳኬ።
- 43 ባብሎኔ ካኦቲ ዔያ ሃይሶ ዋይዛዛ
 ኩጫ ዒዞኮ ዋቢ ጉሪ ዉልኪንታያ ማዓንዳኔ፤
 ሾይቺ ዓዳንቲ ላኦሊጉዲያኦ ዒዚ ሜታዳንዳኔ።
- 44 «ዮርዳኖሴ ዋሮ ዓጮይዳ ዓኦ ዳኤሎ ካያፓ ቆልማ ሄንቃ
 ማኦታ ዓኦ ዞኦዞ ኬሰካ ዞቢጉዲ ታኦኒ፣ ናንጊና ናንጋ ጎዳ ሙኪ
 ባብሎኔ ዓሳ ዔሩዋንቲ ዳውሲ ዔያቶ ዳካንዳኔ፤ ዔካፓ ታኦኒ ኮዔ
 ዓሲ ዶኦሪ ጌሣንዳኔ፤ ዓካሪ ታጉዲ ማዓንዳይ የናዳይ? ታና ጫርቂ
 የኦጫንዳሢያኦ የናዳይ? ታና ቃዛንዳ ሱኡጋሢያ የናንዳይ?
- 45 ናንጊና ናንጋ ጎዳ ባብሎኔ ዓሲም ቃዴ ባኮና ካላዳ ዓሶ
 ዓጮይዳ ዒ ማዳኒ ማሌ ባኮ ዋይዙዋቲ፤ ናኦታታዖ ዔያቶኮ
 ማራናይጉዲ ጎቺንቲ ዔውታንዳኔ፤ ዔያታ ዋርቃ ቤዛኦ ጉሪ
 ማዓንዳኔ።

46 ባብሎኔ ዓዲንቴሢ ዋይዛያ ሳዓ ቢያ ዓገፃንዳኔ፤ ዒዛኮ ዒላታ ማሌ ዴሮማአ ዋይዚንታንዳኔ።»

51

ባብሎኔይዳ ናንገና ናንጋ ጎዳ ቃሲ ዓጋኒ ገኢጌ ማቶ

1 ናንገና ናንጋ ጎዳ ሂዚ ጋዓኔ፡- «ባብሎኔና ዴሮና ፒዒ ባይዛንዳ ዴኔፒ ዓልጎ ዠባሬ ታኣኒ ዠባርሺሳንዳኔ፤

2 ዒዛ ሃኣኮፑዲ ሸርካንዳያና ሳዖ ዒዛኮ ባይዛንዳ ሞርኬ ማሌ ዓጨፓ ታኣኒ ዳካንዳኔ፤ ዒንሢ ባይቃንዳ ዋዲ ሄላዛ ዔያታ ቢያ ዛሎና ዖልዚ ዒንሢዳ ቡላንዳኔ።

3 ዒዛ ካፓ ፖኦሊሳ ሂኢዠ ፔኤኮ ዓኣሣንዳኣና፤ ገንሣ ሃሣ ዖሎ ማኣዓሢያ ማኣዓንዳኣና ዚቲ ጌይ ዔያቶ ዛገፖቲ፤ ዴጌሢ ዔያቶኮ ዋዲያ ማጨንቲ ሃሺፖቲ፤ ዔያቶኮ ዖሎ ዓሶ ቢያ ዋዲ ኩኩርሱዋቲ።

4 ዔያቶኮ ዖሎ ዓሳ ዔያቶ ካታሞኮ ሳዛ ዓኣ ጎይፃ ዴኪንቲ ሃይቃንዳኔ፤

5 ታኣኒ፡ ዒሰራዔኤሌኮ ጌኤዠሢ ላኣጌ ባኮ ዔያታ ማዲ ሳዖ ዔያቶኮ ዔያታ ካራና ቢያ ዳቢንቲያ ማሄቲያ ታኣኒ፡ ቢያ ባኮ ዋይሣ ጎዳ ማዔ ዔያቶ ዖኦዛሢ ዒሰራዔኤሌና ዪሁዳና ዋላዓኬ።

6 ባብሎኔፓ ፑኒ ጳሽኪ ባይቁዋቲ! ዒንሢኮ ሸምፓሢ ዓውሳኒ ጳሽኩዋቲ! ባብሎኔ ማዴ ጎሞ ዛሎና ጉሪ ሃይቂ ዒንሢ ጋፒፖቲ! ታኣኒ ዒዛም ኮይሳ ማቶ ዒንገ ኮሜ ዔካንዳ ዋዴኬ።

7 ዓጨ ማዔ ካራና ዓኣ ዓሳ ቢያ ዒዛፓ ዑሽኪ ማሢንታንዳጉዲ ባብሎኔ ታኣኮ ኩጫ ታኣኒ ዓርቂ ዓኣ ዋይሮ ዑሽኮ ዓንጎኬ፤ ዴራ ቢያ ዒዛፓ ዋይሮ ዑዠ ዑሽኪ ማሢንቲ ዠኣሌኔ።

8 ባብሎኔ ዔርቲባኣንቲ ሎኦሚ ማቁሢሮ ዒዛ ዛሎ ዩኤኩዋቲ፤ ጎዖንቲ ዒዛ ፖዓንዳያታቲ ሂንዳ ቲሽኪ ዓውሶ ዴኤሻ ኮዑዋቲ።

9 ዒኢካ ሙፒ ዓሲ ማዒ ናንጋ ዓሳ፡- «ባብሎኔ ኑ ፓሣኒ ማርጌ ካራ ኮዔኔ፤ ዒዛ ጋዓንቲ ፓዒ ፖዓኒ ዳንዳዒባኣሴ፤ ዒዛይዳ ዓጎና ማታ ሌካ ዴጌ ሻኣር ቤዛ፤ ገንሣ ሃሣ ጫሪንጮ ኬሰኬያ ማዔሢሮ ዒዛ ኑኡኒ ሃሺ ኑ ዓጮ ዓጮ ዴንደም፣ ጌዔኔ።»

10 ዒሰራዔኤሌ ዓሳ ዒማና ዋሊ ኮይላ፡- «ናንገና ናንጋ ጎዳ ኑኤም ባብሎኔ ዓሳ ማዴ ባኮኮ ኮሞ ኮዒሢሮ ሃኒ ዩውዋቲ! ዩሩሳላሜ ዴንዲ ናንገና ናንጋ ጎዳ ማዔ ኑ ዖኦዛሢ ማዴ ባኮ ቢያ ኩኤዛም» ጌዔኔ።

11 ናንጊና ናንጋ ጎዳኮ ማሊፃ ዒዛኮ ጌኤዠ ማአሮይዳ ማዲንቴ ባኮ ዛሎ ኮሚ ዔካኒታሢሮ ባብሎኔ ባይዛኒ ዒዚ ሜዶኔ ዔጮ ካአቶ ዔቁሴኔ፤ ዬያሮ ዒንሢኮ ፓልፆ ዋርቁ ገአጊሹዋቴ! ጊቴሞዋ ዒንሢኮ ኩጫ ዔኪ ዔቁዋቴ!

12 ባብሎኔኮ ከኤሎ ዲያ ሻሃኒ ባንዲራ ዔኪ ከሰኩዋቴ! ዒንሢኮ ደዲ ካፑዋቴ! ዴንዲ ሙራንዳ ዓሲያአ ገአጊሹዋቴ! ካቲ ዴይ ዲካንዳ ፆልዚ ዓሲያ ዲማሲ ከሱዋቴ፤ ዬያ ቢያ ዒንሢ ማዲንዳሢ ባብሎኔ ዴሮ ናንጊና ናንጋ ጎዳ ማዲኒ ማሌ ባኮ ኩንሣንዳሢሮከ።

13 ኔኤኒ ዴኤፖ ዴኤፖ ዋሮ ዔጮይዳ ናንጋ ፆርጎጩሌ፥ ባብሎኔ! ኔ ባይቃንዳጉዲ ጌይንቴ ዋዳ ዓካሪ ሂሌኔ።

14 ቢያ ባኮ ዋይሣ ጎዳ ባብሎኔ ዓሶይዳ ሚርጉማ ዓቢሢጉዲ ማዔ ፆልዚ ዓሲ ዔኪ ዬዓንዳሢ ፔ ሱንፆ ፔፒ ጫአቄኔ፤ ዬይ ፆሎ ዓሳ ባብሎኔ ባሺ ሜርታንዳኔ።

ፆኦሲ ቦንቕሞ ማዓ ዓይኑሞ

15 ናንጊና ናንጋ ጎዳ ፔ ዋልቆና ሳፆ፤ ፔ ዔራቶና ሃሣ ዔጮ ማዔ ካራና ቢያ ማጐፎኔ፤

ዒዛኮ ማሊ ጸቁሣ ዒኖናአ ጫሪንጮ ዴጊዲ ዒ ዳሬኔ፤

16 ጫሪንጮይዳ ዓአ ዋአፃ ዒዛ ባይሢሥና ዴቕንጉቴ ጉኡማኔ፤

ዒዚ ዓጫ ማዔ ካራፓ ሻአሮ ዔኪ ዬዓኔ፤

ዒኖና ዋሊ ዜኤሊንፆዋ ዒዚ ዜኤሊንሢሳኔ፤

ዒዛ ኮኖይዳፓ ዠባሮ ዒ ከሲ ዳኪ ዠባሮሺሳኔ።

17 ዓሳ ቢያ ካራና ዔኤቢ ዔሩዋአያ፥ ዔኤያ ማዔኔ፤

ዓንጎ ሸኤሽ ዲይ ፆኦዞ ኮሻሢ

ዒዚ ፆኦዞ ማሊሲ ኮሽ ባካ ቦርሲሳያ፤

ሃሣ ሸሞፔና ማዔ ዑኡሲ ዔኩዋአሢሮ ዒ ዳውሲንቴኔ።

18 ዬያታ ፆኦዞ ፓሣ ባአዚ ባአያ፥ ዓማሊ ባአዚኬ፤

ናንጊና ናንጋ ጎዳ ዋጋኒ ሙካ ከሎ ዬይ ባካ ጋአጩንጉ ባይቃንዳኔ።

19 ያይቆኦኔ ፆኦሲ ጋዓንቴ ዬያቶጉዲቴዋሴ፤

ዒዚ ቢያ ባኮ ማጐፎሢኔ፤

ዒዛሞ ዲማዴ ዴሪ ማዓንዳጉዲ ዒዚ ዒሰራዔኤሌ ደኦሬኔ፤

ዒዛኮ ሱንፆ ቢያ ባኮ ዋይሣ ጎዳኬ።

ፆኦሲኮ ዓንጎ ሙቁሣ

20 ናንጊና ናንጋ ጎዳ ሂዚ ጋዓኔ፡- «ባብሎኔ!

ኔኤኒ ታኣኮ ዓንጎ ሙቁሣና ፆሎ ዓንጋሞናኬ፤

- 21 ኔና ታኣኒ ዓገጋሞ ማሂ ዴር ጋኣጪናኣኮኮ፤
 ፓራሢንታ ፓራሢና ያላ ዓሶንታ
 ሳርጌሎ ያይቶንታ ሳርጌሎ ያይቶ ቶጋ ዓሶሞ
 ታኣኒ ኔና ዓገጋሞ ማሂ ጋኣጪፎኔ፤
- 22 ኔና ታኣኒ ዓገጋሞ ማሂ ለኣሎንታ ዓቲንቆንታ
 ጋርቾንታ ዴጌሢንታ
 ዓቲንቆ ናኣቶንታ ዉዴራሢንታ ሜንሢ ሳይዜ።።
- 23 ቆልሞ ሄንቃሢንታ ቆልሞንታ
 ጎዡ ጎሽካሢንታ ዋኣጂንቲ ጎሽካ ጌማቶንታ
 ዓጮ ዋይሣ ዓሶንታ ዴኤፖ ዴኤፖ ሱኡጎንታ
 ታኣኒ ኔና ዓገጋሞ ማሂኬ ሳይዚ ኩርሴሢ።።

ባብሎኔይዳ ሜታ ዓገንቴሢ

24 ናንጊና ናንጋ ጎዳ ሂዚ ጋዓኔ፡- «ባብሎኔና ዒዘይዳ ናንጋ ዴርና ዔሩሳላሜይዳ ማዴ ጌና ማዴ ዛሎር ቢያ ኮሞ ታኣኒ ዔካንቴ ዒንሢ ዛጋንዳ።።

25 ባብሎኔ! ዓጮ ካራና ቢያ ሳይዛ፡ ሳይሲንቶ ዔኪ ዩዓዲኬሌ! ሃኣዛጌ ታ ሃኖ ዩዓኔ፤ ታ ኔና ታ ኩቻ ዓርቂ ማጎ ኮላሲ ዳካንዳኔ፤ ታ ኔና ታሚና ሚቾና ዲካ ማሃንዳ።።

26 ማኣር ማዛኒ ዓርቃያ ጌሃ ዶዶ ሹጮንታ ማኣራ ዋላ ካኣማ ካርይዳ ጌሃ ሹጮ ዓሲ ኔጊዳፓ ዴንቂ ዔካዓኮ፤ ኔኤኒ ናንጊና ዓሲ ናንጉሞ ዓጪ ማዒ ዓታንዳኔ፤ ዩያ ጌዔሢ ታና፡ ናንጊና ናንጋ ጎዳኮ።።

27 «ዓጪሎ ቢያ ያላኒ ዒንሢ ኬሰኬሢ ዔርዛኒ ባንዲራ ዔኩሞቴ! ዴራ ቢያ ዋይዛንዳጉዲ ዛዩ ዋርቁሞቴ! ባብሎኔ ሙኪ ዔያታ ያላንዳጉዲ ዴር ዔኤሎሞቴ! ዓራራቴ፡ ሚኒንታ ዓሽኬናዜንታ ዓጮ ካኣታ ሙኪ ያላንዳጉዲ ዔያቶማኣ ኬኤዙሞቴ፤ ያሎ ዓሶ ዓይሣንዳ ሱኡጌያ ዶኦሩሞቴ፤ ሚርጉማ ዓቢሢ ማዔ ፓርሞ ዔቢ ዩሙሞቴ።።

28 ባብሎኔ ያላንዳጉዲ ዴር ዔቂሱሞቴ፤ ዲማ ዲማ ፓቂ ጊኢጊሹሞቴ፤ ሜዶኔ ዓጮ ካኣቶም፡ ዒኢካ ዓኣ ሱኡጎና ያሎ ዓሶ ዓይሣ ዓሶናም፤ ዩያጉዲ ዔያታ ፔ ዴማ ማሂ ዋይሣ ዓጮይዳ ዓኣ ያሎ ዓሶማኣ ማኤሢ ዳኩሞቴ።።

29 ባብሎኔይዳ ዓይጎ ዓሲያ ናንጉሞያ ጉሪ ቤሲ ማሃኒ ናንጊና ናንጋ ጎዳ ማሌ ማሊያ ኩንሣ ዋይታሢር ሳዓ ዓገጂ ጎጋይቃንዳ።።

30 ባብሎኔኮ ያሎ ዓሳ ያሎ ሃሺ ፔ ዋርዲዮይዳ ዴይ ዚቲ ጌዔኔ፤ ያልዚ ያላ ዓቲንቂ ማያ ዔያታ ባሽንቲ ላኣለንቲና ማዔኔ፤ ካታሞ ጌሎ ካርኮ ጋጋርዞ ሚፃኣ ሜቄኔ፤ ማኣራኣ ዔያቶኮ ታሚና ሚቾንቴ።።

31 ካታማ ዔያቶኮ ካራና ዓዲንቴህረ ባብሎኔ ካኣቲሞ ኬኤዛኒ ጳኩ ጳሽካ ፔቴህ ባጋህም፣ ኪኢቶ ዔኪ ሃንታህ ፔ ባጋህም ኬኤዛኒ ጳሽኪ ጳሽኪ ሺራኔ።

32 ሞርኮኮ ስሎ ዓሳ ዎሮና ፒንቆ ካሮ ቲቂ ዓርቂ ዔያቶኮ ዳይ ካፖ ካፖ ቤዞ ታሚና ሚቹኔ፤ ባብሎኔኮ ስሎ ዓሳ ዲቃቲ ካራ ባይዘኔ፤

33 ባብሎኔ ሃኣኮ ሸርኮ ቆይዳ ማዓንዳኔ፤ ሃኣኮ ሸርካ ቆልሞጉዲ ዳሮ ዔያቶኮ ሞርካ ሄርቂ ጊዶ ሃንታንዳኔ። ዬያ ጌዔህ ታና፣ ዒሰራዔኤሌ ስኣሲ ማዔ ቢያ ባኮ ዎይህ ጎዳህኬ።»

34 ባብሎኔ ካኣቲ ናብካዳናፆኦሪ ዬሩሳላሜ ካታሞ ቡሬኔ፣ ሸርኪያ ሸርኪ ዔኤቢባኣ ጉሪ ባኣዚ ማሂ ሃሽኔ፤ ቃሮጉዲ ዬሩሳላሜ ዳሮ ዒዚ ዔኤዳኔ፤ ዒዚ ኮኩ ኮኩ ዔኤዲ ሃንጎሞቶ ጊንህ ዳንጋፓ ኬሴኔ።

35 ዬያሮ ጂዮኔ ካታሞ ዳራ፡-

«ኑና ሄሌ ካሮ ባይዛ ማታህ

ባብሎኔ ዓሶ ሄሎንጎ!» ጋዓንዳኔ፤

ዬሩሳላሜ ዳራኣ፡- «ኑኡኮ ሱጉፃ ሾኦቲ ጎይፆማ

ባብሎኔ ዓሶ ሱጉፃኣ ሾኦቶሞ!» ጋዓንዳኔ።

36 ዬያሮ ናንጊና ናንጋ ጎዳ ዬሩሳላሜ ዳሮሞ ሂዚ ጋዓኔ፡- «ታኣኒ ዒንህ ማኣዳንዳኔ፤ ባብሎኔ ዓሶ ታኣኒ ዒንህ ዛሎ ኮማንዳኔ፤ ባብሎኔ ዓጮይዳ ዓኣ ዓልቃ ዎኣፆንታ ዎታ ዎሮንታ ጉቤ ታኣኒ ሚጨሳንዳኔ።

37 ዬና ዓጮላ ሻሂንቴ ባኣዚ ኩሊንቴ ቤሲና ዉኡካ ኮኦሚ ሸራ ቤሲ ማዓንዳኔ፤ ዓሲ ዛጋኣና ዓሲኮ ዑሰካ ጌላያ ዒዛ ማዓንዳኔ፤ ዒኢካ ዓይጎ ዓሲያኣ ናንጋዓኬ፤ ዛጋ ዓሲኮ ቢያ ሚኢቹ ባኣዚ ማዓንዳኔ።

38 ባብሎኔ ዓሳ ቢያ ዘቢጉዲ ጉዳኔ፤ ሃጊ ዔቃ ናኣቶ ዘቢጉዲያኣ ሾርዳኔ።

39 ዔያቶኮ ሆላ ፃኣዳኣና ታኣኒ ዔያቶሞ ዑሺ ጊኢጊሺ፣ ዑሺ ዔያቶ ማህሳንዳኔ፤ ዬካፓ ዔያታ ጴጪያ ጴጪውዎ ጊንፆ ናንጊና ጋፒ ጊንዓንዳኔ።

40 ናንጊና ናንጋ ጎዳ ሂዚ ጋዓኔ፡- ዔያቶ ታኣኒ ማራናይጉዲ፤ ሃሃ ጊንህ ኮይላጉዲ ሹፒ ቤሲ ዔኪ ዳካንዳኔ፤ ዬያ ጌዔህ ታና፣ ናንጊና ናንጋ ጎዳኬ።»

41 ናንጊና ናንጋ ጎዳ ሂዚ ጋዓኔ፡- «ባብሎኔ ካታማ ዎይቲ ሞርኮና ዓዲንቴይ! ዬና ዓጮ ቢያሂኮ ሶቶርቆዜላ ዎይቲ ሞርኮ ኩጮ ጋሮ ጌሌይ! ባብሎኔይዳ ማሌ ዳሮ ዲቃህ ማዶ ዎይቲ ማዲንቴይ!

42 ባብሎኔኮ ሞርካ ጳጳሪን ባዘጉዱ ጮኦሽኪ ከሰኪ ካታሞ ባይዜኔ።

43 ዒዘይዳ ዓኣ ካታማ ዋኣሢ ባኣያ፤ ገንሣ ሃሣ ዓይጎ ዓሲያኣ ዒኢካ ናንጋኒና ዒኢና ሃንታኒ ዳንዳዑዋኣያ ዳውሌ ሳዓ ማዕኔ።

44 ባብሎኔ ዓሳ ያኦሲ ማሂ ካኣሽካ ቤሌይዳ ታኣኒ ፑርታ ማቶ ዓጋንዳኔ፤ ወኡቁንቲ ዔውቲ ማሆ ታኣኒ ዒዛ ኩጫፓ ገንሣ ማሂሳንዳኔ፤ ሃካፓ ሴካ ማሌ ዴራ ዒዛም ዘገረ ዒዛ ካኣሽካዓኬ።» «ባብሎኔ ካታሞኮ ዙሎ ዲርቆና ከኤሎ ዲፃ ደዔኔ፤

45 ታ ዴሬዮቲ! ዒኢፓ ጳሽኪ ፑኑዋቲ! ሚርጌና ዒጊቻ፣ ታኣኮ ዴኤፖ ዲጎፓ ዒንሣ ሽምፓሢ ጳሽኪ ዓይሱዋቲ!

46 ሉኡዚ ማዕ ሃይሶ ዋይዚ ዬያና ዲቃቲ ጎጶ ዒንሣኮ ዋኣዲሲፖቲ፤ ለዓ ለዓ ዬያጉዴ ሃይሴ ዋይዚንቲ ዓታዓኬ፤ ዓጩሎይዳ ፔቲ ካኣቲ ማሌ ካኣቶ ያላንዳያ ማሂ ከኤዚንታንዳ ሃይሴ ዓኣኔ።

47 ዬያር ታኣኒ ባብሎኔ ዓጮይዳ ዓኣ ማሌ ያኦዞ ሺኣሻንዳ ዎዴ ዬዓንዳኔ፤ ዓጩሎይዳ ቢያ ዳውሲንቲ ማዓንዳኔ፤ ዓሳ ቢያ ዒዘኮ ዒኢካ ሃይቃንዳኔ።

48 ዓጮኮ ከደ ዛሎፓ ባይዛኒ ሙካ ያሎ ዓሶ ኩጫ ባብሎኔ ጌሌሰካፓ ጫሪንጮና ሳያናይዳ ዓኣ ያሎ ዓሳ ቢያ ዒላሻንዳኔ።

49 ዓጮ ዴር ኩርሲሴዛ ባብሎኔ ማዕኔ፤ ሚርጌ ዒሰራዔኤሌ ዓሲ ዒዛ ኩርሲሴሢረ ባብሎኔ ሎኦማንዳያ ኮይሳኔ፤ ዬያ ጌዔሢ ታና፣ ናንጊና ናንጋ ጎዳኬ።»

ባብሎኔይዳ ዓኣ ዒሰራዔኤሌ ዓሶም ዳከንቲ ከኢታ

50 ናንጊና ናንጋ ጎዳ ባብሎኔይዳ ዓኣ ዴርም ሂዚ ጋዓኔ፡- «ዒንሣ ሃይባፓ ቶሌ ዴራ! ኔጉዋዎ ዳንዲዋቲ! ሃኬ ዓጮይዳ ዓኣዎ ታና፣ ናንጊና ናንጋ ጎዳ ማሊ ጰቂሡዋቲ! ዒንሣ ዒናይዳፓ ዬሩሳላሜ ባይዚፖቲ!

51 ኦ ጫሽከንቲሢር ኦ ቦርሲንቲኔ፤ ያኦሲኮ ጌኤዦ ማኣርይዳ ያኦሲም ዲማዴ ጌኤዦ ቤዞ ማሌ ዓጮ ዓሳ ጌሌሢር ቦርሲንቲ ኦ ቁኡሉምቤኔ።» ጎዑዋቲ።

52 ታኣኒ፣ ናንጊና ናንጋ ጎዳ ሂዚ ጋዓኔ። ባብሎኔይዳ ዓኣ ማሌ ያኦዞይዳ ፑርታ ባኣዚ ታኣኒ ዓጋንዳ ዎዴ፤ ገንሣ ሃሣ ዓጩሎይዳ ማቂ ከፃዴ ዓሳ ጎኦሽንቲሢረ ዑኡሲ ዋይዚሳንዳ ዎዴ ዬዓንዳኔ፤

53 ባብሎኔ ዎዚ ጫሪንቲ ከሰኬቲያ፣ ዴጌ ዋርዲያ ዒዛ ኮሼቲያ ታኣኒ ዒዛ ሻሂ ባይዛንዳያ ዳካንዳኔ፤ ዬያ ጌዔሢ ታና፣ ናንጊና ናንጋ ጎዳኬ።»

51:48 ዮሃ. ያፔሳ 18:20። 51:49 ዮሃ. ያፔሳ 18:24።

ባብሎኔይዳ ሄላንዳ ባአዚ ላሚ ኬኤዚንቴህ

54 ናንጊና ናንጋ ጎዳ ሂዚ ጋዓኔ፡- «ባብሎኔይዳ ዒላቲ ዑኡሲ፤
ባብሎኔ ዓሶ ዓጮይዳአ ጳኤፒ ባይሲንታ ኬዴያ
ዋይዚንታንዳ።።

55 ጳኤፒ ባዘኮ ዳቸንታ ዋአጾጉዳ ያልዚ ዓሲ
ዔያታ ዔሩዋንቴ ባብሎኔ ሙኪ
ሄርሺንቴ ዑኡሲ ዋይዚሲጋፓ ዔያቶ ያላንዳ፤
ዬያይዲ ታ ዔያቶ ባይዛንዳ፤ ዘቲ ታ ዒዞ ጌይሳንዳ።።

56 ባይዛንዳ ያልዚ ዓሲ ባብሎኔ ያላኒ ሙኬህረ
ያሎ ዓሳ ዒዘኮ ዲዒንቴ ዔውቴ፤
ዔያቶኮ ሂኢዣአ ማቄ፤

ታኦኒ ቢያ ዓሲም ማጳማጉዴያ ማሂ ጨጋ ያኦሲታህረ
ባብሎኔ ማጳ ጌኖጉዴያ ታ ዒዞም ማሃንዳ።።

57 ዒዘኮ ሱኡጎ፣ ዔሮ ዓሶ፣ ዋይህ ዓሶንታ ያሎ ዓሶ ዓይህ ዓሶዋ
ዑሺ ታኦኒ ማሂሳንዳ፤
ዬካፓ ዔያታ ገንዓንዳ፤ ናንጊና ዔያታ ያኦፓ ጳጮዓኬ፤
ዬያ ጌዔህ ታና፣ ካኦቲኬ፤ ታኦኮ ሱንፃ ቢያ ባኮ ዋይህ ጎዳኬ።።

58 ባብሎኔኮ ዳልጎ ኬኤሎ ዲፃ ደዒ ሳዓ ማዓንዳ፤
ጳጊዲ ኮሸና ካታዋ ጌሎ ካራ ታሚና ሚቸንታንዳ።።
ዴራ ላባ ላቢፃ ጉሪ ማዓንዳ፤
ዴራ ላቤ ባካ ቢያ ታሚና ሙይንታንዳ።።
ዬያ ጌዔህ ታና፣ ቢያ ባኮ ዋይህ ጎዳኬ።።

ዔርሚያስ ባብሎኔ ዳኬ ኪኢቶ

59 ማዕሴያኮ ናአዚ ናዖ ማዔህ፣ ሴራያ ካኦቲ ሴዴቂያሴም
ጉሙርቂንቴ ማዶ ማዶ ዓሲኬ፤ ሴራያ ኔሪያ ናይኬ፤ ሴዴቂያሴ
ዪሁዳይዳ ካኦታዳንቴ ያይዳሳ ሌያና ሴራያ ዒዛና ዋላ ባብሎኔ
ዴንዴ፤ ታኦኒ፣ ዔርሚያስ ዒማና ሴራያም ኪኢቲ ባአዚ ዓኦ፤

60 ባብሎኔይዳ ሄላንዳ ባይሲንቶ፤ ገንህ ሃህ ባብሎኔ ካታዋ
ዘሎ ኬኤዚንቴ ባኮ ታኦኒ ማፃኦፔይዳ ፃኦፔ፤

61 ዬካፓ ታኦኒ ሴራያም፡- «ዴንዲ ባብሎኔ ሄላየ ሃኖ ማፃኦፔይዳ
ፃኦፔንቴ ባኮ ቢያ ዑኡዞ ኔኤኮ ጳጊዲ ዴሮም ናባቤ፤

62 ገንህ ሃህ ናንጊና ናንጋ ጎዳህዮ! ኔኤኒ ሃኖ ቤዜሎ
ባይዛንዳህ ኬኤዜ፤ ዬያሮ ሃይካ ሸምፔና ዓጊፃ ሃንታ ባአዚ
ናንገንዳዋሴ፤ ዓሲንታ ቆልሞንታ ሃይፓ ባይቃንዳህረ ሃይ ቤዛ ዓሲ
ናንጉዋ ዳውሌ ማዔ ዓታንዳ፤ ጌዔ።።

63 ሴራያ! ማፃኦፔሎ ናባቢ ጋፔሴሰካፓ ሹቸና ዋላ ዓይህ ማሪ
ቱኪ ዔፕራዒሴ ዋሮይዳ ኬኤሬ።።

64 ዒማና ሃሣ፡- <ዒዞይዳ ናንጊና ናንጋ ጎዳ ዔኪ ሙካንዳ ባይሲንቶና ባብሎኔ ሃይማ ጎይፆ ዔኤዲንቲ ሎኦሚ ዓታንዳኔ፤ ጊንሣ ዩካፓ ቶሊ ዔቃኒ ዳንዳዒንዲዋኣሴ> ጌዔ።» ጌይ ኬኤዜኔ።

ዔርሚያሴ ኬኤዜ ባካ ያዲና ጋፔኔ።

52

ዩሩሳላሜ ካታሞኮ ሎኦሚፆ
(2ካአቶ. ማ 24:18-20፤ 25:1-7)

1 ሴዴቂያሴ ዩሁዳይዳ ካኣታዳኣና ሌዓ ዒዞኮ ላማታሚ ፔቴኬ፤ ዒዞ ዩሩሳላሜይዳ ዴዒ ታጾ ፔቴ ሌዔ ዩሁዳ ዋይሣኔ፤ ዒዞኮ ዒንድ ሱንፃ ሃሙፃኣሎ ጌይንታኔ፤ ዒዞ ሊቢና ካታማ ሸይንቴያ ዔርሚያሴ ጎፆሰኬያ ናይኬ።

2 ዩያኮ ቤርታ ካኣቲ ዒዮዓቄሜ ማዴ ጎይፆ ሴዴቂያሴያኣ ናንጊናን ናንጋ ጎዳ ናሽኩዋ ፑርታ ባኣዚ ማዴኔ።

3 ዩያር ናንጊና ናንጋ ጎዳ ዩሩሳላሜና ዩሁዳ ካታሞ ዴርናይዳ ዲጋዲ ፔ ቤርታፓ ዔያቶ ሸኢሼኔ።

ዒማና ሴዴቂያሴ ባብሎኔ ካኣቲ ናብካዳናፆኦሬም ዋይዞ ዒዴኔ፤

4 ሴዴቂያሴ ካኣታዴንቴ ታዞጳሳ ሌፆይዳ ታጳሳ ዓጊኖኮ ታጳሳ ኬሎና ባብሎኔ ካኣቲ ናብካዳናፆኦሬ ፔኤኮ ፆሎ ዓሶ ዔኪ ዩዒ ዩሩሳላሜ ፆላኒ ማንጌኔ፤ ዒማና ፆሎ ዓሳ ካታሜሎኮ ዙሎ ማንጊ ዴዔኔ፤ ካታሜሎኮ ኬኤሎ ዲፆዋ ካናሲ ዓጨ ኩሌኔ።

5 ሴዴቂያሴኮ ካኣቱማ ዴንዲ ታጾ ፔታሳ ሌፆ ሄላንዳኣና ዔያታ ካታሜሎ ማንጊ ዴዔኔ።

6 ዩኖ ሌፆይዳ ፆይዳሳ ዓጊኖኮ ታዞጳሳ ኬሎና ዴራ ሙዓንዳ ባኣዚ ባይዜሣር ፑኡፒ ናይዚ ኬሰኬኔ።

7 ዒማና ዩይ ማንጊ ዓኣ ፆሎ ዓሳ ካታሜሎኮ ኬኤሎ ዲፆ ሻሄኔ፤ ዩይ ዓሳ ማንጊ ዓኣንቴ ዩሁዳ ካታሞ ፆሎ ዓሳ ዲማ ቶሊ ዴንዴኔ፤ ዔያታ ካኣቲኮ ዲማ ዲማ ሚፆ ቱኮ ጎዙ ባንሣ ዔኪ ዴንዳ ጎይፆሲና ጌይ ካታሞኮ ላምፆ ኬኤሎ ዲፃ ዋላ ካኣማ ካርይዳ ዓኣ ካታሞ ጌሎ ካርና ኬሰኪ ዮርዳኖሴ ዶኦጮ ባንሣ ዴንዴኔ፤

8 ጋዓንቴ ባብሎኔ ዓጮ ፆሎ ዓሳ ሴዴቂያሴኮ ጊንፆ ዳውሲ ዴንዲ ዒያርኮ ኮይሎይዳ ዓኣ ቦኦላ ዓርቄም ዒዞኮ ፆሎ ዓሳ ዒዞ ሃሺ ፔ ካራና ካራና ጳሽኬኔ።

9 ይካገሉ ሴቆቻችን ናብካዳናዎኦሪ ኮይላ ዔውቲ ዴንዴይ፤ ዒማና ናብካዳናዎኦሪ ሃማቲ ዒጮይዳ ሪቢላ ጌይንታ ካታማይዳኬ፤ ሴቆቻችን ዳቢንቲ ዓሲ ማዒያ ናብካዳናዎኦሪ ዒኢካ ጌሰቲ ዋጌ።

10 ዒኢካ ሪቢላይዳ ሴቆቻችን ዛጋንቲ ዓቲንቆ ናኣቶ ዒዛኮ ናብካዳናዎኦሪ ቲቂ ዎዲ፥ ዪሁዳ ካታሞ ሱኡጎዎ ቃሲ ዎዲ።

11 ሴቆቻችን ከዎ ዓኣፍ ዎቂ ኬሲ፥ ዓንጊ ዲጃና ቶኮ ቱካዎ ባብሎኔ ዔኪ ዴንዴይ፤ ሴቆቻችን ሃይቃንዳያ ሄለንዳኣና ዒኢካ ቱኡሲ ማርካ ቱኪ ጌሄ።

ጌኤዠ ማኣርኮ ሻሂንቶ
(2ካኣቶ. ማ 25:8-17)

12 ናብካዳናዎኦሪ ባብሎኔይዳ ካኣታዴንቲ ታጳ ታዘጳጳ ሌዖይዳ ደንጋሳ ዓጊኖኮ ታጳሳ ኬሎና ካኣቲ ካገ ፖኦሊሶ ሱኡጋሂ፥ ናቡዛርዳኣኔ ዩሩሳላሜ ካታሞ ሙኪ ጌሌ።

13 ዒዚ ዒማና ጌኤዠ ማኣርኮንታ ካኣቱሞ ማኣርኮንታ ዩሩሳላሜይዳ ናንጋ ዴኤፍ ዴኤፍ ዓሶኮዎ ማኣር፤ ዬያጉዲ ሹጮና ኬልቂ ማዠና ዴኤፍ ዴኤፍ ማኣርዎ ታሚና ሚቹ።

14 ዬይ፥ ካኣቲ ካገ፥ ናቡዛርዳኣኔ ዓይህሞ ዖላ ዓሳ ዩሩሳላሜ ካታሞኮ ኬኤሎ ዲያ ሻሂ ደይሴ።

15 ዒዚ ዬይ ናቡዛርዳኣኔ ፔቲ ፔቲ ማንቆ ዓሲ፥ ዒኢካ ካታሞይዳ ቤርታ ዓቲ ዓኣ ዓሲ፥ ሜሌ ዓጮጋ ዒዲ ዒኢካ ሙኪ ጌሌ ዓሲንታ ሃኣሚ ማዒ ዒኢካ ማዶ ማዶ ዓሶዎ ቢያ ዲዒ ዔኪ ዴንዴይ።

16 ጋዓንቲ ፔቶ ኩፒ ማዔ ዓሶ ዎይኔ ቱካንዳጉዲና ጎሺያኣ ጎሺካንዳጉዲ ዪሁዳይዳ ሃሺ ዴንዴይ።

17 ዒማና ባብሎኔ ዓጮ ዓሳ፡- ጌኤዠ ማኣርይዳ ሞኦኖ ዓንጎና ኮሺንቲ ቱርቱርንታ ሂዖዛ ቶካ ሺሪ ሺሪ ዓጊያ ሜሆ ጌሃ ባኮንታ ሞኦኖ ዓንጎና ኮሺንቲ ዎኣዎ ኩንሂ ጌሃ ጎንጎዎ ሜንሂ ዲማሲ ዲማሲ ዬያ ሞኦኖ ዓንጎ ቢያ ባብሎኔ ዔኪ ዴንዴይ።

18 ቲኢሎ ዖቶንታ ዖኦሲሞ ዒንጎ ባኮ ጎኦዒ ፒዒ ጌኤሾ ዳልጎ ባላሾጉይ ባኮንታ ታሞ ካኣሾሂንታ ዲቢንያ ዓርሂ ጌሃሂንታ ዔቲ ማዔ ዓንጎ ሳኣናንታ ዲዎ ሙርሶንታ ሞኦኖ ዓንጎና ኮሺንቲ ጌኤዠ ማኣርይዳ ማዶ ማዲንቶ ዖኦሲሞ ዲማዴ ሜሌ ሜሆዎ ቢያ ዔኪ ዴንዴይ።

19 ካኣቲ ካገ ፖኦሊሶ ሱኡጋሂ፥ ናቡዛርዳኣኔ ዔቲ ማዔ ዓንጎ ሳኣና፥ ዑንጅ ጩቢሾ ባካ፥ ሺልዓ፥ ቲኢሎ ዖታ፥ ፖያ ጌሃ ሻርና፥ ዲዎ

ሙርሳ፡ ያኦሲም ዑዠ ዒንጎ ባካ፡ ዋርቆናኣ ቢሮ ዓንጎና ኮሺንቴ ባኮ ቢያ ዔኪ ዴንዴ።

20 ዬያጉዲ ላምዎ ቱርቱሪ፡ ዋኣዎ ዓርሢ ዴይሢ ጌሦ ፔቲ ዴኤፒ ጎንጊ፡ ዴኤፖ ጎንጎ ዴይሢ ጌማይ ማሊሲ ሞኦኖ ዓንጎና ኮሾና ታጾ ላምዎ ባኮንታ ካኣቲ ሴሎሞኔ ያኦሲኮ ጌኤዠ ማኣሮም ኮሺሴ ሺራ ቶኪ ዓኣ ፒዝ ጌይ ዔቃ ዓንጎንታ ቢያ ዔኪ ዴንዴ። ዬይ ባካ ቢያ ማዠንቴ ሞኦኖ ዓንጎ ኮሺ ዴኤሢ ማዔሢሮ ዴኤሡሞ ዛጊ ዔራኒ ዳንዳዒንቴባኣሴ።

21 ላምዎ ቱርቱራ ዋሊ ማላያ ማዓዛ ፔቲ ፔቲሢኮ ዴጉማ ታጾ ሳሊ ዋዳ፡ ሺሪ ዋላ ካኣማ ዳልጉማ ታጾ ላምዎ ዋዳኬ፤ ዬያ ቱርቱሮኮ ጋራ ጉሪ ዒቲንሢጉዴያኬ፤ ደዲማ ኬኤላ ዋዳ ዖይዶ ማዓያኬ።

22 ፔቲ ፔቲ ቱርቱሮኮ ሙሰኩላ ሞኦና ዓንጊና ኮሺንቴያ ማዓዖ ደንጎ ዋዳ ሌካ ዴጋያኬ፤ ዬያ ሮኦጩጉዴ ባኣዚና፡ ሃሃ ሮኦማኣኔ ሚያ ዓኣፖ ማላ ባኣዚናኣ ሚዛጲሲ ኮሾናያኬ።

23 ሮኦማኣኔ ዓኣፖ ማሊሲ ኮሾና ባካ ጎኦቦ ዛሊና ዛጎዛ ታዙጲታሚ ላሃሢ ጴጴዳያኬ፤ ዋሊ ዑፃ ጉቤ ዒኢካ ኮሺንቴ ዓኣ ሮኦማኣኔ ዓኣፖ ማላ ባካ ፔቲ ዩኤታኬ።

**ዪሁዳ ዴራ ባብሎኔ ዔውቲ ዴንዴሢ
(2ካኣቶ. ማ 25:18-21፤27-30)**

24 ካኣቲ ካፓ ፖኦሊሶ ሱኡጋሢ፡ ናቡዛርዳኣኔ ዬያ ባኮ ቢያሢና ዋላ ቁኤሶ ቢያኮ ሱኡጋሢ ሴራያንታ ሴራያኮ ዴሚ ማዒ ቢታንቶና ማዳ ቁኤሳሢ ሶፖኒያሴንታ ሜሌ ጌኤዠ ማኣሮ ካፓ ሃይሦ ዓሲያኣ ቱኪ ዔኪ ዴንዴ።

25 ዬኖ ካታሞይዳ ማዳ ፖኦሊሶ ሱኡጌሰኬያንታ ዒማ ኬሎ ሄላንዳኣና ካኣቲ ዘራያ ማዒ ማዳያታዖ ዒኢካ ካታማ ዓኣ ላንካይ ዓሲሰኬንሢጉታ ዖልዚ ባኣዚ ዛላ ፃኣፖ ባኣዚ ፃኣፓያ፡ ዖሎ ዓሶ ሱኡጋሢኮ ዴሚ ማዒ ማዳሰኬያንታ ሜሌ ዴኤፒ ዴኤፒ ላሂታሚ ዓሲ ዓርቂ ዔኪ ዒዚ ዴንዴ፤

26 ናቡዛርዳኣኔ ዬያ ዓሶ ቢያ ሃማቲ ዓጩይዳ ሪቢላ ጌይንታ ካታማ ዓኣ ባብሎኔ ካኣቲ ኮይላ ዔኪ ዴንዴ፤

27 ካኣቲ ዔያቶ ዒኢካ ጳርቂሲ ካራ ባይዚ ዎዴ።

ዪሁዳ ካታሞ ዴራ ዬያይዲ ፔ ዓጩፓ ዲዒንቴ ዔውቲ ዴንዴ፤

28 ናብካዳናዖኦሪ ዲዒ ዔኬ ዓሶኮ ሚርጉማ ሃካፓ ሊካ ኬኤዚንታ ጎይዖኬ፡- ዒዚ ካኣታዴዖ ላንካሳ ሌዖና ዲዒ ዔኬ ዓሳ ሃይሦ ሺያና ላማታሚ ሃይሦ ዓሲ ዪሁዳይዳፓ፡

29 ዒዚ ካኣታዴዖ ታጾ ሳላሳ ሌዖና ሳሊ ዩኤታና ሃይሢታሚ ላምዎ ዓሲ ዬሩሳላሜፓ፡

30 ዬያጉዲ ሃሣ ዒዚ ካአታዳንቲ ለማታሚ ሃይሣሳ ሌዖና ለንካይ ጭታና ያይዲታሚ ደንጎ ዓሲ ናቡዛርዳኣኔ ዪሁዲይዳፓ ዲዒ ዔኪ ዴንዴኔ፤ ዬያር ዋሊ ዑፃ ዲዒንቲ ዔውቲ ዓሶኮ ፓይዳ ያይደ ሺያና ላሆ ጭታናኩ።

31 ዪሁዳ ካአቲ፣ ዒኮኒያኔ ዲዒንቲ ዔውቲ ዴንዴንቲ ሃይሣታሚ ለንካሳ ሌዖኮ ታጶ ለምዓሳ ዓገኖና ዬኖ ዓገኖኮ ለማታሚ ደንጋሳ ኬሎና ባብሎኔይዳ ካአታዳ ካአቲ ዔዌልሚርዳኣኬ ጌይንታሢ ዒ ካካአታዳ ሌዖና ዬያ ዒኮኒያኔ ቱኡዛፓ ቡሌኔ።

32 ዔዌልሚርዳኣኬ ዒኮኒያኔና ዋላ ኮሺ ዑኡሲና ጌሰቴኔ፤ ዒኮኒያኔጉዲ ዲዒንቲ ሙኪ ባብሎኔይዳ ዓኣ ካአቶፓ ቢያ ባሼ ዒዛ ዒ ሶንቹኔ።

33 ዬያር ዒኮኒያኔ ቱኡዛ ማኣራ ዓኣዖ ማይንታ ማኣዓሢ ሃሺሲ ማሌ ማይሲ፣ ዒዚ ዴንዲ ሃይቃንዳያ ሄላንዳኣና ካአቲ ሙዒ ሙዖ ዋላ ሙዓንዳጉዲ ጌይንቲኔ።

34 ዒዚ ናንጌ ሌዖ ቢያይዳ ኬላ ኬላ ዒዛም ኮይሳ ሙዎ ባኣዚ ሻንቆንዶ ሚኢሹ ዒኮኒያኔም ዒንገንታኔ።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929